

Piem. H. III. 19

VOX CLAMANTIS
IN DESERTO,

Sive

ANNUA SPIRITUALIA
EXERCITIA
OCTIDUANA,

Studiosam præparationem pro ad-
venturo tremendo Judicio suadentia,

In usum

*Omniū Religiosorum, præcipuè sub ve-
xillis gloriosi Patriarchæ Benedicti militan-
tium accommodata, &c.*

Conscripta

â

R. P. ÆMILIANO NAISL,

Monacho Ordinis ejusdem S. P. Benedicti,
Professo Exempti Monasterii Weichenstephanensis,
prope Frisingam.



RATISPONÆ,

Sumptibus JOH. ZACHARIÆ SEIDELI,

Anno 1722.

Ing
~~Sista de Jane Libellon~~
~~V. Agustino E.C.M.C. ad~~
~~Am. Novitio. V. Gabriel E.C.~~
M.C. V. Lu... 1791

REVERENDISSIMO, PERIL-
LUSTRI AC AMPLISSIMO
DOMINO DOMINO
ILDEPHONSO,
CELEBERRIMI & EXEMPTI
MONASTERII WEICHENSTEPHA-
NENSIS ABBATI VIGILAN-
TISSIMO,
CONGREGATIONIS BENE-
DICTINO-BAVARICÆ PRÆ-
SIDI GENERALI,
TAM ARCHIEPISCOPALIS
UNIVERSITATIS SALISBURGEN-
SIS, QUAM EPISCOPALIS LYCEI
FRISINGENSIS ASSISTENTI
MERITISSIMO.

DOMINO AC PATRI MEO PLU-
RIMUM GRATIOSO, ET OBSER-
VANDISSIMO, &c. &c.

Ad Hanc *Transmissa* *Commissa*
Indivisa *Quantis* *Reve-*
X 2

DEDICATIO.



*Reverendissime, Perillustris,
ac Amplissime*

DOMINE, DOMINE
PRÆSUL & PRÆSES
GENERALIS.

*Domine ac Pater Plurimum Gratiose
& Observandissime, &c. &c.*

Dis ac Parentibus omnia debemus:
Præsertim verò Parentibus, quos
non natura, sed ipse Spiritus San-
ctus nobis providit; horum nam-
que vigilanci curâ Spiritu vivimus, sine quo
caro

DEDICATIO.

caro nec prodest quidquam. Non carne aut sanguine, sed ipsâ institutione divinâ perdoce-
mur, omnem esse deferendum honorem,
omnem offerendam observantiam, omnem
referendam gratitudinem iis, quos locò Dei
veneramur. Quamobrem, ne ingratis (qui-
bus nulla bellua in terra deterior) & debitæ
observantiæ oblitis annumerer, in aliqualem
saltem gratitudinis tesseram, & submissæ vene-
rationis tributum, hæc quantumvis exiguas
pagellas ad Tuos venerandos pedes depono
demississimè, Tuis dignissimis manibus, dedi-
co submississimè, Tuis plurimùm gratiosis
oculis consecro devotissimè, Domine Pluri-
mùm gratiose, & Pater observandissime &c.
&c. aut potius ceu alter inops Æschines me
ipsum ad Tuos pedes quàm humillimè pro-
sterno, & *quia nihil dignum Te, quod dare pos-
sum, habeo, itaque dono Tibi in isthac opella,
quod unicum habeo, me ipsum & cor meum.* *
Quid enim præter me ipsum Tibi offeram in
ista ascetica elucubratiuncula, cui titulus, *vox
clamantis in deserto*? Si enim hæc vox vox
mea est? tunc vox corvi est, vox inamœna,
vox insuavis, Tuis auribus prorsus indigna. Si

(3

vox

* Laertius in vitis Philosoph.

DEDICATIO.

vox ista è deserto cordis mei editur? tunc plañe progignitur à terra deserta, in via, in aquosa, & non nisi vepribus ac tribulis fœcundâ. Sin porrò è terra aliena allabitur? tunc mihi haud competit ulla de illa disponendi facultas. Verû enim verò subditi filii est, se plenè subdere sui Patris iudicio. Tuum est, Reverendissime Pater, discernere causam meam, discernere, an vox ista vox filii Tui sit, nec ne? Tuum est, discernere, an vox ista prodeat è deserto, cui Tua gratiosa dignata est benedicere manus; si enim tua amplissimâ benedictione fœcundata hæc vox in lucem publicam spargitur, tempore suo suis haud carebit fructibus lucis, quos unicè tuus indignus præopto filius, à captandis humanis laudibus vel ex eo quoque alienus, ne degenerem à Reverendissimo Patre meo, cui humanas laudes venerari insolitum, audire durum, ob sua amplissima merita pari quotidianum. Neque ego tibi congratulor, Reverendissime Pater, quòd tot præconiis exalteris per ora mortalium! quid enim humana laude fallacius? Quid enim est laudator per anagramma nisi adulator? ô quot laudis præcones, præsertim nostrâ fallaci ætate, sola spes acquirendi parturit? etiam tunc Cicero-
nes

DEDICATIO.

nes pro domo sua, quando alios Tullianâ suadâ commendant.

Non itaque laudum encomia, sed æqua prudentum judicia sunt solida argumenta magnorum meritorum. In hoc proinde, quâ par est, devota humilitate Tibi aggratulor, quòd â primis illicò religiosæ vitæ tuæ incunabulis hucusq; nunquâ non fueris permagni habitus in omnium prudentum judiciis. Tanti quippe Te fecit tui Reverendissimi antecessoris beatæ memoriæ vulgata prudentia, ut necdum Sacerdotio initiatum, vix è Palæstra Sacræ Themidis Ingolstadio ad Religiosos nostros lares reversum, Te propediem instituerit Professore ad diffundenda in nostros Religiosos Fratres tum fluenta Sacræ Theologiæ, tum Sacrorum Canonum unâ simul. Tantus nec minùs mox fuisti in iudicio totius Venerabilis Weichenstephanensis Conventûs, ut, postliminò Abbatiâ per mortem Tui Reverendissimi Antecessoris vacante, Te quamvis inter Sacerdotes Professione juniorem ac ultimum, inscripserit nihilominus præ omnibus maiorem, præ omnibus primum, Abbatiali Clavo præ omnibus dignissimum.

DEDICATIO.

Tantam de Te æstimationem nunquam non habuit ac aluit universa Exempta nostra Congregatio Benedictino-Bavarica, ut jam à primis Tuæ Abbatialis dignitatis annis Te statim ad publicas vocaverit provincias; modò quidem ad provinciam meritissimi Visitatoris, modò iteratò ad provinciam Præsidis Generalis. Et quis sensus de Te Episcopali Frisingensi lyceo? nempe ad tantum florem se consurrecturum nunquam sperasset, nisi te in perpetuum Assistentem cooptasset. Sed neque Archiepiscopalis Salisburgensis Universitas tuam pariter assistentiam sibi expetivisset, nisi Te judicasset talem musarum Apollinem, sub cuius protectionis umbra amplissimam tum studiorum, tum virtutum ac fructuum messem sibi promittere possent; ut reticeam complura etiam dissitorum de Te magnæ æstimationis judicia, quæ Ilias capere nequit. Laudes humanæ sæpe fallunt; at quis credat, tot ac tantorum de Te concepta judicia falli aut fallere posse? In comperto mihi equidem est, ipso peccato & Tuis laudibus Tibi nihil invisum magis. Verùm æstimare suum, & quidem tantum Patrem, Filio non solum omnia jura indulgent, sed & identidem imperant; siquidem

DEDICATIO.

dem absque hac filialis confidentia haud consistere valet. Cum porrò tanta apud tantos de Te vivat æstimatio, quid huic ampliùs addi potest? Addam tamen, & quidem, quod tibi peracceptum fore confido. Addam portam perennis memoriæ, ponam isthanc portam ante ingressum in desertum annuæ recollectinis, ita, ut nemo ingrediatur, hoc libello usus, in desertum annuæ solitudinis, nisi memor sit Tui in sua solitudine, in suis spiritualibus exercitiis, in suis devotionibus. Veniâ proinjam Tuâ, liceat mihi, hisce paucis benevolum affari lectorem: Tu quisquis spiritualibus exercitiis animum addicturus, hîc, hocque libello comite ingrederis, inspicere illicò in fronte fulgentissimum nomen Reverendissimi Domini, Domini ILDEPHONSI Abbatis, hujus memor esto mecum in tuis sacris exercitiis, pro hujus longæva semperque integra sospitate suspiriorum ad cœlum evibrato missilia, ut per viscera Divinæ pietatis in Nestoream ætatem secundum cōmunia omnium nostrum vota conservetur incolumis, ut nunquam non repleatur Divinis benedictionibus atque omnibus prosperitatibus, donec tandem post seras aristas cum exultatione & læ-

DEDICATIO.

titia sempiterna metat plenam mercedem laborum ac meritorum suorum. Ita filiali affectu vover

*Reverendissimæ, Perillustris ac
Amplissimæ Dominationis
Tuæ &c.*

Indignissimus & obsequentissimus
in Christo filius

P. ÆMILIANUS NAISL,
p. t. Subprior in Weltenburg.

AP-

APPROBATIO ET LICENTIA.

NOs Ildephonſus, D. G. Exempti Monasterii Weichenſtephanenſis propè Friſingam Abbas &c. noſtro, & Congregationis Benedictino-Bavaricæ Nomine hiſce Licentiam facimus, ut Liber Exercitiorum Octiduanorum, Vox Clamantis in deſerto &c. inſcriptus, atque à Conventuali noſtro R. P. Æmiliano Naisl compilatus, in omnium Sacræ illi Recolleſtioni impenſiùs vacare volentium ſingularem utilitatem typis evulgarì poſſit. In cujus rei fidem præſentes manu propria, noſtroque ſigillo munivimus. Weichenſtephanii die 10. Junii 1721.

ILDEPHONSUS, Abbas
Weichenſtephanenſis, p. t. præſatæ Congregationis Præſes Generalis.

PRÆ-



PRÆFATIO

AD

BENEVOLUM LECTOREM.

NE mireris, optime Lector, novum iterum exercitiorum Libellum tuis oculis submitti; Impleri quippe so-
 Eccle. 12. let illud divinum oraculum: Faciendi
 v. 12. plures libros nullus est finis. Indies ex
 variis scientiarum disciplinis multifa-
 rii producuntur libri: quidni & ex
 ascesi, qua omnium disciplinarum est
 facile princeps? Complures ex variis
 Facultatibus quotannis in lucem pro-
 deunt Theses ad acuenda discipulorum
 ingenia; quidni & ascesis suas Theses
 proponat, ad acuendum ac renovandum
 Spiritum, sine quo viventes mortui no-
 minamur & sumus? En theses ex ascesi
 tibi optimo corde offero! tuum jam erit,
 easdem egregiè defendere; non quidem
 altè

PRÆFATIO.

altè clamando , aut acriter disputando , sed in annua solitudine cum silentio assumendo , aure cordis audiendo , ruminando , præticando ; non conscientia casus proponendo , sed ita te impendendo , ut omnem casum devitare scias . In scholis quandoque de terminis & de nomine vocum disceptatur : En vocem defendendam & ego tibi propono ! vocem clamantis in deserto tua annua recollectionis ; quid enim à me , tanquam ab olla vacua , nisi inanem vocem expectes ? Verùm nec tamen vox ista erit inanis , dummodo tua accesserit praxis . Oppugnabunt has Theses mundus , Damon & caro , adversarii sanè astuti , fallaces , mendaces : ast mactè animo , ne timeas , generosè negato , & vicisti : omnia namque ipsorum argumenta probatione destituuntur , nullo fundamento nituntur . In forma tamen sic respondebis : Diabolo ac mundo te semper pro semper totum negabis , carni autem ita distingues , ut necessaria eidem quidem concedantur , non necessaria verò semper negentur .

Deo

PRÆFATIO.

Deo autem per plenam resignationem & tui ipsius abnegationem te semper totum concedes, etiam tunc, quando per mentis ariditates & desolationes tibi adversari videtur. Nec fastidio afficiaris, tametsi propositiones, seu meditationes subinde prolixiores occurrant; nullatenus enim hic præscribitur, ut omnia de verbo ad verbum assumantur, sed ille optimè defendit, qui fructum plurimum haurit: equi quippe boniꝫ, consultum mihi habeo, potius peccare nimia liberalitate, quam parcitate, ita nempe incedo, & ut etiam ingenia debilia sequi non nequeant, & semper inveniant; quo citra specialem defatigationem se nutriant, ut omnes referant plausum; non quidem in tubis & tympanis, quemadmodum post solemniore Theses scholasticas mos ferre consuevit, sed in illo magno universalis disceptationis theatro, ubi unicuique, contra adversarios nostros diabolum, mundum & carnem generosè constanterq; defendenti laus erit à Deo, quem Sanctum optatumq; plausum cum primè Sanctus Pater Benedictus intendit,
dum

PRÆFATIO.

dum paternè pramonuit, ut omnis præcipuè hujus via vir, & sui ordinis Monachus reum se omni hora de peccatis suis existimans, jam se tremendo judicio Dei præsentari æstimet, redditurus rationem, de Servitio Sancto, quod profitetur. Verùm, quia paucorum est ista virtus, paucorum incessanti memoriâ providere novissima, atque futurum, quasi jam præsens intueri judicium, saltem in hoc praebeamus consensum, ut ad reparandam mentium puritatem quotannis assumamus tempus octo dierum, quibus soli in superni inspectoris oculis constituti, per annua exercitia non tantùm iniquitates & injustitias, sed omnes ac singulas etiam nostras justitias revocemus ad trutinam, trutinaturi & dijudicaturi ad amussim legum ac Regula, ne secus quondam, & forsan post paucillum dierum judicandi condemnemur à justo Judice, qui, cùm acceperit tempus, etiam justitias judicabit. Præveniamus proin justum Judicem, & præoccupemus faciem ejus, per religiosa exercitia renovando faciem animarum nostrarum.

S. Regula
cap. 7.

S. Regula
cap. 49.

Psal. 74.
v. 3.

PRÆFATIO.

*strarum, præmeditando, quid & quem-
admodum responsuri simus de singulis
actibus nostris, dum subito, horâque,
quâ fortè non putamus, citandi sumus
ad thronum ultionis, ante faciem pa-
vendi Judicis. Ad tractandum hoc
prægrandis momenti negotium facem
præbebit præsens exercitiorum libellus,
quo ut tantò fructuosius utaris, bre-
vem introductionem accipe
& vale.*



IN-



INTRODUCTIO AD SACRA EXERCITIA Seu OBSERVANDA HOC LIBELLO USURIS.

I.



Acram Solitudinem ingres-
surus, intueri tempus exer-
citorum, tanquam tempus,
magnâ Divina institutionis
salubritate provisum, quo

S. Leo
Serm. 4. de
quadrag.
S. Regulæ
cap. 49.

*omnes pariter negligentias aliorum temporum
his diebus Sanctis diluere*, domui tuæ dis-
ponere, deque villicatione tua ad reddend-
dam Deo rationem te expedire satagas.
Cogita Sanctissimos viros Benedictos, Ro-
mualdos, Guilielmus, Bernardos, Phi-
lippos, Benitios & alios sexcentos, in so-
litudine fuisse mirè illuminatos. Recogi-
ta, Sacrorum exercitorum usum à magistris
spiritualibus tot præconiis commendari,

A

à sum-

Tract. de
Secessu §. 1.
die 31. Ju-
lii.

2. Corinth.
6. v. 2.
Isaïæ 49.
v. 8.

â summis Pontificibus plenariis indulgentiis honorari, tot miris conversionibus â Deo comprobari, ab ipsis cœlitibus, cœlitumque Regina nonnunquam etiam per visibiles apparitiones consuaderi, quemadmodum videre est apud Petrem Plennequin, Leonardum Mayr, & alios auctores de hac re tractantes. In pondere sanctuarii expende illud divinum colloquium : *Ecce nunc tempus acceptabile, ecce nunc dies salutis.* Ecce dies ! forsan totâ tuâ vita tibi non ampliùs indulgenda : Ecce tempus, de quo haud immeritò intelligendum venit illud Sacri vatis effatum : *In tempore placito exaudivi te, & in die salutis auxiliatus sum tibi.* Fortassis totâ vitâ tuâ nunquam ampliùs tam largum Divinæ gratiæ auxilium tibi mittetur ab alto, forsitan tanta illustratio â Patre luminum tibi nunquam ampliùs offeretur, fortasse tam benevolæ omnipotentis aures tibi nunquam ampliùs patebunt, forsan ab his ipsis Sacris exercitiis dependet tua salus ac tota æternitas.

Forsitan dico, & dum hoc ipsum toties repeto, aliud forsitan huic prorsus contrarium opponi, mihiq̃ue objici opinor ; nempe forsan sum adhuc per multos annos victurus, forsitan alio tempore optabiliorem occasionem, meliorem animi dispositionem habiturus, verùm ô quàm latum intercedit

tercedit discrimen inter ista *forſitan*: nam
forſitan tuum prægrandi exponit periculo;
forſitan porro meum ponit in tuto, more-
 que prudentum discrimini tutiora præponit.
 Illud ſuadet Diabolus, illuſor vaſerrimus,
 iſtud Chriſtus Magiſter optimus; ſemper
 equidem; præcipue tamen tempore tam ac-
 cepto horum exercitiorum, tibi acclamans
 voce clamantis: *Et vos eſtote parati, quia,*
quâ nescitis horâ filius hominis venturus eſt. Matth. 24.
 v. 44.

Nunquam nocuit prævenſiſſe, ſerò autem
 veniſſe fatuas virgines excluſit à nuptiis,
 ſummo periculo, immo æternæ maledi-
 ctioni injecit ſicum caruiſſe ficubus, quan-
 quam tunc necdum erat tempus ficorum. Marc. II.
 Væ ergo mihi & tibi, ſi ipſo tempore ac-
 cepto, ipſis diebus ſalutis, in ipſis diebus
 ſacrorum exercitiorum permanemus ligna
 arida? *In arido quid fiet. Ergo dum tem-* Lucæ 23.
pus habemus, operemur bonum. v. 31.
 ad Galat. 6.
 v. 10.

II.

Ad præſentia, & quidem ad omnia ac
 ſingula, iſtis præcipue diebus exercitia te
 applices, veluti morti vicinus, & jamjam
 exiturus de carnis ergaſtulo. *Agonizare*
pro anima tua, & uſque ad mortem certa Eccl. 4. v.
pro juſtitia. Lava in te, quod eſt ſordi- 33.
 dum, ſana, quod eſt ſaucium, flecte
 omne, quod eſt devium, riga, quod
 eſt aridum, fove omne, quod eſt frigidum,
 tan-

tanquam jam ascensurus lectum doloris, tanquam jam subiturus ultimam luctum, tanquam jam soluturus commune naturæ debitum, tanquam jam abiturus in terram longinquam, in domum æternitatis, tanquam jam responsurus tremendo Judici, etiam iustitias judicanti. Omne exercitium aspice tanquam ultimum, instar obituri mortem pretiosam in Domino, instar virginis prudentis se præparantis ad nuptias. Expurga, exorna, & impingua Spiritum tuum, tanquam eundem jam traditurus in manus Creatoris.

III.

Sacra exercitia tua ipse Deo, Patri luminum, pretiosissimæ Deiparæ, sedi Sapientiæ, Angelicis Spiritibus, tuis specialibus Patronis, aliisque Sanctis instantissimâ oratione commendes, totus propriis viribus diffusus, totum te relinquens ac commendans Spiritui Sancto, qui Christum duxit in desertum. Potissima quippe ariditatum & desolationum causa in meditationibus ac in aliis exercitiis esse solet superba præsumptio, nimiaque confidentia sui; quemadmodum econtra potissima, eaque optima dispositio ad pluviam supernæ irrorationis obtinendam est oratio humilantis se penetrans nubes. Quò fueris humilior, eò eris fecundior; aquæ enim è monti-

montibus in valles descendunt, & gratiæ Pfal. 137.
Divinæ de Coelis in humiles; quoniam ex- v. 6.
celsus Dominus, & humilia respicit, &
alta à longè cognoscit, pauperes in proprio
sensu replens bonis, divites autem apud
semetipsos dimittens inanes.

IV.

Animum Sacris exercitiis adjecturus,
quælibet alia negotia & occupationes tan-
tis per non tantum manu, sed identidem co-
gitatione & affectu penitus relinquit, du-
ctus exemplo Sancti Stephani Cistercii
quondam Abbatis, qui ad Divinum per-
solvendum accinctus officium, ante ja-
nuam Chori, mox ingressurus suis dictita-
bat cogitationibus: *manete hic post januam* Anselmus
cogitationes, quoadusque Divinum persolvero Bisling.
officium: postea, si necesse fuerit, vos reas-
sumam: vel imitare Patriarcham Abraham,
omnium credentium Patrem, qui unige-
nitum suum Isaac juxta præceptum Domi-
ni volens immolare in monte, ad radicem
montis præcians suis asserebat servis: *Ex- Genes. 22.*
spectate hic cum asino, ego autem & puer v. 5.
illuc usque properantes, postquam adoraveri-
mus, revertemur ad vos. Quin immo tan-
quam nunquam amplius reversurus uni-
versis tuis negotiis atque occupationibus
valedicito; Siquidem & ipsa cogitatio re-
vertendi ad divexandum animum multimo-

dis curis , devotionisque Spiritum impediendum invido Diabolo non modicè servit. Vade potiùs in sacram solitudinem, veluti cum Elia in curru igneo rapiendus de mundo, & tunc, cæteris identidem observatis, Spiritus Domini super te.

V.

Pfal. 64.

v. 13.

Matth. 23.

v. 38.

Universis , & singulis exercitiis tuæ solitudinis puram intentionem ex intimo corde præmittas ; totus namque fructus boni operis dependet ab intentione operantis. Ubi in Sacris exercitiis pura intentio fuerit , ibi *pinguescent speciosa deserti.* Ubi verò hoc abfuerit, ibi *relinquetur vobis domus vestra deserta.* Anima manebit arida, & Spiritus nequam ambulans per loca inaquosa eandem pro sterilitate tædiosam ac otiosam occupabit negotio pessimo. Recede in Sacram solitudinem sicut quondam Sanctus Juvenis Benedictus, soli Deo placere cupiens, nunquam non nemor, quòd solum Divinum bene placitum ac major gloria Dei debeat esse ultimus finis ac scopus, ad quem in tua solitudine, in singulis tuis exercitiis collimes, tuæ intentionis oculum dirigas, tuis affectibus tendas. Finis autem proximus esto tuæ Stolæ lotio , conscientiae plena emundatio , cordis expurgatio , hominis veteris exspoliatio , omnis mundani pulveris abstersio , vitæ renovatio, virtu-

virtutum progressio, perfectior cum Deo
animæ unio.

VI.

In Sacra tua solitudine non hujus libelli
auctorem, sed Deum ipsum tibi loquen-
tem attende; neque enim mea hæc vox est,
sed vox est & doctrina, quam locuti sunt
Prophetæ ac ascetæ priores; non offertur
hic nova doctrina, sed duntaxat repetitur
ore infantis, jam dudum ad Sanctos Dei
homines de Cælo allata. Non divisus est
Spiritus, sed idem Dominus dives in omnes,
qui olim nobis est locutus in Patribus, jam
idipsum repetit in filiis. Idem Dominus, Lucæ 3.
qui olim locutus per vocem in deserto, per v. 4.
Joannem Baptistam, quo non surrexit ma- Matth. 3.
jor inter natos mulierum, tibi quoque lo- v. 2.
quitur in præsentī libello per illum, quo Luc. 3. v. 4.
non surrexit minor ac abjectior in massa 5. & 6.
mortalium. Idem hic libellus tibi repe-
tit, quod olim Joannes vox clamantis in
deserto prædicavit: nimirum: *Pœniten-*
tiam agite, parate viam Domini. Rectas
facite semitas ejus. Omnis vallis implebi-
tur, & omnis mons & collis humiliabitur,
& erunt prava in directa, & aspera in vias
planas, & videbit omnis caro salutare Dei.

Idem hic libellus tibi repetit, quod Be-
nedictus omnium justorum spiritu plenus,
suis Monachis attendendum, statuit, nem-

S. Regul.
cap. 7.

pe, ut genuinus Benedicti filius *omni hora jam se tremendo iudicio Dei presentari astimet*, nunquam non memor Bethlehemitici ascetæ de seipso palam contestantis: *quoties diem illum considero, toto corpore contremisco; Sive enim comedo, sive bibo, sive aliquid aliud facio, semper illa tuba terribilis sonare videtur in auribus meis: surgite*

Habacuc 2. *mortui, venite ad iudicium. Veniens venit,*
v. 3. *& non tardabit.* Beatus, qui est semper

Libr. 4. Re-
velat. cap.
127.

paratus, occurrere ei. Idem tibi hic libellus repetit, quod quondam tuus Magister Christus ad Sanctam Brigittam asseruit, videlicet: *Ille est Monachus Benedicti, qui plus obedit Regula quàm carni, qui nec in habitu, nec in moribus alicui placere desiderat, nisi Soli Deo; qui quotidie mori desiderat, & parat se ad exitum de hoc mundo, & sollicitus est, quomodo reddat rationem de Regula Benedicti.* Eadem est vox clamantis in deserto, qui dimissis nonaginta novem ovibus in deserto, jam vadit ad illam, jam vocat illam, quæ perierat. Audi pro-

Lucæ 19.

Prolog. S.
Regul. Lucæ
19. v. 42.
& 43.
Lucæ 16.
v. 2.

4. Reg. 20.
v. 1.

in ovis errabunda vocem Pastoris: *Auscul- ta ô fili precepta Magistri. Et quidem in hac die, in his exercitiis, quæ ad pacem tibi, quia venient dies in te, quibus audiendum tibi: Redde rationem villicationis tuæ, jam enim non poteris villicare. Morieris enim tu, & non vives.*

VII.

Sis constans ac perseverans in assumpta
semel temporis distributione, singula exer-
citia absque confusione suo ordine per-
agens, nihil intermittens ex tædio, nihil
mutans ex curiositate, nihil turbatus, ne-
que pusillaminis, tametsi forsan ariditates,
aut tentationes, aut aliæ indispositiones
interveniant; *Sed exspecta Dominum, viri-* Psal. 26.
liter age, & confortetur cor tuum & su- v. 14.
stine Dominum. Plerumque enim ubi pri-

mi dies quasi sicci decurrunt, posteriores
perseverantibus eo uberiori consolatione
succedunt. Tracta debito tempore cum
Patre Spirituali, nequaquam quidem de re-
bus impertinentibus, sed de iis duntaxat,
quæ tum fructum, tum impedimenta ex-
ercitiorum & animæ statum concernunt.
Clama ad Dominum tum precum suspiriis,
tum discretis poenitentiae operibus, præci-
puè actibus humilitatis, mitte ad Cælum
similia devotionis jacula: *Inclina Domine* Psal. 85.
aurem tuam, & exaudi me; quoniam inops v. 1.
& pauper sum ego. Loquere Domine, quia au- 1. Reg. 3.
dit servus tuus. Illustra faciem tuam super ser- v. 9.
vum tuum, salvum me fac in misericordia tua. Psal. 33. v.
Domine non confundar; quoniam invocavi te. 17. & 18.

Sonet vox tua in auribus meis; vox enim Cant. 2.
tua dulcis, & facies tua decora. v. 14.

Audiatur vox turturis, & vox Spiritus

A 5

San-

Sancti in sterili terra cordis mei, ut ficus arida proferat grossos suos, & ego peccator dignos pœnitentiæ fructus. Quod porro ipsam temporis distributionem concernit, eandem quilibet vel juxta usitatam sui instituti consuetudinem, vel juxta suam commoditatem sibi metipsum pro sua devotione ordinare potest. Ut verò saltem aliquam faciem, huic libello exercitiorum conformem, etiam in hac parte subministrem, apud nostrates in monasteriis, ubi matutinum manè media quartâ celebratur, & præcipuè in novitiatu sequens temporis distributio observari consuevit.

1. Die præcedenti præmittitur manè locò ordinariæ meditationis meditatio Præparatoria.

2. Offertur Sacra communio pro felici successu Sacrorum exercitiorum, cæterum per diem vel convenienti lectione vel exhortatione excitatur animus, & animatur Spiritus ad Sacra exercitia sese applicandum. Relegi etiam possunt hic præmissa.

Completo-
rium

3. Mediâ septimâ recitatur privatim completorium ex officio canonico, & relegitur meditatio pro die sequenti.

Cursus.

4. Horâ septimâ recitatur matutinum cum laudibus ex cursu Mariano pro die sequenti, tempore residuo legitur sacra Regula prout præscribitur.

5. Me-

5. Mediâ octavâ per quadrantem consideratio vespertina. Consideratio.

6. Tertio quadrante usque ad horam octavam examen generale.

7. Horâ octavâ, preces consuetæ brevis visitatio venerabilis, quies in Domino.

Pro reliquis diebus.

1. Manè mediâ quartâ matutinum cum Mat. laudibus in choro.

2. Post matutinum, reliquis expeditis, Lect. lectio præscripta ex libello de imitatione Christi.

3. A mediâ sextâ usque ad mediam septimam prima meditatio. Meditatio.

4. Mediâ septimâ per quadrantem annotatio fructus. Annotatio.

5. Tertio quadrante ad septimam Prima Privatim ex officio canonico, & dispositio ad missam. Prima.

6. Horâ septimâ missa, sub qua etiam â fratribus saltem spiritualiter quotidie communicatur. Gratiarum actio &c.

7. Post mediam octavam, vel tertio quadrante recitantur privatim horæ minores ex officio canonico. Horæ minores.

8. Ab horâ octavâ usque ad mediam nonam lectio spiritualis. Lectio.

9. Mediâ nonâ per quadrantem annotatio fructus ex lectione. Annotatio.

10. Ter-

- Meditat. 10. Tertio quadrante præparatio ad secundam meditationem.
11. Horâ nonâ usque ad decimam meditatio secunda.
- Annot. 12. Sequitur per quadrantem annotatio fructûs.
- Examén. 13. Quadrantem post decimam examen particulare.
14. Mediâ undecimâ frugalis resectio corporalis.
15. Post resectionem devota visitatio venerabilis.
- Respiratio. 16. Respiratio in silentio, vel collatio cum Patre spirituali usque ad tertium quadrantem primæ.
17. Tertio quadrante usque ad plenam horam primam visitatio venerabilis.
- Visitatio. 18. Horâ primâ horæ minores cum vespers & completorio ex cursu Mariano, & si quid temporis restat usque ad mediam secundam, poterit precibus privatis recitandis impendi.
- Cursus. 19. A mediâ secundâ usque ad mediam tertiam lectio spiritualis.
- Lectio. 20. Per quadrantem annotatio fructûs.
- Annot. 21. Ultimus quadrans impenditur vel
- Præparat. pro præparatione ad annualem confessionem, vel hâc jam peractâ, pro futurâ vitâ melius & perfectius instituenda.
- Vesperæ. 22. Horâ tertiâ vespere in choro decantandæ.
23. Fi-

23. Finitis vespers dispositio ad tertiam meditationem.

24. Tertio quadrante ad quartam per Meditat. horam tertia meditatio.

25. Tertio quadrante usque ad quintam Annotat. annotatio fructus.

26. Horâ quintâ sobria cæna.

27. Brevis visitatio venerabilis.

Visitat.

28. Respiratio in silentio usque ad mediam septimam.

29. Mediâ septimâ completorium ex officio canonico privatim & reliqua uti die præcedenti, & sic reliquis diebus, nisi jejunia aut alia impedimenta intercurrent, quæ, quemadmodum facile prævidentur, sic etiam facile exiguâ mutatione corriguntur. Verum hæc scripta sint, nihil præscribendo, sed solum modum aliquem distributionis, libello conformem, insinuando. Cæterum ordinet sibi quilibet, prout in Domino visum fuerit, meique peccatoris maximi in sua devotione meminisse dignetur.

ORA-

ORATIO PRÆPARA-
TORIA,

Sive

Pura intentio meditationi-
bus, examinibus singulisque aliis ex-
ercitiis attentè ac devotè præmittenda.

ECce Domine Deus, summum ac infini-
tum bonum, unicum centrum animæ
meæ, creator cœli & terræ; Rex infinitæ
majestatis, potentia sapientiæ & bonitatis,
Pater, Filius, & Spiritus Sanctus! Ego
creatura tua vilissima, indignissima, ingrati-
sima, & omnium infima; ego, qui nihil
sum, nihil habeo, nihil possum, nihil scio,
nisi in momenta singula deficere, errare, &
peccare, venio ad te, quia tu vocas me, ut
adimpleam sanctissimam voluntatem, gu-
stum, & beneplacitum tuum, cupio, &
intendo ex toto corde meo tibi in hac medi-
tatione (vel consideratione, lectione, exa-
mine &c.) tantam laudem & gloriam tan-
tum honorem, obsequium, gustum ac be-
neplacitum exhibere, quantum tibi de factò
præstant omnes Angeli, & Sancti tui in cœ-
lis, omnesque justi in terra: quantum tibi
præstant, atque præstare possent omnes ho-
mines, omnesque creaturæ existentes, &
possibiles: immò quantam tibi præstitit,
etiam

etiamnum præstat, atque in æternum præstabit sacratissima humanitas Domini mei Jesu Christi, & Beatissima Virgo Maria Mater ejus dulcissima; idque ex puro erga te amore, quia tu ita vis, quia ita tibi placet, & quia infinitè dignus es, Deus meus & omnia! Ecce Domine nihilum ego, & creatura tua indignissima! quid me vis facere? Fiat voluntas tua beneplacens & perfecta in me, adjuva me, & miserere mei propter gloriam nominis tui, ut complaceam tibi Deus meus, Amen.

O Jesu dulcis Magister, & Pater luminum, Deus totius consolationis, in manus tuas Spiritum meum, meque totum commendo, præsertim istam meditationem (vel lectionem vel examen) & ultimam horam vitæ meæ.

Sancta Maria Mater Dei ora pro nobis, nunc & in hora mortis nostræ. Amen.

PRACTICA RECOLLECTIO ANIMI

Ante

Meditationem, & alia exercitia per diem frequentius mente volvenda.

ECce anima mea, *Magister adest, & vocat te. Preparare in occursum Dei tui,* veni citò cum Magdalena poenitente ad se-
den-
Joann. 11.
v. 13.
Amos 4.
v. 12.

dendum secus pedes Domini, & audiendum verbum illius.

- Hebræ. 4. Ecce attendit te & tua ipse discretor cogi-
 v. 12. & 13. tationum, & intentionum cordis, & non est
 nulla creatura invisibilis in conspectu ejus,
 omnia autem nuda & aperta sunt oculis ejus,
 Genes. 28. ad quem nobis sermo orationis. Ecce, quam
 v. 17. terribilis est locus iste, quandoquidem non
 solum in loco sancto, sed in ipso fonte omnis
 sanctitatis Deo, sicut piscis in aqua, existis;
 Actor. 17. In ipso enim vivimus movemur, & sumus.
 v. 18. Vide itaque qualem ipsi omnis sanctitatis
 Auctori, intimè præsentì debeas reveren-
 tiam? Qualem tanto docenti Magistro at-
 tentionem? Qualem supremo præsentì Do-
 mino obedientiam ac submissionem? O im-
 mense Deus meus, & omnia! Ergo ne tu
 in me? & ego in te? Sanè dilectus meus mi-
 hi, & ego illi. Ego dilecto meo, & ad me
 conversio ejus. Veni dilecte mi. Intende mi-
 hi Deus meus! ego intendam tibi.

Cant. 2.
 v. 16.
 Cant. 7.
 v. 10.

Meditatio præparatoria.

Pridiè ante ipsa sacra exercitia (præmissis
 pro lectione spiritali ex lib. 3. de Imit. Chri-
 sti cap. 1. 2. & ex lib. 1. cap. 20. manè locò
 meditationis ordinariæ devotè expendenda.

Preludium: Entibi anima mea! vox de
 cælo ad te: Ecce ego lætabor eam, & ducam
 eam in solitudinem, & loquar ad cor ejus.

Osee

Osee 2. v. 14. Vox est Pastoris, ovem errantem quærentis. *Observa eum, & audi vocem ejus, nec contemnendum putes. Exodi 23. v. 21.*

Punctum Primum.

Considera, te vocari ad audientiam supremi Regis, certè non propter tua merita, sed ex singulari favore ipsius Regis, speciali-que gratia. Et quidem ad audientiam, integro octiduo tibi indulgendam. O quanta dignatio! Nam quis ille Rex? & quis tu? *Ecce plus quàm Salomon hic!* & tu non solum millies vilior Reginâ Sabâ, quam Salomonis sapientia de finibus terræ attractam stupore replevit, sed quâvis quoque deterior *testâ de Samiis terra.* *Ecce hic plus,* quàm Rex Assuerus, cujus conspectum Regina Esther, incredibilis pulchritudinis mulier expavit; & tu, cujus vita velut pannus menstruata, non expaves in conspectu Dei Regis magni, & terribilis super omnes Deos? Verumtamen, *noli metuere*; extendit enim hisce diebus super te auream virgam suæ clementiæ, ut parcat tibi judicaturum orbem terrarum in virga justitiæ. *Ego sum frater tuus* (inquit) *noli metuere.* *Accede igitur, & tange Sceptrum oblatae clementiæ,* admitte in cor tuum amorem monentis fratris, ut effugias iram condemnantis Judicis.

Matth. 12.
v. 42.

Isa. 45. v. 9.
Esther 15.
v. 10.

Esther 15.
v. 12.

Esth. loc. c.

Esther. 15.
v. 14.

Punctum secundum.

Exod. 9. v. 5. En! tibi anima mea! Cras faciet Dominus verbum istud in terra, tractaturus tecum de negotio omnium maximo, omniumque maximè necessario; nempe de tua perfectione, à qua tua vocatio, æterna salus majorque gloria Dei dependet.

Psal. 147.

Psal. 82.

Emittet verbum suum, & sicut qui comburet sylvam vitiorum, liquefaciet glaciem cordis tui, illuminabit opaca mentis condensa, atque novum in te accendet desiderium, pede velociori currendi in via purgativa ad maiorem animi puritatem, in via illuminativa ad maiorem virtutum soliditatem, in via unitiva ad maiorem ac perfectiorem cum Deo summo bono unionem. Ecce hi sunt nobilissimi fines sacrae solitudinis, tam præstantes sacra exercitia germinant fructus, tam mirabiles operantur effectus, ut unica subinde ad illa seria applicatio mutet hominem in virum alterum, in virum perfectum, in virum sanctum. O si & in me, & in te tales producerent effectus! producent omnino, si his proportionata fuerit applicatio, fervor ac desiderium, si semen in terram bonam ceciderit, si ignis linum, jam quasi præ desiderio sanctitatis fumigans invenerit; Nam *linum fumigans non* Pf. 36. v. 6. *extinguet sacra solitudo, sed educet quasi lumen justitiam tuam, & iudicium tuum tantquam meridiem.*

Pun-

Punctum tertium.

Inspice vitam tuam, ecce homo! & opera ejus, & innotescet animo tuo, annua exercitia maximopere tibi esse necessaria. Inspice infirmitates tuas, ut, his cognitis, ames medicinam. Inspice miseras, ut quæras medelam. Certè *anima vestra sicut* Eccli. 31. *vehementer*: currendum est ad fontem. v. 32. Multifariam mundano pulvere sordidasti vestimenta tua, properandum est ad lavacrum, Spiritus tuus per varia distractus non parum intepuit, recurrendum est ad ignem. Animus tuus per suos inordinatos affectus cum filio prodigo quasi *peregrè profectus est* Lucæ 15. *in regionem longinquam*. Redeundum est v. 13. ad Patrem, renovandus est Spiritus, reformandus sensus, resumendæ vires Sancti propositi, succingendi lumbi, roboranda genua debilia, calceandi pedes; *grandis* 3. Reg. 19. *enim tibi restat via* ad religiosam perfectionem. v. 7. Multa adhuc tibi desunt, ad Religiosum omnibus numeris absolutum. Quare *ingredere, & includere* per hoc ostiduum Ezechiel 3. *in medio domus tue. Intra in cubiculum* v. 24. *tuum*, everre domum tuam & accende lucernam. Matth. 6. v. 6. Tracta cum Patre luminum de negotio negotiorum. *Lectio vespertina*
ex Regula erit Prologus.

CONSIDERATIO VESPERTINA

De

Pretiositate animæ.

Match. 16.
v. 26.

NOſce teipſum, æſtima animam tuam unicam adeò pretioſam, ut illi omnia mundi regna, omnes theſauri, omnes divitiæ comparari nequeant. *Quidenim prodeſt homini, ſi mundum univerſum lucretur, anima verò ſua detrimentum patiatur? Aut quam dabit homo commutationem pro anima ſua?*

Ambulâſtine hæcenus ſecundum hanc ſententiam? Præpoſuiſtine animam tuam ſemper regnis ac mundo univerſo? Nunquam illam, margaritam tam pretioſam projeciſti in ſterquilinum momentaneæ voluptatis? Nunquam vendidiſti diabolo? Nunquam illam expoſuiſti æternæ damnationis periculo? Cuſtodiviſtine illam hucusque ut pupil- lam oculi? Coluiſtine illam ut vineam ele- ctam? Exornâſtine illam, ut templum Spi- ritûs Sancti?

Match. 16.
v. 27.

Filius enim hominis venturus eſt in gloria Patris ſui cum Angelis ſuis. Et tunc requiret animam tuam de manibus tuis,

PRO

PRO
PRIMA DIE OBSER-
VATIONES.

1. **P**rima dies, quam feriam secundam esse suppono, specialiter dedicabitur Spiritui Sancto.

2. Singula hujus diei exercitia specialiter offerentur tum pro propria illustratione, præsertim in mysteriis fidei cognoscendis, ac firmiter credendis, tum pro summo Pontifice, totoque venerabili clero.

3. Tesseræ specialis pro singulis exercitiis hac die erit: age, quod agis, fortasse enim gratia finalis, totaque æternitas ab hac actione dependet. Vel unicus radius minus perfectè positus, multum nocet, dum æternitati pingitur.

4. Aspirationes frequentiores erunt ad Spiritum Sanctum. v. gratia: Veni Pater pauperum, veni lumen cordium, accende lumen sensibus, infunde amorem cordibus.

5. Ante meditationem pro lectione Spirituali accipietur de imitatione Christi, ex lib. 1. cap. 4. de Doctrina veritatis, & ex lib. 4. cap. 18. quòd homo non sit curiosus scrutator.

6. Meditatio prima erit de fide. 8. Secunda de transitu ad æternitatem, tertia de gratia vocationis.

7. Lectio matutina de fidei defectibus corrigendis. Pomeridiana de habendâ futurorum memoriâ.

8. Examen particulare de conversione morum & religiosa modestia.

9. Lectio vespertina ex sacra Regula caput quartum de instrumentis bonorum operum.

10. Consideratio vespertina de cavenda curiositate, & repellendo spirituali tædio.

MEDITATIO I.

DE FIDE.

Punctum 1. De gratitudine pro dono fidei.

2. De exercitio. 3. De probatione ejusdem.

Preludium.

Act. 1.

Sic mentem tuam collige, ac si cum Apostolis collectus, & in canaculo positus expectares adventum Spiritûs Sancti, docentis te omnem veritatem.

Punctum I.

Psal. 147.
v. 20.

Profectò non fecit taliter omni nationi, & iudicia sua non manifestavit eis. Non omnibus datum donum fidei, quod tibi donatum, & quidem sine tuis meritis, sine tuo labore, sine tua applicatione, adhuc infanti quondam in sacro baptismo. Ubi ergo gra-

gratitudo tua pro tanta gratia? O quam miser,
 quamque infelix esses! si inter infideles
 natus, aut educatus fuisses! nam placere
 Deo nullatenus posses; quia *sine fide impossibile est placere Deo.* Aeternam damnationem
 nequaquam effugeres; quoniam, *qui non credit, jam judicatus est.* Ubi ergo grati-
 tudo tua? ubi est gratitudo pro tam copio-
 sa instructione in mysteriis fidei? pro tot,
 tamque commodis occasionibus clariorem
 credendorum sibi notitiam comparandi? O
 quot fideles tali occasione carent! talem in-
 structionem habere non valent! *Judicia sua non manifestavit eis.* En! *vobis datum*
est nosse mysterium regni Dei, ceteris autem
in parabolis. Ubi est ergo gratitudo? re-
 voluistine hæc hætenus grato animo? be-
 nedixistine Patri luminum pro tanto lumi-
 ne? exhibuistine grata Deo opera pro tantâ
 gratiâ. Cave deinceps ingratitudinem;
 nam fidem meretur amittere, qui negligit
 pro collatâ fide se gratum ostendere.

Hebr. 11.
v. 6.

Joann. 3.
v. 18.

Psal. 147.

v. 20.

Luc. 8. v. 10.

Punctum II.

Considera habitum dari propter actum,
 & fidem à Deo infundi propter exercitium,
 & quidem, non propter exercitium langui-
 dum, non propter exercitium tepidum;
 nam ubi fides languet, ibi charitas friget:
 sed propter exercitium fervidum, propter

exercitium vivum, quo in fide nihil hæsitatur, quo myſteria, fidei tam firmiter, tam vivaciter, tamque reverenter & humiliter creduntur, ac ſi ea ipſe Deus præſens jam ore ad os nobis loqueretur. Iſtud fidei vivum, & vix non aſſiduum exercitium petit quidem Deus ab omnibus fidelibus, præcipue tamen à Religioſis.

1. Quia Religioſi potiffimum, & quaſi continuo occupantur in exercitiis religionis & cultu Divino, aſt Deum nemo bene colit, niſi qui per vivam fidem bene de eo ſentit. 2. Quia profitentur perfectam obedientiam, quæ ſupponit vivam fidem adhibendam divinæ ſcripturæ dicenti: *qui vos audit, me audit, & qui vos ſpernit, me ſpernit.* 3. Quia tenentur tendere ad Evangelicam perfectionem, ſed fides eſt lumen illuminans, ne errent in via, eſt lucerna lucens, ne offendant in nocte. Nam *qui incredulus eſt, non erit recta anima ejus in ſemetipſo, juſtus autem in fide ſua vivet; & omnia opera ejus in fide.* Amplius & amplius per crebros vivæ fidei actus accende iſtud lumen fidei in corde tuo, ſuſpirans cum Apoſtolis ad auctorem fidei Jeſum: *adauge nobis fidem.*

Lucæ 10.
v. 16.

Hab. 2. v. 4.
Pf. 32. v. 4.

Lucæ 17.
v. 5.

2. Cor. 13.
v. 5.

Punctum III.

Vosmetipſos tentate, ſi eſtis in fide; ipſi vos

vos probate. Probatur autem fides tribus:

Primò operibus bonis; Sicut enim corpus Jacob. 2.

sine Spiritu mortuum est, ita & fides sine v. 27.

operibus mortua est. Ille etenim vere credit, S. Greg. homil. 26. in

qui exercet operando, quod credit. Fides cum Evangel.

bonorum operum fructu fides Christiana,

fides sine bonis operibus fides diabolica;

quandoquidem & Dæmones credunt. Nec Jac. 2. v. 19.

mireris hoc dictum; nam radius est Afri-

cani luminis asseverantis: cum dilectione S. August.

fides Christiani, sine dilectione fides Dæmo- de civit.

nis. Secundò probatur fides per patien-

tiam in adversis ac tribulationibus: nec

enim gratis hortatur Apostolorum Prin-

ceps: ut probatio vestra fidei multò pretio-

sior auro, quod per ignem probatur, inve- I. Petr. 1.

niatur in laudem & gloriam & honorem in v. 7.

revelatione Jesu Christi. Aurum probat

fornax, fidem Christiani tribulatio. Au-

rum non est, quod in igne splendorem de-

perdit, nec fides veri Christiani, quæ tem-

pore tribulationis fluctuat. Salamandra

in flammis nutriri fertur, & fides in Chri-

stum inter adversa augetur. Tertiò proba- Rom. 4.

tur fides constantiâ in tentationibus, Cre- v. 3.

didit Abraham Deo, & in tentatione inven-

tus est fidelis. In sinu Abrahæ aliquando Eccli. 44.

dormire anhelas? filius ac strenuus imi- v. 21.

tator Abrahæ esto, non recedens, neque

fluctuans in fide, etiam cum tenteris, sed

Jacob. I.
v. 12.

semper fidelis Deo, qui faciet quoque cum
tentatione proventum, sicut scriptum est:
*Beatus Vir, qui suffert tentationem, quo-
niam cum probatus fuerit, accipiet coronam
vitæ, quam repromisit Deus diligentibus se.*

BONA PROPOSITA.

Ex hac meditatione ad aug-
mentum fidei acquirendum con-
cipienda.

1. **Q**uotidie, quamprimùm lumen
diei aspexero, Deo devotissimas
ex intimo cordis rependam grates pro do-
nato mihi fidei lumine.

2. Quotidie frequentius detestabor cum
compunctione cordis meam ingratitude-
nem, & socordiam, dolens scilicet, quòd
hactenus tam rarò actus fidei elicuerim,
tamque parùm donum fidei æstimaverim.

3. Ante omne opus studebo elicere actus
vivæ fidei, indubitata & firma videlicet
fide mihi ante mentis oculos ponens, Deum
esse ubique præsentem, omnia opera nostra
attendentem, omnium bonorum remun-
ratorem, omnium malorum vindicem,
summum creaturæ rationalis bonum ulti-
mum nostrum finem, in quem unicè omnes
nostri actus sunt referendi.

4. Per diem sæpius, præsertim sub ora-
tione

tionem, pro singulis Catholicæ fidei veritatibus promptissimè me offeram ad quælibet tormenta, ac martyria sustinenda, præcipuè pro illis fidei articulis, in quibus credendis majorem difficultatem, gravioresque tentationes experior.

5. Crebrius per diem eliciam actus desiderii, ut omnes gentes, omnesque populi veritatem fidei agnoscant, ex toto corde suspirans cum Propheta: *confiteantur tibi populi Deus, confiteantur tibi populi omnes.* Psal. 66, v. 6.

6. Frequentius per diem ad quælibet tormenta sustinenda me offeram pro quælibet infideli anima, ut eam miserator Dominus lumine veræ fidei collustrare dignetur.

7. Singulis tentationibus contra fidem sine mora generosè resistam, captivans omnem intellectum meum in obsequium fidei, cogitans, quia *judicia Domini vera, justificata in semetipsa, nullo modo humanæ* Psal. 18, v. 3.
scrutationi vel debili mortalium judicio subjicienda. Dominus locutus est, & ad credendum satis est. Ecclesia columna veritatis ita sentit, de veritate dubitari non potest.

8. Cum tentatis in fide semper habebō commiserationem; nec intermittam pro occasione fluctuantes in fide verbis veritatibus

tis confirmare, ac pro illis meas preces offerre.

9. Sanctæ fidei nostræ mores ac vitam meam pro viribus in omnibus conformare studebo.

10. Sanctorum Apostolorum festa, & his præmissa jejunia diligentissimâ observatione, & speciali cultu venerabor, ut ipsi ut pote fidei principales satores mihi fidei robur, & constantiam à Domino impetrent.

11. Pariter in hunc finem quoque Sanctis Martyribus qui pro fide vitam & sanguinem dederunt, magnam venerationem pro occasione in omni loco exhibebo.

LECTIO SPIRITUALIS

Tempore matutino dici primæ.

ARGUMENTUM

Deus justus Judex accuratam exiget rationem de cujuslibet fide.

INitium salutis fides, & à fide auctor fidei Jesus suum ordietur Judicium. De fide ferme potissima disceptatio erit in valle Josaphat, quia potissima mortalium peccata, potissima animarum damna, ex neglectu & defectu fidei subintroierunt in orbem terrarum. Judicabit scrutator cordium, ac Do-
mi-

minator gentium populos infideles, qui fuerunt rebelles lumini, & non crediderunt verbo ejus. O quantus horum erit numerus! Judicabit apoſtatas, ac deficientes à fide. O quàm horrendum iſtos exſpectat iudicium!

Jobi. 24.
v. 13.
Pſal. 105.
v. 24.

Melius enim erat illis, non cognoſcere viam juſtitie, quàm poſt agnitionem retrorſum converti ab eo, quod illis traditum eſt Sancto mandato. Judicabit conſummator fidei ſuos identidem fideles! Judicabit identidem Religioſos, qui quidem crediderunt in nomine ejus, haud tamen fide tam perfectà, qualem ab eis exigebat ipſorum Profeſſio. His proinde præcipuè ultimis vox clamantis in deſerto per præſentem diſcurſum acclamat, erudiens eos, qualis fidei lucerna ſit tenenda in manibus, quique fidei defectus ſint poſſiſſimum corrigendi?

2. Petr. 2.
v. 21.

Et ecce! conqueritur ipſe auctor fidei aſſeverans: *Filius hominis veniens, putas inveniet fidem in terra?* Qualem verò fidem poſtulat Dominus? Qualis fides præcipuè à nobis Religioſis exigetur in Iudicio tremendo? Procul dubio fides ſaltem ut granum ſinapis. Nam ſi habueritis fidem, ſicut granum ſinapis, dicetis monti huic, tranſi hinc illuc, & tranſibit, & nihil impoſſibile erit vobis. Ecce, non major fides exigitur, quàm granum ſinapis. Quod minimum quidem eſt omnibus ſeminibus, & tamen valde dubi-

Luc. 18. v. 8.

Matth. 17.
v. 19.

Matth. 13.
v. 32.

In Matth.

c. 13.

Matth. 13.

v. 31.

S. Gregor.

homil. 12.

in Evangel.

Spondanus

ad annum

102.

Idem ad

annum

302. ad an-

num 261.

dubito, utrum tantâ præditus sis fide? & forsan ipse dubius hærebis, si credis Cornelio à Lapide, asserenti: *Granum sinapis est Ecclesia, præsertim primitiva, conformiter illis verbis Domini: Simile est regnum celorum grano sinapis. Nam sæpè in sacro eloquio regnum celorum præsentis temporis Ecclesia dicitur.* Ecce talem fidem oportet nos habere, sicut granum sinapis, qualem habuit primitiva Ecclesia. O quàm viva illa fuit, quàm excitata! quàm generosa! quàm zelosa! quàm intenta fructibus bonorum operum, quàm parata ad quælibet toleranda pro Christo, vidisses Apostolos gaudentes in contumeliis, superabundantes gaudio in tribulatione. Vidisses Andream crucis patibulum cum jubilo à longè salutantem, Stephanum lapides torrentis dulces reputantem, Paulum in resecto jam capite adhuc saltantem. Laurentium inter arden-tes prunas jocantem. Vidisses sub Trajano tyranno quam plurimos Christianos omnes ad martyrium gaudentes accedere. Vidisses sub Diocletiano innumerabilem tunc Christianorum omnis sexûs & conditionis multitudinem alacri animo martyrium subiisse. Vidisses sub Valeriano & Galieno Christianos tormenta & martyria magnis clamoribus expetere. Vidisses generosas illas tres sorores Fidem, Spem, & Charitatem,

tem, Fidem virginem duodecim annorum, in flagellorum grandine, in mamillarum abscissione, in ardenti sartagine, & denique in capitis resectione semper intrepidam. Spem virginem decem annorum in nimbo flagrorum, in furno succenso, in capitis avulsione semper impavidam, Charitatem virginem novem annorum, suspensam, flagellis concisam, ardenti fornaci immissam, & demum capite plexam, nunquam tamen non hilarem, nunquam non paratam ad majora tormenta. Vidisses Agnetem puellam tredecim annorum, quæ ad supplicii locum lata successu, gradu festina virgo processit &c. Mirentur viri, erubescant Religiosi, qui forsan vix tam hilari mente sustineant religionis jugum, vix ita læto animo suscipiant castigationis aut correctionis remedium, sicut hæ, & sexcentæ aliæ teneræ virgines properarunt ad mortis supplicium. Planè his haud sumus infirmiores naturâ, sed solum languidiores fide. Ast unde tantus in primitiva Ecclesia fidei fervor? Unde tantus nostrâ ætate fidei languor? Unde tanta in fide differentia inter prima ac nostra ultima sæcula? Nempe primi Christiani recenti adhuc tenebant volvebantque memoriâ mirabilia, quæ Christus fecit, & omnia magna Dei, per prædicationem Evangelii disseminata in orbem. In mysteriis fidei

Leonard. in
calend.
Marian. 30.
Septemb.

S. Ambros.
lib. 1. de
Virg.

erat

erat ipforum assidua cogitatio, assidua exercitatio, assidua de illis dissertatio. Nostra autem tempestate, reperire est quandoque Christianos, qui integro subinde die vix semel cogitant, se esse Christianos. Cogitatio de fidei mysteriis apud nonnullos est rara, exercitatio rarior, locutio rarissima. Hic itaque languor ac fidei defectus à quolibet, præsertim à viro religioso corrigendus est ex Regula sancti Patriarchæ Benedicti, capite 7. cujuslibet Religiosi animum ita convenientis: *Timorem Dei sibi ante oculos semper ponens, oblivionem omnino fugiat, & semper sit memor omnium, quæ præcepit Deus, qualiter contemnentes Deum in gehennam pro peccatis incidunt, & vitam æternam, quæ timentibus Deum preparata est, animo semper revolvat.* Cavenda est oblivio credendorum, memoria excolenda est crebris fidei actibus, exercenda fides Sanctis meditationibus, exercenda devotis Scripturarum lectionibus, exercenda Divinis colloquiis, ad imitationem Sanctæ Cæcilie, quæ *virgo gloriosa semper Evangelium Christi gerebat in petore, & non diebus, neque noctibus à colloquiis Divinis & oratione cessabat.* Nam cito fides inexercita languescit, & crebris otiosa tentatur incommodis. Exercenda est fides à quolibet Christiano, præcipuè à quovis Religioso operibus ac fidei fructibus. Ita, ut de eo verificetur illud: *Omnia opera*

Breviarium
die 22. No-
vembr.

S. Ambros.
super Psal.
beati inna-
culati.

Psal. 32. v. 4

opera ejus in fide. Quid enim juvat gladius ad latus, nisi instante certamine evaginaris illum? & quid prodest fides, nisi tempore tentationis fortiter Diabolo resistas in fide, assumendo, & veluti scutum apponendo veritates fidei omni tentationi, ita, ut ceu generosus victor, omniumque tentationum triumphator canere queas: *Hæc* 1. Joann. 5.
est victoria, qua vincit mundum, fides nostra. v. 4.

Quæ utilitas lucernæ in manibus, nisi ambulans ad illius lumen tuos direxeris gressus? & quid gloriaris in fide, nisi operaris ex fide? Si operaris solum ex naturali rationis dictamine? Vel ex solo ductu ac directione acquisitæ scientiæ? Vel ex quadam humana, aut politica prudentia? Vel ex mera consuetudine, vel ex propriæ voluntatis gustu? Vel ex alio naturali appetitu? Vel omnino ex cæco sensualitatis pruritu? *Iustus ex* Ad Gal. 3.
fide vivit, & non ex naturali dictamine. v. 11.

non ex humana prudentia, non ex naturali gustu. Quid autem est ex fide vivere, nisi ex fide operari? Sicuti enim vivere est actus vitæ exercere, sic etiam vivere ex fide, est operari per fidem, & ex viva fide, & imitari illos, *qui per fidem vicerunt regna, operati sunt* Hebr. 11.
justitiam, adepti sunt repromissiones. v. 33.

Quæ utilitas grammatico in sua grammatica, nisi ad ejusdem regulas formaverit suas compositiones? & quæ utilitas Chri-

- stiano in sua fide, nisi suos actus suamque
 totam vitam ad doctrinam fidei, veluti ad
 unicam tutam operandi regulam instituerit?
 Non operari ex fide est in primis principiis
 Christianismi errare, tamque parum pro-
 dest fides Christiano, non operanti ex fide,
 quam parum oculus videnti & non ambu-
 lanti in lumine. Cave sis itaque, ne fidem
 tuam pretiosam minam ponas in sudario, &
 ne â tremendo Iudice aliquando audire co-
 garis: *Quare non dedisti pecuniam meam ad*
 Luc. 19. *mensam? & ego veniens cum usuris exegis-*
 v. 23. *sem utique?* Ostende mihi fidem tuam. Ubi
 Jac. 2. v. 18. est lucrum fidei? ubi fructus? ubi opera?
 ubi actus? ubi augmentum? secunda causa
 languoris in fide, seu discriminis ratio inter
 fidem primitivæ Ecclesiæ & moderni sæculi
 est dispar æstimatio. Nam apud primos
 Christianos fides summè æstimabatur,
 omnibus scientiis, omni prosapiæ, opibus
 ac regnis anteponebatur. Memoriâ assidue
 1. Corint. 2. volvebatur illud: *Non enim judicavi, me*
 v. 2. *scire aliquid inter vos, nisi Jesum Chri-*
stum, & hunc crucifixum. Ex abundantia
 Ad Galat. 6 cordis erumpebat illud: *Mihi autem absit*
 v. 14. *gloriari, nisi in cruce Domini nostri Jesu*
Christi, per quem mihi mundus crucifixus est,
& ego mundo. Audiebatur illud sanctæ
 Agathæ: *Multò præstantior est Christiana*
 Breviarium *humilitas & servitus, regum opibus ac su-*
 die 5. Fe- *perbiâ,*
 bruar.

perbia, pluris pendebatur cum Ludovico sanctissimo Galliarum Rege, nomen Christiani, quam titulus regis. Olim tituli, magna nomina, sceptrum & regna, sanguis ac vita & omnia sunt data, ut cimelium fidei servaretur illæsum, conformiter illi Divino oraculo: *Existimo omnia detrimentum esse propter eminentem scientiam Jesu Christi Domini mei.* Phil. 3. v. 8.

Hodie verò repleta est terra scientiis, & evacuata est fide, quilibet magnificat sua, iste suam scientiam, ille suam profapiam, alter suam potentiam, alius fortunam & rerum affluentiam, ac fides Christi, per Apostolos, Spiritu Sancto de cœlis instructos prædicata, tot miraculis confirmata, tam profuso Sanctorum martyrum cruore subscripta in multorum oculis ac mentibus evilit. Quisquis itaque hucusque de fide justo minorem æstimationem habuisti, defectum ejusmodi quantocius corrigere ne differas; nam non solum regnum, sed etiam fides de gente in gentem transfertur, juxta illud Christi Domini: *Anferetur à vobis regnum Dei, & dabitur genti facienti fructus ejus.* Matth. 21. v. 43. Deificum quippe Sanctæ fidei lumen meretur amittere, quisquis illud dignè æstimare non discit. Revocetur ad considerationis lancem ille discursus Divi Augustini apud Patrem Michaellem à Sancta Catharina ita differentis: *An-* Vol. 3. Tractatione 6. crud. 1.

distis ab initio usque ad hanc diem, quòd multa generationes pertransierunt, quæ omnes sine cognitione Dei & pretio suæ redemptionis in interitum sempiternum delapsæ sunt, quando tibi hanc gratiam largitus est, quam nullus eorum percipere meruit. Sed nunquid tu fortior? nunquid sapientior? nunquid nobilior? nunquid omnibus illis dignior fuisti? qui hanc præ omnibus illis specialem gratiam sortiri meruisti? quot fortes, quot sapientes, quot nobiles, quot divites ibi fuerunt, & tamen universi relictæ, & abjecti perierunt. Quid prodesset tibi tua scientia, tuum ingenium, tua talenta? si unus ex illis fuisses, aut esses? & certè esses ex illis, si Catholicâ fide careres. Nihil scit, qui fidei veritates ignorat, & nihil docet, quisquis plebem in fidei articulis rudem ac ignarum relinquit. Econtra sat doctus, sat dives, sat nobilis est, quisquis bonus Christianus est. Quod probè perpendere nobilis ille Juvenis Alston, & Epictetus presbyter; hi enim à Judice Latroniano interrogati, unde domo? ex qua stirpe? aut ex qua essent provincia nati? repetitis vicibus nihil aliud responderunt, nisi: Nos Christiani sumus, & Jesum Christum Dominum nostrum profiteamur, in cuius potestate cuncta habentur. Fides religionis Catholice lumen est anima, ostium vitæ, fundamentum.

In vitis Pa-
rum lib. 1.

mentum salutis aeterna. Hanc nobis velut Eusebius
 magnam lampadem, Christus adveniens ex Emisenus
 rantibus viam monstraturus, exhibuit, per de symbol.
 quam possit Deus ignotus requiri, quasi cre-
 di, creditus inveniri. Fides est illa alta sa-
 pientia, cui non possunt contradicere omnes
 adversarii nostri. Illud lumen, quo dispel-
 luntur ignorantiae tenebrarum, origo iusti- S. Joannes
 tia, sanctitatis caput, devotionis principium, Chryso-
 religionis fundamentum. Fide nulla scien- ferm. de si-
 tia est in veritate certior, nulla in suis prin- de &c.
 cipiis securior, nulla quoad objectum suum
 sublimior, nulla quoad finem suum san-
 ctior, nulla quoad documenta purior, nulla
 imbecilli humanae intelligentiae ad intelli-
 gendum aptior, nulla ad illuminandum in-
 tellectum praestantior, nulla ad honeste vi-
 vendum utilior, nulla Christiano homine
 dignior; nec est Christiani nomine dignus,
 qui fidem Christianam non aestimat. Ter-
 tia causa languoris in fide, sive ratio disci-
 minis inter fidem primitivae Ecclesiae ac mo-
 derni saeculi est nostra curiositas, ac super-
 bia intellectus tardantis credere, quod ne-
 quit capere; nam primi Christiani redige-
 bant omnem intellectum in obsequium
 Christi, scientes quoniam eloquia Domini
 justificata in semetipsis, modo vero à fide
 non pauci deficiunt, scrutantes scrutinio,
 similes superbis Phariseis, ad quos Domi-
 nus

Joa. 5. v. 44 nus ait: *Quomodo vos potestis credere, qui gloriam ab invicem accipitis. Quasi diceret, qui gloriatur in sapientia sua, non est aptus ad gloriam fidei. Scriptum est enim; per-*
 1. Corint. 1. v. 19. & 20. *dam sapientiam sapientium, & prudentiam prudentium reprobabo. Ubi sapiens? ubi scriba? ubi inquisitor hujus sæculi? nonne stultam fecit Deus sapientiam hujus mundi?*
 Non quidem ex hoc inferendum est, sapientes aut doctos à fide excludi, sed humiliandam atque abnegandam esse prudentiam rationis, ut inveniat locum autoritas solius dicentis. Nam quod intelligimus aliquid, rationi debemus, quod autem credimus, authoritati. Cedat curiositas fidei, cedat gloria humane sapientie ac rationis saluti. Quid enim miserabilius? quid debilius nostra fide? nisi esset securior ac certior debili humanæ rationis acumine? Præterea (ut ex sancto Gregorio Nazianzeno loquar) Nihil fide nostra iniquius fingi posset, si in eruditos tantum, dicendique facultate, ac logicis demonstrationibus excellentes caderet. Tum, quia Deus foret manifestè acceptor personarum, tum quia malè provideretur indoctis, qui suam fidem neque firmare, neque adversus sapientes defendere possent. Et quid Deo nostro miserabilius, si non posset majora facere, quam ratio humana attingere? vel quomodo opera Dei possent dici

ci mirabilia, si nec quidem humano captu forent majora? homo homini narranti credit, etiam ea, quæ nunquam vidit, & cur Deo non credat, sua dicta tot prodigiis confirmanti? cuilibet in sua arte credendum esse, dicimus, quanto magis Deo, qui in sua dispositione non fallitur. Multa quandoque discipulus à suo audit Magistro, quæ non capit, at tamen credit, & Deus non sit tantæ autoritatis apud mortales, quantæ magister apud suos discipulos? quantæ Pythagoras, apud suos Scholares? qui nunquam ausi sunt dictorum à suo magistro indagare rationem, sed tota firmaque ratio ipsorum erat autoritas dicentis: unde omne ortum dubium adinvicem hisce paucis verbis solvebant: *Ipse* (nimirum Pythagoras noster magister) *dixit.* Nota hæc, ô Christiane, & dic similiter in omni tentatione, in omni curiositate intellectûs, in omni pertinacia iudicii infestante, pro articulo fidei, pro omni fidei mysterio: Deus dixit, & satis: rationem verò investigare superfluum, inutile, ac præsumtuosum. *Au-* *S. Laur. Justinian. in*
toritas ergo præbet fulcimentum fidei, & si *ligno vitæ*
des assentit auctoritati. Utrumque verò per *cap. 3.*
Christum est, propter quod & splendor & ver-
bum dicitur, quia mentem per fidem illumi-
nat, & veritatem per doctrinam ostendit.
 Credendum est Deo, credendum Ecclesiæ

Matth. 18.
v. 3.

Vincentius
Bellovar.
specul. hist.
cap. 17.

Catholicæ, uti parvuli credere solent Patri & Matri; nam *nisi conversi fueritis, & efficiamini sicut parvuli, non intrabitis in regnum cælorum.* Fides vestra non erit firma, nec Deo accepta: Imitemur illum puerulum in vita sancti Romani martyris. Cum Romanus Martyr, jussu Asclepiadis Præfecti crudelissimis torqueretur tormentis, omnem admovebat arietem, ut judicis animum emollire, atque ad agnitionem veritatis adducere posset, inter alia fortissima & manifestissima fidei argumenta eidem suadens, ut saltem ex infante innocentissimo, omnisque doli & mendacii experte (quem tunc temporis mater Christiana mulier adstans suis gestabat in ulnis) veritatem Catholicæ fidei interrogando edisceret. Et hem tibi infans, qui totâ suâ vitâ necdum vel verbum lallaverat, primitus ab ipso Romano interrogatus, clarâ & distinctâ voce exclamat: *Christus est verus Deus, Christus est verus Deus,* & cum judex totus attonitus ad infantem, *quis te ita edocuit?* adjecit is; *me mater, matrem autem Deus.* O vocem! ô infantem longe dignissimum, quem omnis Christianus imitetur, semper suis tentationibus contra fidei mysteria, semper suo tardo ad credendum intellectu, semper pertinaci judicio suo, ac scrutandi appetitui dicens: Illud, istud mysterium, hunc fidei articulum, &

& omnes alios ita indubius credo, quia me ita docuit mater Ecclesia, Ecclesiam verò Deus, efficiamur proinde sicut iste infans, sicut parvuli, & *demus aliquid Deum posse*, S. August. *quod nos fateamur, investigare non posse.* Tract. 12. in Joann.
Quarta radix languoris in fide est ipse defectus radicationis, & negligentia in pensiculandis motivis credibilitatis, qui defectus ut cò patentius deprehendatur, pensiculatè notandum, ad actum fidei Theologicæ duos actus intellectûs concurrere. Primus, quo judico ac credo, hoc vel illud esse de fide, & à Deo revelatum. Secundus, quo veritatibus ipsis à Deo revelatis firmum assensum præbeo. Primus actus necdum est assensus fidei Theologicæ, quia non innititur auctoritati Dei revelantis, quod ad fidem Theologicam requiritur, sed tantum virtuti prudentiæ, adducenti & proponenti motiva, quibus intellectus convincitur ad credendum, hoc vel illud esse de fidè, esse à Deo revelatum. Unde aliud est, ratione investigare, an veritates à Deo revelatæ ita se habeant? an res sit possibilis? an infallibilis? aliud verò inquirere rationes & motiva, quibus intellectus trahitur ad credendum, hoc, vel illud esse fide Divinâ tenendum. Prius est præsumptuosum, pessimum, Diabolicum, siquidem *judicia Domini vera sunt in semetipsa*, & minimè humanæ discussioni

Ps. 18. v. 10.

cussioni aut prudentiæ subjecta, credendum enim est propter auctoritatem Dei dicentis, & non propter persuasionem rationis. Posterius verò (servatâ tamen cujuslibet capacitate) prudentissimum, sanctissimum, & ad fidem Theologicam profundè radicans saluberrimum; non enim est fides nostra imprudentium, citò, sine ratione, ac cæco modo credentium, sed summè prudentium, summè sapientium. Catholicæ fidei adhærere summa sapientia, à Catholica fide recedere, vel huic non accedere summa stultitia est. Licet quippe ipsa fidei mysteria à Deo revelata nobis appareant obscura, quia humanâ ratione, altiora, sunt tamen evidenter credibilia, cùm sit tam evidens, solam fidem Catholicam, & nullam aliam ab ipso Deo summè veraci esse revelatam, ut nemo prudens majorem evidentiam postulare queat, ut Apostolus asseverare non dubitet: *Licet nos, aut Angelus de cælo evangelicet vobis, praterquam, quod Evangelizavimus vobis, anathema sit.* Nam quid Deus pro confirmatione suæ fidei debuit ultra facere, & non fecit? *Locutus est nobis in filio.* Misit de cælo Spiritum Sanctum, ut doceret nos omnem veritatem, confudit sapientes hujus mundi per rudes piscatores, superavit potentissimos tyrannos per inermes discipulos, convertit mundum per paucos

Ad Galat. i.
v. 8.

Heb. i. v. 2.

Apo-

Apostolos. Fidem nostram indubitatam facit vel ipsa doctrinæ puritas, credentium unitas, Ecclesiæ authoritas, vaticiniorum impletio, continua summorum Pontificum in sede Petri successio, scripturarum oracula, Sanctorum Patrum testimonia, sacrorum conciliorum concordia. Fidem nostram probat ac testatur tota natura tot multifariis prodigiis, tot myriades martyrum proprio dato sanguine ac vita, tot millia confessorum suo generoso mundi contemptu, ac vitæ sanctitate. Veritatem fidei nostræ denique fateri coguntur ipsi adversarii, ipsi inimici nostri, ipsi dæmones, jam ex idolis, jam ex obsessis, jam aliis modis. O sancta fides Catholica! cui te comparabo, cui te assimilabo? mehercle sicut non est similis in Diis Deo nostro, sic etiam non est similis in omnibus sectis fidei Catholicæ, nulla secta vel unicam notam veræ Ecclesiæ vel unicum testimonium ex enumeratis potest ostendere: medius fidi *magna insania est Evangelio non credere, cujus veritatem sanguis martyrum clamat, Apostolica resonant voces, prodigia probant, ratio confirmat, elementa loquuntur, Dæmones consentunt.* Quis, credibilitatis hisce motivis æquâ lance trutinatis, non videt, Catholicam fidem nec diabolicum nec humanum posse esse inventum? sed esse necessario opus excelsi, opus omnipotentis.

Nam

Picus Mirandula
Epist. 1.

Nam Diabolus idola non destruit, sed erigit. Princeps tenebrarum non illuminat orbem, sed occæcat, obscurat. Hostis malignus non seminat triticum virtutum, sed zizania vitiolorum. Superbus cacodæmon non docet humilitatem Christi, sed fastum mundi. Mundus non pugnat, minus vincit inermi manu, sed potentiâ, scuto, gladio & bello. Mundus non confundit simplicitate, sed astu & dolo, humanæ adinventiones non sunt, paupertatem amare, divitias contemnere, honores fugere, contemptus appetere, propriam carnem odio habere, in persecutione gaudere &c. hæc & similia proinde, charissimi, nobiscum bene expendamus, ut in fide Catholica altè radicemur, ut altè radicati possimus in fide confirmare fratres nostros, & tanquam veri Israelitæ, viri Benedicti in fine Mundi pro catholica Romana Ecclesia stare ac certare fidelissimè. Corrigamus omnes fidei defectus, excutiamus fidei torporem, legamus, loquamur, meditemur de mysteriis fidei, exerceamur in fide, ut illuminemur, & accendamus, semper parati ad reddendam de fide nostra rationem. Ad asseverandum cum Richardo à Sancto Victore: *Utinam attenderent Judæi, utinam Pagani, cum quanta conscientia securitate pro hac parte ad Divinum iudicium poterimus accedere.* Non-

Nonne cum omni fiducia Deo dicere poterimus : Domine si error est, à te ipso decepti sumus. Nam ista tantis signis & prodigiis confirmata sunt, & talibus, quæ non nisi à te fieri possunt, & certè à summa sanctitatis viris sunt nobis tradita, cum summa attestazione probata, te ipso cooperante, & sermone confirmante sequentibus signis.

MEDITATIO II.

De

Transitu ad æternitatem.

Punctum 1: Certò incertâ horâ moriendum & migrandum est. 2. Comparandum coram tremendo Iudice. 3. Sententiam semel latam sequetur æternitas immutabilis.

Preludium.

Sic mentem tuam collige, tanquam hâc horâ migraturus de præsentî Sæculo. *Transmigre in montem sicut passer*, & vide, Psal. 10. ubi ponas nidum tuum? an in cœlis sursum? an apud inferos deorsum? alterutrum enim erit necessarium? v. 1.

Punctum I.

En vox de sursum tibi! unde venis, & Judic. 19. quo vadis? corpus de terra formatum est, v. 17. Spiritus à Deo inspiratus est, illud terra sursum.

Isaïæ. 38. *sum sumet, & hunc Deus sibi reddendum*
 v. 1. *exiget. Dispone Domui tuæ, quia morie-*
 Matth. 25. *ris tu. Sed quando? nescitis diem, neque*
 v. 12. *horam. Sed dies Domini, repetentis animam*
 1. Thessal. *tuam, sicut fur in nocte, ita veniet. Mo-*
 5. v. 2. *rieris tu. Sed quo in loco? oportet te,*
 S. Regul. *mortem quotidie, & in omni loco ante ocn-*
 cap. 4. *los suspectam habere. Umbra enim est mors,*
quæ ubique sequitur mortale corpus, & in
omni loco insidiatur, quasi leo, in spe-
lunca sua, ut rapiat vitam.

Morieris tu. Sed quomodo? quo mor-
 Eccle. 9. *bo? quâ corporis dispositione? in quo ani-*
 v. 12. *mæ statu? omnia sunt incerta: Nam sicut*
 1. Thessal. *aves laqueo comprehenduntur, sic capiuntur*
 5. v. 3. *homines in tempore malo. Cum enim dixe-*
rint, pax & securitas, tunc repentinus eis su-
perveniet interitus, sicut dolor parturienti in
utero habenti, & non effugient. Grandis ars
benè mori: Pauci addiscunt hanc artem fa-
tis, neque momento discitur æternitatis
aditus, sed discendum semper, quod pra-
cticandum semel, & secundâ vice repetere
non licet. Mors est vitæ echo. Canen-
dum ergo benè bonis actibus, ut bona re-
spondeat echo; vivendum sanctè, ut se-
quatur pretiosa in conspectu Domini mors San-
 Psal. 115. *ctorum ejus. Velut à facie colubri fugien-*
 v. 15. *dum à peccato, ne apprehendat nos mors*
 Psal. 33. *peccatorum pessima. Gratia semper agendæ*
 v. 22. *Deo,*

Deo, quod hucusque tam clementer pepercerit à morte animabus nostris. Nam ubi, eheu! jam essemus, nisi patientia Dei nos hactenus expectâisset ad pœnitentiam? quare patientiâ Dei ne abutaris ultra.

Punctum II.

Unde venis? & quò redis? Venis non Genes. 16.
longè, quia pauci sunt dies vitæ tuæ, & v. 8.

vadis in terram longinquam, in domum æternitatis, nunquam inde exiturus, nunquam ad præsentem vitam rediturus, vadis ad populum, quem nunquam novisti, ad iudicem, quem nunquam vidisti, videbis mirabilia in altera vita, terribilia in circuitu throni, in quo sedebit Deus ultionum Dominus. Apparebis in conspectu Creatoris, ac Redemptoris tui, sed quo in habitu? an in stola candida? an in veste nuptiali? an in vestitu deaurato circumdatus varietate? talis enim amictus exigetur in Religioso, scilicet aurea charitas, distincta pretiosis omnium virtutum lapillis. Portaberis ad tribunal Christi, sed à quo? an in manibus Angeli tutelariorum? an porro in unguibus cacodæmonis? ille scilicet te sistet Iudici post mortem, cujus consiliis obsecundasti in vita. Vox exibat de throno, interrogaberis à Iudice de vita tua, an illa fuerit verè Christiana? an verò semipagana? an religiosa? an mundana?

in

an vitæ Christi ? an moribus politicorum similior ? an secundum regulam ? an secundum vocationem ? an secundum acceptas gratias ? Et quid respondebis ad omnia ? quid si respondere nequiveris ? nonne obmutescentem condemnabunt te opera tua ? Considera vias tuas, & vide, quo vadas ? inspicere opera tua, & attende, quid agas.

Punctum III.

Tempora mutantur, at non æternitas. Modo te adhuc mutare potes, ast in æternitate nequaquam amplius, nihil amplius in æternitate potest corrigi, nihil amplius emendari, sed ubi navis animæ in morte appulsa fuerit, ibi in æternum hærebit, in quam partem arbor ceciderit, in illa per omnem æternitatem jacebit, nec revocabitur amplius lata semel sententia. O æternitas ! O æternitas ! O æternitas ! cum sis tam longa, tam immensa, tam certò, tamque citò omnibus mortalibus adventura, attamen tam rarò es in ipsorum memoria. O cœcitas mortalium ! *Ibit homo in domum æternitatis suæ. Nec revertetur ultra. Utinam saperent, & intelligerent, ac novissima providerent. Utinam cum Davide annos æternos in mente haberent. Utinam tam prudentes essent filii lucis, quam filii hujus sæculi ! utinam tanto studio sibi compararent divitias æternas, quan-*

Eccle. 12.

v. 5.

Job. 7. v. 10.

Deut. 32.

v. 29.

Psal. 76.

v. 6.

to

to isti perituras, tanto ardore sitirent delicias sempiternas, quanto isti momentaneas, tanto conata appeterent exaltari in æternitate, quanto isti in tempore. Sæpe proinde tandem ô homo insipiens, prospice tuæ æternitati, vide, qualis velis esse per omnem æternitatem? an miser? an felix? an dives? an inops? an honoratus? an despectus? an parvus? an magnus.

BONA PROPOSITA

Ex hac
Meditatione.

1. **N**Ovissima mea, ad quæ propero, semper ante oculos habere satagam.
2. Omnes meas confessiones, omnes sacras communiones, eâ industriâ, eâ præparatione, eâ devotione, eoque fervore peragam, ac si quælibet harum re vera foret ultima. Unde ante quamlibet præterea sacram communionem faciam quoque intentionem sumendi eam per modum ultimi viatici, casu quo forsan interea â præsenti vita subito avocarer.
3. Examen tam particulare, quàm generale tam accuratè semper obire studebo, ac si actu ad reddendam de omnibus actibus meis rationem ipsi tremendo Judici sisterer.
4. Singulis noctibus, antequam pedem

D

strato

strato inferam, semper petam benedictionem à Beatissimâ Virgine ac Filio ejus, tanquam jamjam abiturus in terram longinquam, sicque devotè in lecto me recolligam tanquam jamjam obdormiturus in Domino, ac Spiritum meum commendaturus in vulnera Christi.

5. Ante omnem voluntariam cogitationem, ante omne verbum, vel opus semper mihi ingeminare conabor: Ecce & hoc ipsum adducetur in Judicium. Estne tale, quod potius Judicis gratiam, quàm iram mereatur?

6. Omne opus, omneque exercitium ita explere allaborabo, ac si ab illo solo tota mea æternitas dependeret.

7. Creberrimè, præsertim singulis saltem horis ultimam meam horam Christo pro me in Cruce mortuo, ejusque Sanctissimæ Matri devotè & contrito corde commendabo.

8. Frequenter devotissimas referam Deo gratias, quòd mihi hætenus tantâ misericordiâ pepercerit, nec me toties impræparatum improvise citaverit ad judicium.

9. Pro agonizantibus frequentes fundere, & offerre preces contendam.

10. Si per obedientiam licet, moribundis assistere, eosque consolatione confortare, mihi cordi habebò. &c.

EXA-

EXAMEN PARTI- CULARE

De

Conversione morum & re- ligiosa modestia.

1. **A**N vitam tuam, actiones ac mo-
res secundum Sacram Regulam,
ac alias salutes constitutiones instituas?

2. An alias laudabiles consuetudines &
observationes tui monasterii custodire
fatagas.

3. An hominum secularium familiari-
tatem fugias? & an à Sæculi actibus te fa-
cias alienum?

4. An Parentes, cognatos & notos in
Sæculo relictos oblivioni tradideris?

5. An studeas vitia extirpare, carnem
domare, & in omni cordis, corporisque
puritate Deo servire?

6. An studeas odisse, quod ante fuisti, &
amare, quod ex vi statûs, ac vocationis
tuæ esse debes?

7. An in Choro, & in omnibus Divinis
omnes Cæremonias, & ritus reverenter
observare soleas?

8. An non solum tuis superioribus, sed
singulis quoque patribus, ac confratribus
debitam reverentiam exhibeas?

D 2

9. An

9. An vestes tuæ mundæ, & cum religiosa decentia semper sint debite compositæ?

10. An juxta Sacram Regulam aspectus tui sint semper in terram defixi, aliique sensus debite custoditi?

11. An (ubi cum proximo tractandum) tum in verbis, tum in ratione & modo loquendi ædificationi & modestiæ studeas, cavens omnem inordinatum risum, omnemque motum & gestum minus decentem?

12. An denique in omni conversatione, ac in cunctis tuis actionibus religiosam maturitatem & gravitatem conjunctam cum humilitate observes?

LECTIO SPIRITUALIS

Pro

Tempore pomeridiano. Argumentum: Futura prospicienda.

Nondum orbis adoraverat Romam, cum quoddam existeret regnum, cujus incolæ non nisi extraneo regale semper conferre Sceptrum, non nisi unico anno eum sustinere in throno, quo finito suum unius anni Regem omnibus exspoliatum & nudum in horridam quandam insulam, & durum ablegare exilium solebant.

Successere in isthoc regno reges invicem plures, toto sui regni anno jucundati, gloriantur,

ti, epulati, toti suis regiis deliciis immerfi,
 rati, se faustos atque beatos, stolidi & im-
 memores sui tam brevis regiminis, ac fu-
 turi tam longi exilii; donec tandem unus,
 reliquis prudentior, & futura prospiciens
 anno regni sui ingentem æris summam, &
 quæque pretiosa in horridam illam sui fu-
 turi exilii insulam clam præmitteret, ut,
 folio amotus haberet, quò ibi regiè vivere
 posset. En tibi parabolam ex vita Sancto-
 rum Barlaam & Josaphat desumptam, pau-
 lulùm quidem aliter, quàm ibi, positam, ut
 eò palpabiliùs nobis veritatem exponat.
 Mundus istud regnum est, extranei omnes
 mortales. *Non enim habemus hic manen-* Hebræ. 13.
tem civitatem, sed futuram inquirimus. In- v. 14.
 colæ in hoc mundo, in isto regno omnes
 res transitorie, hæ offerunt homini deli-
 ciarum rosas, sed quamdiù florebut? of-
 ferunt suas fortunas, sed quamdiù dura-
 bunt? offerunt honorum ampullas, sed
 quamdiù subsistent? offerunt se ipsas ad
 serviendum in hominis usum & fruitionem,
 sed quamdiù eis frui licebit? *Stulte, hac* Lucæ. 12.
nocte animam tuam repetent à te, quæ autem v. 20.
parasti, cujus erunt? Multi in hoc regno
 sibi invicem jam successerunt reges, & succe-
 dent deinceps, quoniam *generatio præterit,*
& generatio advenit. Sed quis inter hos Eccle. 1.
 sapit cum æterna sapientia verbo & opere v. 4.
 præ-

Joann. 18.
v. 36.

Isaïæ, 60.
v. 9.

1. Cor. 15.
v. 26.

Psal. 91.
v. 7.

Matth. 19.
v. 11.

De æterni-
tate consid.
9. conclus.
3.

prædicante : *Regnum meum non est de hoc mundo ?* Gaudium meum non est de hoc mundo : honores mei, divitiæ meæ, delicta meæ, oblectationes meæ non sunt de hoc mundo. *Me enim insula expectant*, an fortunata, an porro infortunata? incertum manet usque ad tremendum iudicium, quod manifestabit abscondita cordium. De hoc, non verò de mundo mihi cogitandum semper. Prospiciendum est in futurum, præmittendæ sunt in illas æternitatis insulas divitiæ bonorum operum, ac quæque prætiosa virtutum. In montibus æternis figendus est hominis cogitatus, præsentia autem ab ipso conculcanda sunt pedibus, vel hoc ipso, quia naturæ auctor Deus *omnia subiecit sub pedibus ejus*. Sic quidem argumentari solent prudentes; ast *vir insipiens non cognoscet, & stultus non intelliget hoc. Non capiunt verbum istud*. Unde operæ precium erit, in præsentis discursu pensiculatè examinare, radicitusque evellere causas, quæ hominem circa sua novissima tam incurium reddunt, quin à memoria ac attentâ æternorum meditatione etiam retrahunt. Et

1. Quidem causa tantæ incuriæ circa nostra novissima censetur defectus vivæ fidei. *Pars magna Christianorum* (inquit Hieremias Drexelius) *etiam Catholicorum gehenna*

henna & cæli aternitatem esse non credunt. Certè aliter viverent, si id verè crederent. Sunt, qui videri velint id credere: verbis ajunt, factis negant. Aternitatem aut nunquam, aut rarissimè cogitant, aut cogitant tantum, & non perpendunt, non inhaerent, non examinant, intellectum & voluntatem non concitant, imaginationi nil impræmunt. *Quis credidit audiui nostro?* Exa- *Isaia 53.*
mine discute fidem tuam, ô Christiane! ô Religiose, credisne, semel mori esse hominis ultimum, supremum, & omnium negotiorum negotium, cui reliqua totius mundi negotia comparata, non sunt nisi futilia somniantium certamina? hocne credis, & tamen ad tantum negotium tam incertâ horâ tam certò aliquando tractandum, te non aliter disponis? reges ante conflictum omni armaturâ sua instruunt castra. Et tu sine bonorum operum apparatu, absque virtutum phalange, absque spiritali armatura properare non times ad ultimam illam, ipsi naturæ terribilem luctam? ad confligendum cum principibus tenebrarum, tanto furore accensis? cum bestiis infernalibus, insidiantibus quasi leo in spelunca sua, ut rapiant pauperem & unicam animam tuam? ad illum grandem conflictum, ubi doloribus circumvallaberis, gelidis sudoribus inundaberis? timoribus conuas-
saberis

faberis ? angustis coarctaberis ? tentationum fluctibus agitaberis ? atque undique afflictaberis ? ubi pugna acerrima, mens humana timida, ac ipsa caro tam infirma ? ubi victoriâ cecidisse, est sempiternum interitum incurrisse ? credisne hoc Christiane ? nauta suam navem feris fluctibus maris non credit, nisi eam prius præparaverit, atque sulcandis undis comprobaverit aptam ; & tunc tuam æternam salutem tam incautè absque requisita præparatione, absque probata vita interminabili æternitatis oceano committes ? ubi naufragio facto, jam in omnem æternitatem nulla amplius ad evadendum restabit tabula, sed descendes sicut lapis in profundum ? credisne hoc ô Christiane ? opifices ante laborem passim sua instrumenta præaptant, & ne quidem rusticus, nisi prius acuerit, suam falcem mittit in messem : ergone tu tanti non æstimas tuæ perennis salutis negotium, quanti fœnifex fœnum, & quivis scrinariarius suum laborem ? Vel histrio, ad suam personam agendam decenti se vestit amictu, omnes suos gestus componit, sequæ totum pensulatè disponit, antequam in publicum theatrum procedit, ne forsan loco honoris confusionem reportet : & tunc etiam histrione deterior sine probatis moribus, sine vita, tuam personam, tuum statum, tuamque vocationem concedenti ad magnum

magnum æternitatis theatrum properare non metuis ? væ tibi tuæ mortis incurie ! quid ludes in illa tuæ vitæ ultima scena ? an comœdiam ? an tragœdiam ? qualem personam ages coram Rege gloriæ , coram tremendo Iudice ? an personam rei ? an infantis ? an condemnandi ? an salvandi ? quid reportabis exiturus â Iudice ? an gloriam perennem ? an æternam confusionem ? talem scilicet ages personam in morte , qualem semper probâsti in vita , & metes , quod seminâsti. Ubi est fides tua ô Christiane ? vel non vides , quantâ industriâ viator loca infamia latrone declinet ? quantâ cautelâ per lubrica viarum incedat ? ne lapsante pede in cloacam aut scrobem serpentum labatur ? quantâ curâ avarus suum thesaurum in scrinio vectibus ferreis obserato recondat ? quàm diligenter posticæ stabulorum claudantur , ne fur nocturnus asinum aut bovem abducatur ? Ubi est fides tua ? ergone tanti non facis tuam pretiosam & unicam animam , quàm quivis obvius rusticus suum bovem vel asinum ? *cujus vestrum asinus aut bos* Lucæ 14. *in puteum cadet , & non continuo extrahet* v. 5. *illum ?* & animam tuam è discrimine æternæ damnationis , è puteo interitûs , è cloaca tepiditatis , è cœno vitiorum extrahere moraris ? abrumpe moras , attende tibi ,

non de perdendo asino, sed de perdenda anima, de perdendo thesauro æternæ gloriæ agitur: agitur de cavenda infernali scrobe, de stygia cloaca, è quâ, lapso tibi semel in eam, ad superas repedare auras nunquam licebit. Lubricâ viâ, quam infernales prædones quaquâ obsident, inambulâs, ambulandum cautè non enim de crumena, sed de anima diripienda agitur. De cavendo incendio gehennæ agitur, cautè attendendum etiam ad minimas scintillas, etiam ad minimos defectus, ne neglecti sive per incuriam, sive per contemptum struant graviorum criminum rogam, & excitent ignem inextinguibilem. Ubi est fides tua ô Religose! Saltem a modo succinctus plena fide, & quasi jam ad extrema deductus, seriò te præpara ad æternitatem cum illo Monacho, qui (beato Eli-maco narrante) diutiùs perquam tepidè, & æternæ salutis suæ oppidò incurius vivebat, donec gravi morbo correptus in ecstasin raperetur, à qua post horam ad se reversus, cunctis Patribus à se recedere jussis, perangustæ se inclusit cellulæ, ibique januâ cellæ obstructâ, mansit inclusus integros duodecim annos, nemini quicquam loquens, solo pane & aquâ victitans, adeò meditationi æternorum immersus, *ut nunquam* (verba sunt Joannis Climaci) *jam vultum*
im-

In Scala Pa-
radisi gra-
du 6.

*immutaret, sed semper sic attonitus perdu-
rans vim lachrymarum ferventium tacitus
perfunderet. Usque ad ultimam suæ vitæ
horam, quâ appropinquante, effracto mu-
ro, januam cellæ tandem aperiri fecit, in-
gressisque fratribus valedicens, hoc unum
pro memoriæ tessera reliquit: Ignoscite mi-
hi; nemo, qui revera mortis memoriam agno-
verit, peccare unquam poterit. Ecce hic an-
tea tepidus Monachus totum in alium vi-
rum mutatus est, quia æterna & hominis
novissima vivâ fide credidit, aut credidit,
quia in raptu mirabilia vidit. In alterum
virum indubiè & tu mutaberis, si pari fide
annos æternos in mente habes; raptum qui-
dem similem noli expectare, sed sufficiat Joann. 20.
tibi illud Christi dictum: beati, qui non v. 29.
viderunt & crediderunt.*

Secunda nostræ incuriæ causa est, quod
novissima nostra non consideremus uti jam-
jam vicina, sed veluti adhuc procul di-
stantia; credimus quidem, nos omnes ali-
quando morituros, vix tamen reperitur,
qui non sperat, se adhuc diu victurum. De
futuro judicio nobis quidem inest fides, de
præparatione verò ad illud necdum ulla cu-
ra. Parata justis præmia, & reprobis æter-
na supplicia cum Ecclesia Catholica quidem
confitemur, periculum autem illorum
amittendorum, & istorum nobis tam pro-
pè

- pè impendentium non attendimus. Est porrò hic error duplici consideratione corrigendus. Imprimis quidem nunquam è memoria tua elabi sinas, varios esse mortis casus, & incertam ultimam humanæ vitæ horam, testante id Divinâ Scripturâ, probante quotidianâ experienciâ, confirmante tot historiarum casuumque copiâ, *si non venissem & locutus fuisset eis, (inquit Christus ipse futurus Judex) peccatum non haberent, nunc autem excusationem non habent de peccato suo.* Nisi à Christo Domino de incertitudine ultimæ horæ tam paternè præmoniti fuisset, excusatione excusans fortasse aliquis dicere potuisset, se mortem tam inopinatam non prævidisse, horam mortis tam incertam esse, se nescivisse, nunc autem quis excusationi locus? cùm Christus ipse venturus Judex ubique clamet: *Videte, vigilate, & crate, nescitis enim quando tempus sit.* Vigilate ergo, quia nescitis, quâ horâ Dominus vester venturus sit. Vigilate itaque, quia nescitis diem neque horam. Et vos similes hominibus expectantibus Dominum suum, quando revertatur à nuptiis, ut cùm venerit, & pulsaverit, confestim aperiant ei. Vigilate itaque omni tempore orantes, ut digni habeamini fugere ista omnia, quæ ventura sunt, & stare ante filium hominis. Si ergo non vigilaveris, veniam
- Joan. 15.
v. 22.
- Marc. 13.
v. 33.
- Matth. 24.
v. 42.
- Matth. 25.
v. 13.
- Lucæ. 12.
v. 36.
- Luc. 21.
v. 36.
- Apocal. 3.
v. 3.
- ad

ad te tanquam fur, & nescies, quâ horâ veniam ad te. Si autem dixerit malus servus ille in corde suo: moram facit Dominus meus venire, & caperit percutere conservos suos; manducet autem, & bibat cum ebriosus: veniet Dominus servi illius in die, quâ non sperat, & horâ, quâ ignorat, & dividet eum, partemque ejus ponet cum hypocritis, illic erit fletus & stridor dentium. *Vi-* Matth. 24.
v. 48. &
sequent.

gilate ergo, nescitis enim, quando Dominus domus veniat: an sero? an mediâ nocte? an galli cantu? an mane? ne cum venerit repente, inveniat vos dormientes: quod autem vobis dico, omnibus dico: Vigilate. *Ideò &* Marci 13.
v. 36. & 37.

vos estote parati: quia quâ nescitis horâ, filius hominis venturus est. Estote parati, quia, quâ horâ non putatis, filius hominis veniet. *Pœnitentiam age, si quò minus?* Matth. 24.
v. 44.

veniam citò. Ecce quot præmonitiones ex ipso Dominico ore! beati proinde servi illi, quos cum venerit Dominus, invenerit vigilantes. *Ecce! non dicit paremini, vel præparate vos, sed: estote parati. Propter* Lucæ 12.
v. 40.
Apocal. 2.
v. 16.
Lucæ 12.
v. 37.

quod inexcusabilis es ô homo, qui tot repetitis Salvatoris præmonitionibus commonefactus, ad exitum ex hac vîta te præparare, vel unicâ adhuc horâ differs, qui non solum tot intempestiva & repentina fata legis ex libris, sed identidem quasi quotidie inaudis ex variis casibus, non tantum sæcularium, Rom. 2.
v. 1.

sed

Libr. I.
cap. 23.
S. Grego-
rius. homil.
12. in Ev-
angel.

sed & Religioforum, quod iste apoplexiâ tactus subito è vivis cesserit, quod ille alio morbo inopinatò extinctus, alter casu è vita sublatus, & alius manè in lecto jam mortuus fuerit inventus. En tibi præmonitiones! Præmonitio est illud, toties à te lectum ex aureo libello de imitatione Christi: *Cum manè fuerit, puta te ad vesperum non perventurum, vespere autem facto, mane non audeas tibi polliceri.* Nam Deus, qui *pœnitenti veniam spondit peccati, diem crastinum non promissit,* quemadmodum id luculentum facit terribilis illa historia, à Sancto Gregorio magno relata. Vir quidam nobilis, Chrisaurius nomine, lingua rusticâ, alioquin etiam Chrisorius dictus in provincia Valeria degebat, homo aliàs dives, secundum sæculum prudens, & rebus gerendis aptus, superbiâ verò tumidus, avaritiâ deditus, carnis voluptatibus immerfus, ac variis vitiis oppletus. Hunc ergo, nihil minùs suâ morte tunc suspicatum inopinus morbus invadit, ingravescit languor, accrescit dolor, deficiunt vires, ultima hora approximat infernales larvæ ad extrema deducto in visibili forma se sistunt, quibus visis, ille ore expallesce, totis artubus contremiscere, gelidum sudorem è toto corpore emittere, lamentabili voce inducias poscere, filiumque suum, Maximum nomi-

ne,

ne, ad se adsciscere. Festinato accurrit Maximus, qui postea Monachus nostri ordinis, insolito ægrotantis clamore turbata advolat familia, infernaliam spectra vidit quidem præter moribundum nemo, horum tamen præsentiam, tum ex pavore, tum ex conturbatione, tum ex multifariis horrendis agonizantis gestibus perspicuè coniecere omnes: vertit, revertitque se infelix Christiaurium de latere ad latus, jam oculos gyrans regyransque versus parietem, jam adstantes terrifico vultu contuitus, ingenti ejulatu post complures terribiles gestus adrumans: *Inducias vel usque manè: inducias vel usque manè.* At verò incassum; etenim his verbis vix completis, infaustam animam propediem exhalans, ad tartara misit. En præmonitio ad nostram cautelam, ut reddamur alieno periculo cauti. *Semper S. Gregor. loc. cit.*
ergo extremum diem debemus metuere, quem nunquam possumus prævidere. Ecce hunc ipsum diem, de quo loquimur, ad inducias conversionis accepimus. Quapropter adhuc hodie convertere Israel ad Dominum Deum Osee 14. v. 2.
tuum. Deinde I. tametsi de longiori vita certi essemus, nihilominus novissima nostra veluti jamjam præsentia intueri deberemus, tum, quia Spiritus Sanctus id Divinis Scripturis nobis inculcat, tum, quia sacra Benedicti Regula nostraque Professio id postulat.

stulat. Et quid sibi vult tam mirabilis Di-
 Joel. i. v. 15. *vinæ Scripturæ loquendi modus? Propè est
 dies Domini* (inquit Joel Propheta) *& va-*
stitas à potente veniet. Tempus enim propè
 Apoc. i. v. 3. *est. Juxta est dies Domini magnus,*
juxta est velox nimis: vox diei Domini ama-
 Sophon. i. *ra, tribulabitur ibi fortis. Dies iræ, dies*
 v. 14. & 15. *illa, dies tribulationis, & angustia, dies ca-*
lamitatis & miseria &c. Quomodo dies
Domini, dies extremi judicii tibi juxtà ò
 1. Joann. 2. *Propheta? cùm interea jam tot sæcula abiē-*
 v. 18. *rint? Filioli, ait Joannes dilectus Christi di-*
scipulus) novissima hora est, & sicut audistis,
quia Antichristus venit, nunc Antichristi mul-
ti facti sunt, unde scimus, quia novissima hora
est. Et quomodò novissima hora tempore
Sancti Joannis, cùm hætenus jam mille sex-
centi, & ultra, anni effluxerint, nec tamen
usque in hanc horam reperiatur, qui cre-
deret, jamjam ultimam consummandi sæ-
culi instare horam? Nempe Prophetæ
Sancti & à Deo illuminati futura, ac novissi-
ma hominis uti jamjam præsentia intueban-
tur, sicque nobis consideranda esse, hujus-
cemodi modo loquendi innuere volebant.
Justorum mens (inquit Sanctus Gregorius)
 Lib. 8. Mo- *semper sollicita venturo exanimi intendit.*
 ral. cap. 13. *Omne enim quod agunt, metuunt, dum cau-*
tè considerant, ante quantum Judicem sta-
bunt.

bunt. Sic sanctus Job singulis diebus expectabat mortem, ac se parabat ad reddendam Deo rationem, uti palam est ex illis ipsius verbis, ad Deum missis: *Cunctis diebus, quibus nunc milito, expecto, donec veniat immutatio mea. Vocabis me, & ego respondebo tibi.* Sic & David Rex testatur de se ipso dicens: *Annos aeternos in mente habui, & meditatus sum cum corde meo, & exercitabar, & scopebam Spiritum meum.* Sic Sanctus Pater Benedictus in aurea sua Regula præscribit, ut Monachus *reum se omni hora de peccatis suis existimans, jam se tremendo iudicio Dei præsentari æstimet.* Non ait vir sanctus, ut monachus suam mortem, & iudicium aliquando futurum assiduâ mente revolvat, sed ut veluti rem ad jam præsentem contuteatur, seque tremendo iudicio Dei jam præsentari existimet: hoc quippe propriè ad monachum Benedictinum pertinet, ipso Christo expressis verbis ad sanctam Brigittam dicente: *Ille est Monachus Benedicti, qui plus obedit Regule, quam carni; qui nec in habitu, nec in moribus alicui placere desiderat, nisi soli Deo, qui quotidie mori desiderat, & parat se ad exitum de hoc mundo; & sollicitus est, quomodo reddat rationem de Regula Benedicti.* Hoc est Religiosa suæ vocationi invigilare, & Religiosa obtinenda perfectioni studere; siquidem

Job. 14.

v. 14.

Psal. 76. v.

6. & 7.

Cap. 7. S.

Regul.

Lib. 4. reve-

lat. c. 127.

E

(testan-

(testante magno Antonio) ut evadamus perfecti , duo tantum nobis sunt necessaria : credere quod hodie primum incepimus Deo servire : Deinde hodiernam diem esse vitæ nostræ ultimam. Verum subest adhuc alia ratio usurpantis Divinæ Scripturæ tam mirabilem loquendi modum, ut nimirum nobis ad mentem revocans isthoc loquendi modo , nostrorum annorum brevitatem, nostram corrigeret fatuitatem.

Tertia. Siquidem nostræ circa novissima nostra incuriæ radix & summa fatuitas est, quod miseri mortales suos paucillos annos, & vitæ dies veluti longissimum temporis spatium reputare , immo sub titulo perpetui inducere non dubitent. O deplorandam insaniam ! non solum sæcularibus sed multis etiam Religiosis communem ! durum est (inquiunt) ab istis vel illis perpetuò abstinere, durum, perpetuò sub uno Prælato stare, talibus confratribus convivere, ita perpetuo tractari, sic perpetuò includi, perpetuò vexari, perpetuò se abnegare, carnem mortificare, contra tentationum phalanges pugnare. Sed edissere amice, quamdiu illud tuum perpetuum durabit ? forsitan cum Aloysia, uxore Thomæ Mori asseris : *Facile viginti annis, ô te insipidum temporis censorem, cum eodem Thoma Moro ex Hieremia Drexelio tibi respondeo: Si viginti millia,*

Confid. 7.
de æternit.

*millia annorum dixisses, aliquid tu quidem
 dixisses, & videri posses cum ratione insanire.
 sed hac ipsa viginti millia annorum ad ater-
 nitatem quid sunt? modicum, & breve
 quid, punctum, momentum, nihilum. O
 quam longè aliter sancti de tempore sense-
 runt: Dies peregrinationis vitæ meæ (in- Genes. 4.
 quit Jacob ad Regem Pharaonem) centum 47. v. 9.
 triginta annorum sunt, parvi & mali. Ec-
 ce, centum & triginta annos sanctus Patri-
 archa parvos, seu paucos dies reputat, &
 tunc viginti vel adhuc pauciores annos, ali-
 quid perpetuum dictitare non ambigis? non
 est hæc locutio scripturæ. Breves dies ho- Jobi 14.
 minis, ait Jacob & Paulus: Tempus breve v. 5.
 est. Servivit ergo Jacob pro Rachel septem 1. Cor. 7.
 annis, & videbantur illi pauci dies. v. 29.
 Triginta tres annos Christus Dominus pro no- Genes. 29.
 stra salute impendit, in laboribus ac dolo- v. 20.
 ribus semper, & nihilominus amarissimam
 passionem suam horam duntaxat vocavit:
 ergone ego vitam meam in servitio Dei au-
 debo longam, immo perpetuam appellare?
 Si enim (teste magno Gregorio) tempus Homil. 19.
 ab adventu Domini usque ad finem mundi in Evang.
 unica tantum hora censetur, si de gentilibus
 undecimâ horâ, id est in novo testamento
 ad fidem vocatis dicitur: Hi novissimi unâ Matth. 20.
 horâ fecerunt, quid ergo erit noster labor v. 12.
 in cœnobio? momentaneus, brevissimus,*

S. Gregor.
lib. 15. Moral. c. 19.

Cap. 12.
v. 12.

Tob. Loh-
ner in Bi-
bliotheca
manuali
tom. 3. trit.
20.

puncti instar. *Nallus labor durus*: ait Doctor Bethlehemiticus) *nullum tempus longum videri debet, quo gloria eternitatis acquiritur*. Nescit adhuc, quid sit æternum, quisquis in vita præsentis censet aliquid esse longum. *Omnis longitudo temporis vite presentis punctum esse dignoscitur*. Et omne temporis spatium à condito mundo, à lapsu diaboli usque ad extremum iudicium, non nisi modicum dicitur: *Va terra & mari* (inquit Joannes in sua Apocalypsi) *quia descendit Diabolus ad vos habens iram magnam, sciens, quod modicum tempus habet*. Nam quando Diabolus in terram descendit, nisi quando de cælo corruit? & quale illi in terra nocendi tempus, nisi illud omne, quod à primo condito homine usque ad ultimū decurrit? sed nihilominus hoc tantū ipse modicum ad nocendum recogitat; ad nostram certè confusionem in extremo iudicio, quib9 nostri pauxilli anni ad pœnitendum ac merendum tam longi, & vix non perpetui videntur. Confundere ô Christiane à Diabolo, & disce à Christo illam auream Doctrinam, quam apparens Christophoro Caro Societatis Jesu, assidue mente volvendam in hæc verba dedit. *O æternum! ô momentaneum! ô longum! ô breve! præterit enim figura hujus mundi, & humana tempora sicut dies hesternæ, solaque æternitas longa est, jamque vicina*. Quar-

Quarta causa à novissimorum memoria multos retrahens est futilis timor, incurrendi melancholiam, vel mentis tristitiam; haud quippe adeò raros reperiēs, quibus consimilia in ore: per meditationem novissimorum hominem reddi melancholicum, involvi tristitiā, nullā amplius in hoc mundo posse affici lætitiā, O præclaros Christianos! scilicet si pagani, ac spem non habentes ita loquerentur, ex parte sustinendum foret: in ore Christiani, & præsertim in ore Religiosi hujuscemodi intolerabilia sunt. Velenim es paratus ad moriendum, Deoque reddendam rationem? vel non? si prius? quæ causa melancholiæ aut tristitiæ ex consideratione mortis ac meditatione æternitatis? nunquid captivus tristis efficitur, dum suam liberationem jam vicinam recogitat? nunquid viator melancholicus redditur, dum dulci patriæ propinquare se meminit? nunquid sponsa in mœstitiā ruit? dum futuras suas nuptias jam propinquas recolit? desperabundo, & omni spe destituito tristis est memoria mortis; qui autem de sua spe, & operatione securus est, pulsanti confestim aperit, quia latus iudicem sustinet, & cum tempus propinquæ mortis advenit, de gloria retributionis hilarescit. Sin posterius? fac ut præpareris: Minus enim jacula feriunt, quæ prævidentur.

S. Greg. hom. 13. in Evang.

S. Gregor. hom. 35. in pru- Evang.

Lib. 1. de
imitat.
Christi cap.
25.
S. August. in
Psal. 110.
Surig. 8.
Januar.

Heribertus
Rosvey-
dus in vit.
Patrum
lib. 3.
Proverb. 31
v. 25.

dentum tristatur, dum de præcavendo periculo monetur, sed gaudet, quod suæ forti, præmonitus, prospicere queat. Nescio an similis sit stultitia huic; sua novissima timere, & tamen de illis nolle cogitare? nunquid per oblivionem evitabis mortis Judicium? *fac nunc, quod tunc facere velles, & benè securus eris. Ut benè moriaris semel, morere semper.* Imitare sanctum Laurentium Justinianum, qui in ultimo agone constitutus ita Dominum affatus: *Hunc diem semper ob oculos habui, tu scis, mi Domine Jesu.* Nunquid hic Sanctus, nunquid Sanctus Hieronymus, nunquid Arsenius, nunquid sexcenti alii melancholici, qui semper vivâ memoriâ memores erant novissimorum suorum? nunquid tristis & melancholicus ille senex in vitis Patrum, qui morti vicinus usque tertio ridere solitus, causam sui risûs circumstantibus fratribus scire cupidus respondit: *Primò risi, quia omnes timetis mortem: secundo risi, quia non estis parati: tertio verò risi, quia de labore vado ad requiem.* Nempe ridebit in die novissimo, qui semper paratus expectat novissima. Oquàm horribile contra timore ac tristitiâ incertam ille æternitatis adibit aleam, cui jam vel ipsa duntaxat ejusdem memoria incutit timorem! si terret sola mortis memoriâ, quantum terrorem aliquando injiciet mors

mors ipsa? utique prudentis est, dum vacat adhuc, cum Sanctis electis potius modò mortem meditari, expavescere, ac modicum etiam propterea tristari ad vitæ emendationem, quàm in extremo vitæ articulo cum fatuis & reprobis præ concenturiato pavore conjici in desperationem. *Utique* S. August. *melior est modica amaritudo in faucibus, quàm æternum tormentum in visceribus.* O stultitiam mortalium! qui, ne terrena ac gaudia stultorum desipiant, æterna meditari detrectant. Disce ô Christiane, vel à Pagano monente: *Effice mortem tibi cogitatione familiarem, ut si ita fors tulerit, possis illi obviam exire.* Seneca de naturalib. quæstionib.

MEDITATIO III.

De

Gratia vocationis ad Religiosum Statum.

Punctum 1. De æstimatione suæ Religiosæ vocationis. 2. De periculo ejus, qui finem suæ vocationis negligit. 3. Motiva ad sudandum pro obtinendo suæ vocationis fine.

Preludium.

Recollige totum Spiritum tuum ad audiendum sermonem Divini Magistri dicent-

Joann. 15.
v. 16.

centis: *Ego elegi vos, & posui vos, ut earis, & fructum afferatis & fructus vester maneat.*

Punctum 1.

Perpende gratiam vocationis, & recoga singula, propter quæ vocatio ad religiosum statum summi æstimari debet. Primum est hujus Status altissima dignitas; tum quia Religiosi assidue quasi occupantur in Divinis decantandis laudibus; tum, quia modernis præsertim sæculis plerumque quoque assumuntur ad regale sacerdotium. Quid hoc duplici honore dignius? Prius: est Angelis proprium, posterius Angelicis functionibus sublimius. 2. Quia Religiosi speciali ratione contra vitia gerunt bella Domini, perque sua Religiosa vota contra præcipuos humani generis hostes, carnem scilicet, mundum & Diabolum ad singulare certamen descendunt. 3. Quia in Religioso præcipue Statu conservatur, & continuatur adhuc vita primitivæ Ecclesiæ, in qua *credentium erat cor unum, & anima una &c. & illis omnia communia.* 4. Quia vita Religiosa à Spiritu Sancto est instituta ad specialem imitationem Christi, & quasi Angelicam vitam ducendam in terris. 5. Quia Religiosi per suam vocationem liberantur de laqueo venantium, & mille periculis

A&. 5. v. 32

culis mundi. 6. Quia erepti de durissimo Pharaonis imperio, & innumeris vitæ hujus curis. 7. Quia in Religioso statu gaudent omni armatura fortium, & uberrimis salutis mediis. 8. Quia vocatio ad Religiosum statum non est humani beneplaciti, sed specialis Divini consilii. Nam caro & Matth. 16. sanguis non revelavit tibi, ut nomen tuum v. 17. huic militiæ dares, sed Pater cœlestis, & unigenitus ejus, qui ait: Non vos me ele- Joann. 15. giftis, sed ego elegi vos. Nonne hæc magna v. 16. sunt? unde promeruisti? ubi pro his tua gratitudo? ubi digna ponderatio? ubi assidua horum recordatio? ubi ad correspondendum istis debita applicatio?

Punctum II.

Videte vocationem vestram fratres charissimi, venire ad eremum, summa perfectio in admo- Casarius nit. 28. est, non perfectè in eremo vivere, summa damnatio. Vide vocationem tuam ô Religiose, longè enim graviori obligatione ad perfectè vivendum gravaris in cœnobio, quàm anachoretæ in eremo, tum propter fundatorum liberalitatem, quâ vivis, tum propter superiorum sollicitudinem, quâ nutritis, tum propter communem Ordinis benedictionem, quâ potiris, tum propter commodissimam benefaciendi occasionem, & abundantissima perfectionis media, quibus

- bus circumdaris. Attende vocationem tuam ô Monache, alta est, sancta est, & propterea non communem, sed sublimem virtutem ac sanctitatem â te exigit. *Nam altior professio virtutis altiore debet tenere viam vivendi.* Minimè tutus es, tametsi illud Pharisei adimpleas: *Non sum sicut ceteri hominum, raptores, iniusti, &c.* Sed omnino necesse est, ut vita tua sæcularium conversatione tantò sit sanctior, quantò Status tuus reliquis audit perfectior. *Et nisi abundaverit iustitia vestra plus, quàm Scribarum & Pharisaorum, non intrabitis regnum cælorum.* Ab arboribus exigit Deus, ut quælibet earum producat fructus secundum genus suum, ab hominibus autem, ut quivis ipsorum germinet iustitiam & perfectionem secundum Statum suum. *Amice, quomodo huc intrasti? quâ intentione religiosum habitum assumpsisti? qualem perfectum in tuo religioso tyrocinio posuisti? quomodo hætenus ambulasti? fecistine uvas? vel labruscas?*
- Glossa.
- Lucæ 18.
v. 11.
- Matth. 5.
v. 20.
- Matth. 22.
v. 12.

Punctum III.

Finis religiosæ vocationis religiosa perfectio, ad quam ut totis conatibus enitamur, motiva substant plurima, quorum 1. ipsa gravis obligatio, quâ secundum verissimam Theologorum ac ascetarum sententiam quivis

vis Religiosus perfectionem suo Statui propriam sibi procurare tenetur. 2. Ipsa perfectionis excellentia; quia Religiosa perfectio est illa pretiosa Margarita, pro quâ comparandâ danda sunt omnia, & impendenda talenta universa. 3. Animæ nobilitas, si enim caro, paulò post futura esca vermiû vestium colatur nitore, quantò magis immortalis, ac pretioso Christi sanguine redempta anima perornanda est vestimento iustitiæ, & omni Spiritualis perfectionis cultura. 4.

Ingens æternæ gloriæ pondus; *Corona aurea, expressa signo sanctitatis, gloria honoris, & opus fortitudinis.* Breviarium

5. Ingens Ecclesiæ utilitas. *Melior est enim unus timens Deum, quàm mille filii impii.* Eccle. 16.

Et plûs profectum suo ordini, tum Ecclesiæ Dei unus perfectus, quàm multi imperfecti ac repidi. v. 3.

6. Vanitas eorum, quæ te à studio perfectionis vel retrahunt, vel deterrent, ò imbellis miles! converte oculos tuos in exemplum archistrategi Christi, in exempla tot Sanctorum, macte virtute esto, & nolito aut propter inanem laboris timorem, aut propter momentaneam delectationem

tuis hostibus æterno ludibrio

fieri.

BONA

BONA PROPOSITA

Ex

Præsenti Meditatione.

1. **P**RO vocatione mea ad Religiosum Statum Deo frequenter gratias agam.
2. De meo ordine semper magnam æstimationem alere satagam.
3. Sanctissimam Deiparam, sanctum Patrem Benedictum & reliquos ordinis Sanctos crebris implorabo suspiriis, ut ipsorum intercessionibus, usque ad finem vitæ in meâ vocatione perseverem, atque dignam tam sancto ordine ætatem agam.
4. Indefessum proficiendi desiderium in me fovere connitar, crebrò cum sancto Bernardo mihi ingeminans: *Amice ad quid venisti?* quid tibi quondam proposuisti? Statuis promissis, ne cadas promissionibus Christi.
5. Bonum ordinis mei, tum sanctis orationibus, tum bono exemplo, tum aliis pro mea possibilitate modis promovere conabor.
6. Ab omnibus iis, quæ vocationem meam non condecant, semper me totum alienum habebo.
7. Econtra verò nihil unquam negligam eorum, quæ meam vocationem con-

de-

decorare, ac ejus obtinendo fini conducere noscuntur.

CONSIDERATIO VESPERTINA.

De

Cavenda curiositate, & repellendo spiritali tædio.

Tentatus est Jesus in deserto à Diabolo; nec aliud tibi expectandum in tua solitudine. Duobus porro modis sacra exercitia primis mox diebus impugnare prurit; videlicet aut curiositate, & æquò altiora scrutandi cupidine, aut immisso Spirituali tædio. Prius, ut intellectum implicet, labore fatiget, & obscuret. Posterius, ut voluntas tepescat, indurescat, & arescat, mentem ab exercitiis avertat, ac ad aliena convertat. Huic utrique obviandum est illo monito Divi Petri dicentis: *Sobrii estote, & vigilate. Quare noli plus sapere, quam oportet sapere; sed scito sapere ad sobrietatem.* 1. Petr. 5. v. 8. Roman. 12. v. 13. Eccli. 15. Esto interim contentus micis, quæ cadunt de mensis contemplantium, & cibabit te Dominus tempore suo pane vitæ & intellectûs. Vigila, ora, excita voluntatem tuam, ne dormiat præ tædio; nam & ipse Christus Dominus Marc. 14. vigilavit, & oravit, dum caput tædere.

SECUN-

SECUNDA DIE OBSERVATIONES.

1. **S**ecunda dies, nempe feria tertia, uti suppono, dedicabitur specialiter almo Patri Benedicto, & omnibus Sanctis ordinis nostri.
2. Singula hujus diei exercitia specialiter offerentur tum pro impetranda puritate propriæ conscientiæ, tum pro bono totius sacri nostri ordinis.
3. Tesseræ specialis pro singulis exercitiis hac die erit: Deus tuum amorem ex hac actione colligit: quantus fervor, tantus amor, ostende ergo hac actione, quantum illum ames, qui te tantum amavit in cruce.
4. Aspirationes frequentiores erunt: Excita Domine in Ecclesia tua Spiritum, cui beatus Pater Benedictus Abbas servivit, ut eodem nos repleti studeamus amare, & quod amavit opere exercere, quod docuit &c
5. Mane ante meditationem pro lectione spirituali de imitatione Christi ex lib. 1. cap. 24. de judicio & pœnis peccatorum. Item ex lib. 2. c. 6. de lætitia bonæ conscientie.
6. Meditatio prima de horrore peccati mortalis. Secunda de peccato veniali. Tertia de tepiditate.
7. Lectio matutina de confusione peccato-

catorum in extremo iudicio. Pomeridiana de iustitiis iudicandis, & cura minimorum.

8. Examen particulare de puritate & fidelitate conscientiae.

9. Lectio Vespertina ex sacra Regula erit caput 48. de opere manuum quotidiano, & caput 49. de observatione quadragesimae. Item caput 50. de fratribus, qui longè ab oratorio laborant, aut in via sunt.

10. Consideratio Vespertina de aestimatione, & observatione sacrae Regulae.

MEDITATIO I.

De

Horrore peccati mortalis.

Punctum 1. De natura peccati. 2. De effectibus peccati. 3. De æquissimo odio peccati.

Preludium.

Recollige Spiritum tuum ad audiendam vocem Spiritus Sancti tam sanctè monentis: *Fili peccasti? non adjicias iterum*, Eccli. 21. *sed & de pristinis deprecare, ut tibi dimittantur*, & quasi à facie colubri fuge peccata.

Punctum I.

Cave, ne aliquando peccato consentias, & Tob. 4. v. 5.
pra-

pretermittas, praecepta Domini Dei nostri.
 Nam peccatum est summum ac infinitum
 malum, summo ac infinito bono Deo pri-
 vativè oppositum, sicut tenebrae sunt oppo-
 sitae luci, ac mors opponitur vitae. Est
 omne & unicum malum, sine quo nullum
 malum. Est injuria Sanctissimi Dei, est of-
 fensa supremi, aeternique Regis, est con-
 temptus altissimi Domini. Est odium ter-
 optimi Numinis. Est tantum malum,
 quantum bonum est ipse Deus infinite bo-
 nus. Peccatum facit animam rebellem suo
 factori, creaturam suo Creatori: minatur
 excidium omnipotenti; Illudit sapientiae
 aeternae: Irridet justitiam Tonantis, pes-
 sumdat bonitatem infinitam: Postponit rei
 abominabili, ipsique nihilo omnes perfe-
 ctiones Divinas, affectat annihilare Divinam
 Majestatem; occidit Verbum incarnatum,
 crucifigit Salvatorem Mundi, ostentui ha-
 bet ipsius amarissimam Passionem, affligit
 cor Deiparae Virginis, tristitiam parit An-
 gelis, chariorem sibi habet Diabolum ipso
 Spiritu Sancto Paracleto; hunc enim corde
 expellit, & illum corde recipit: praefertque
 demum misérias Diaboli, ac poenas inferni
 promissionibus Christi. O homo, quid
 fecisti, dum peccasti; cogita, quis ille,
 quem offendisti? Nonne magnus Dominus,
 Pf. 46. v. 3. & laudabilis nimis? Dominus excelsus ter-
 ribilis,

Pf. 47. v. 1.

Pf. 46. v. 3.

ribilis, Rex magnus super omnem terram.
 Cogita, quis tu? nonne figmentum, &
 opus manuum ejus? Nunquid non ipse est Deut. 32.
 Pater tuus, qui possedit te, & fecit, & crea- v. 6
 vit te? Cogita, cur & quomodo Deum of-
 fenderis? Popule mi quid feci tibi, aut Michæ 6.
 quid molestus fui tibi? responde mihi. v. 3.

Punctum II.

Va genti peccatrici, populo gravi iniqui- Isaïæ 1. v. 4.
 tate, semini nequam, filiis sceleratis, dereli-
 querunt Dominum, blasphemaverunt san-
 ctum Israel, abalienati sunt retrorsum. Sti- Rom. 6.
 pendia enim peccati mors, fructus omnis mi- v. 23.
 seria, finis, interitus, terminus, omnis in-
 felicitatis abyssus. Peccatum unicam pre-
 tiosam hominis animam reddit abominabi-
 lem, separat à Deo, exspoliât veste nuptiali,
 tollit vitam gratiæ, aufert jus ad hæredita-
 tem gloriæ, delet ex libro vitæ, privat do-
 ni spiritûs Sancti, relinquit post se vulne-
 ratam conscientiam trahit post se æternam I. Joan. 3.
 damnationem, qui facit peccatum, ex Dia- v. 8.
 bolo est. Miseros autem facit populos pec- Proverb. 14
 catum. Omiseriam! ô stultitiam, ô cru- v. 34.
 delitatem hominis admittentis in se pecca-
 tum mortale! Etenim seipsum extremè
 odit, quod nec ullum brutum facit, tantum
 sibi metipsi propriâ sponte malum inferens,
 quantum nec Diabolus, nec totus infernus,
 nec omnes creaturæ, nec ipse Deus omni-
 F potens

Thren. 4.

v. 3.

potens ipsi inferre posset. Cum solum mortale peccatum propriâ sponte patratum sit summum hominis malum, nec possit excogitari huic simile. Profecto filia populi mei crudelis, quasi Struthio in deserto, crudelis in Deum, crudelis in propriam animam, tam pretiosam, ut Christus pro ea crudelem subire mortem non dubitaverit.

Jerem. 3.

v. 12.

Joann. 5.

v. 14.

Quare tandem ad meliora revertere avertitrix Israel. Jam noli peccare, ne deterius tibi aliquid contingat.

Punctum III.

Eccli. 12.

v. 7.

Sap. 14. v. 9

Altissimus odio habet peccatores. Similiter autem odio sunt Deo impius, & impietas ejus. Tantum Deus odit peccatum, quantum amat seipsum, odit peccatum summè, odit unicè, odit semper, odit necessariò, odit essentialiter, alias enim hoc ipso non esset Deus, nec infinitum bonum, nisi infinito odio persequeretur peccatum; hinc ^{magis} major est oppositio inter Deum & peccatum, quam censetur inter lucem & tenebras; hæc enim oppositio adhuc est finita, illa autem infinita, incomprehensibilis, immensa, æ-

Jerem. 18.

v. 13.

terna. Quis audivit talia horribilia, quæ fecit nimis virgo Israel? diligens id, quod Deus non potest non odisse; necdum vel ad primam mox peccati cogitationem perhorrescis? & quidem tu ô Religiose! Deo Sacrate!

crate! præ cæteris electè? majoribus à Deo
 gratiis donatè? in loco Sancto? in habitu
 Sancto? *Quid est, quòd dilectus meus in do-* Jerem. 11.
mo mea fecit scelera multa? O terribilium v. 15.
 omnium terribilissimum! ô infelicitatem
 Religiosi in statu Sancto peccantis! Simi-
 lior enim præ cæteris est Diabolò, qui ne-
 que in cælo suum servavit principatum. Si-
 milis est Judæ proditori, qui etiam in colle-
 gio Apostolorum, etiam in Schola Christi
 Magister perversitatis evasit. Aperi tan-
 dem oculos tuos ô infelix! ingemisce
 ô columba seducta! reminiscere vocationis
 tuæ ô cœnobita! utique non ad delinquen-
 dum, sed ad pœnitendum venisti? utique
 hæc Monachi vocatio: *Mala sua præterita* S. Regul.
cum lacrymis vel gemitu quotidie in oratio- cap. 4.
ne Deo confiteri, de ipsis malis de cætero emen-
dare. Certè Religiosus jam apostatata ac
 perire incipit, ubi peccatum horrere desinit.

BONA PROPOSITA

Ex

Præsenti Meditatione.

1. **D**E præteritis peccatis frequentes per
 diem actus contritionis & detesta-
 tionis eliciam.

2. In satisfactionem meorum peccatorum
 pœnitentiæ opera in me suscipiam.

F 2

3. Pro-

3. Propter mea peccata statu meo, loco, ac habitu sancto me continuo indignum reputabo, & ut talis ab alijs quoque reputer, indefinenter suspirabo.

4. Crebrius per dies singulos ingentem de omni peccato mortali concipere horrorem studebo, optaturus potius mille mortes, immò ipsas inferni pœnas, quàm consensurus in peccatum.

5. Quibuslibet tentationibus statim in principio omni possibili modo resistere conabor.

6. Occasiones peccatorum, & quæcunque ad peccatum mortale disponere solent, attentè, & circumspectè cavebo.

7. Offensas & injurias, quibus sanctissimus Deus indies afficitur, assiduis lacrymis & cum ingenti cordis dolore deflebo.

8. Pro conversione peccatorum, præsertim pro reditu & seria pœnitentia apostatarum Divinam bonitatem frequenter implorabo.

9. Deprecabor sæpius altissimum pro tentatis, cum eis commiserationem habens, ut & me Dominus in tentatione respiciat.

LECTIO SPIRITUALIS

Tempore matutino diei
secundæ.

ARGUMENTUM

Confusio in universali iudicio erit
maxima peccatorum, præsertim eorum, qui
peccata sua occultare, & in occulto de-
linquere amârunt.

Simonides ab Hierone Rege Siculo, quid
sit Deus, olim edicere iussus, unius diei Cicero l. 1.
de nat.
Deorum.
spatium ad investigandum poposcit, quo
elapso, biduum, post hoc triduum, & ita
ulterius spatium investigationis prolongan-
do. Causam interrogatus, pro responso
dedit, quò diutius Deum recogito, eò mi-
nùs penetro, eò plura de illo recogitanda
reperio. Eodem modo ex opposito discur-
rendum videtur de peccato, nempè quò diu-
tius cogitatur, eò minùs illius horribilis ma-
litia penetratur, eò horribiliora ac iterum
horribiliora de eo cogitanda occurrunt,
horrenda quidem de peccato mortali è ca-
thedris dicuntur, horrenda in libris legun-
tur, horrenda docentur in Scholis, nec ta-
men tam horribilia dici aut scribi queunt,
quin de ipso horribiliora dicenda supersint.
Solutus Deus comprehendit suam infinitam

Faber in
Festo. S. S.
Trinit.

Genes. 3.
v. 5.

Lucæ 18.
v. 19.

bonitatem, & solus Deus novit infinitam peccati mortalis malitiam. Quia oppositorum eadem est ratio. *Si Deum omnino declarare possem*, (inquirebat quondam Epictetus Philosophus) *vel ego Deus essem; vel ille Deus non foret.* Etsi quis malitiam peccati mortalis omnino penetrare posset, aut Deus esse deberet, aut peccatum offensa Dei non foret; unde & serpens ad Evam dicebat: *Eritis sicut Dii, scientes bonum & malum.* Cur hoc? ergone scire bonum & malum Deorum proprium est? nempe *nemo bonus, nisi solus Deus*, neque aliquid malum, nisi solum peccatum; scire autem quàm bonus sit Deus, & quàm horrendum sit malum peccatum, non humanam, sed Divinam scientiam arguit. Hinc fuit illa lamentatio cujusdam Sanctæ Virginis, quæ (Cornelio à Lapide referente) morti vicina, in isthæc verba cum magnis singultibus erupit: *discedo ex hoc mundo, cum hac sola incapacitate, quòd nequeam comprehendere, quomodo creatura possit deliberatè committere peccatum mortale contra Creatorem suum.* Verùm quæcunque horrenda de peccato scriptitantur, quæcunque horribilia prædicantur, à multis nihilominus (proh nefas) parùm attenduntur, parùm curantur, immò exploduntur, exhibitantur, meraque speculativa dictitantur.

Quis

Quis ergo miseros mortales, quis præsertim Religiosos, quis me & te docebit practicam cognitionem peccati? quis edocebit nos practicè, quàm horribilis sit omnis operatio iniqua? *Dies Domini declarabit*, 1. Cor. 3. inquit, & quasi respondet ad nostrum quæsitum Doctor gentium. *Cognosceatur Dominus* Psal. 9. *minus judicia faciens*, & peccatores videbunt, in quem transfixerunt. *Cum videbunt* Joann. 19. *supremæ majestatis Dominum venientem* v. 37. in nubibus Cœli, tunc pratico horrore cognoscent, quid sit peccasse in Deum altissimum. *Tunc confusio* (ait Angelicus In Suppl. Doctor) *respiciet estimationem Dei*, quæ secundum veritatem est de peccato. Sed nos ad 4. infaustos! æternumque infaustos si primum in illo die horroris pratico peccati horrore concutimur! heu, præveniamus potius horrore horrorem, præveniamus maturâ emendatione venturum Judicem, migremus hodie in Spiritu, ac tota mentis attentione in vallem Josaphat, tanquam jamjam coram creatore omnique intellectuali creatura cunctis manifestatis nostris actibus comparituri, tanquam jamjam judicandi. Faxint superi, ut toti mutati ad meliora redeamus, instar illius militis, de quo Joannes Holcoth, auctor fide dignissimus, sequentia narrat. Duo milites, adinvicem sibi perquam familiares, loca Sacra

veneraturi, in Palæstinam profecti sunt: qui ubi vallem Josaphat transibant, unus eorum ad suum commilitonem: Sodes repausemus hoc loco paulisper, quo consentiente, instar jocantis addebat; *cum hic futurum sit universale judicium, hunc mihi locum, hoc mihi saxum seligam, ut tunc in illo quiescam.* Et hem tibi! vix hæc verba complevit, ingenti terrore corripit, ore expallescere, oculos ad cælum gyrare, toto corpore sudare, omnibus membris contremiscere, semianimem ad terram corruere vidisses, nec fuit vacuus eo hic terror, procul dubio ab alto immissus; nam spiritu resumpto, ad propria redux totus mox evasit mutatus in alium, totus emendatus, totus pœnitentiæ operibus immerfus, totus à risu, & vanitate mundi alienus, cum metu ac tremore operans suam salutem, cum pavore semper memor futuri Judicii. Sic quidem illi etiam jocus ad seria profuit, nobis autem serius præsens discursus profit ad serius ac practicum peccati horrorem, in animis nostris radicandum. Et quis non perhorrescat, quis non contremiscat, quis non abominetur peccatum, in pondere Sanctuarii secum expendens vel solam confusionem, vel solam ignominiam, quâ in universali illo judicio facies impiorum implebuntur? Solam peccatorum confusionem tibi charorum
charif-

chariſſime in præſenti diſcurſu perpendendum propono. Nam ſupplicium omnium ^{S. Baſilius} graviffimum eſt opprobrium, & confuſio ſem- ^{in Pfal. 30.} piterna. Propono tibi, vel dixerim potiùs, proponit tibi Divina Scriptura univerſale judicium ſub imagine triftis & atræ noctis, ſub comparatione horridæ tempeſtatis. Dies Domini (inquit gentium Doctör) ſicut ^{I. Theſſ. 5.} fur in nocte, ita veniet. Dies tenebrarum, ^{v. 2.} & caliginis, dies nebula, & turbinis. Do- ^{Soph. 1.} minus in tempeſtate, & turbine via ejus. ^{v. 15.} Turbo Dominica indignationis egrediatur, & ^{Nahum. 1.} tempeſtas erumpens ſuper caput impiorum. ^{v. 3.} Stella cœli, & ſplendor earum non expandent ^{Jerem. 23.} lumen, obtenebratus eſt ſol in ortu ſuo, & ^{v. 19.} luna non ſplendebit in lumine ſuo, ſed erit ^{Iſaiæ 13.} dies tenebrarum, & caliginis, dies nubis, & ^{v. 10.} turbinis. O tempus deſolatum, ſquallidum! tetricum! horridum! terrificum! ^{Joel 2. v. 2.} tempus univerſalis judicii! quo ſol obſcuro- ^{Matth. 24.} bitur, & luna non dabit lumen ſuum, & ^{v. 29.} ſtella cadent de cœlo. Et ecce! ſub iſta rerum caligine ſubitò venit hora, in quâ omnes, ^{Joann. 5.} qui in monumentis ſunt, audient vocem filii ^{v. 28. & 29.} Dei, & procedent, qui bona fecerunt in reſurrectionem vitæ, qui verò mala egerunt, in reſurrectionem judicii. Canet enim tuba, & ^{I. Cor. 15.} mortui reſurgent, mors & infernus dabunt ^{v. 52.} mortuos ſuos, qui in iſtis erant. Quoniam ^{Apoc. 20.} intonuit de cœlo Dominus, & altiffimus dedit ^{v. 13.} ^{Pſ. 17. v. 14.} vocem

- Joël. 3. *vocem suam: consurgant, & ascendant gen-*
tes in vallem Josaphat: quia ibi sedebo, ut
judicem omnes gentes. Nam venit nox,
quando nemo potest operari: finis venit, ve-
 Ezechiel. 7. *nit finis super quatuor plagas terra. Tunc*
virtutes cœlorum commovebuntur, & congre-
 Matth. 24. *gatis universis, Ipse Dominus in jussu &*
in voce Archangeli, & in tuba Dei descen-
 1. Thessal. *det de cœlo, quemadmodum scriptum est:*
 4. v. 16. *Inclinavit cœlos, & descendit, & caligo sub*
 Psal. 17. v. *pedibus ejus, & posuit tenebras latibulum*
 10. & 12. *suum, in circuitu ejus tabernaculum ejus,*
 Apocal. 1. *tenebrosa aqua in nubibus aëris: Ecce venit,*
 v. 7. *cum nubibus, & tunc in momento, in ictu*
 1. Cor. 15. *oculi, in novissima tuba nox sicut dies*
 v. 52. *illuminabitur, sicut enim fulgur exit ab*
 Psal. 138. *oriente, & paret usque ad occidentem, ita*
 v. 12. *erit adventus filii hominis, qui & illumina-*
 Matth. 24. *bit abscondita tenebrarum, & manifestabit*
 v. 27. *consilia cordium. Et sicut horrida tempe-*
 1. Cor. 4. *stas inopinatò in tenebrosa nocte consur-*
 v. 5. *gens, sua penetranti fulgurum coruscatione*
decussatim omnes mundi plagas illumina-
nat, simulque suo repetino fulgore uni-
versa sub tenebris latentia derepentè reve-
lat, furem quidem in suo actuali furto, ad-
ulterum adhuc in actuali adulterio, scorta-
 Matth. 13. *tozem in suo actuali nefando, sic erit in*
 v. 49. *consummatione sæculi, sicut fulgur coruscans*
 Lucæ 17. *de cœlo in ea, quæ sub cœlo sunt, fulget,*
 v. 24.

ita erit filius hominis in die sua. Ignis ante Psal. 96,
ipsum precedet suis coruscantibus flammis v. 3.
 omnia occulta manifestans, omnia secreta
 revelans, abdita cuncta denudans, omnium-
 que mortalium cogitata, dicta & facta in
 lucem producens, & quidem eâ claritate,
 eâ vivacitate, eâ exhibitione, eâ præsen-
 tiâ eâque repræsentatione, ac si ipsa abo-
 minanda scelera adhuc in ipso recenti actu
 durarent, adhuc ipso recenti actu fierent,
 ac si ipso adhuc actu suam technarum te-
 lam texeret dolosus, adhuc ipso actu pu-
 denda auderet fœtida Venus, ac si ipso ad-
 huc actu Monachus sua vota nefandè trans-
 grederetur, suam Regulam protervè præ-
 varicaretur, suæ juratæ professionis turpi-
 ter oblivisceretur, extra claustra in mundo
 & foro suis cogitationibus vagaretur, alie-
 nis negotiis se immisceret, rancorem in
 animo foveret, fraternam charitatem vio-
 laret, lites excitaret, suo abdomini litaret,
 otio & fabulis vacaret, nugas tractaret,
 risus & dissolutiones amaret, rigorem disci-
 plinæ nausearet, silentium violaret, laxita-
 tes quæreretur, superioribus contradiceret,
 æquales despiceret, seipsum extolleret, vel
 quæcunque demum religioso homine indi-
 gna committeret. *Nihil enim est opertum, Matth. 10.*
quod non reveletur, & occultum, quod non v. 26.
sciatur. Ecce ego ad te, dicit Dominus ex-
cercituum,

ercituum, & revelabo pudenda tua in facie tua, & ostendam gentibus nuditatem tuam, & regnis ignomiam tuam. Et projiciam super te abominationes, & contumeliis te afficiam, & ponam te in exemplum. Nudabo ignominiam tuam coram eis, & videbunt omnem turpitudinem tuam. Videbunt omnem turpitudinem tuam omnes Angeli, omnes Dæmones, omnes beati, omnes damnati, inimici, & amici, Deus ipse, & tu ipse; & quidem quoad omnes circumstantias, quoad loca & tempora, quoad rationem personæ, conditionis, & professionis, quoad omnes etiam secretissimas intentiones, & singulas peccati formalitates, nam Deus illuminans mirabiliter à montibus aternis illuminabit abscondita tenebrarum, & manifestabit consilia cordium.

Videbunt peccatoris turpitudinem tantâ cognitionis claritate, quanta est ipsa malefactorum abominatio: sicut tenebræ ejus, ita & lumen ejus. Si tamen possibile est, quod aliqua creatura deformitatem vel unius peccati venialis penetrare satisque agnoscere queat. O quantus erit pudor in peccatoribus? quanta confusio, cum eorum nefandissima crimina cunctis erunt liquida & manifesta. Ululabunt quidem miseri præ confusione horribili. Et dicent montibus: operite nos, & collibus: cadite super nos.

Sed

Nahum. 3. v. 5. & 6. Ezechiel. 16. v. 37. Psal. 75. v. 5. 1. Cor. 4. v. 5. Psal. 138. v. 12. Innocentius tertius de contem. mundi libr. 3. cap. 16. Osee 10. v. 8.

Sed frustra : auditâ novissimâ tubâ, late- S. Anselm.
 re erit impossibile. Comparendum est coram libr. de
 sedenti in throno, ipsi montes & petrae emilit.
 resonabunt. Lapis de pariete clamabit : Habacuc. 2.
 confundantur omnes iniqua agentes, & eru- v. 11.
 bescant ex omnibus, quæ fecerunt. Frustra Psal. 24.
 ejulabit alius : Quis mihi hoc tribuat, ut in v. 4.
 inferno protegas me, donec pertranseat furor Ezechiel.
 tuus. Nam nemo poterit abscondi in die Jobi. 14.
 illa, quando Deus manifestè veniet, Deus v. 13.
 noster, & non filebit, ignis in conspectu ejus Psal. 49.
 exardescet, & in circuitu ejus tempestas va- v. 3.
 lida, nudus est infernus coram illo, & nul- Jobi 26.
 lum est operimentum perditioni. Advocaca- Psal. 49.
 bit cælum desursum, & terram discernere v. 4.
 populum suum. Comparendum est in loco
 judicii cunctis mortalibus, & non erit fu-
 ga eis. Si descenderint usque ad infernum Amos 9.
 (ait ipse omnipotens Judex) inde manus v. 1.
 mea educet eos, & si ascenderint usque in Amos 9. v.
 cælum, inde detraham eos, & si absconditi 2. & 3.
 fuerint in vertice Carmeli, inde scrutans
 auferam eos, & si celaverint se ab oculis
 meis in profundo maris, ibi mandabo serpenti, Eccle. 11.
 & mordebit eos. Cuncta, quæ sunt addu- v. 14.
 cit Deus in judicium ; omnes enim stabimus Rom. 14.
 ante tribunal Christi, in conspectu Ange- v. 10.
 lorum, & universa rationali creatura.
 Ecce coram tot millibus populorum nudabun- S. August.
 tur omnes iniquitates meæ : tot agminibus in Medit.
 Angelo- cap. 4.

Pfal. III.
v. 10.

*Angelorum patebunt universa scelera mea, non solum actuum, sed etiam cogitationum, simulque locutionum. Tot iudicibus inops adstabo, quot me praeceperunt in opere bono. Coram tot arguentibus confundar, quot mihi praebuerunt bene vivendi exemplar. Tot convincar testibus, quot me monuerunt proficuis sermonibus; Sequē imitandos iustis dederunt actionibus. Tunc peccator videbit, & irascetur, dentibus suis fremet & tabescet. Videbit seipsum denudatum, cunctis manifestatum, unde quaque confusum & opprobriis oppletum, videbit Patrem omnis bonitatis, quem offendit, Deum totius maiestatis, quem contempsit, regem gloriæ, cui illudit, vultum irati Iudicis, quem irrisit, vulnera Christi, quæ inflixit, Sanguinem Salvatoris, quem vilipendit, Deiparam magnam Dominam, quam sibi inimicam fecit, beatorum gloriam, quā se privavit, Dæmonum larvas, quibus obedi-
divit. Videbit bonum quod amisit, malum quod commisit, pulchritudinem promissam, quam despexit, peccati deformitatem, quam dilexit, occasiones bonas, quas neglexit, perditionis foveam, quam sibi metipsi struxit, æternam felicitatem, quam recusavit, perennem miseriam, quam amavit, coronam decoris, quam noluit, confusionem, quam retulit, tempus, quod perdidit*

perdidit, infaustam æternitatem, cui se vendidit. *Peccator videbit & irascetur* contra Deum, cuius coruscante fulgore ita denudatur, contra Sanctos, à quibus confunditur, contra Dæmones, à quibus irridetur, contra creaturas, quibus fuit abusus; *irascetur, & dentibus fremet* in seipsum, quod tantam suis actibus malis confusionem sibi pepererit, dentibus fremet in suam carnem, cuius turpi pruritui se subdidit, in suum ventrem, quem velut idolum coluit, in suum palati appetitum, cui velut Domino obedivit, in suam linguam, cui velut indomito equo fræna laxavit, in suos sensus, quibus omnem libertatem indulgit, in suam animam, quæ rebus tam abjectis se subiecit, suam salutem neglexit, tot peccatis se polluit. *Dentibus fremet, tabescet, & erubescet* sua peccata, quæ in confessione ex pudore reticuit, quæ excusando diminuit, aut circumscribendo palliavit. *Erubescet* suam vesaniam, quâ lumen intelligentiæ abiecit, suam malitiam, quâ contra omnipotentem rebellavit, suam hypocrisin, quâ aliis placere studuit, erubescet suos titulos, quos ex fastu admisit, suas laudes, quas intendit, suas commo- ditates, quas quæsit, sua talenta, quæ malè impendit, omnia erunt confusione plena; quoniam *in operibus manuum suarum* Psal. 9.

2. Matth. 5.
v. 7.

S. Chrysoft.
homil. 48.
ad popul.

S. Augusti-
nus in me-
ditat. cap.
39.

Amos 1.

v. 2.

Psal. 9.

v. 17.

1. Esdræ 9.

v. 6.

Psal. 43.

v. 16.

comprehensus est peccator. Et confussionem accepit. Heu quis poterit stare in tanta confusione? quis poterit sustinere extremam illam confusionem? Nam si nostrum cuiusque crimen occultum huic modo confessui innotesceret, nonne fieret, ut ille interire potius ac terram dehiscere, quam tam multos peccati sui testes habere mallet? quid igitur tum nobis fiet miseris, cum omnia orbi universo palam facta, in tam aperto, tamque illustri theatro denudata, hominum partim nobis cognitorum, partim incognitorum oculis subjicientur? Va mihi misero! cum venerit dies iudicii, & aperti fuerint libri conscientiarum: cum dicetur ad me: Ecce homo, & opera ejus. Quid faciam tunc Domine Deus meus, cum cæli revelabunt iniquitatem meam, & adversum me terra consurget? Quando Dominus de Sion rugiet, & cognoscetur Dominus judicia faciens. Deus meus jam nunc confundor, & erubescō levare faciem meam ad te. Toto die verecūdia mea contra me est, & confusio faciei meæ cooperuit me, dum vel solum ad memoriam revoco, quod de Reccaredo Angliæ rege lego.

Venatione quodam die cum suis proceribus se forsan recreabat Rex Reccaredus; cumque oculis notatam feram concito cursu avidius insequeretur, subito à suis abstrahi,
huc

huc illucque vagari, in densa sylvarum incidere, longè aberrare, jam consilii inops, & nescius, quò se verteret? quò exitum è sylvis quæreret? quo clamore vel humanam aurem attingeret, donec tandem subferam noctem diu errantè pedenemus egressus, atque, nescio, quo genio ad vile turgurium cujusdam fabri ferrarij delatus sit, ubi fores pulsare, rogare, instare pro nocturno hospitio. Admittitur quidem post multas preces, ostio recluso, incognitus Rex, salutatur verò inurbanè, tractatur rusticè, excipitur ab ipso fabro non solum verbis agrestibus, sed etiam uno alterove colapho: tacet, dissimulat rex hæc, & plura usque ad auream auroram, quâ annunciantè diem, ad suam regiam revertitur, ac paulò post incivilem suum hospitem ad se accersi jubet, illum, ut coram comparuit, non, nisi his paucis affatus: *agnoscis me?* Et hem tibi! Faber hac regis auditâ voce, velut fulmine tactus astutum ad terram prolabitur, parumque absuit, quin præ confusione ac pavore in funus abièrit. Hei mihi! si Rex Reccaredus duabus duntaxat præfatis voculis astanti malè morato fabro tantum incussit terrorem, qualis confusionis horror, qualis horroris rhomphæameam miseram penetrabit animam, quando ad tribunal tremendi Judicis adductus, intuiti-

- tuentibus, & attendentibus universis mortalibus cunctisque Spiritibus tam cœlestibus quàm infernalibus à sedenti in throno auditurus sum: agnoscis me? agnoscis Majestatem, quam offendisti, gloriam, quam despexisti? bonitatem, quam injuriâ affecisti? Si milites ad capiendum Dominum missi auditis duobus duntaxat verbis: *Ego sum*, præ timore *abierunt retrorsum*, & *cecidērunt in terram*, ego quò ibo? quò ruam? quò abscondar? ubi tremendus Judex intonuerit: *Ego sum Jesus, quem tu persequeris*. Si illi, qui regem gloriæ non cognoverunt, ad unicam vocem ejus præ pavore terram lingere festinârunt, quis pavor? quis horror mihi & tibi in novissimo die, ubi cognoscetur Dominus judicia faciens. Si Regina Esther, scemina incredibilis pulchritudinis, conspecto sui sponsi Assueri vultu, præ pavore in terram collapsa est, quis horror? quis pavor animam peccatricem propter sua peccata incredibilis deformitatis invaderet? visis ardentibus oculis irati Judicis, auditâque terribili voce de throno tonantis: *hæc fecisti, & tacui. Existimasti inique, quòd ero tui similis: arguam te, & statuam contra faciem tuam universas iniquitates tuas. Confundere, & porta ignominiam tuam.* agnoscisne modò turpitudinem, quam dilexisti, opera iniquitatis, quæ fecisti? itò dele-

Joann. 18.

v. 6.

Genes. 37.

v. 30.

Astor. 9.

v. 5.

Psal. 49.

v. 21.

Ezechiel.

16. v. 52.

delectator in illis. Væ nobis misellis in illa die confusionis, *Ego enim* (ajebat olim 2. Reg. 13. Thamar ad Amnonem fratrem) *ferre non v. 13. potero opprobrium meum.* Et quomodo sustinebimus confusionem nostram, increpationem tremendi Judicis, qui subinde increpationem hominis, objurgationem superioris vix æquo animo ferimus? Utinam saltem hâc horâ, hoc die talem conclusionem nobiscum faceremus, qualis fuit illius Monachi, de quo ex Ruffino Ruffinus in vitis Patrum sequentia narrantur. Ju. apud Rosvey- dum libr. 3. venis quidam meliori spiritu ductus, nungivendo mundo terga dare secû decreverat, quod sanctum propositum, ut eò reverentius ac pietati conformius executioni manderet, rem cum matre sua tractatum ivit. Dissuadebat, obstrepebat, resistebat ista, nec tamen acquiescebat ille, iterum iterumque ingeminans: *Salvare volo animam meam.* Valere proin jussâ matre, abiit, & Monachum induit, si tamen verè talem induit, qui ad tempus sub habitu Monachi perquam tepide ac negligenter vixit, donec, matre interea defuncta, & ipse gravi quidem morbo corporis, sed saluberrimo animæ corriperebatur, raptus enim per mentis excessum ad tribunal tremendi Judicis, inter alios judicandos & propriam matrem cernit, quâ conspectâ, expavescit, ac ob-

stupescit tepidus Monachus, obstupescit & mater huius eum adinstar increpantis affata: quid est hoc, fili? & tu in locum hunc condemnatus, iussus es venire? ubi sunt sermones tui, quos loquebaris dicens: *salvare volo animam meam.* Quibus auditis jam confundi, jam perterrefieri Monachus ignavus & ignarus, quid responderet matri, ad se porro è raptu reversus, pristinaeque valetudini propediem restitutus jam alios præferre mores, excusso torpore, rigidam poenitentiam, suam admissam negligentiam diu noctuque lacrymarum imbribus deflere, nec ab ullo unquam adduci potuit, ut fletui & asperitati vitæ vel modicè temperaret, semper pro responso ore promens: *Si improperium matris meae sustinere non potui, quomodo Christi & Sanctorum Angelorum ejus adversum me confusionem potero in die iudicii sustinere?* Sic concludendum est, sic animus seriæ emendationi adjiciendus est, præsertim tempore sacrae solitudinis; quoniam *vox exultationis & salutis, vox clamantis in deserto: dirigite viam Domini.* Ast vox tonitruum in rota, in iudicio illo terribili, in quo rotabuntur, & trutinabuntur in statera iustitiæ omnes totius mundi casus, nemine amplius patrocinatoro, sed cunctis etiam sanctis impios inculaturis, contra iniquos conclamatu-

Psal. 117.
v. 15.

Joann. 1.
v. 23.
Psal. 76.
v. 19.

maturis: *Erubescant impii, & deducantur in infernum, operiantur sicut diploide confusione sua. Sileat omnis caro à facie Domini.* Psal. 30. v. 18.
Sileant Theologorum speculationes, sileant argumenta, simpliciter infinitam peccati malitiam minuere intenta, quia Dominus locutus est: perdam sapientiam sapientium, & prudentiam prudentium reprobo. Psal. 108. v. 29. Zach. 2. v. 13. Abdix v. 18.
Omnes enim veritates absque argumentatione in luce clarescent. Abyssus abyssum invocat, & veritas veritatem clarificabit. I. Cor. I. v. 19. Psal. 41. v. 8.
Erubescet luna, & confundetur sol coram splendore veritatis & ad veritatem perorantibus: Privationes sunt passivorum, ejusdemque ordinis privatio est, cujus ordinis forma, quâ privat: coram splendore veritatis ad veritatem respondentis, peccatum est in affectu privatio esse divini, quoad omnes titulos ordinis simpliciter infiniti. Isaia 24. v. 23.
 Coram immensa gloria aeterni Judicis ex sua infinita sapientia cum omni judicio creato concludentis: ergo peccatum mortale est malum simpliciter infinitum, dignum infinitis cruciatibus, igne, qui nunquam extinguetur, verme, qui nunquam morietur; pudore, qui nunquam minuetur. Silebunt tunc defensiones, omnes excusationes, omnes palliationes, omnia effugia à facie Domini, quia venit, quoniam venit judicare terram, judicabit orbem terræ in
 Psal. 95. v. 13.

Habacuc.
3. v. 6.

Osee 13.
v. 8.
apud
Rosvvey-
dum libr. 3.

Marci 1.
v. 3.

*aquitate, & populos in veritate sua. Confundetur à veritate simulatio, politia pudesiet, hypocrisis ignominiâ implebitur. Aspexit, & dissolvit gentes (inquit Prophetâ Habacuc de venturo Iudice) ô horror, dum vel hoc solum audio; nam si unicus Iudicis aspectus dissolvit gentes, si unicus Divinitatis radius ad detegenda universa abdita rerum, si unicus veritatis intuitus ad confundendam omnem calliditatem mortalium, si unica è Divino oculo emissâ scintilla ad confutandam omnium sapientum astutiam sufficit, qualis pudor, qualis tremor miserum peccatorem incesset? cùm cœperit impleri illud Divinum oraculum: *occuram eis quasi ursa, raptis catulis, & disrumpam interiora jecoris, eorum, & consumam eos ibi quasi leo.* Planè non erravit ille senex in vitis Patrum, dicendo. *Si possibile esset in adventu Dei post resurrectionem præ timore interire animas hominum, omnis mundus moreretur à terrore atque formidino. Quale est enim videre cœlos scissos, & Deum revelatum cum ira & indignatione, & militias innumerabiles Angelorum, & totum simul hominum genus intendere? quam obrem charissime, agnosce hanc diem visitationis tuæ, quæ ad pacem tibi, morem gere vocis clamantis in deserto: Parate viam Domini, rectas facite semitas ejus.* Præveni
con-*

confusione confusionem, & pro anima tua Ecli. 4.
v. 24.
non confundaris dicere verum. Munda te

ab occu- tis tuis, ab illis scilicet peccatis, quæ forsan ex rubore tacuisti, forsan ad conservandam apud tuum confessarium bonam exultationem excusasti, vel speciosis circumlocutionibus obscurasti, vel confictis prætextibus minuisti: melius est enim coram uno homine confusionem sustinere momentaneam, quàm in tremendo iudicii die coram universis gentibus indui confusione perenni. Ut omnes cœlites te ament, non confundaris confusionem æternam avertere, confundaris autem semper, con-

Ephes. 4.
v. 14.

fusione digna committere. Surge, qui dormis, & exsurge à mortuis. Diei resurrectionis memor esto, & illud Divinum horrendum, atque terribile imaginare iudicium.

Evagrius
apud
Rosvey-
dum libr.
3. in vit. Ps.

Adduc ad medium reposuam peccatoribus confusionem, quam passuri sunt in conspectu Christi & Dei, & coram Angelis, & Archangelis, potestatibus, & universis hominibus, sed & supplicia omnia, ignem æternum, vermem immortalem, tartarorum tenebras, & super hæc omnia dentium stridores, & timores, & tormenta. Adduc etiam bona, quæ sunt iustis reposita, fiduciam ante Deum Patrem, & Christum ejus filium, coram Angelis, & Archangelis & potestatibus, atque omni plebe; regnum cœlorum, & dona ejus, gaudium & requiem. Utrorumque horum

commemorationem habe apud te ; & super
judicia quidem peccatorum ingemisce , plora,
vestire luctuum imagine , metuens , ne & tu
ipse in his corruas ; super bona verò justis
reposita gaude , exulta , & letare . Et his
quidem frui festina , ab illis verò effici alie-
nus . Vide , ne obliviscaris aliquando .

MEDITATIO II.

De

Horrore peccati venialis animæ ingenerando.

Punctum 1. Per peccatum veniale non
Domino , sed Diabolo via paratur.
2. Deus ad justam displicentiam , ac in-
dignationem provocatur . 3. Horro-
rem peccati venialis Sancti inculcant , &
efficaces veritates consuadent.

Preludium.

Matth. 6.
v. 6.

In vita
ipsius
cap. 24.

INtra in cubiculum tuum , & clauso ostio ,
Lora Patrem tuum in abscondito . Ut aper-
to mentis oculo , eâ claritate peccati venia-
lis deformitatem agnoscas , quâ eam beata
Catharina Genuensis perspexit , dum disse-
ruit : quando mihi concessum fuit intelligere ,
quàm pavescenda sit umbra minimi actûs , quâ
sit contra Deum , nescio cur è vivis non ex-
cesserim ? Si hæc sola , sola inquam , obscura viso ,
qua non nisi momentanea fuit , diutius du-
rasset ,

rasset licet corpus habuissem prorsus adamantinum, interissem.

Punctum I.

Considera, per quodlibet peccatum veniale Diabolo viam sterni ad ingressum cor-

S. Thomas

12. q. 88.

art. 1. ad 3.

dis; quia peccatum veniale per se disponit ad

mortale, quo mortali scilicet, admissio, ani-

S. Isidorus

Pelusiota.

mam occupat, & ingreditur Satanas.

Nam naturâ comparatum est, ut maxima

peccata ex minoribus ac levioribus ortum tra-

hant. Et multiformiter quidem venialia

S. Thomas

1. 2. q. 51.

art. 1.

ad mortalia disponunt. 1. Quia dimi-

nuunt inclinationem ad virtutem. 2. Quia

augent inclinationem ad vitia, & opera ma-

la, quæ repetitis venialibus haud dubiè ita

invalescet, ut occurrente graviori tentatio-

ne, sine specialissima Dei gratiâ, nec à de-

lictio mortali abstineat; præsertim, cum

3. Ad venialium incautos Diabolus mayo-

rem accessum acquirat, justè Deo suas spe-

ciales gratias talibus subrahente, sive (ut

Libr. 2.

Sanctus Isidorus loquitur) Judicio autem

Cent. cap.

Divino in reatum nequiorum labuntur, qui

19.

distinguere sua facta minora contemnunt.

S. Thomas

3. part. q.

4. Quia peccata venialia diminuunt fervo-

79. art. 4.

rem charitatis, & reddunt animam tepidam.

Idem 3.

5. Quia per venialia retardatur affectus ho-

parte q. 87.

minis, ne promptè feratur in Deum, sed

art. 1. Idem

pronus ad bonum proprium redditur.

1. 2. q. 89.

6. Quia peccata venialia actus virtutum

art. 1. in

cap.

Ludovicus Granat. in duce Pec-
cat. libr. 2. p. 1. cap. 12.
S. Thomas 3. p. q. 87. ar. 1. ad 1.
Tom. 1. in decal. 1. 1. cap. 5. n. 4.

*corrumpunt, & impediunt, efficiuntque ho-
minem ad Spiritualia exercitia tædiosum.
7. In gradu suo resistunt Spiritui Sancto, &
impediunt operationem illius in nobis. Unde
debet homo habere propositum se preparandi
ad peccata venialia minuenda: aliàs enim
esset ei periculum deficiendi. Immo propo-
situm sola mortalia vitandi (juxta Sanchez,
& alios Theologos) est peccatum mortale,
quamvis contemptus desit: quia tale propo-
situm objectum in se continet apertissimum mor-
taliter peccandi periculum.*

Punctum II.

S. Casaria Arelat. homil. 8. ad popu-
lum.

Cap. 10. in ejus vita

Considera, Deum contra hominem, præ-
fertim Religiosum, venialiter peccantem
ad justam displicentiam & indignationem
commoveri. 1. Propter turpissimam mac-
ulam, quam peccans venialiter contrahit.
Nam peccata venialia animam velut qui-
busdam pustulis; & quasi horrenda scabies
replent, deformem faciunt, ut eam ad am-
plexus illius celestis sponsi, aut vix, aut cum
grandi confusione venire permittant. 2. Quia
Deus per quodlibet peccatum veniale ma-
gnâ offensâ, grandi injuriâ, & ingenti
contemptu afficitur; siquidem peccatum
veniale solum respectu mortalis ad distin-
ctionem leve dicitur, alioquin cum beata
Catharina Genuensi tenendum est, apud
Deum nullum peccatum posse dici minimum,

Et ne quidem magnum, sed maximum, cum sit contra summam ipsius bonitatem. Immo omne peccatum habet quandam infinitatem, etiam veniale, uti id Nicolaus Lanucius ex Opusculo 16. cap. 3. Suarezio, & aliis gravissimis Theologis probat, hoc solo discrimine posito, quod mortale peccatum sit malum simpliciter infinitum, veniale verò malum infinitum secundum quid, his accedit. 3. Justam Dei indignationem contra venialiter peccantem quasi in immensam adaugens, quod tanta offensa, tanta injuria, tantusque contemptus in tantum Dominum fiat ab homine creatura vilissima, à subdito in Regem, à mendico in benefactorem à filio in parentem, ab ægroto, in medicum, à factura in factorem, à Religioso, à persona sacra, in loco sacro, post tantam contractam sanctæ vivendi obligationem, post tot acceptas gratias, intuente purissimo omnipotentis oculo, erubescente custode Angelo, annotante vafro dæmone. Si ergo de virtute in virtutem vultis ascendere, semper timete in singulis minimis Deum offendere. Non debetis considerare quàm parva sit res, quam contra prohibitionem facitis, sed quantum malum sit inobedientia, quam pro parva re incurritis.

S. Ansel-
 mus Epist. 6.
 ad Monach.
 Cistercienses.

Punctum III.

Disce horrorem venialis peccati à Sanctis:

Serm. 20.

Cap. 25. in
vita.Isaia 49.
v. 1.

Etis : disce à Sancto Ignatio Lojola dicente:
*Nulla, vel humane quantacunque felicitatis,
 vel propriæ mortis conditione proposita addu-
 car unquam, ut culpam, licet venialem tan-
 tum, decernam admittere.* Nec mireris hanc
 dictionem; nam cum Sancto Dorotheo te-
 nendum est, *longè melius esse, & corpus, &
 omnia corporea perire simul, quàm lædi ani-
 mam in re etiam minima.* Sanctæ There-
 siæ assentiendum est, *majus malum posse ad-
 venire ab uno peccato veniali, quàm à toto
 simul inferno, cum hac ipsissima sit veritas.*
 Unde sapienter Joannes à Jesu Maria præci-
 puè tyrones apprimè instrui cupit, *vel in
 minima culpa plus mali ac deformitatis inesse,
 quam in universis cruciatibus inferni.* Mi-
 nimum enim malum culpæ majus est omni-
 bus malis pænæ, meliusque foret sine pec-
 cato veniali Christum rursus cruci affigere,
 quàm cum peccato veniali à crucis tormen-
 tis redimere; nec dubium, quin omnes
 Sancti optarent potius, sine peccato in in-
 fernum descendere, vel in suum nihilum re-
 dire, quàm cum peccato veniali in cælo re-
 gnare. *Audite hæc insule, & attendite
 populi, qui mavultis peccatis venialibus
 Deum altissimum contemptui habere, quàm
 otiosum sermonem, nugas, & facetias
 omittere.* Præsertim attendite ô vos Sa-
 cerdotes & Religiosi; Siquidem inter secu-
 lares

lares nuga, nuga sunt, in ore Sacerdotis
blasphemia.

S. Bernardus
libr. 2.
de confid.
cap. 13.

BONA PROPOSITA

Ex

Præsenti Meditatione.

1. **N**Ec ullum deinceps peccatum leve æstimabo, semper cum Sancto Hieronymo non tam quantitatem imperii, quam imperantis dignitatem attenturus. Epist. 14.
ad Celantiam.

2. Singulis diebus ad minimum bis singulos meos etiam minimos naevos per diligens examen inspiciam, annotabo, cum meis propositis conferam, & detestabor.

3. Pro negligentia in vitandis peccatis venialibus cum consilio Patris Spiritualis mihi metipsi discretas pœnitentias injungam.

4. Cum Sancta Paula Romana etiam minima peccata veluti maxima crimina saltem per lachrymas cordis frequenter deplorare studebo.

5. Post quodlibet admissum veniale statim conabor actum perfectæ contritionis elicere, & illud rursus delere.

6. Cognita peccata venialia ad maiorem meam confusionem in confusione diligentissimè exponam.

7. Omnes peccatorum venialium occasiones pro mea possibilitatè cautè declinabo.

8. Cre-

8. Crebrius per diem horrorem ac odium adversus omne etiam minimum peccatum concipiam, ut sic per frequentatos actus habitualement omnis peccati horrorem acquiram.

9. Præsertim verò majori ac frequentiori odio accendar contra ista vel illa peccata venialia in specie, in quæ sæpius labi consuevi.

10. Ad acquirendum perfectum omnis peccati horrorem certas mortificationes ac orationes tum benignissimo Deo, tum Sanctis Patronis meis quam devotissime quotidie offeram.

EXAMEN PARTICULARE.

De

Fidelitate, & puritate conscientiæ.

1. **A**N nunquam solitus fueris, peccata graviora in confessione tacere? vel ex alio defectu confessiones sacrilegas facere?

2. An defacto nunquam vel ex verecundia, vel ex stulto timore aliquod peccatum etiam leve in confessione advertenter taceas, aut palliatione minuas?

3. An studeas tentationibus statim in principio generose & constanter resistere,
omni-

omniq̃ue conatu laborare, ne vel unquam conscientiam tuam graviore peccato commacules?

4. An satagas etiam minima peccata, & omnes imperfectiones omni possibili modo præcavere?

5. An post peccatum etiam veniale, vel quemcunque, licet minimum, defectum commissum protinus sentias remorsum? ac per contritionem conscientiam mox iterum purificare festines?

6. An tuo Patri Spirituali cum omni filiali confidentia fidelis & sincerus existas?

7. An tentationes, malas inclinationes, modum pugnandi, proficiendi, & similia eidem absque simulatione detegere soleas?

8. An nunquam supereris à Dæmone, conante à manifestatione conscientia te retrahere, & impedire, incutiendo tibi vel verecundiam? vel aversionem? vel timorem, ne res detecta à Patre Spirituali vel in malam partem accipiat? vel propagetur?

9. An scrupulis, ac dubiis fundamento carentibus non inordinatè inhæreas? sed conscientia tuâ fideliter revelatâ, cæterum de Deo in bonitate sentias per omnia consiliis Patris Spiritualis humiliter acquiescens?

10. An continuò, in quantum est possibile, præsertim tempore orationis, cogitationis.

tationibus vanis, scrupulis, & quibuslibet rebus distrahentibus rejectis, internæ recollectioni, mentis serenitati, ac tranquillitatî animi studeas?

LECTIO SPIRITUALIS

Pro

Tempore pomeridiano.

Argumentum :

Psal. 74.
v. 1.

DEus justus Judex in particulari iudicio leget tibi textum : *cùm accepero tempus, ego justitias judicabo.*

Psal. 50.
v. 15.

Varias hic textus sustinet interpretationes; sive, ut aptius loquar, complures in se continet sensus. Et 1. Quidem secundum litteram potest intelligi de ipso Rege Davide, ita, ut sensus sit : Ego Rex Israël assumam mihi certum tempus ad decernenda justa ac Sancta, & *dotebo iniquos vias suas*, verum hic sensus nihil facit ad præsentem materiam. 2. Applicatur textus prædictus Christo Domino in suo primo adventu, ita, ut sensus sit : Ego unigenitus æterni Patris, Deus verus de Deo vero, per meam incarnationem adventurus in tempore judicabo, ac reprobabo justitias Pharisæorum, statuamque quasi novam justitiam, nova mandata daturus mundo, & meos

meos edocturus fideles : nisi abundaverit Matth. 5.
justitia vestra plus, quam Scribarum, & Pha- v. 20.
riseorum, non intrabitis in regnum cœlorum.

At neque huic sensui hîc inhærendum.

3. Intelligitur citatûs textus de secundo
 adventu Christi judicaturi vivos & mor-
 tuos, tam justitias, quàm injustitias, tam
 opera bona, quàm mala, posteriora qui-
 dem ad sumendas debitas pœnas, priora
 autem ad tribuendas majores laudis ac glo-
 riæ coronas, ut referat unusquisque propria 2. Cor. 5.
corporis, prout gessit, sive bonum, sive malum. v. 10.

Porro nec iste sensus nostrum scopum at-
 tingit; nam justus propter suas justitias
 non metuit, sed *latus judicem sustinet*, & S. Grego-
 rii tempus propinqua mortis advenerit, de rius homil.
gloria retributionis hilarescit. 4. Dici potest, 13. in Ev-
 adductum textum loqui de justitiis falsis, & angel,
 viis justis duntaxat in propriis oculis, de
 quibus illud Divinum oraculum : *Est via*
que videtur homini justa, novissima autem Proverb.
ejus deducunt ad mortem. At neque de his 14. v. 12.

justitiis nobis hîc sermo; hæ enim justitiæ
 sunt justitiæ impiorum, justitiæ reproborum,
 mihi autem hodie discursus cum justo, cum
 Religioso, cum electo, uti piè in Domi-
 no confido. 5. Per justitias intelligimus
 vitam, actiones, & vias, per quas etiam
 justî ac pii non rarò solent incedere, quas
 subinde etiam viri docti, & Magistri in

Scholis vix reprehendunt, aut adeò apprehendunt, sed potiùs quandoque iustificant, excusant, iustitiisque annumerant; quales iustitiæ sunt in sæcularibus, neminem lædere, à culpis gravioribus abstinere, in Religiosis sua vota religiosa, ac maiora suæ Regulæ inviolata servare, cæterum minima parùm curare, Divinas inspirationes non multùm attendere, opera supererogatoria, maiorem in spiritu perfectionem, & promotionem Divini honoris facilè negligere, pretiosum tempus minùs utiliter expendere, sua talenta haud satis fructuose impendere, sententias benigniores, & plus æquo libertati faventes eligere. Hæ proinde iustitiæ sunt propriè hujus & hodierni nostri discursûs, de his quippe iustitiis etiam viros Religiosos, etiam justos ac probos durissimum immò terribile iudicium expectat, non quidem in novissimo die, licet enim in illo furoris die tremendus Iudex reprobis etiam minimos nævos ad maiorem ipsorum confusionem sit exprobraturus, minimè tamen in universali illo iudicio suos confundet electos, sed electorum *tunc laus erit unicuique ò Deo*: confundet autem in iudicio particulari, ibi nemini parceret oculus ejus, neque iustis, neque Sanctis, sed universæ iustitiæ à minima usque ad maximam trutinâ examinabuntur, an habeant pondus

I. Cor. 4.
v. 5.

pondus ad pondus, ac debitam proportionē
 ad æternæ gloriæ coronam. *Non secundum* Isaïæ 10.
v. 3.
visionem oculorum judicabit, neque secundum
 opinionem nostram putatas nostras justi-
 tias justas pronuntiabit. O quàm metuen-
 dum est, ne *quasi pannus menstruata uni-* Isaïæ 64.
v. 6.
versa justitia nostræ tunc reputandæ sint ab
 eo, qui etiam *in Angelis suis reperit pravi-* Job. 4.
v. 18.
tatem. Ergone (inquis fortasse) apud Chri-
 stum tremendum Judicem nihil valebit il-
 lud juridicum? de minimis non curat præ-
 tor. Miraberis forte me respondentem?
 apud Deum idipsum vel maximè valere,
 à Deo minima omnino dissimulari, mini-
 ma non curari, atque per præfatum juridi-
 cum in suo Judicio fatuos mortales vel
 maximè judicatum & confusum iri. Ast
 desine mirari isthoc dictum meum: *Non* Isaïæ 55.
v. 8. & 9.
enim cogitationis meæ, (ait ipse Dominus)
cogitationes vestræ, neque via vestra, via
mea; Sed sicut exaltantur cæli à terra, sic
exaltate sunt via meæ à viis vestris, & co-
gitationibus vestris. Vos dicitis malum bo- Isaïæ 5.
v. 20.
num, & bonum malum, ponentes tenebras
lucem & lucem tenebras, existimantes ter-
 rena magna, & cœlestia quasi exigua, in-
 jurias vobis illatas apprehenditis veluti gra-
 ves, culpas verò in Deum vestrum com-
 missas æstimatis leves, jacturam lucri tem-
 poralis magni facitis, quasi nihili detri-
 men-

Matth. 16.
v. 26.

sal. 74.

. I.
Psal. 112.
v. 2.
Psal. 51.
v. 8.

Isaia 60.
v. 5.

In vita ipsiq
cap. 24.

mentum lucris spiritualis, maculam vel unicam in vultu erubescitis, labeculas porro conscientiae quasi nihili ducitis. Non sic viae meae: mihi pro minimo est omne terrenum, pro maximo omne aeternum, mihi major nausea ex minima labecula humanae conscientiae, quam ex omnibus materialibus immunditiis universae terrae. Cogitationes meae & iudicium meum, hominem majorem jacturam fecisse, dum minimum actum virtutis negligit, quam dum regnum & sceptrum perdit. *Quid enim prodest homini si mundum universum lucretur, anima vero sua detrimentum patiatur?* quae commutatio totius mundi pro minimo gradu aeternae gloriae, qui per omissionem vel minimi boni operis negligitur? *cum accepero tempus, ego justitias judicabo.* Hei mihi Domine non intres in iudicium cum servo tuo, quia non justificabitur in conspectu tuo omnis vivens. *Videbunt justi, & timebunt,* & qualis tunc timor mihi? qualis tunc timor tibi, qui forsitan minima non curasti, leves transgressiones non cavisti, leves defectus non correxisti, parva peccata parvi pendisti? tunc enim *mirabitur, & dilabitur cor tuum* in timorem, cognoscens cognitione mirifica, verissima sensisse beatam Catharinam Genuensem, dum dixit: *adeo jam mihi terribilis apparet vel umbra* *saltem*

saltem venialis peccati, ut videatur mihi,
quod Deus multo minorem ipsi inferno horro-
rem indiderit. Tunc videbis, nec militum
Bernardum excessisse, dum scripsit: *Discite* Serm. 1.
ex hoc fratres justum judicem Deum, non mo- in convers.
do quid fiat, sed & quo animo fiat considera- S. Pauli,
te & cavete deinceps, ne quis parva repu-
tet, quamlibet parva scienter delinquere con-
vincatur. Nemo dicat in corde suo: *Levia*
sunt ista, non curo corrigere: Non est ma-
gnum, si in his maneam venialibus, mini-
misque peccatis. Hæc est enim, dilectissimi,
impenitentia, hæc blasphemia in Spiritum
Sanctum. Nec est, quod arbitraris melli-
fluum Patrem, per hyperbolen fuisse locu-
tum, aut perconteris forsitan, quomodo in
venialibus manere, venialia in corde suo
levia dicere, levia æstimare, possit esse blas-
phemia in Spiritum Sanctum? Nam Deum
esse immisericordem, & injustum, in cor-
de credere, ex corde dicere, utique est
blasphemia in Spiritum Sanctum, atqui
Deum immisericordem, & injustum esse
credit, quisquis peccatum aliquod absolutè
& secundum se leve esse credit, cum omni-
nò certum sit, quod Deus, propter leves
duntaxat culpas tam gravibus, tamque hor-
ribilibus purgatorii cruciatibus, & quidem
in suos electos, in suos charissimos filios,
in suas dilectissimas sponfas animadvertens,

justus ac misericors esse non possit; quis enim justum aut pium illum appellaret parentem, qui in suum dilectum filium propter parvam noxam igne, ac gladio desæviret? quis clementem; quis justum, quis è diverso non potius injustum, crudelem, sævumque tyrannum dicturiret illum sponsum, qui suam amicam, sororem, charamque sponsam propter levem duntaxat nævum horrendis carceribus includeret, flammis adjiceret, omnisque generis tormentis pertorqueret? quis autem Catholicorum ignorat, culpas etiam veniales, & quidem in Dei filiis, in animabus justis, in charissimis sponsis horribilibus purgatorii pœnis expiari? pœnis omni præsentis vitæ cruciatu severioribus. *Mallet enim quilibet viventium omnes, quæ hîc videntur pœna, ac tormenta, & si illas experientiâ nesciret pœnas, usque ad finem mundi, omnibus his simul sine remedio cruciari pœnis, quas omnes homines ab Adam hucusque singillatim pertulerunt, quàm unâ die in inferno, sive in purgatorio minori, quæ illic habetur, pœna torqueri.* Quemadmodum Sanctus Cyrillus, vel quorundam opinione, alius antiquus apud Sanctum Augustinum testatur, se audivisse hæc ipsissima â quodam mortuo per saccum Divi Hieronymi ad vitam resuscitato. *Purgatorius ignis durior est, quàm*

Apud S.
Augusti-
num Epist.
906. tom. 2.

quàm quod possit poenarum in hoc seculo aut accidere, aut sentiri, aut excogitari, inquit S. Cæsarius Arelat. homil. 8. quin imò, uti Sancta Maria Magdalena de Pazzis per raptum edocta affirmat: omnia tormenta, quæ passi sunt martyres, sunt tanquam amœnus hortus respectu eorum, quæ infliguntur in purgatorio. & hem in hunc ignem mittuntur electi Dei propter veniales etiamnum culpas. *In vitis Patrum legitur*) ait Sanctus Antonius) pro hujusmodi levibus quosdam probos viros ad Purgatorium deputatos. Et aliqui quidem pro delectatione, quam habebant in cantu; alii pro nimia solitudine in ædificiis etiam Ecclesiasticis, alii pro studio curioso gentilium. Nonne acceptus erat Deo Sanctus Severinus Archiepiscopus Colonicensis? nonne acceptus S. Udalricus Episcopus Augustanus? Et nihilominus propter culpas duntaxat veniales cum multis aliis viris Sanctis juxta gravissimos auctores sævissimos Purgatorii sustinuerunt cruciatus. Manet igitur certissimum, aut nullum peccatum absolute & in se posse leve credi, aut Deum debere injustum ac crudelem dici. Posterius est manifesta blasphemia in Spiritum Sanctum, ergo prius tenendum, atque cum Sancto Bernardo aliisque Sanctis Patribus sentiendum, nullum peccatum absolute posse leve dici. Nam leve nunquam est, Deum etiam

In vita par-
te 2. cap.
13. pag.
169.

Part. 1. ait:
5. cap. 5.
SS. 2. cau-
sa 3.

S. Basilius
in Reg.
Mon. de
obedientia.

Matth. 5.
v. 26.

In vita ipsi⁹
cap. 30.

in exiguo contemnere. Leve nunquam est, quod tam pius Pater tam severè mulctat in filio, mittens eum propterea in carcerem, includensque eum hac durissimâ clausulâ: *Amen dico tibi, non exies inde, donec reddas novissimum quadrantem.* Et utique per quadrantem non nisi veniale peccatum intelleges? verum non solum de peccatis venialibus, sed & de aliis adhuc justitiis, sed & de imperfectionibus in illo iudicio tibi legetur textus: *Ego justitias judicabo.* Experieris, quàm vera beata Catharina Genuensis locuta, dum sequentia, & his plura similia effata: *Illam Divinam essentiam tanta munditiæ ac puritatis perspicio, ut impossibile sit, vel extremam ejus partem animo assequi, adeò, ut homo non nisi tenuissimâ imperfectione laborans, priùs se in mille tormenta ipse præcipitaret, quàm coram eo cum tali imperfectione compareret.* Hinc anima intelligens, Purgatorium ad expiandas, & diluendas imperfectiones constitutum, libens ad Divinam dispositionem se in id demittit; putatque admodum clementer secum agi: & tamen Purgatorii acerbitas omnem intellectum humanum superat. Atqui anima amore flagrans, pluris facit imperfectionem, quàm Purgatorii pœnam, licet usque adeò diram, ut quicquid in hac vita cognoscere, eloqui, & experiri, atque de ea re credere possu-

possumus, si cum ipsamet comparetur, mihi videatur mendacium. Unde tametsi hac sim coacta proferre, tamen confundor, re tantâ longè minùs, quam cupiebam, declaratâ. Quid ad hæc? an rursum reclamationes? exaggeratio; exaggeratio: nimis enim durus est Joann. 6, hic sermo, docens, etiam imperfectionibus v. 60. expiandis à Deo purgatorium decerni, ut proinde tibi omnis superfluus scrupulus adimatur, verba Genuensis virginis pro faciliiori captu elucidentur, nervosiusque simul argumentum præsentis materiæ probetur, haud absônè respondetur, imperfectiones triplici differentia posse considerari.

Primò sunt aliquæ imperfectiones omnino involuntariæ, sive, ut ex Sancto Joanne Climaco loquar. *Sunt apud spirituales viros: quedam plerumque vilissima vitia mirâ Dei dispensatione in eis relictâ, ut propter vitia illa, quæ sine peccato sunt, seipsos semper valde accusantes, humilitatis opes inviolabiles acquirant.* Hujuscemodî imperfectiones censentur inclinationes minùs ordinatæ, incidentes rerum species, motus primi, involuntarii risus, qui subinde mortificatis quoque animabus contra omnem cohibitionem & renixum erumpere solent. Consimiles imperfectiones, utpote omnino involuntarias, piisque animabus perquam pænosas Purgatorii flammis non subjectum

In Scala
Paradisi
Grad. 26.
c. 2.

iri, facile admiserim, nec enim videntur Deo magis displicere, quàm imperfectiones ac defectus naturales, tametsi quandoque secundùm censuram humani oculi regulis morum discordare existimentur.

Collat. II.
c. 10.

Secundò aliæ imperfectiones sunt, sic, & ut tales denominatæ nostrâ opinionè, humanoque iudicio, quæ tamen in purissimis omnipotentis oculis culpâ nullatenus carent, hujus generis censentur illa minuta, quæ (Abbate Chæremone apud Cassianum sentiente) per sermonem, per cogitationem, per ignorantiam, per oblivionem, per necessitatem, per voluntatem, per obreptionem admittuntur, quæ licet ab illo peccato, quod ad mortem esse dicitur, aliena sint, culpâ tamen ac reprehensione carere non possunt.

Isaia II.

Ejusmodi imperfectiones, flammâ purgante eluendas, nemini Catholicorum potest suboriri dubium, quia quidquid infectum est culpâ, tametsi occultâ, dignum est poenâ. Non enim Deus secundùm visionem oculorum judicabit, neque secundùm nostram opinionem, aut humanum iudicium, sed secundùm veritatem, & æquitatem vultûs sui, etiam in stellis reperientis maculas, & in operibus Sanctis notantis labeculas. Nam si sunt via, quæ videntur hominibus, recta, quarum finis usque ad profundum inferni demergit, quis dubitet, quin nostris

S. Regul.
c. 7.

ope-

operibus plurima insint, quæ oculis nostris vix videntur imperfecta, & vix modicæ imperfectiones, in quibus tamen oculus iusti Judicis deprehendet culpas, longo severoque purgatorio diluendas? ô quàm rara avis homo in terris, ab hujusmodi occultis culpis immunis! ô quàm rara avis, anima absque purgatorio avolans ad sidera! *quamvis multarum animarum statum mihi Dominus revelare dignatus sit* (inquit Sancta Theresia) *ex omnibus tamen, quas vidi, nescio an ulla purgatorium evaserit, præterquam Religiosi illius, de quo paulo ante verba feci, & Sancti Patris Fratris Petri de Alcantara, nec non illius Dominicani cuius supra memini.* Vix ulli iusti homines (ait Cardinalis Bellarminus) nisi ex magna misericordia Dei, poenam Purgatorii acerbissimam evadunt, ita, ut recta è corpore ad cælum evolent. O quanta multitudo similium occultarum culparum post mortem nobis exprobetur à Judice! quanta multitudo obtrudetur à Dæmone! quanta obijcietur à tutelari Angelo? quanta à Sanctis? præsertim à Sanctis nostris majoribus, ac religiosæ vitæ institutoribus. Heu quis non metuat? ad mentem revocans illud, quod Zacharias Boverius in annalibus Patrum Capucinorum refert de fratre Constantino à Salvatore, viro alioquin sanctitate, gratiis-

Cap. 38. vit.

Lib. 1. de
amiss. grat.
c. 13.

tiisque gratis datis tam in vita, quàm post mortem celebri.

Tom. 2.
pag. 204.
n. 60. anno
1586.

Hic enim post obitum suum nonnullis elapsis diebus cuidam Patri visibilem se stitit, eique, cùm de suo statu in altera vita interrogaretur, respondit: *Heu! heu frater! quam districta Domini iudicia sunt, atque ab hominum sensu ac sententia longè remota: quæ enim viventibus virtutes videntur, à Deo plerumque, qui rectè omnia metiri novit, vitia judicantur. Ego quidem ex Dei miseratione salutem consecutus, cœlesti gloriâ furor, verumtamen in purgatorio igne triduo pœnas exsolvi, quatrium millium annorum, haud mentior, mihi diuturna supplicia visa sunt. Quod si horum causam quæras, ea gemina fuit: Prima, quòd ex disturnâ meâ inter fratres pralatione plerasque maculas, quas nec maculas existimabam, imprudenter contraxerim, ac plurima pratermiserim, quæ & Superioris munus, & commissi mei gregis officium postulabant, quæ summo rigore in Dei iudicio examinata fuere. Altera, quod in animi remissionibus, quas intra solius virtutis terminos contrahere debueram, erga subditos indulgentior, quàm par est, extiterim, ex quo plerumque dissolutiones erumperent. Recogitent hæc superiores, recogitent & subditi, certè sæpe latet occultus sub herbis*

vi-

virentibus anguis, & sæpe subest culpa, ubi humanum iudicium omnia iusta putat.

Tertiò denique nomine imperfectionum moralium, propriè talium veniunt omnes voluntariæ defectiones à perfectione, citra tamen alicujus legis violationem, sive sunt actus liberi, quorum aut omissio, aut positio nulli quidem prorsus legi, bono tamen virtutis ac perfectionis adversatur, quemadmodum imperfectum illud propriè dicitur, quod non est perfectum, sic etiam imperfectio moralis propriè talis est nihil aliud, quàm voluntaria omissio alicujus perfectionis. Tales imperfectiones sunt suis bonis propositis non stare, voluntarias devotiones, aut actus virtutum omittere, in suis exercitiis à possibili fervore nonnihil remittere, honestas & licitas oblectationes admittere, ex inferiori motivo quàm ex motivo perfectæ charitatis operari. Et de istis imperfectionibus propriè ac potissimùm intelligenda videtur beata Catharina Genuensis, dum ait: *Cognitissimum mihi est, quòd quando amor purus, vel exiguissimam imperfectionem deprehendit, si Deus non averteret, in pulverem redigeretur, non corpus modo, sed & anima, nisi esset immortalis.* De istis quoque imperfectionibus ex immenso quasi Catalogo post mortem nobis à Christo Iudice legetur ille textus: *Cum* Pl. 74. v. 1.

acce-

accepero tempus, ego iustitias judicabo. O quanta verecundia, quantus dolor! quantus horror tunc nos apprehendet? Si homo (juxta verba ex beata Catharina Genuensi supra citata) non nisi tenuissima imperfectione laborans, prius se in mille tormenta ipse precipitaret, quam coram eo cum tali imperfectione compareret. Imprimis quidem indicibili tunc anima corripietur dolore propter jacturam lucri cessantis, per hujusmodi perfectiones causatam. Certissimum quippe est, vel minimum æternæ gloriæ gradum negligere (quem per quemvis virtutis actum ex charitate factum promereri possemus) esse majorem jacturam incurrere, quam mille mundos cum omnibus suis divitiis, delitiis, voluptatibus & dignitatibus perdere: hæc credis, & adhuc aliquam imperfectionem, alicujus voluntariæ mortificationis, verbi gratia, omissionem levem dicis? O cæca judicia mortalium? quæ tam stolidè minima, id est mundana, censent magna; ac interim maxima, id est æterna, reputant pro minimis! aperi tandem oculos ô Christiane, & confunde de tua ignorantia saltem ab Ethnicis differentibus: *Melius est mori, quam facere aliquid contra bonum virtutis.* Deinde infandum concipiet anima dolorem, manifestâ cognitione contuitura, ejusmodi imperfectiones, & majoris per-

Aristoteles
lib. 3. Eth.

perfectiōnis neglectus Deo omnis puritatis
 amatori magnopere displicere, eritque ille,
 dolor, illeque rubor, ex præactâ cognitio-
 ne affusus, tam durus, & amans Deum non
 solum cum illa anima apud Sanctam Ger- Lib. 5. c. 8.
 trudem in Purgatorio, sed in ipso etiam in-
 ferno absque imperfectiōne mallet torqueri,
 quàm cum tali imperfectiōne sponsique di-
 splicentia in supremo cœli gradu collocari
 quod ipsum rursus luculenter testatum fa-
 cit sæpius citata Catharina Genuensis, cujus
 hæc sermocinatio: Si homo satis compre- Cap. 39. in
 hendere posset gloriam gloriosissima Virginis vita ipsius.
 Maria, eamque & voluntate, & re ipsa,
 & dispositione Divina possideret, sicut ipsa-
 met Domina nostra possidet, deinde audiret:
 oportet te cum ista gloriâ scintillam imper-
 fectiōnis ab omnipotentis Dei voluntate di-
 screpantis in te cernere; certa sum (modò
 dulcem hanc veritatem perspiceret) respon-
 surum; nolo illam gloriam hac conditione,
 quin potius relega me in infernum. Hæc
 dum mecum tracto, quid aliud valeo, nisi ex
 toto pectore clamare: ô Christiani! ô Re-
 ligiosi! ubi est fides nostra? si juxta verissi-
 mam hujus virginis mentem pro corona
 ac gloria, gloriam præcellæ Deiparæ adæ-
 quante, nec minima imperfectiōnis scintilla
 admittenda, unde ergo scaturit nostra
 amentia, imperfectiōnes vix attendens?
 actus

Balthasarus
Stromair in
Festo A-
scens. Do-
mini.

actus virtutum tam facile negligens? tot pietatis opera, tot mortificationis exercitia tam imprudenter omittens? Denique quoad has ultimas imperfectiones quaestio moveri potest, utrum praeter justam displicentiam Divinis oculis causatam, praeter jacturam augmenti gratiae pro praesenti vita, ac gloriae pro futura, poenam praeterea etiam sensus inducant? Verum quis hunc nodum dissolvere praesumat? ego saltem sententiam ferre non audeo, sed ferendam a vicino jam mihi Iudice timescens, ac contremiscens exspecto, commeditans mecum non paucas pavendas historias. Nam desiderium visionis beatificae non alere, quandoque in penso canonico aliquam caeremoniam omittere, caeteris paribus, non tam peccati quam alicujus imperfectionis duntaxat arguo, & nihilominus auctor Neotericus ex sancta Brigitta refert, quemdam Anachoretam, caeterum famam sanctitatis celebrem, hanc unicam ob causam flammis purgantibus fuisse adjudicatum, quia non ardebat, videre Deum. Sic etiam annales Cisterciensium referunt, quemdam Religiosum gravissimas in purgatorio dedisse poenas, ob neglectam ad Gloria Patri Reverentiam, hic enim, quod expavescas, post mortem altissimae alligatus columnae singulis diebus centies, totidemque vicibus qualibet nocte pro-

profundissimè cum horrendo cruciatu se inclinare cogeatur, donec satisfecisset, seu potius satis passus fuisset pro singulis reverentis, aut omissis, aut neglectim tantum exhibitis. Quis facile alicujus peccati arguet illum Religiosum, è Sancti Dominici familia, qui, ut debilitatem capitis impediret, sibi que ordinarium somnum conciliaret, vinum sine admista aqua biberat? & nihilominus (uti Petrus Pennequin ex Sancto Antonino enarrat) propter hanc causam flammis purgantibus fuit immissus. Quis hæc in pondere sanctuarii secum pensitans, non pertimescat? non compavescat?

Quia si in viridi ligno hæc faciunt, in arido, quid fiet? Si viri Sancti propter suas imperfectiones ac minimos nævos flammis purgantibus multantur, de nobis, peccata venialia velut aquam bibentibus, & quasi cum risu patrantibus quid fiet? nonne metuendum meritò, ne ab ipsismet Sanctis, ab ipsismet nostris Sanctis fundatoribus, nostrisque majoribus simus coarguendi in nostro particulari judicio? nonne scriptum est? *tunc stabunt justi in magna constantia adversus eos, qui se angustiaverunt, & abstulerunt labores eorum.* Sap. 5. v. 1.

Nam minima non curare, minima in Religione negligere, est ordinum fundatores quasi affligere, ipsorum labores auferre, religiosam

scilicet disciplinam destruere, ædificium spirituale diruere, ipsumque sacrum religiosum ordinem dissipare, quem illi tanto labore plantaverunt, tanto sudore rigaverunt, tanto fervore per minimorum custodiam ad florem & incrementum perduxerunt.

2. part. hist. *Religiones* (inquit Sanctus Antoninus) *que*
tit. 15. SS. 2. *cum magno fervore, & vite sanctimonia initium habuerunt, minima negligentes traditionum paternarum, in processu temporis paulatim defluxerunt, & exinanita sunt usque ad fundum, vota scilicet substantialia.*

Nec aliter ipsa experienciâ doctus sanctus noster sentit Anselmus, cujus hæc verba:

Epist. 6. ad Certissimum est, quod in multis Ecclesiis ex-
Monachus. perimento didicimus; quia in Monasterio, ubi minima districtè custodiuntur, ibi rigor Monachorum inviolabilis permanet; ibi pax inter fratres. Ubi verò minimi excessus negliguntur, ibi totus ordo dissipatur paulatim, & destruitur. Si ergo de virtute in virtutem velitis ascendere, semper timete in singulis minimis Deum offendere. O utinam hæc attenderent superiores, utinam sibi cordi haberent subditi.

MEDITATIO III.

De

Vitio tepiditatis extirpan-
do, ac cavendo.

Punctum I. Monachus tepidus in magnis
periculis versatur. 2. Deo meritò odio
ac tædio existit. 3. Quibus motivis
seipsum ad fervorem excitare debeat.

Preludium:

A Usculta ô fili, quid in te loquatur Be-
nedictus Pater. *Exurgamus ergo* In Prologo
tandem aliquando (accinit tibi) excitante S. Regul.
nos Scriptura, ac dicente: *Hora est jam,*
nos de somno surgere.

Punctum I.

Perniciosa tepiditas, quia periculosa est, S. Bernard^{us}
quia molestissima est, plena miseria, & dolo-ferm. 7. de
ris, & inferno planè proxima, umbra mor-Ascens. Do-
tis jure censetur. Perniciosa ac periculosa mini.
est tepiditas 1. quia nos tentationibus ac
insidiis Diaboli exponit. Nam remissas S. Ambros
excubias callidus insidiator irrumpit, & si-TRACT. II.
cut ad succensam ollam musca non appropin- in Psal. 118.
quant, si verò tepida fuerit, insident in ea, Abbas Pie-
& faciunt vermes, ita & Monachum suc- menius in
censum igne Divini Spiritûs Dæmones su- v itis Patrû.
giunt,

Apud Ros-
veydum
lib. 7. pag.
682.
S. Chrysoft.
homil. 36.
in Matth.
S. Chrysoft.
Epist. 7.
ad Olymp.

giunt, tepidum verò illudunt, & insequun-
tur. 2. Quia omnis generis vitia pro-
creat; siquidem omnium vitiorum, quasi
magistra quadam, atque origo est otiositas.
3. Quia vires corporis & animæ enervat;
tepiditas quippe vermi similis est venenato,
animam ipsam perimens: est tineæ, non so-
lum ad ossa, sed etiam ad corda pertingens,
& perpetuus quidam carnifex, non corpus
dilanians, sed vires animæ confundens. 4.
Quia tepidis suas Deus speciales gratias
subtrahere assolet, dicente Sancto Grego-
rio: Dominus vigilat iustis, dormit tepidis.
5. Quia tepidi maledictionem Dei incur-
runt. Etenim maledictus, qui facit opus
Domini negligenter. 6. Quia tepidi diffi-
cillimè corriguntur, (asserente Joanne Cas-
siano) qui semel tepido exorsus initio Mo-
nachi cœpit abuti vocabulo, nec tamen humi-
litate, ac fervore, quo debuit iter hujus pro-
fessionis arripuit, infectus semel hac mise-
rabili lue, & in ea quodammodo resolutus,
nec ex se ulterius perfecta sapere, nec alte-
rius poterit monitis erudiri. Propter quod
remissas manus, & soluta genua erigite; &
gressus rectos facite pedibus vestris, ut non
claudicans quis erret.

Punctum II.

Proverb. 6.
v. 9.

Usque quo piger dormies? quando consurges
à somno

à somno tuo? quando te tandem expergisci faciet terribilis illa, toties auribus tuis ingeminata sententia: *quia tepidus es, & nec frigidus, nec calidus, incipiam te evomere ex ore meo.* O foeditatem tepiditatis! quæ (si ita loqui liceat) & ipsum etiam Deum ad vomitum provocat. Duo saltem in hoc textu attonitâ mente præcipuè pensculato. 1. Araneæ nempe, & illa evomuntur, quæ stomachum movere, atque ad nauseam commovere nos solent. Aranea est tepiditas, in singulis latebris cordis longas telas inutilium ac malarum cogitationum pertexens, tota intenta capiendis muscis, seu tractandis nugis & fabulis. Aranea est veneno plenissima, omnia opera ac exercitia etiam sanctissima inficiens, gratiam Dei in vanum recipiens, & ob id viscera Divinæ Clementiæ ad justum fastidium provocans. 2. Quæ evomimus, plerumque in loca immunda projicimus: Sic & tepidus dum à Deo relinquitur, plerumque in spurca peccata prolabitur. *Et non est aliqua cogitatio tam turpis, tam abominabilis, mala & execranda, quam non inveniat detestanda otiositas.* Quapropter ne nostrâ tepiditate ori Divino pariamus fastidium, excitandus est spiritualibus stimulis semper animus, & majori quotidie ardore renovandus.

Et Gerson
part. 3.
Tract. de
exercit. di-
cretis.

S. Hieron.
Epist. ad
Demetr.

Punctum III.

- Joann. 5. *Surge, tolle grabatum tuum.* Ecce Do-
 y. 8. minus exultavit ut gigas ad currendam
 Pf. 18. v. 6. *viam, & servus intepestet?* Dominus in
 oratione sudavit sanguinem, & servus in-
 S. P. Bened. torpestet? *Currendum, & agendum est mo-*
 in Prolog. *do, quod in perpetuum nobis expediat.* Cur-
 S. Regul. *rendum est in odorem nostrorum majo-*
 Lib. de *rem. O quantus fervor omnium Religioso-*
 imit. Chr. *rum in principio sua Sancta institutionis fuit,*
 lib. 1. c. 18. *ab tepor & negligentia status nostri, quod*
tam cito declinamur à pristino fervore. Vel:
si neque exemplo Christi neque exemplo
Sanctorum accenderis, ad confusionem ti-
 Proverb. 6. *bi dicitur: Vade ad formicam ô piger, &*
 v. 6. 7. & 8. *considera vias ejus, & disce sapientiam, qua*
cum non habeat ducem, nec praeceptorem, nec
principem, parat in aestate sibi, & congregat
in messe, quod comedat. Et homo ratione
 praeditus, Christianus lumine fidei instru-
 ctus, Religiosus ad altiora vocatus,
 post tot instructiones, post tot inspira-
 tiones adhuc negligenter suam operabi-
 tur salutem? *quodcunque facere potest*
manus tua, instanter operare, constan-
 Eccles. 9. *ter obstruens aures tuas cuicumque serpen-*
 v. 10. *ti insibilanti: Sabbathum est, non licet tibi*
 Joann. 5. *tollere grabatum tuum.* Est hodie festum
 v. 10. *Aristotelis, Bacchanalia sunt: tempori in-*
dulgendum, arcus remittendus, vacan-
dum;

dum; feriandum, dormiendum etiam, quandoque bono Homero. Sed scito, quia Dominus est Filius hominis, etiam Luc. 6. v. 5. Sabbathi, cui, semper toto corde, totisque viribus serviendum, nunquam vacandum est à bonis operibus, neque feriandum in præsentī tempore aspiranti ad ferias sempiternas.

BONA PROPOSITA

Ex

præsentī Meditatione.

I. **M**Entem meam semper bonis cogitationibus & piis affectibus occupabo.

2. Curabo, ut externè quoque, quantum obedientia permittit, & ad internam devotionem conducit, semper sim Religiosè occupatus, indefessus imitator futurus beati Alcuini nostri, qui *fugiebat modis omnibus otiositatem; nam aut legebat, aut scribebat, aut discipulos erudiebat, aut orationi vacabat, & psalmorum decantationi, inevitabilibus tantummodo corporis indulgens necessitatibus.* Anonymus in vita B. Alcuini.

3. Inutiles confabulationes, lusus, & omnes occupationes, quæ sunt absque fructu, non minùs ac ipsum otium fugiam.

Quæ enim notabilis differentia inter otiosi,
& otiosè agere?

4. Singulis meis operibus puram, ac
sancto fervore vestitam intentionem præ-
mittere satagam.

5. In cunctis meis exercitiis vivâ fide
apprehendam indubitatam præsentiam Dei,
meum fervorem attendentis.

6. Continuo meipsum excitare stude-
bo, dicendo verbi gratia intra me: Eja
age, forsitan hoc ipsum est illud, à quo
æterna tua felicitas vel maximè dependet.

7. Si quando fortassis torporem, tædium,
aut nauseam in spiritualibus admisero, mi-
himetipsi discretam pœnitentiam injungam.

CONSIDERATIO VESPERTINA.

De

Observatione, & æstima-
tione sacrae Regulæ.

S. Regul.
c. 58.

Ecce lex, sub quâ militare vis. Quanti
æstimas? Ecce tanti Sanctus Benedi-
ctus suam Regulam æstimari conflagitat,
ut suadeat novitio potius discessum, quàm
suæ legis neglectum. Si potes observare,
incedere, si verò non potes, liber discede.
Ecce militiæ comparat sacrum ordinem Pa-
ter

incedere

ter tuus Benedictus! ergo cavendum, ne bis peccetur in id ipsum. Ergo attendendum, ut minima quoque usque ad ultimum apicem observentur; sic enim exigit disciplina militaris in omni castrorum acie, benè ordinata, nec auditur miles somnians, se non teneri lege militari, forsitan tu somnias, te legem tui Patris Benedicti impunè transgredi posse? Expergiscere tandem, & parate ad reddendam rationem de regula tui Ordinis. Crede Divo Bernardo asseveranti: *Omnia proinde Sancti Benedicti instituta, exceptis sanè nonnullis, & de spiritualibus, verbi causâ charitate, humilitate, mansuetudine, quæ non tam ipsum constat instituisse, quàm Deum, & ob hoc penitus non esse mutanda.* De cætero reliqua universa non profitentibus quidem monita tantùm, sed consilia censenda sunt, nec gravant non observata, cum tamen profitentibus in præcepta, prævaricantibus in crimina fiant. Quapropter, si vis, ut fundator ordinis tui te audiat orantem, ausculta quoque eundem in sua Regula jubentem.

TERTIA DIE OBSERVATIONES.

I. Tertia dies sacrorum exercitiorum, quæ supponitur feria quarta, dedicabitur specialiter Sanctis Angelis tutelaribus.

2. Singula exercitia hujus diei offerentur specialiter tum pro impetrando generoso animo ad quælibet mortificationis opera, tum pro conversione peccatorum.

3. Tessera specialis pro singulis exercitiis hac die ista erit: Deus in isto meo exercitio vult glorificari: meum est, istud, & omnia mea exercitia tam perfectè peragere, *ut in omnibus glorificetur Deus.*

4. Aspirationes frequentiores erunt Angele Dei, qui custos es mei, arma pro me suscipe, quaeso, Princeps fortis, ut fugatis hostibus, vitæ vias mortis.

5. Mane antè meditationem pro lectione spiritali de imitatione Christi ex lib. 3. c. 53. *Quod gratia Dei non miscetur terrena sapientibus, & ex eodem lib. c. 31. De neglectu omnis creatura, ut creator inveniri possit.* Item ex eodem lib. c. 34. *Quod amanti sapit Deus super omnia & in omnibus.*

6. Meditatio prima de mortificando homine inferiori. Secunda de mortificando ac renovando homine superiori. Tertia de mortificatione amoris proprii.

7. Lectio matutina de continentia linguæ. Pomeridiana: de circumcissione aurium.

8. Examen particulare de continentia linguæ.

9. Le-

9. Lectio vespertina ex sacra Regula caput sextum de taciturnitate, & caput 42. quod post completorium nemo loquatur. Item caput 58. de disciplina suscipiendorum fratrum.

10. Consideratio vespertina de dissolutis ac tepidis fratribus cautè declinandis.

MEDITATIO I.

De

Mortificatione & renovatione hominis inferioris, seu quoad partem sensibilem & corpus.

Punctum 1. De continentia sensuum exteriorum. 2. De continentia appetitus concupiscibilis, & irascibilis. 3. De instrumentis, & modo procedendi in utraque mortificatione.

Præludium:

ECce constitutus es in statu religioso, præsertim in præsentibus exercitiis, *ut Jer.1.v.10. evellas, destruas, & disperdas, & dissipes. Ut destruatur corpus peccati, ut ultra non Rom.6.v.6. serviamus peccato.*

Punctum I.

Mortificationem ac custodiam sensuum Deus vult, ratio dictat, modestia suadet,
uti-

utilitas urget, necessitas exigit. Cur ergo Deo volenti non obedis? rationi dictanti non consentis? Modestiae leges non attendis? utilitatem non perpendis; necessitati non attendis? Divinum oraculum clamat:

Eccli. 28. *Sepi aures tuas spinis, linguam nequam noli audire, & ori tuo facito ostia, & seras*
v. 28.
Colof. 3. v. 5 *auribus tuis.* Doctor gentium praedicat:

Mortificate ergo membra vestra, quae sunt super terram. Ipse Magister veritatis oc-

Matth. 18. *centat: Si oculus tuus scandalizat te, erue*
v. 9. *eum, & projice abs te: bonum tibi est,*

unum oculum habentem in vitam intrare, quam duos oculos habentem mitti in gehennam ignis. Quousque obdurabis aures tuas ad vocem incantantium tam sapienter? siccine? ergone infruniti tui sensus adeo te omnis sensus fecerunt expertem, ut ad mortificationem illorum nec tantis factis promissionibus traharis? nec tantis à Deo acceptis beneficiis accendaris? nec tot exemplis movearis? nec tot periculis à libertate sensuum deterrearis? tunc sanctior Davide? qui adulterio & homicidio se polluit, quia oculos non cohibuit. Tunc innocentior Adamo in statu innocentiae? qui ideo corruit, quia vocem uxoris audivit? quid prodest tibi tua curiositas? quid sensuum irrefrænata cupiditas? quid profuit Evæ, gustasse fructum de ligno vetito? quid Di-

Genes. 3. 4.

næ vidisse filias Sichimorum? sanè clausis
 ostiis custodire thesaurum animæ summa
 prudentia: portas hostibus ultro aperire
 summa stultitia. Licet enim Diabolus do-
 mum tuam invenerit scopis mundatam, si
 tamen non reperit clausam, vadit, & as- Luc. 11. v.
 sumit septem alios Spiritus secum, nequitio- 26.
 res se, & ingressi habitant ibi. Ergo cave
 tibi, & mortifica sensus.

Punctum II.

Tu cujus es? an Christi? an Diaboli?

Ex hoc cognosces: In novissimo tempore S. Judas in-
 venient illusores secundum desideria sua am- Epist. can.
 bulantes in impietatibus. Hi sunt, qui se- v. 18. & 19.
 gregant semetipsos, animales, spiritum non
 habentes. Certè Christi non es, si ex nume-
 ro horum es; qui autem sunt Christi, car- ad Galat. 5.
 nem suam crucifixerunt cum vitiis, & con- v. 24.
 cupiscentiis. Refrænant suos appetitus,
 mortificant tam appetitum irascibilem,
 quam concupiscibilem, reprimunt suas
 passiones, subjiciunt carnem spiritui; nun-
 quam non memores Divini oraculi: Si enim Roman. 8.
 secundum carnem vixeritis, moriemini, si v. 13.
 autem Spiritu facta carnis mortificaveritis,
 vivetis. Tu quises? an verus Monachus?
 an è numero Sarabaitarum, quibus pro le- S. Reg. c. 1.
 ge est desideriorum voluptas? Profectò ne-
 que initium veri Monachi tenes, nisi toto
 pecto-

Gerardus pectore ad mortificationem incumbas:
 Belga in fe- quoniam sicut in circumfione initium anni,
 sto circum- sic in mortificatione initium Monachismi, ini-
 cif. Climac- tium profectus Christiani. Monachus est ca-
 cus in Scala stificatum corpus, expiatum os animusque
 Paradisi semper Divino lumine irradiatus. Non er-
 grad 1. go regnet peccatum in vestro mortali cor-
 cap. 1. pore, ut obediatis concupiscentiis ejus.
 Rom. 6. Et carnis curam ne feceritis in desideriis.
 v. 12. Charissimi, obsecro vos tanquam advenas,
 Rom. 13. & peregrinos, abstinere vos à carnalibus
 v. 14. desideriis, quæ militant adversus ani-
 1. Petr. 2. mam. Quippe resistendo passionibus inveni-
 v. 11. tur pax vera cordis, non autem eis serviendo.
 de Imit.
 Christi libr.
 1. cap. 6.

Punctum III.

Rom. 7. Pressus forsan jugo rebellium passionum,
 v. 24. & 25. cum Divo Paulo suspiras: Infelix ego ho-
 mo, quis me liberabit de corpore mortis hu-
 jus? gratia Dei per Jesum Christum Da-
 minum nostrum. Dummodo tuis non de-
 sis partibus, facienti enim, quod in se est,
 Deus non denegat gratiam. Dummodo
 1. abnegans temetipsum, nihil tuis sensi-
 bus, nihil tuis appetitibus indulges, nisi,
 quod in nomine Christi efflagitant; in no-
 mine Christi vero non petitur, quidquid
 contra rationem salutis, majorisque profe-
 ctus concupitur. Dummodo 2. sensus,
 appetitusque tuos velut inimicos assiduo
 odio

odio persequaris, ipso opere illud coronati
 Prophetæ adimplens : *Nonné, qui oderunt
 te Domine, oderam, & super inimicos tuos
 tabescebam? perfecto odio oderam illos, ini-* Psal. 138.
mici facti sunt mihi. Inimica est Deo con- v. 21. & 22.
 cupiscentia carnis, & quomodo tu illam di-
 ligere poteris? amabo, quid amore dignum
 in concupiscentia oculorum? in concupif-
 centia carnis? in concupiscentia sensuum?
 in concupiscentia appetituum? *usquequo* Proverb. 1.
parvuli diligitis infantiam? & stulticia, qua v. 22.
sibi sunt noxia, quærent? 3. Ad prome-
 rendam liberatricem gratiam, & excutien-
 dum passionum jugum, requiritur ex tua
 parte violentia; nam *regnum cælorum vim* Matth. 11.
patitur, & violenti rapiunt illud. Furioso v. 12.
 non tantum negandus, sed & vi è manu
 eripiendus est gladius. Pia Mater, quæ suo
 infantulo non solum siculam negat, sed &
 vi aufert, noverca autem, si eam eidem
 indulget. Quare ne crudelis fias in ani-
 mam tuam, esto violentus in tuos appeti-
 tus, & concupiscentias carnis. 4. Ita stu-
 dendum est mortificationi, ut tamen in
 propriis laboribus, aut conatibus non po-
 namus fiduciam, sed in Deo adiutore forti
 tota sit spes ac fiducia nostra. *In Deo fa-* Psal. 59.
ciemus virtutem, & ipse ad nihilum deducet v. 14.
et tribulantes nos.

BONA PROPOSITA

Ex

Præsenti Meditatione.

1. **Q**uolibet manè, post elevatam mentem in Deum, puramque præmissam intentionem sit hæc prima cogitatio, quod velim per diem toto virium adnifu carnem spiritui subicere. Unde, ut statim manè contra carnem primâ victoriâ potiar,
2. Audito excitante signo omnem rumpens moram, vel ad mortificandum somnolentum hominem, citiùs surgam, & quidem tanto generosiùs, quantò somnus adhuc saperet, vel lectus placeret ampliùs.
3. In hoc curiosus ero assiduè custos, ne ad portas sensuum meorum cuiquam objecto pateat accessus, nisi quod vel necessitas vel spiritualis utilitas poposcerit.
4. In mensa semper sit mea potissima cura, ut refecto pro necessitate ventre, appetitus continuò esuriant.
5. Primos passionum motus, quàm primum advertero, sine mora reprimam, & quò caput erexerint insolentiùs, eò retundam fortiùs, tanquam cui vim vi repellere, Sanctum & fixum.
6. Omnium passionum irritamenta assiduâ vigiliâ, & præparatione præveniam,

nemo

A nemo enim in hac pugna est tutus à telis, nisi, qui providè pugnat, providens occasiones, & futura pericula, ne secus circumveniat ab hoste.

7. Quotidie inordinatis passionibus meis tot & tot actus opponam contrarios, & verberibus denique cæsi, virtuti contrariæ palmam cedant.

8. Hunc in finem, ad obtinendum scilicet contra meas inordinatas passiones plenum Dominium, mea religiosa exercitia, ferventiùs peragenda offeram altissimo, sperans vires à Divina gratia, quibus caret natura.

LECTIO SPIRITUALIS

Tempore matutino.

ARGUMENTUM

Meditetur os tuum iudicium, ut scias, quæ venturo Judici ad interrogata responspondeas.

PLacet quidem doctrina Caroli Stengellii ex nostro Cardinale Turrecremata censentis, ostium oris ita obserandum, ut nunquam, nisi admotis priùs tribus clavibus aperiatur, quarum prima reponenda est in arca cordis, quia omne verbum oris præcedere debet deliberatio mentis, nisi incur-

In Oeconomia Sacra
libr. 4.
cap. 3.

K

rere

Proverb.
13. v. 3.

Psal. 50.
v. 17.

Psal. 140.
v. 3. & 4.

Eccles. 22.
v. 23.

rere velis illud, quod minitatur Scriptura, dum ait : *qui inconsideratus est ad loquendum, sentiet mala.* Secunda clavis referretur in manu superioris; hoc est, Religiosus præcipuè nunquam loquatur, nisi ex voluntate, aut cum rationabili venia sui Præpositi. Tertia denique clavis in manu Dei ponatur; id est, ut cunctis nostris sermonibus tum puram intentionem; tum devotam in corde orationem præmittamus, quemadmodum condocemur à coronato Propheta, sic ad Deum suspirante : *Domine labia mea aperies, & os meum annuntiabit laudem tuam.* Verum enim verò si mihi infimo discipulo, cum venia tantorum Magistrorum, meam quoque mentem edicere liceat, in ea persuasionem persisto, præter ostium tribus seris munitum, præter præfatas tres claves ad coërcendam linguam, illud indomitum membrum insuper requiri pervigilem custodiam; utrumque enim & custodiam, & ostium tam David regius vates, quam sapiens Ecclesiasticus exigit : Prior quidem ad Deum sic orans : *Pone, Domine, custodiam ori meo, & ostium circumstantie labiis meis. Non declinet cor meum in verba malitia.* Posterior porro ita peroptans : *quis dabit ori meo custodiam, & super labia mea signaculum certum? ut non cadam ab ipsis*

ipsis, & lingua mea perdat me. Omnis Jacob. 3.
 enim natura bestiarum, & volucrum, & do- v. 7. & 8.
 mita sunt à natura humana: linguam autem
 nullus hominum domare potest. Et timen-
 dum prorsus, ne & ostium tribus seris oc-
 clusum perfringat, aut prædictas claves in
 suis locis reconditas vi vel fraude surripiat,
 nisi vigilanti custodia cohibeatur. Quæ
 autem sit illa custodia, ostio oris admo-
 venda plenius hodie perdiscemus ex præsen-
 ti discursu. Cui initium dabit epistola San-
 cti Hieronymi, ad Eustochium Virginem
 ita scribentis: *Referam tibi meam historiam* Citatur à
 infelicitatis: cum ante annos plurimos domo, Petro
 parentibus, sorore, cognatis, &c. (quod Ribadinei-
 his difficilius) consuetudine lautioris cibi pro- ra 30. Sept.
 pter cælorum me regna castrâsem, & Hiero- in festo
 solymam militaturus pergerem, bibliothecâ, S. Hierony-
 quam mihi Roma summo studio ac labore con- mi.
 feceram, carere non poteram. Itaque miser
 ego lecturus Tullium, jejunabam. Post no-
 ctium crebas vigilias, post lacrymas, quas
 mihi præteritorum recordatio peccatorum ex
 imis visceribus eruebat, Plautus sumebatur
 in manus. Si quando in me met reversus Pro-
 phetas legere cœpisssem, sermo horrebat incul-
 tus. Et quia lumen cæcis oculis non vide-
 bam, non oculorum putabam culpam esse, sed
 Solis. Dum ita me antiquus serpens illude-
 ret, in media ferè quadragesima medullis

infusa febris corpus invasit exhaustum, & sine ulla requie (quod dictu quoque incredibile sit) sic infelicia membra depasta est, ut ossibus vix haererem. Interim parantur exequia, & vitalis anima calor, toto jam frigescente corpore, in solo tantum tepente petrusculo palpitabat, cum subito raptus in spiritu ad tribunal Judicis pertrahor, ubi tantum luminis, & tantum erat ex circumstantium claritate fulgoris, ut projectus in terram, sursum aspicere non auderem. Interrogatus de conditione, Christianum me esse, respondi, & ille, qui praesidebat, mentiris, ait: Ciceronianus es, non Christianus, ubi enim thesaurus tuus, ibi & cor tuum. Illico obmutui, & inter verbera (nam cadi me jusserat) conscientia magis igne torquebar, illum mecum versiculum reputans: In inferno autem quis confitebitur tibi; clamare autem coepi, & ejulans dicere: miserere mei Domine, miserere mei. Hac vox inter flagella resonabat. Tandem ad praesidentis genua provoluti, qui astiterant, precabantur, ut veniam tribueret adolescentiae, & errori locum poenitentiae commodaret, exacturus deinceps cruciatum, si gentilium litterarum libros aliquando legissem. Ego, qui in tanto constrictus articulo, vellem etiam majora promittere, dejerare coepi, & nomen ejus obtestans dicere: Domine si unquam habuero codices

codices saculares, si legero, fidem negavi. In hac Sacramenti verba dimissus, revertor ad superos, & mirantibus cunctis, oculos aperio, tanto lacrymarum imbre perfusus, ut etiam incredulis fidem facerem ex dolore. Nec verò sopor ille fuerat, aut vana somnia, quibus saepe deludimur. Testis est tribunal illud, ante quod jacui, testis iudicium triste, quod timui. Hucusque Sanctus Hieronymus, qui insuper addit, se plagas sensisse post somnum, & vibices apparuisse in scapulis. Heu! vae mihi & tibi in paucis charissime! nam si tantas dedit poenas secularis lectio, profana lectio, hauriendae eloquentiae cupida, quomodo aliquando immortificata nostra vapulabit lingua, in omnem garrulitatem forsan subinde absque ullo honesto rationum momento effusa? ô nos infelices! qui cum Sancto Hieronymo aequè domos, parentes, cognatos, liberio remque vivendi consuetudinem propter regnum caelorum dimisimus, & interim in loco jam tuto, in clauistro forsan propriae linguae succumbimus. O miseram conditionem infaustorum illorum, qui, voluptatibus, ac saeculi illecebris genere se contempts, jam in coenobiis sola sua immortalitatem linguam faciunt se filios gehennae! & utinam tales non forent plures! utinam nos cum Sancto Hieronymo adhuc saltem

Jacob. 1.
v. 26.

S. Regula
cap. 4.
S. Regul.
cap. 6.

S. Regula
cap. 42.

S. Regula
cap. 7.

Lucæ 19.
v. 22.

par maneret judicium! vā nostræ lubricæ
linguæ! nam quid ego? quid tu responde-
bis post mortem ductus ad tremendum tri-
bunal, & interrogatus à Judice: Tu quis
es? Si dixeris: Religiosus sum, metuen-
dum planè, ne fortè vox, ac responsio vi-
bretur è throno: mentiris: non verus Mo-
nachus, sed vanus & mundanus graculus
es. Nam si quis putat, se Religiosum esse,
non refrænans linguam suam, sed seducens
cor suum, hujus vana est religio. Si Reli-
giosus es? ubi est religiosum cautè custo-
ditum silentium? ubi in tempore debito
religiosi discursus? Si Monachus & opera-
rius Benedictinus es? ubi sunt Benedicti-
na instrumenta? ubi illa? os suum à malo,
vel pravo eloquio custodire: multum loqui
non amare: verba vana & risui apta non
loqui. Ubi illud? Scurrilitates verò vel ver-
ba otiosa, & risum moventia, eternâ clau-
sura in omnibus locis damnamus. Ubi il-
lud 2. omni tempore silentio debent studere
Monachi, maxime tamen nocturnis horis.
Ubi illud? linguam ad loquendum prohibeat
Monachus, & taciturnitatem habens usque
ad interrogationem non loquatur. Ego planè
neminem judico, nec ad judicium quem-
quam provoco, omnia tamen viscera mea
præ timore conturbata sentio, ne forsitan
mihi dicatur: de ore tuo te judico, serve ne-
quam

quam. Loquela tua manifestum te facit,
quod non sis Religiosus religans linguam
tuam, neque Monachus sicut passer solitarius
in tecto, sed adeo plenus mundo, ut os tuum
ex abundantia cordis modo de bello, mo-
do de foro, modo commercia, modo negotia,
modo rumores, modo vanitates eructet,
tanquam unus ex illis, de quibus os divi-
num jam dudum conquestum est: *vana* Psal. 11.
locuti sunt unusquisque ad proximum suum. v. 3.
Conversi sunt in vaniloquium, & sermonibus 1. Timoth.
odii circumdederunt me. Heu quo horrore 1. v. 6.
percutiar! visurus omnia & singula totius Psal. 108.
meae vitae verba staterae appensa, trutinata, v. 3.
& iusto pondere carentia? quid responde-
bo de religioso silentio, toties violato? tam
parum aestimato? tam exigua cura custo-
dito? Etenim si *perfectis discipulis*, propter S. Regula
taciturnitatis gravitatem, rara loquendi con- cap. 6.
cedatur licentia, quomodo ego imperfectus
meo multiloquio effugiam peccata? Nun-
quid cum imperfecto dispensatur in eo, quod
perfectis vix conceditur? Viri perfecti cum
Davide sibi metuunt ne delinquant in lin-
gua sua, & ego non metuam? *Maximi* De imit.
Sanctorum humana consortia, ubi poterant, Christi libr.
vitabant, & summa cum diligentia obser- 1. cap. 20.
vabant sancta Silentia, tanquam sancta S. Hierony-
contemplationis causam. Sic Sanctus Ro- mus in Re-
mualdus integro septennio strictissimum gul. cap. 22.
S. Petrus
Damianus
custo- in vita ejus.

Palladius
in hist.
Lausiaca.
cap. 50.
Thomas
Cantiprat.
libr. 2.

apum c. 13.
Surius 13.
May.
Rosvveidus
in vitis Pa-
trum libr. 3.

Parte 2.
Tract. 2.
cap. 4.

Wilhelmus
Malmes-
buriensis
libr. 5.
De Regibus
Angl.
Palladius in
Lausiaca
cap. 48.

custodiebat silentium: sic Abbas Theona triginta annorum spatio rigidissimum servabat silentium; sic beatus Rudolphus novem per continuos sedecim annos altum silentium tenuit. Sic Sanctus Joannes, silentiarius dictus per totos 47. annos ab omni verbo abstinuit. Sic Arsenius viam salutis edoceri, à Deo supplex efflagitans, sensit auribus suis de cælo allapsam hanc vocem, hæc verba dicentem: *Arseni fuge, tace, & quiesce. Hæc sunt principia salutis.* Sic (teste Dionysio Carthusiano apud Alphonsum Rodericum) *omnes omnino Religiosorum fundatores, inter reliquas Religionis observantias sanciverunt illam de silentio, cen- principalem, idque tanto cum rigore, ut publicam per disciplinam, eum, qui silentium transgressus esset, decreverint nonnulli castigandum.* Sic Sanctimonialis Fontis-Ebraldi perpetuo olim stringebantur silentio, nec cuiquam unquam vel verbum proferre erat licitum, præterquam in capitulo, sic sub Ammonio Abbate tria millia Monachorum tam arctum sine intermissione servabant silentium, ac si nemo inhabitasset cœnobium. Hi omnes cum innumeris aliis aliquando coram iusto Iudice Christo sua ora laxabunt, ac linguas suas ostendent disertas contra modernos, garrulos, præsertim contra Religiosos novellos, & fratres ju- niores

niores. Concors quippe Sanctorum Patrum, Spiritualiumque Magistrorum sententia tenet, incontinentiam linguæ præ cæteris præcipuè in junioribus, & in Spirituali vita adhuc novellis esse magis reprehensibilem, magisque culpæ obnoxiam: & quidem multis de causis.

1. Quia loqui, & docere Magistrum condecet, tacere, & audire discipulo convenit. Certe (inquit noster Joannes Trithemius) discipulum convenit audire, & tacere, solum autem loqui Magistrum; juxta illud Divinæ scripturæ: *Adolescens loquere in tua causa, vix cum necesse fuerit. Si bis interrogatus fueris, habeat caput responsum tuum.* Quæ doctrina adeò lumini rationis pervia, ut nec ipsos quoque Ethnicos latuerit. Hinc Socrates apud Senecam Cleonæ inculcare solebat: *dicere, & discere non sibi compatiuntur, quia discitem filere competit.* Hinc Hippocrates (teste Sancto Hieronymo) suos discipulos ad silentium servandum Sacramento adstrinxit: Hinc Pythagoras (testante mellito Bernardo) *legem dedit silentii discipulis suis, ut tacentes per quinquennium, loqui discerent: & tu non vis tacere, cui virtus silentii propria est? Quid opus est, ô adolescens, ut properes periculum suscipere loquendo, cum tacendo possis esse tutior? Quàm plures vidi, loquendo incidisse*

S. nostra

Regul.

cap. 6.

Comment.

in cap. 6.

S. Regul.

Eccli. 32.

v. 10.

Epist. 106.

Epist. ad

Nepotia-

num.

Tract. de

ord. vitæ

cap. 4.

Collat. 14.
cap. 9.

peccatum; vix quemquam tacendo. Quapropter cum, & ex Joanne Cassiano indicas summum ori tuo silentium. Hic enim est primus discipline actualis ingressus: omnis quippe labor hominis in ore ipsius, & ut omnium Seniorum instituta atque sententias intento corde, & quasi muto ore suscipias, ac diligenter in pectore tuo condens, ad perficienda ea potius, quam ad docenda festines.

Proverb.
18. v. 9.

2. Quia novellus adhuc Religiosus per suam garrulitatem sene citius fit frater sua opera dissipantis, frater inanibus discursibus dilapidantis totam meritum substantiam, quam in novitiatu multo sudore congregavit, frater destruentis totum spirituale ædificium, quod in novitiatu ædificare cœpit, frater revellentis omnem virtutis florem, quem in novitiatu cum magna spe explicare inchoavit, frater extinguentis totum Spiritum, quem in suo religioso tyrocinio attraxit, frater facile iterum deflectentis ad assumendos in os suum sæculares rumores, ad commemorandas mundiales vanitates, ad commele-

Proverb.
25. v. 28.
S. Diado-
chus c. 70.

tandas fabulas ac insanias falsas. Nam sicut urbs patens, & absque murorum ambitu, ita vir, qui non potest in loquendo cohibere spiritum suum. Sicut janua balnei, si crebro aperiat, citò calorem ejus extrudit, sic anima cum multa loqui vult, quamvis valde pulchra

*pulchra sint omnia, memoriam sui per vocale
ostium distrahit, ac disturbat. Sciunt (in- De Pass.
quit Sanctus Bernardus) etiam homines Spi- Dom.
rituales, qui hoc experti sunt, quantum au- cap. 27.
ferat devotionis, quantum afferat dissolutio-
nis intrinsecus frequens lingua resolutio.
Nam sicut fornax, cujus os semper apertum
est, non potest in se retinere fervorem, sic
nec cor devotionis in se poterit gratiam con-
servare, cujus os non fuerit janua silentii
reclusum. O bone Deus! si hoc? si spi-
rituales homines similia experiuntur? si
vir quoque non cohibens spiritum in lo-
quendo à Spiritu Sancto comparatur mu-
ro patenti? qualibus periculis exponant
se garruli juvenes, in quibus præterito-
rum memoria adhuc tenera, & Spiritus
adhuc necdum adultus? Utique experiētiā
compertum est, quod citius lædatur tene-
ra plantula, quàm arbor adulta, quod re-
cens cicatrix facilè rursus refricetur in vul-
nus, & quod lolia recēter eradicata exi-
guis subinde rigata pluviis iterum suas mit-
tant in terra radices; sic & novellus Reli-
giosus unico subinde mundano sermone ite-
rum ad vitam resuscitat præteritorum me-
moriā, mentem iterum depingit specie-
bus sæculi, iterum refricat antiqua vulne-
ra, & veluti tenera adhuc religionis plan-
tula, sibi nimium quantum nocet; præfer-
tim*

tim cum Juvenilis ætas ex se ad vanitates, ad curiositates, ad nugacitates, ad facetias, ad cachinnos, & otiosos sermones sit promior, ac longè proclivior.

3. Quia novellis Religiosis ad movendos ac promovendos salutare discursus vix non ut plurimum adhuc deest tum requisita dexteritas, tum perita eruditio, tum necessaria circumspectio, tum debita discretio. Prius aquam salutaris doctrinæ haurire debemus, quàm eructare præsumimus, & *necessarium est perpetuum silentium, quousque illi & à vitio petulantia in dicendo sententur, & in otio discere potuerint, quid, quomodo, & quando loqui oporteat.* Etenim *nemo securè loquitur, nisi qui libenter tacet.* Abbas Pambus quadraginta novem annos didicit, vix tamen satis (uti professus est) per assiduum silentium addidicit illum verficulum: *dixi: custodiam vias meas, ut non delinquam in lingua mea.* Et nos vix uno alterove anno religionis alumni jam somniamus, nostris linguis, & discursibus inesse, nescio qualem sapientiæ salem? nec attendimus miseri ad illam verissimam Doctrinam Joannis Climaci asseverantis: *loquacitas ignorantia est certum argumentum, detractionis janua, scurrilitatis dux, mendacii opifex, compunctionis desolatio, acedia author, sive evocatrix, somni præcursor, in-*
tenta

S. Basilii
Regul. brev.
viar. 208.
De imit.
Christi libr.
1. cap. 20.

Historia Ec-
cles. part.
2. libr. 6.
cap. 1.

In Scala
Parad.
grad. 11.

lenta fixaque cogitationis dissipatio, custodia exterminatio. Sanè ad loquelam sine querela requiritur magna cautela, ingensque discretio, quæ vix in viris perfectis reperitur, ne dicam in juvenibus, & novellis Religiosis. Nam *si quis in verbo non offendit, hic perfectus est vir.* Jacob. 3. v. 2.

4. Quia novelli Religiosi, nisi in sua adolescentia, & in suo adhuc quasi religioso tyrocinio linguam perfectè refrænare discant, nunquam perdiscent, sed eheu longè pessimam, multisque peccatorum periculis obnoxiam dicacitatis consuetudinem contrahent, cui etiam, cum senectutem adhærebunt, & haud dubiè cum magno æternæ damnationis discrimine; cum ingenti disciplinæ regularis nocumento, cum manifesto juniorum fratrum, & sæpe etiam audientium sæcularium scandalo, cum innumeris Dei offensis, cum irreparabili meritorum jactura, Angelorum tristitiâ, cacodæmonum cachinnis & risu. In magno profectò æternæ damnationis periculo versantur tales. I. Quia nec verè ad perfectionem tendunt, nec suæ obligationi satisfaciunt. Si tibi silentium cura non sit (pono dignum notatu discursum Alphonsi Rodericii) nunquam ad perfectionem pervenies, nunquam spiritualis, nunquam orationi aptus eris. Quòd, ut ita se habere credas

Tract. 2.

cap. 6.

Libr. de
Virtut.
cap. 31.

Part. 3.
Pastoralis
admonit.
15.

Psal. 139.
v. 12.

Jobi 11.
v. 2.

credas, dic mihi, an loquacem & garrulum
unquam videris contemplativum, & spiritua-
lem? nec quidem profecisse eum videris:
2. Quia linguam non refrænare, est idem
ac peccata venialia non curare, & ex con-
sequenti periculis majorum criminum se ex-
ponere. Immo, in multiloquio ne quidem
peccata mortalia diu abesse poterunt; siqui-
dem (teste Alberto Magno) *ubi non est
taciturnitas, ibi homo de facili ab adversario
superatur: Quoniam sicut urbs patens, &
absque murorum ambitu, ita vir, qui non
potest in loquendo cohibere spiritum suum.
Quia enim* (uti Sanctus Gregorius explanat)
*murum silentii non habet, patet inimici jacu-
lis civitas mentis, & cum se per verba extra
semetipsam ejicit, apertam se adversario osten-
dit. Quam tanto ille sine labore superat,
quanto & ipsa, qua vincitur, contra semet-
ipsam per multiloquium pugnat.* 3. Quia
garruli difficillimè emendari queunt, ut-
pote quorum os plenum excusationibus,
plenum contradictionibus, plenum con-
tentionibus, plenum murmurationibus,
promptum pro uno verbo correctio-
nis reddere mille oblocutionis. Nam *vir
linguosus non dirigitur in terra.* Unde haud
immerito Sophar Naamathites Jobo hanc
interrogationem posuit: *Vir verbosus justi-
ficabitur?* Nec fallacem quidem Sophar sen-
tentiam protulit, quòd vir verbosus justifica-

ri nequaquam possit. Magnum periculum ex
garrulis Monachis regulari disciplinæ af-
ferri, probat Joannes Baptista Saint-Jure
ex Gersone Parisiensi Doctore tenente, flo-
rente silentio, juxta ipsam experientiam te-
stem, florere identidem disciplinam in cœ-
nobiis, admissâ verò intra claustra Religio-
forum garrulitate, disciplinam Monasticam
necessariò pessumdari, devotionem extingui,
laxitates introduci; nam, cum ipsi loqua-
culi quiescere non valeant, neque alios
quiescere sinunt, sed sunt toti congregatio-
ni oneri, toti congregationi confusio-
ni, hos quidem, in suis exercitiis perturbando,
alios ad pares garrulitates provocando, istos
suo stultiloquio pervertendo, illos à via
virtutis avertendo, silentii amantiore de-
spiciendo, & vocitando melancholicos, con-
tinendæ linguæ studiosiores irridendo,
& proclamando morosos, cum istis perni-
ciosas familiaritates contrahendo, cum illis
contendendo. *Hinc seminantur stimuli,*
oriuntur rixæ, accenduntur facies odiorum,
pax extinguitur cordium, oriuntur scandala,
& quasi innumera pariuntur peccata, quis
sanè numeret, quantas modicum linguæ mem-
brum contrahat sordes; quàm multiplex in
labiis incircumcisis immunditia coaguletur?
quanta sit perniciēs oris incircumspecti? Est
enim lingua mendax; sed vix illi; scriptum
quippe

S. Greg.
libr. 10.
moral.
cap. 2.
Part. 2.
libr. 3.
cap. 10.
S. 9.

S. Greg.
Part. 3.
Pastor. ad-
mon. 15.

S. Bernar-
dus Serm.
17. de tri-
plicitate.

Psal. 5.

v. 7.

Joannes
Trithemius
comment.
in cap. 6.
S. Regul.

S. Basilii
in Regulis
brevioribus

S. Gregorii
libr. 7. Mo-
ral. cap. 24.

quippe scimus : perdes omnes qui loquuntur mendacium. Est lingua vaniloqua, sed vix illi in tremendo iudicio ; qui enim os suum Domino consecratum vaniloquiis, aut scurrilibus verbis polluit, quid aliud, quam sacrilegium facit, tollens membra sua Deo dicata, & instrumenta facit Diabolica ? Monachus autem verba salutis & edificationis debet proferre, non joci scurrilitatem, quia sine dubio valde perniciosum est in Religioso, levitati operam dare. Est lingua otiosa, sed vix illi in tremendo iudicio ! Nam adeo magnum est otiosi verbi periculum, ut licet genere ipso de numero bonorum sit, tamen nisi ad edificationem fidei dirigatur, à periculo liber non est, qui illud locutus est, quippe qui ex eo, quod ad edificationem illud non accommodaverit, contristasse noscitur Spiritum Sanctum. Hoc enim aperte docuit Apostolus, cum dixit. Omnis sermo malus ex ore vestro non procedat, sed si quis bonus ad edificationem fidei, ut det gratiam audientibus, & subiecit illud : nolite contristari Spiritum Sanctum Dei, in quo signati estis. Nec mirum, per otiosos discursus Dæmones quidem lætitiā, sanctos verè Angelos, ipsumque Spiritum Sanctum tristiciā affici ; nam, dum otiosa verba cavere negligimus, ad noxia pervenimus, ut prius loqui aliena libeat, & postmodum detractionibus eorum vitam, de quibus loquitur,

loquitur, lingua mordeat. Porro procul dubio gravissimum malum est, denigrare sive doctrinam, sive virtutem, sive Spiritum alterius, sive alia coram altero, ad quem non spectat emendatio morum alienorum (uti spectat ad superiores) & non est ullum vitium ex iis, in qua frequentius etiam Religiosi labuntur. Uti testatur Nicolaus Lancicius opusc. 6. cap. 8. Qui insuper in eodem cap. subjungit, Claudium Aquavivam dicere non dubitasse, consultos esse à se doctissimos in Societate Theologos, & respondisse, nullà alià in re facilius in Societate posse Deum peccatis mortalibus offendi, quàm talium materià sermonum. Præsertim verò in hac materia facilè gravior noxa contrahitur, dum aliorum ordinum mores ex quàdam latente invidia, & nescio, quàm inconditâ antipathia, carpuntur, taxantur, ac traducuntur, quemadmodum subindè sibi pronum habent novelli & juniores, qui fortè facundos sese Rhetores autumant, cum alios Religiosos ordines vituperiis sugillando, per hoc proprium extollere præconiis non nesciant, pro propria domo Cicerones, & in alienas ædes Catones. Verùm nunquam magis propria laus sordescit, quàm ubi aliorum vituperiò splendescit; quis enim Sanctorum fundatorum cupiet aliorum vilipensione extolli? quid

L

multis

Jacob. 3.
v. 6.

multis? lingua est *universitas iniquitatis*, in qua omnia vitia frequentando, suos actus frequentant, tot hujus universitatis Hieremias Drexellius enumerat classes, quot alphabetum litteras. Sed quis numerabit barbarismos, quis solæcismos, qui in his classibus, in hac universitate committuntur? Et tamen de his omnibus reddenda erit ratio in die judicii, ex his omnibus etiam atque etiam collocabimur, sive dein sursum sive deorsum, sive ad dexteram, sive

Matth. 12.
v. 37.

ad sinistram. *Ex verbis enim tuis justificaberis; & ex verbis tuis condemnaberis.* Nec

Jacob. 3.
v. 6.

erit ullus error linguæ tam exiguus, qui subterfugiat discussionem Judicis. *Lingua ignis est.* Et hinc instar ignis custodienda. Ignis negligenter habitus unâ quandoque horâ devorat, quæ multis annis ædificatæ sunt ædes, & lingua negligenter coërcita nonnunquam medio quadrante citius ad nihilum redigit quælibet merita, per multos etiam annos magno labore comparata.

S. Regula
cap. 6.

Obtemperemus itaque aureæ Regulæ & faciamus, quod ait Propheta: *dixi custodiam vias meas, ut non delinquam in lingua mea, posui ori meo custodiam*, assiduam nempe memoriam extremi judicii, assumpto præterea tanquam in memoriæ tesseram illo

Ecclesi. 28.
v. 29.

coelesti monito. *Aurum tuum, & argentum tuum confila, & verbis tuis facito tesseram,*

teram, & franos ori tuo rectos, & attende, ne
 forte labaris in lingua. Et quid est aurum &
 argentum conflare, nisi omnia impendere?
 nisi singula verba, antequam proferantur,
 præmeditatè examinare, sicut igne examina-
 tur argentum & aurum? ut nihil loquamur,
 nisi eloquia Domini, eloquia casta, argen- Psal. 11.
 tum igne examinatum, probatum terra, pur- v. 7.
 gatum septuplum. Ut ad imitationem apo-

stolorum nihil loquamur, nisi magnalia
 Dei, ut omnis sermo malus ex ore vestro non Ephes. 4.
 procedat, sed si quis bonus ad adificationem, ut v. 29.
 det gratiam audientibus. Quid est verbis

suis stateram facere, nisi singula verba sua
 trutinare memoriâ futuri iudicii? ne scili-
 cet vel ullum ex eis inveniatur minus ha-
 bens. Quid est, ori suo rectos franos
 facere? nisi compressis labiis, & admotis
 dentibus garrulam cohibere linguam ab
 omni verbo, quod aut ratione iusta necessi-
 tatis, aut intentione pia utilitatis caret. Diu
 ante considera quod loquendum est; & ad-
 huc tacens provide, ne quid dixisse pœniteat.

Verba tua ponderet cogitatio, & lingua

officium animi libra

dispenset.

S. Greg.
 libr. 7. mo-
 ral. cap. 25.
 S. Hierony-
 mus Epist.
 ad Celan-
 tiam,

MEDITATIO II.

De

Mortificando ac renovando
homine superiore quoad suas
potentias.

Punctum 1. De mortificatione intelle-
ctus & memoriæ. 2. De mortificatio-
ne Judicii. 3. De renovatione voluntatis.

Preludium.

Psal. 76.
v. 7.

Recollige omnes animæ vires ad audien-
dam vocem regii citharædi citharizan-
tis: *meditatus sum nocte cum corde meo, &
exercitabar, & scopebam spiritum meum.*
Salta per imitationem ad cantum hujus ci-
tharæ, consimiliter tuum spiritum, nem-
pe potentias animæ scopis mortificationis
emundans.

Punctum I.

Proverb. 5.
v. 2.

*Fili mi, attende ad sapientiam meam, &
prudentiam meam inclina aurem tuam, ut custo-
dias cogitationes.* 1. Propter dignitatem &
excellentiam; nam quò quid est nobilius,
eò studiosius custoditur, quò speciosius,
eò magis attenditur, ne maculetur; quò
quid est Sanctius, eò pejùs profanatur.
Sed intellectu quid excellentius in homine?
Intellectus est aliquod speculum Divinita-
tis

tis, est ille mentis oculus, quo videmus
 Deum immensum illud lumen inaccessibile
 modo in ænigmate, & quo speramus idip-
 sum intueri in lumine. Nunquid ergo
 speculum Divinitatis commaculabis sterco-
 re fæditatis? Erubescere infelix! stercore spe-
 ciosum mentis speculum fædas, Spiritua-
 le Sanctuarium Dei profanas, quoties ter-
 rena ad memoriam revocas, quoties reli-
 gioso homine indigna cogitas. Si hoc non
 credis, certè illum erroris arguis, qui di-
 xit: *omnia detrimentum feci, & arbitror ut* Philipp. 3.
stercora, ut Christum lucrifaciam. In ocu- v. 8.
 lo corporis nec unicum pilum, nec mini-
 mam muscam, nec exiguum pulverem sus-
 stines, & oculos mentis sponte obfuscas
 pulvere terrenarum cogitationum, imple-
 pilis vanitatum, reple vespis inutilium ra-
 tiocinationum, ô proterviam, ô vefaniam!
 Saltem hodie tibi tandem vitiosam pellicu-
 lam ab oculo mentis detrahe lusciose, re-
 voca ad memoriam Deificum illud lumen
 Divinæ scripturæ clamitantis. *Auferte ma-* Isaïæ 1.
lum cogitationum vestrarum ab oculis meis. v. 16.
Convertimini de viis vestris malis, & cogi- Jerem. 4.
tationibus vestris pessimis, ne forte egredia- v. 4.
tur ut ignis indignatio mea, & succendatur,
& non sit, qui extinguat propter malitiam
cogitationum vestrarum. Va vobis, qui co- Michæ 1.
gitatis inutile! Jam hora est timendi, ne v. 1.
 L 3 forsan

2. Reg. 14.

v. 13.

Psal. 93.

v. 11.

S. Regul.

cap. 7.

S. Regul. in

Prologo.

Eccli. 3.

1. 22.

forſan adhuc hac die, adhuc hac nocte, adhuc iſthâc horâ citandus ſis ad Divinum tribunal tremendi Judicis tibi coram in furore exprobraturi: *Quare cogitaſti hujusmodi rem ?* quid respondebis ? homines cogitationes tuæ latent, aſt *Dominus ſcit cogitationes hominum.* Quare Monachus omni tempore *ſollicitus ſit circa cogitationes ſuas perversas*, etiam parvulos cogitatus tenens, & allidens ad Chriſtum, ſemperque vivâ memoriâ volvens illud Divinum oraculum: *quæ præcepit tibi Deus, illa cogita ſemper.*

Punctum II.

Rom. 2.

v. 1.

Aſtor. 7.

v. 35.

Jacob. 4.

v. 12.

Væ cauſæ viduæ in corrupto judicio! & væ animæ in homine, in quo judicium deſleclit à recto ! Poſteſt porro Judicium hominis tripliciter in tribunali, & cathedra peſtilentiæ ſedere. I. Iniquè judicando, vel malè ſuſpicando ex levibus duntaxat indiciis de alterius vita ac moribus. Cui præſumptuoſo judicio certò certius impendet horribile væ in tremendo judicio, niſi tempeſtivè ſe corrigat, territum illa Apoſtolicâ tubâ; *Inexcusabilis es ô homo omnis qui judicas; in quo enim judicas alterum, reipſum condemnas, quis te conſtituit principem & judicem ?* ſcito, quia unus eſt legislator & judex, qui poteſt perdere, & liberare. Viſne huic, ô ſerve judicande, auferre poteſtatem

statem faciendi iudicium? Pater cœlestis
omne iudicium dedit filio, non tibi. 2. No- Joann. 5.
 strum iudicium naufragio exponit navicu- v. 22.
 lam animæ, discutiendo, vel minùs benè
 sentiendo de iudiciis Dei & ordinatione Di-
 vina! ô superbiam! ô audaciam! velle
 iudicare, aut discutere *iudicia Domini vera*, Psal. 18.
justificata in semetipsa. Quæso! nolite ex- v. 10.
 tollere in altum cornu vestrum, nolite loqui Psal. 74.
 adversus Deum iniquitatem. Sed potiùs ad v. 6.
 nihilum redacto omni proprio sensu, dici-
 te in simplicitate cordis: Domine Deus!
quis stabit contra iudicium tuum? aut quis Sap. 12.
in conspectu veniet vindex iniquorum homi- v. 12.
num? aut quis tibi imputabit, si perierint
nationes, quas tu fecisti? Justus es Domi- Psal. 118.
ne, & rectum iudicium tuum. 3. Præci- v. 137.
 pue Monachus suo iudicio incidit in iudi-
 cium, & in laqueum Diaboli, quando con-
 silium sui spiritualis directoris aut discuit,
 aut negligit, aut proprio postponit; nullo
 namque alio vitio tam præcipitem Diabolus Joannes
 Monachum pertrahit, ac perducit ad mor- Cassianus
 tem, quàm cum eum, neglectis consiliis Se- Collat. 2.
 niorum, in suo iudicio persuaserit, ac defini- cap. 11.
 tione, doctrinave confidere. Quare nolite Rom. 12.
 esse prudentes apud vosmetipsos. Sed Judi- v. 16.
 cium Patris audite filii, & sic facite, ut Eccli. 3.
 salvi sitis. v. 2.

Punctum III.

Herodias est propria voluntas, Herodes, qui illi indulget; cœcus fecus viam, qui eam tam cœcam sequitur. O intolerabilis vecordia! Dominus: protestatur: *non quero voluntatem meam.* Et servus suam propriam quærat implere voluntatem? cum tamen ratio servi in hoc principalissimè consistat, ut non suam, sed Domini sui faciat voluntatem? Dux Monachorum Benedictus suis militibus mandat: *Voluntatem propriam odissè.* Et Monachus propriam suam voluntatem diligit? quærat? absit à te tantum nefas, toties enim te furto ac Sacrilegio polluis, quoties post nuncupatum obedientiæ votum propriæ voluntati communicas. Non communicandum, sed instar excommunicati vitanda est propria voluntas, instar pestis fugienda, instar profundæ scrobis cavenda, instar capitalis hostis delenda; instar omnium malorum lernæ odio habenda. Summo odio habenda est propria voluntas exemplo ipsius Domini Dei; nam *ita nihil in nobis magis odit Deus, quam ipsam propriam voluntatem, quæ sola infernum constituit; si enim propria voluntas non esset, etiam non esset infernus.* Nec mirum adeò odio esse Deo propriam voluntatem; propria siquidem voluntas Deum impugnât, & adversus eum extollitur. Ipsa est,

Joann. 5.
v. 30.

S. Regul.
cap. 4.
instrum.
59.

Ludovicus
Blosius in
Sacello
animæ par-
te I.
Corolla-
rio 5.

est, quæ paradisum spoliat, & ditat infernum, quæ sanguinem Christi evacuat, & ditioni Diaboli subjugat mundum. Quapropter velut à facie colubri à voluntate tua avertere. Coge teipsum incunctis, & vince, & voluntatem tuam imprimis absconde; Si enim consueveris voluntatem tuam amputare, habitum indues Christi gratiæ & misericordiæ, quo omnia sine molestia, aut repugnantia perficies, teque perfectè afferes in libertatem. Unde & illum diem tantum te benè vixisse puta, in quo voluntatem propriam abnegasti, & desideriis tuis restitisti.

S. Bernardus Serm. in illud sap. Sapiencia vincit malitiam. Eccli. 18. v. 30.

S. Dorotheus Serm. 17.

Eusebius apud Basilium Finckeneis.

BONA PROPOSITA

Ex

Præsenti Meditatione.

1. OMnes cogitationes non solum malas, sed etiam inutiles, vel profectui spirituali contrarias post primam advertentiam per conversionem ad sanctiora sine mora repellam.

2. Memoriam rerum mundanarum per frequentes actus contritionis delere conabor.

3. Econtra satagam totis viribus memoriam sanctioribus imbuere objectis, ut intellectui veluti spirituali pistrino nunquam

L 5

avenam

avenam aut lolium, sed semper bonum triticum molendum affundat.

4. Quoties ad dijudicanda Divina judicia vel modicam cogitationem adverto, nihil cunctatus, eiusmodi cogitationem similibus ad nihilum deducere festinabo: Judicia Dei adoranda, non discutienda sunt.

5. Præterea Deum quotidie per certos actus in suis judiciis ac dispositionibus laudare atque adorare consuescam.

6. Similiter quoties vel minimà cogitatione, contra superiorum dispositionem murmurante, titillor, statim eam defricare laborabo illo sapientiæ sale ex Joanne Climaco: *O malignissime seductor, non ego ducem meum judicandum suscepi, sed ille me, non ego illius, sed ille mei iudex est.*

7. Nec minùs quotidie per certos actus proprium meum iudicium abnegare, ac plenè superiori subdere adnitar.

8. Quotidie per certos actus propriam voluntatem adversabor, ac detestabor, illa semper electurus, atque operaturus, quæ propriæ voluntati minùs arident.

In Scala
Paradis.
gradu 4.

EXA-

EXAMEN PARTI- CULARE

De

Continentia linguæ.

1. **U**trum horis ac locis incompetentibus nunquam locutus, religiosum silentium semper dignè æstimaveris ac strictè custodiveris?
2. Utrum cum extraneis, vel aliis personis inhibitis nunquam contra superiorum voluntatem, aut regularis disciplinæ rigorem fabulatus fueris?
3. Utrum nomen Domini aut verba sacra nunquam in vanum assumpseris?
4. Utrum nunquam verba mendacia, plus justo hyperbolica, dolosa, aut simulatione subsuta protuleris?
5. Utrum nunquam verba scandalosa, vel à bono retrahentia in ore habueris?
6. Utrum nemini quomodolibet detraxeris?
7. Utrum contra neminem scommata, aut verba contumeliosa effuderis?
8. Utrum tuis discursibus nunquam lites aut contentiones excitaveris, vel magis promoveris?
9. Utrum à verbis, pungitivis, irrisionibus, & aliis exasperationibus semper abstinueris?
10. Utrum

10. Utrum teipsum nunquam verbis laudaveris, aut tua jactaveris?

11. Utrum nunquam moveris curiosas quæstiones, vanos, omnique utilitate carentes discursus?

12. Utrum nunquam institueris discursus de mundo, vel de rebus, quæ ad te non pertinebant?

13. Utrum facetias, nugas, verba scurrilia, otiosa & ad risum moventia juxta Sacram Regulam semper æternâ clausurâ damnaveris? nec unquam ad talia os tuum aperueris?

14. An inter loquendum in ore modestiam, in corde benignitatem, in vultu serenitatem, in voce & in gestu debitam honestatem, ac religiosam gravitatem semper observaveris?

15. Utrum in cunctis tuis discursibus ac verbis præcipuè Dei honorem, tum tuam vel proximorum necessitatem, aut utilitatem semper spectaveris?

16. An malè aut inutiliter loquentes declinaveris, vel tristitiâ vultûs, eorum sermonem tibi displicere ostendendo, vel illicitum discursum ad alia utilia prudenter convertendo, vel te piè subducendo?

17. Utrum post quemcunque lapsum in supra dictis, statim in te reversus, elicitâ contritione propositum emendationis seriò renovaveris?

LE-

LECTIO SPIRITUALIS

Pro

Tempore pomeridiano.

ARGUMENTUM.

Qui in vita semper benè audit, in morte ab auditione mala non timebit. Psal. III. v. 7.
 Una est hominis infirmitas (inquit Didacus Baëza) quæ de illius salute facit desperare, nimirum: si aures habeat, vel scissas, vel obturatas. Sic ut incurabilem lamentabatur filium habentem spiritum surdum homo quidam apud Marcum cap. 9. ait enim ad Jesum: Magister, attuli filium meum habentem spiritum surdum, & mutum, & dixi discipulis tuis, ut ejicerent illum, & non potuerunt. Nec mirum, licet enim omnia, licet etiam maria & venti obediant voci Domini, surdo tamen canitur fabula frustra. Ad paucula illa Christi verba: *adolescens, tibi dico, surge, & resedit, qui erat mortuus.* Ad paucas Domini voculas: *Lazare, veni foras,* & statim prodiit, qui fuerat mortuus. *Mortui audient vocem filii Dei, & qui audierint, vivent,* sed surdi quomodo audient? surdus est planè deterior nihilo, quoniam ipsum nihilum audivit vocem Altissimi, & in auditu obediens, in tam varias prodixit creaturas, surdi verò audire non possunt. Sur. Jerem. 6. di v. 10.

Lucæ 7.

v. 15.

Joanni 11.

v. 44.

Joann. 5.

v. 25.

- di miseriores sunt cæcis; non enim ex visu, sed *fides ex auditu*. Et beati, qui non vident, & crediderunt. Ast quomodo credent ei, quem non audierunt? quomodo autem audient, qui surdas habent aures? Hoc dextere novit cacodæmon; hinc (teste Sancto Chrysologo) *antiquus refuga, ubi Deum terris reperit advenisse, obstruxit aures hominum*; nec ignorat infernalis impostor, nullum genus infirmorum (moraliter intelligendo) surdis curari difficilius. Solo quidem sermone Salvator noster multifaria patrabat miracula, cum verò curandus offeretur surdus & mutus, verbis insuper, non absque mysterio plures adjunxit cærimonias; apprehendit quippe eum, & sumpsit secum de turba seorsum, ingemuit, levavit oculos ad cælum, nec non *misi digitos suos in auriculas ejus*, ut ostenderet, ad sanandas surdas aures requiri digitum Dei, esse opus Spiritûs Sancti, nam digitus (teste Sancto Gregorio) *Spiritus vocatur*. Et absque dubio Spiritus Sanctus, quippe *quid* (eodem Sancto Doctore interprete) *per digitos Redemptoris, nisi dona Spiritûs Sancti designantur*? Surdo aures referare *digitus Dei est hic*, meas prorsus excedens vires; unde neque præsumo, hodie surdum ad vocem clamantem in deserto invitare, sed apertas habentem aures, ut discat deinceps semper
- Rom. 10.
v. 17.
Joann. 20.
v. 29.
Rom. 10.
v. 14. & 16.
Serm. 52.
- Marci 7.
v. 33.
- Homil. 10.
libr. in
Ezechiel.
- Exodi 8.
v. 19.

semper bene audire, si forsan hucusque quandoque malè audivisset: non enim omnes, qui audiunt, benè audiunt. Audire naturæ est, hominibus & brutis commune, benè autem audire virtutis & gratiæ, proprium Christianis, proprium Religiosis.

Nunc ergo fili mi audi me. Percipe in præfenti discursu, quid sit benè, & quid male audire? Et ecce jam auribus tuis allabitur

vox clamantis in deserto: *qui habet aures audiendi, audiat, quid Spiritus dicat.* Ca-

pe tibi hoc, alteque auribus cordis imbebe, quid Spiritus dicat. Non quid caro? quid sanguis? quid mundus? quid Diabolus? quid falsi fratres? quid laxitatum

amatores? quid murmuratores? quid detractores, quid disciplinæ destructores? qui istos audit is certè malè audit, pessimè audit, *Servus Dei* (inquit Eusebius Nierem-

bergius) *aures suas sæculi vanitatibus, concupiscentiarum illecebris, & peccati Sirenis*

claudat, easque solis Monastica Religionis suggestionibus, ac Divinis elogiis aperiat.

Dicente magno Monachorum Patriarchâ Benedicto: *Lectiones sanctas libenter audire.* In quibus verbis duo nobis signanter

inculcantur. Primum est, ut lectiones sanctas, Divinas scripturas, collationes Patrum, acta Sanctorum, passiones Martyrum, libros spirituales & optimos ascetas

Proverb. 1. *ve*
v. 7. *audite Filii*

S. Regul. in *audi*
Prologo. *te me*

ignora Dñi
docuero vos.

Homil. 34.
ff. 3.

S. Regul. e.
4. Inst. 56.

au-

audiamus, five ipsi legamus; non autem ineptè pruriamus auribus ad cisternas dissipatas sine aqua sapientiæ salutaris, ad tumentes verbis inanibus flores sine fructu, ad ossa arida sine spiritu, ad folia vanitatum sine compunctionis succo, ad curiosas enarrationes sine charitatis nucleo, ad ethnicorum volumina sine fundamento pietatis, ad Poëtarum fabulas sine lumine veritatis, ad stultas quæstiones sine mentis pabulo, ad libros profanos sine virtutis emolumento, ad inutiles discursus sine ædificationis lucro, ad vana colloquia cum conscientiæ damno, ad sermones facetos cum dissolutionis periculo. Certè quippe non benè sed malè immo pessimè audit, quisquis similia cupidè audit, aut avidè legit, quisquis similibus non occludit auditum; hæc enim sensim, & quasi sine sensu spiritum dissipant, fervorem debilitant, torporem ingenerant, mentem variis speciebus deformant, affectus commaculant, devotionem suffocant, consolationes spirituales retardant, gustum spiritualium exanimant, aurem salutis exsurdant, regularem disciplinam pessumdant, Religiosa claustra defanant, omnemque religionis florem miserè deplantant. Et per quid præ cæteris noster sacratissimus ordo in tantum gloriæ florem olim sese extendit, nisi per assiduum scripturarum studium, & inde hauritam

istam vicæ sanctimoniam? Duo autem sunt (inquit Joannes Trithemius) qua ordinem nostrum gloriosum ab initio reddiderunt, qua si & nos imitari studuerimus, in eo fructum magnum faciemus. Quæ sunt illa? Sanctitatis meritum, & scientia scripturarum. Hac ubi neglecta sunt, mox ordinem ad ima deduxerunt: nihil enim Principes terræ magis in ordine nostro venerabantur antiquitus, nisi vitæ meritum, & scientia Doctrinam. Quibus neglectis ordo devenit in contemptum. Eadem repetit orat. 3. nec aliud sonant illa verba lib. 1. de viris illustribus cap. 8. ita scribentis: Duo enim sunt, qua ordinem in observantia tenuerunt: amor videlicet Dei & studium scripturarum, quibus deficientibus, Monachi quoque à sancta institutione recesserunt. Nec mirum, nam si carbonarius contrahit nigredinem, si ille, qui tetigerit picem, inquinabitur ab ea, & qui communicaverit superbo, induet superbiam. Quid mirum, si assiduis terens manibus libros, frequenti aure bibens discursus mundanos, aut lectitans fabulas, ipse demum totus dissolvatur in nugas & fabulas, totus mutetur in mores profanos? O quàm sapienter & sanctè proinde disponunt nostra statuta, quæ cap. 4. §. 3. sic loquuntur: Per devotam librorum spiritualium lectionem materia paranda, & animus ad pias

Orat. 2. in
cap. gener.
Erphordiæ.

Ecoli. 13.
v. 1.

M

cogi-

cogitationes, & contemplationes disponendus est. Unde imprimis providendum, ut singuli libros asceticos & pios ad sufficientiam habeant, maximè autem sacram scripturam. Quibus præterea circa finem citati §. Sequentia adjungunt: *Ad mensam quoque in refectorio non libri profani, & curiosi, sed devoti & salutare, unde audientes spirituales, etiam dum corpus cibis reficiunt, anima refectionem haurire possint, legendi sunt. Qui habet aures audiendi, audiat, quid spiritus dicat? Non quid Poëtarum figmenta? non quid vanitatum volumina? non quid foris in sæculo visum, vel auditum, quia plurima destructio est. Qui habet aures audiendi audiat, quid spiritus dicat. Audiat autem cum aviditate, cum desiderio, cum gaudio. Alterum enim ad bene audiendum secundum sanctum Patrem nostrum requisitum est, ut lectiones sanctas, superiorum pias admonitiones, & quoscunque spirituales sermones aut discursus libenter audiamus, non verò cum tædio, non cum fastidio, non more illorum, qui cum stomacho olim conquerebantur: Anima nostra jam nauseat super cibo isto levissimo. Anima nostra arida est, nihil aliud respiciunt oculi nostri, nisi Man. Nil nisi spiritualia nobis audienda obtruduntur. Nihil tam pretiosum, quod copiâ non vile-* scit,

Sacra Regula cap.
67.

Num. 21.
v. 5.
Exod. 11.
v. 6.

scit, nihil tam charum, quod nimiam familiaritate non parit contemptum; cibi optimi quoque, dum quotidiani, demum desipiunt, & æditui alioquin etiam boni, dum altaria continuo transeunt, denique devotionem perdunt, ac in faciendis reverentiis negligentes evadunt. *Anima nostra jam* Num. 21.
nauseat super cibo isto levissimo, super isto v. 5.
 stylo simplici, in quo nullum elucet artificium, nulla ludit troporum varietas, nulla delectat verborum elegantia; nempe hæc est nonnullorum dementia, potius culeola, quam nucis nucleum, potius verborum flores, quam verbi Divini fructum, potius dictionis ornatum, quam animæ pabulum, potius sermonis artificium, quam spiritus edulium esuriunt, similes, nescio, cui mælesano ægroto, qui recuperandæ sanitatis ergo, ad incidendam venam accersito Chirurgus, totus manet occupatus, totus intentus dispiciendis Chirurgicis instrumentis, modo considerando lanceolam, modo novaculam, jam examinando harum materiam, jam formam, sive figuram, jam artem, jam scire cupiendo harum artificem, interim de emittendo sanguine, de recuperandâ sanitate nihil cogitans, nihil sollicitus. Qui habet *aures audiendi audiat, quid spiritus dicat*, non quid mortua verborum fluentia sonet. *Qui habet aurem, audiat.* Apocal. 2.
 M 2 Quam v. 7.

- Quàm attentè olim lectionem sanctam audiverit populus Hebræus ex Babylone re-
2. Esdræ 8. versus : *Aures omnis populi* (inquit sacer
 v. 3. textus) *erant erectæ ad librum.* *Qui habet*
 Apocal. 2. *aurem, audiat.* Quanto fervore ac siti sa-
 v. 11. cros voluerit libros eunuchus Candacis Re-
 ginæ Æthiopum, nonne testante ipso spi-
 ritu Sancto act. 8. *Tantus amator legis, Di-*
 S. Hieron. vineque scientiæ fuit, *ut etiam in vehiculo sa-*
 Epist. 101. *cras litteras legeret. Si in via tantam præ-*
 ad Paul. stitit diligentiam, cogita, qualis fuerit do-
- S. Chrysost. *mi versans. Si tempore profectionis non susti-*
 homil. 19. *nuit absque lectione manere, multò minus*
 in acta & conc. de S. *domi sedens. Si nihil intelligens legebat,*
 Lazaro. *nec destitit à lectione, multò minus postquam*
 Apocal. 1. *didicerat. Qui habet aurem, audiat.*
 v. 17. Quanta cordis dulcedine, & minimè cum
 fastidio olim veteres Monachi sacris fuerint
 occupati codicibus, nec canentes atque oran-
 tes solum (ait Sanctus Chrysost. de Mona-
 chis sui ævi) *sed Divinis etiam libris affixi*
 Homil. 69. *jucundissimè afficiuntur: choro enim dissolu-*
 in Matth. *to, plerumque alius cum Isaia colloquitur,*
alius cum Apostolis differit, alius ab aliis
elaborata lectitat, & philosophatur de Deo,
de creaturis, de visibilibus, de invisibilibus,
de utilitate hujus vita, de beatitudine futu-
ra. Necdum benè gustavit vinum spiri-
tualis doctrinæ, cui lectio sancta ob frequen-
tem usum vilescit, vel parit fastidium; nam
nihil

nihil in vita dulcius sentitur, nihil avidius sumitur, nihil ita mentem ab amore mundi separat, nihil sic animum contra tentationes roborat, nihil ita hominem excitat, & adjuvat ad omne opus, & ad omnem laborem, sicut studium sacra Scriptura. Quod palam est vel ex illo ipsius Divinae Scripturae oraculo: *Qui edunt me, adhuc esurient, & qui bibunt me, adhuc sitient, qui audit me, non confundetur.* Nec quidem finem spiritualis lectionis adhuc intelligit, qui simpliciter styli in auctore fastidit, siquidem veritas est in Scripturis Sanctis quarenda, non eloquentia. Omnis Scriptura eo spiritu debet legi, quo facta est. Querere potius debemus utilitatem, quam subtilitatem. Ita Scripturas sanctas lege, ut semper memineris Dei illa verba esse, qui legem suam non solum sciri, sed etiam impleri iubet, nihil enim prodest facienda didicisse, & non facere. Estote autem factores verbi, & non auditores tantum fallentes vosmetipsos. R. scire cupitis pressam forsan differentiam inter auditorem prudentem & stultum? Christo Incarnatae sapientiae patulas aures inclinate: Omnis ergo (inquit) qui audit verba mea hac, & facit ea, assimilabitur viro sapienti, qui edificavit domum suam super petram &c. & omnis, qui audit verba mea hac, & non facit ea, similis erit

Hugo apud Joannem Trith. comment. in Sacr. Reg.

Eccli. 24. v. 29.

Lib. de imit. Christi lib. 1. cap. 5.

Auctor vetus Epist. ad Demet. cap. 23. apud Juliū. Nigropium tract. 5. c. 7. Jacob. 1. v. 22.

Matth. 7. v. 24. & 27.

Stulto, qui edificavit domum super arenam.
 En irrefragabile discrimen inter sapientem
 & stultum! ego quidem hanc Salvatoris
 doctrinam mecum in pondere sanctuarii
 pensiculatè expendens, expavi opera Do-
 mini, & cogitavi perterritus: vae nobis Re-
 ligiosis! quibus tot exempla Sanctorum ad
 imitationem in nobis excitandam leguntur
 in choro, tot salutares instructiones tradun-
 tur in capitulo, tot spirituales doctrinae of-
 feruntur in lectione mensali, tot verbi Di-
 vini praecones nobis è libris perorant in le-
 ctione privata, vae nobis in tremendo ju-
 dicio! cum de his omnibus, quae vel salu-
 taria audivimus, vel legimus, vel legere
 potuissimus, justus iudex strictissimam sit
 exacturus rationem. Vae nobis! si (atte-

Homil. 26.
ex 50.

Luc. II.
v. 32.

Psal. 57. v. 5

stante Hipponensi Praefule) non minùs reus
 erit, qui verbum Dei negligenter audierit,
 quàm ille, qui Corpus Christi in terram ca-
 dere suà negligentia permiserit. Viri Ni-
 nivita surgent in iudicio cum generatione
 hac, & condemnabunt eam, quia poeniten-
 tiam egerunt ad praedicationem Jona. Ista
 autem generatio, multi Religiosorum in-
 ter tot patrum admonitiones, inter tot
 Scripturarum doctrinas, inter tot lectiones
 spirituales, inter tot libros asceticos facti
 sunt in similitudinem serpentis, sicut aspidis
 surda, & obturantis aures suas, quae non
 exau-

exaudiet vocem incantantium, & venefici
 incantantis sapienter. Attentionis confide-
 rationis libellâ libeat trutinare hunc tex-
 tum. Nam ecce tibi! non arguitur ser-
 pens, quod non audiat, sed quia non exau-
 diet, aliud quippe est audire, & aliud exau-
 dire. Omnium procul dubio preces audit
 omniscius Deus, nec tamen omnium exau-
 dit petita, eoquod multa malè petantur.
 Sapiens & insipiens, uterque quidem audit
 verbum Domini, hoc tamen discrimine,
 quod prior exaudiat, & opere compleat au-
 dita, posterior verò non exaudiat audita,
 nec intelligat, ut faceret benè. Væ
 autem talibus auditoribus! væ multis Re-
 ligiosis in die iudicii! nam, *qui spernit me*
 (inquit Christus futurus Iudex) & non ac-
 cipit verba mea, habet, qui iudicet eum,
 sermo, quem locutus sum, ille iudicabit eum
 in novissimo die. Narrat Josephus Mansi
 Patrem Marcellinum ordinis Sancti Franci-
 sci tempore Clementis octavi famosissi-
 mum concionatorem in ecclesia ara cœli
 dicta, ad maiorem dandam emphasim cre-
 brius suis concionibus ista immiscuisse: *In*
die iudicii contra vos contestabor, quod vo-
bis annuntiaverim veritatem, vos autem il-
lam audire, indeque proficere nolueritis. In
die iudicii contestabitur contra nos propria
ordinis Regula, contestabuntur omnes ex-
hortationes, & doctrinæ, quas audivimus,
 M 4 omnes

Joan. 12.

v. 48.

de Prædic.

verbi Dei.

Discurs. 25.

n. 1.

Matth. 10.
v. 14. & 15.

Sacr. Regul.
cap. 73.

S. Regul.
c. 2.

Jerem. 17.
v. 23.

omnes libri, quos legimus, nisi fructum & profectum inde collegerimus. Quis Religiosorum, audita factis implere dissimulantium totis non contremiscat artibus, secum in pondere sanctuarii expendens illas terribiles minas Salvatoris ad suos Apostolos asseverantis: *Quicumque non receperit vos, neque audierit sermones vestros, exeuntes de domo vel civitate, excutite pulverem de pedibus vestris. Amen dico vobis, tolerabilius erit terra Sodomorum, & Gomorrhæorum in die iudicii, quàm illi civitati.* Heu nos Domine! Si ob neglectum & repulsum verbum Divinum talia minitaris sæcularibus, quo iudicio judicabis nos Religiosos? qui quotidie quasi audimus tam multa, & operamur tam pauca! *Quæ pagina, aut quis sermo Divinae auctoritatis veteris ac novi testamenti non est rectissima norma vitæ humanæ, aut quis liber Sanctorum Catholicorum Patrum hoc non resonat, ut recto cursu perveniamus ad Creatorem nostrum? & quis horum non perorabit ad te Domine contra nos in nostro post paucillum futuro iudicio: Iustitiam tuam non abscondi in corde meo, veritatem tuam, & salutare tuum dixi; ipsi autem contemnentes spreverunt me. Non audierunt, nec inclinaverunt aurem suam, sed induraverunt cervicem suam, ne audirent me, & acciperent disciplinam.* Sed

Sed quid ad similes accusationes tremendus
 Judex? nempe illud Proverbiorum I. *En!* v. 23. &
proferam vobis Spiritum meum, & ostend- sequent.
am vobis verba mea, quia vocavi, & re-
nuistis, extendi manum meam, & non fuit,
qui aspiceret. Despexistis omne consilium
meum, & increpationes meas neglexistis,
ego quoque in interitu vestro ridebo, & sub-
sannabo. Quin immò videtur, quòd ju-
stus judex verbi Divini neglectorem suo ju-
dictio quasi ne quidem dignetur, si quis (in- Joan. 12.
quiens) audierit verba mea, & non custodie- v. 47.
rit, ego non judico eum. Cur autem non
judicas talem ô Domine! forsitan jam judi- Joann. 3.
catus est? fortasse permittes, ut Diabolus v. 18.
stet à dextris ejus, cum judicatur exeat con- Psal. 108.
demnatus. Fortè eveniet talibus juxta il- v. 6. & 7.
lud tuum Divinum oraculum: Ego veni Joann. 5.
in nomine Patris mei, & non accipitis me, v. 43.
si alius venerit in nomine suo, illum accipie-
tis. Forsan justo tuo permittente judicio
acquiescent consiliis & suggestionibus dia-
boli qui noluerunt acquiescere consiliis suo-
rum superiorum, ac Doctrinis spiritualium
magistrorum loquentium in nomine tuo?
fortassis audient ora loquentium perversa,
qui sanam doctrinam scripturarum ac Patrū
noluerunt recipere, nec opere complere? ah
quid opus est multis interrogationibus pul-
sare cœli secreta, tot horrendis casibus prædi-
cante vel ipsâ experienciâ? Scio ego quos-

dam Religiosos, rescio aliquos sat celebres concionatores, qui tamen Diabolicis suasionibus aures præbuerunt, temptationibus carnalibus succubuerunt, victi cum magno, præsertim simplicium scandalo, habitum & fidem abjecerunt, amplexati stercora, facti errorum ac hæresium auditores. Nec facile aliâ de causâ, nisi, quia inter tot lectiones sanctas, inter quotidianum scriptu-

Luc. 7. v. 30 rarum usum, *consilium Dei spreverunt in semetipsos*, nisi quia aliis Dei verbum more prudentum quidem prædicaverunt, ipsi verò more stultorum audiverunt, non factores, sed inanes lectores legis, similes mulis & asinis, qui optima vina ex Italia nobis asportant, ipsi verò interim aut aquam turbidam bibunt, aut omnino siti tabescunt. Nec mirum tales in suis orationibus à Deo non exaudiri, gravissimis temptationibus infestari, à Diabolo tentante superari, & variis lapsibus subjici; quippe, quisquis in tot libris Deum quasi continuo clamantem non exaudit, dignus non est, exaudiri à Deo.

Psal. 80. v. 14. & 15. *Si populus meus audisset me* (contestatur ipse Deus) *Israel si in viis meis ambulasset, pro nihilo forsitan inimicos eorum humiliasset, & super tribulantes eos misisset manum.*

Psal. 80. v. 12. *Verum quia non audivit populus meus vocem meam, & Israel non intendit*
 Jerem. 14. v. 12. *mihi, propterea non exaudiam preces eorum, & si obtulerint holocausta & vi-*
 Eli-

Etimas, non suscipiam ea. Ibunt in adin- Psal. 80.
ventionibus suis. Hinc nonnullorum Re- v. 13.
 ligiosorum lapsus, hinc scandala, hinc apo-
 stasiæ, hinc varii horribiles casus, quia in-
 ter salutare instructiones, inter tot pater-
 nas admonitiones, inter tot sanctas lectio-
 nes manent veluti surdi, steriles in omne
 opus bonum, fiuntque ad suggestiones ca-
 codæmonis fertiles ad omne malum. Cu-
 jus rei (omissis sexcentis aliis) horribile
 exemplum refert noster venerabilis Petrus
 Cluniacensis. *Qui habet aures audiendi,* Lib. 2. c. 24
audiat, & pertimescens ad saniora redeat.
 Incolebat Vehunense cœnobium ecclesiæ
 Cluniacensi subjectum Monachus quidam,
 nomine & habitu talis, vita autem & mo-
 ribus à monastica conversatione non pa-
 rum alienus, in humanis quidem versatus
 ac versutus, in Divinis verò totus langu-
 dus & lassus. Corripiebatur frequenter à
 Priore, admonebatur à Senioribus, com-
 monebatur à fratribus. Perferebat non
 rarò verba dura, accipiebat flagra, sustine-
 bat probra, tolerabat injurias, suaque
 sponte in se suscipiebat pœnitentias, videba-
 tur subinde proficere: at mox rursùm sa-
 norum respuebat consilia; nimirum totum
 sui profectûs ædificium struebat super are-
 nam, simulans quandoque se bonum, ne
 continuò audiret malus, gnarus mentiri
 externam quandam pietatem propter huma-
 num

num oculum, sincero porrò corde veritatem facere propter eloquia Domini penitus insuetus; quemadmodum infaustus probavit eventus: nam eâ quidem astutiâ suam texere telam callebat, ut propter suam perspicacitatem in tractandis œconomicis exteriorum administrationi sufficeretur, sed ad proprium salutis damnum, & ad velociorem prorsus animæ ruinam; cùm enim externis tractandis negotiis totus immersus, in mundana totus effusus, à religiosis moribus indies magis, ac magis recederet, piasque admonitiones & adhortationum unguenta indies magis ac magis contemneret, visum est superioribus, saluti Monachi tempestive prospicere, à suâ Spartâ eum denuò remove, retinere intra claustrî septa, urgere ad religiosa exercitia; cùm ille suâ provinciâ pulsus, amotionem perquam ægrè ferre, intus secum furere, in murmura prorumpere, religiosa exercitia fastidire, clausuram velut carcerem perhorrescere, ultionem in corde coquere, nec desistere, à variarum coctura, donec dæmon subministraverit faces maligni consilii. Haud procul namque ab ecclesia aberant monasterii horrea, in quibus tunc monasterii fruges, & totius penè anni victus pro Monachis servabatur reconditus; hæc itaque fratrum viétualia nequam ille, ultionem spirans clam succendere meditatur; cujus malitiæ in ef-

fe-

fectum deducendæ gratiâ claves claustrî furatus, fur nocturnus clausuram egreditur, subiectoquæ occulto paleis igne, nil ultra moratus ad propriam cellam revertitur; jamque fratres, matutinis laudibus pro more finitis, rursus ad sua strata fuerant recepti, cum ecce, submissus interim ignis continuo in majores vires succrescere, in altas flammâs erumpere, tristemque incendiî tragœdiam exhibere, ejulans ac lamentans exclamat omnium primus ille sacrilegus, & veluti facti inscius, omniumque innocentissimus volante pede cum aliis ad extinguendum vulcanum accurrit: erravi, cunctis sedandæ flammæ intentis, ipse otiosus spectator assistit, ac veluti præ nimiam consternatione laborare non valens, externè rem agit lamentis, internè verò in animo gaudiis & congratulationibus de tam felici successu intentæ vindictæ, non intelligens miser Divinam nemesein, jam à tergo sequentem! derepente quippe inter summa lamenta invisibili gladio interemptus, cunctis, qui aderant, præ timore obstupescens, corrui, obiit, periit. Cumque fratres ad terram elisum jamque exanimem in manus suscipere, claustrum inferre, ac more solito cadaver abluere festinent, en tibi! dexteram ejus, contra mortuorum morem adhuc extentam clavemque furto sub-

du-

ductam in eaprehendunt, ipso Deo vindice, per tam manifestam probam patrati sceleris, ut tam isthoc signo, quam aliis compluribus sat luculentis indiciis probè inspectis, cadaver illud tanquam sacrilegi furis, incendiarii nefandi, ac hominis excommunicati extra Religiosorum sepulturam, ac Christianorum cæmeterium in loco abjecto meritò fuerit humatum, sicque post mortem apud omnes pessimè audire debuit, qui in vita benè audire noluit. Ecce hic est finis, hæc est sepultura eorum, qui abscondunt pecuniam Domini sui, qui lectiones sanctas ac paternas exhortationes suorum seniorum non ponunt ad mensam,

Matth. 13. ut per bonam operationem negotientur ex illis. Negotiandum est ex sanctis lectionibus; nam *simile est regnum cælorum homini negotiatori quærenti bonas margaritas.*

v. 45.

Bonæ margaritæ, verbum Dei, quod negotiator Christus, præsertim à Religiosis cum usuris exigit, cave ne vel unam talem margaritam sine opere perdas, aut minùs cautè custodias, sin verò hætenus libros asceticos & Divinas scripturas minùs sapienter legeris, aut minùs prudenter audiveris, saltem *hodie, si vocem ejus audieritis nolite obdurare corda vestra. Nunc ergo fili mi, audi me, & ne recedas à verbis oris mei.* A voce clamantis in deserto, & admonentis

Psal. 94.

Proverb. 5.

v. 7.

tis

tis te in tuâ annuâ hac solitudine, ut statuas firmiter, ex omnibus lectionibus imposterum mellificare, ad lecta & sanctorum exempla viam ac gressus tuos dirigere, seniorum piis consiliis morem gerere, & ex omni instructione fructum afferre, ne secus nimis serò gemas in novissimis, quando consumpseris carnes tuas, & corpus, & dicas *Proverb. 5. v. 11. 12, & 13.*
cur detestatus sum disciplinam? & increpationibus non acquievit cor meum? nec audiui vocem docentium me, & magistris non inclinavi aurem meam? cur non melius custodivi mea principia in novitiatu hausta? instructiones, à magistris & directionibus datas, tot doctrinas saluberrimas è sacris libris lectas? cur recessi à meis bonis propositis, in sacra solitudine factis? quoniam de his omnibus in die iudicii erit reddenda ratio. Væ tunc legisperitis! qui legunt, & non faciunt.

MEDITATIO III.

De

Mortificatione amoris proprii.

Punctum 1. De 'damnis & effectibus amoris proprii. 2. De difficultate cognoscendi amorem proprium. 3. De mediis & modis eundem eradicandi.

Præ-

Preludium.

EN! veniens venit iudex cum angelis suis, petiturus â te unicam eamque pretiosam animam tuam! cave ne perdas, perdes autem certò si amas. Nam qui amat animam suam, perdet eam. Heu quam dabit homo commutationem pro anima sua?

Joann. 12. v. 25.
Matth. 16. v. 27.

Punctum I.

Vae tibi terra! cuius rex puer est. Et vae homini! cui dominatur proprius amor. Puer enim est proprius amor; quia instar pueri irascitur, & ringitur, dum non impetrat, quod postulat. Puer est; quia præfert vitrum auro, crepundia Sceptro, vilissima omni pretioso. Puer est; quia ludit, & luditur in præsentibus sine futurorum memoria. Puer est amor proprius, & quidem puer cæcus. Cave, ne hunc puerum cæcum sequaris; certò certius enim cum illo cades in foveam, & serò per experimentum sapiēs, quàm verum sit illud spiritûs sancti oraculum: *Est via, quæ videtur homini iusta, novissima autem ejus deducunt ad mortem.* Dalila est philautia seu amor proprius, immo Dalilâ deterior, illa enim Samsōnem solùm tradidit Philistinorum principibus, iste verò pretiosam hominis animam prodit Dæmonibus, illa Sam-

Samsonem solum orbefecit oculis corporis, iste autem obscurat oculum mentis, & quidem valde claudit oculum cordis amor privatus. Scito, quod amor tui ipsius magis noceat tibi, quam aliqua res mundi. Immo magis quam omnes Dæmones. Erunt homines seipsos amantes. Et refrigescet charitas multorum, hinc omnes, quæ sua sunt, quarunt, non quæ Jesu Christi. Hinc charitas Dei excluditur, Divinis inspirationibus resistitur, Divinarum gratiarum vena obstruitur, ædificium virtutum diruitur, quies animi destruitur, serenitas mentis dispellitur, tumultus cogitationum ac curarum inducitur, diabolicis tentationibus ostium panditur, omnigenis vitiis nidus construuntur, aggestus peccatorum congeritur, ipsaque perditionis via veloci pede curritur. Certè ex hoc vitio, quod homo seipsum nimis inordinatè diligit, penè totum pendet, quid quid radicaliter vincendum est, quo devicto & subactò malo, pax magna & tranquillitas erit continuò.

S. Gregor.
homil. 4.
in Ezechiel.
lib. de imit.
Christ. lib.
3. c. 27.
2. Timoth.
3. v. 2.
Matth. 24.
v. 12.
Philipp. 2.
v. 21.

Lib. de
imit. Christ.
lib. 3. cap.
53.

Punctum II.

Attendite à falsis prophetis, qui veniunt ad vos in vestimentis ovium, intrinsecus autem sunt lupi rapaces. Falsus Propheta est amor proprius occentans: Pax, pax, & non erat pax. In vestimentis ovium

Matth. 7.
v. 15.
Jerem. 6.
v. 14.

N

pro-

Matth. 7.
v. 16.

proprius incedit, quia pallio virtutum se tegit, modò se fingens discretionem, ut propriis fruatur commoditatibus, modò prætendit honestam recreationem, ut foveat sensualitatem, jam simulat charitatem, ut cibet carnalitatem, jam transfigurat se in Angelum lucis, & mentitur pietatem, ut faciat sibi umbraculum meridianum humanæ laudis. Jam sub specie Zeli prodit, ut iracundiæ litet, jam omnia etiam iniqua dissimulat, ut audiat discretus. *Verum à fructibus eorum cognoscetis eos.* Fructus, & signa proprii in homine dominantis amoris sunt potissimum hæc 1. tum propria commoda, tum propria lucra, tum propria solatia, vel proprium honorem ac æstimationem curare, & consequenter in suis actibus seipsum, ac sua quasi pro fine habere. 2. Illa e contra non curare, quæ vel ad proprium honorem, vel ad proprium solatium, vel ad proprium lucrum non conducunt. 3. In suis factis sibi complacere, sua jactare, velle videri, æstimari, amari &c. 4. Aliis suum lucrum, sua commoda, suam æstimationem invidere, aliorum laudes non libenter audire, benefacta minuire &c. 5. Proprios favores, ac favorum privilegia dilatare, ampliare &c. 6. Propriam confusionem, subjectionem, & afflictionem cane pejus & angue fugere. Sede
sub

sub arbore malo, & attende per discussionis libellam, an non similes fructus ex ea dependeant?

Punctum III.

Considera, & tolle pestem animæ proprium amorem. Primum alexipharmacum est odium sui; nam contraria contrariis curantur, & qui odit animam suam in hoc mundo, in vitam eternam custodit eam. Joann. 12. v. 25.

2. Constans ac continua abnegatio. Negandus est furioso gladius, neganda infanti sicula; neganda sunt infirmo, quæcunque sibi noxia poscit, neganda proprio amanti, quæcunque contra dictamen rectæ rationis, ac regulas perfectionis appetit. Heu! usquequo parvuli diligitis infantiam, & stulticia, quæ sibi sunt noxia, cupient? 3. Mors Proverb. 1. v. 22.

quædam, quâ homo sibimetipsi moritur; quippe, nisi granum frumenti cadens in terram, mortuum fuerit, ipsum solum manet, Joann. 12. v. 24.

si autem mortuum fuerit, multum fructum affert. Durus quidem est hic sermo: per propriam vilipensionem in terram cadere, seipsum abnegare, sibimetipsi mori, opus tamen summè necessarium. Unde ad isthanc difficultatem superandam. 4. Pro remedio vis sibimetipsi inferenda præscribitur. Regnum cælorum vim patitur, vique Matth. 11. v. 12. dignum est. Non dimisit Pharao populum Domini, nisi in manu forti, nec excu-

Lib. de
imit. Christ.
Lib. I. cap.
25.

loco cit.

titur tyrannicum jugum proprii amoris, nisi contra audentior iveris. *Illi maxime praecateris in virtutibus proficiunt, qui ea, quae sibi magis gravia, & contraria sunt viriliter vincere nituntur.* Aude ergo aliquid in teipsum; quoniam *tantum proficies, quantum tibi ipsi vim intuleris.*

BONA PROPOSITA

Ex

Præsenti Meditatione.

1. **I**N necessitatibus corporalibus sumam, & attentionem adhibebo, ne quid idcirco admittam, sumam, vel eligam quia sensualitati vel appetitui arridet.
2. Quidquid per discretionem licet, denegabo appetitui ad sensualia proclivi.
3. Omnem cautelam adhibebo, ne erga aliquam personam; vel erga aliquam rem quomodolibet sensualem amorem admittam.
4. In nulla re vel exercitio propriam commoditatem quæram, aut admittam.
5. In omni occasione quæram potius discretè aliquam incommoditatem, ut sic denique nocivo proprio amori perfectè moriar.
6. Quotidie aliquos actus amori proprio

con-

contrarios exercebo, uti si lubet sedere, eo ipso non sedebo, si allubescit ambulare, non ambulabo, si arridet cellam exire, vel loqui, non exibo, nihil loquar.

7. Etiam in spiritualibus diligentissimè attendam, ne proprius amor se immisceat, ne in Divinis potius quæràm sensibilem devotionem, quàm Dei honorem, ne spiritualiter legam aut mediter potius ex proprio gustu, quàm propter Divinum beneplacitum, ne Sacramentis utar eo potius sine, ut fiam consolatus, quàm ut Deo sim gratus.

8. Amori proprio favorabilia; uti exemptiones, recreationes, omnesque humanos favores, quantum per discretionem licet, omni studio declinabo.

9. Si â superiore mihi quæcunque petita denegentur, non propterea admittam vel ullam tristitiam, aut perturbationem, sed potius gratias agam & gaudebo.

10. Pariter siquid mihi contrarium acciderit, illicò mentem ad Deum elevabo, gratias agens, quòd mihi sapientissimus Deus submiserit occasionem proprium amorem mortificandi.

CONSIDERATIO VESPERTINA.

De

Diffolutis & tepidis fratribus
cautè declinandis.

2. Theff. 3.
v. 6.

ECce hæc est doctrina Christi, hæc promulgatio Pauli : *Denuntiamus autem vobis fratres in nomine Domini nostri Jesu Christi, ut subtrahatis vos ab omni fratre ambulante inordinatè, & non secundum traditionem, quam acceperunt à nobis.* Declinandum est ab omni fratre ambulante inordinatè, vivente tepide, quærente laxitates, vacante fabulis, tractante nugas, narrante sæculares rumores, murmurante contra superiores, conversante non secundum spiritum novitii fervoris, neque secundum principia ascetica, in ipso religioso tyrocinio tradita. Selectus sociorum habendus est, & non simiarum more imitandum quidquid videtur, neque brutorum more currendum cum quolibet. Nam *cum electo electus eris, & cum perverso perverteris.* Quia 3. Reg. 12. Roboam, seniorum spreto, secutus juniorum consilium, magnam partem perdidit regni. Et multi fervidi quondam novitii, paulò post emissa vota primam charitatem

Psal. 17. v.
27.

3. Reg. 12.

ac fervorem amiserunt, quia consiliis & moribus dissolutorum intenderunt. *Fili mi, Proverb. 1. ne ambules cum eis, prohibe pedem tuum à se. v. 15. mitis eorum; pedes enim illorum ad malum currunt.* Planè non quemque, sed illum sequi est tutum, cujus hæc contestatio: *Ego Joann. 8. sum lux mundi, qui sequitur me, non ambulat in tenebris. v. 12.* Hunc ergo sequere, hic enim est dux, qui non seducit, hic est ipsa rectissima via ad terminum æternæ felicitatis.

DIE QUARTA OBSERVATIONES.

1. **D**ies quarta sacrorum exercitiorum, quæ supponitur feria quinta, specialiter dedicabitur verbo incarnato, & Deo abscondito in Sacramento altaris.

2. Singula exercitia hujus diei specialiter offerentur tum pro impetranda sibi metipsi efficaci gratia ad devincendas omnes occurrentes tentationes, & ad generosam ex illis victoriam reportandam, tum pro omnibus graviter tentatis & afflictis, præcipue pro agonizantibus.

3. Tessera specialis pro hac die ista erit: fortassis huic ipsi actioni Deus robur Divinæ gratiæ ad vincendas tentationes inclusit; ergo ne mihi subtrahatur gratia, ex tentatio-

ne reportandi victoriam, in hac actione nihil negligam.

4. Aspirationes frequentiores erunt:

O salutaris hostia,
Quæ cœli pandis ostium,
Bella premunt hostilia,
Da robur, fer auxilium.

5. Mane pro lectione spirituali ex libello de imitatione Christi ex lib. 3. cap. 8. de vili æstimatione sui ipsius in oculis Dei, & cap. 20. de confessione propriæ infirmitatis, & vitæ hujus miseriis. Item cap. 40. ejusdem lib. quod homo nihil boni ex se habet, & de nullo gloriari potest.

6. Meditatio prima de humilitate: secunda de patientia. Tertia de usu temporis

7. Lectio matutina de agenda pœnitentia, Pomeridiana de generosis victoriis faciendis contra gulæ illecebras, & contra recreationum excessus.

8. Examen particulare de patientia & mansuetudine.

9. Lectio vespertina ex sacra Regula erit caput septimum de gradibus humilitatis.

10. Consideratio vespertina de cavendâ pusillanimitate, & firma fiducia in Deo ponenda.

MEDITATIO I.

De

Humilitate.

Punctum 1. De cognitione sui ipsius. 2.
De exemplo Christi & Sanctorum ad hu-
militatem nos provocante. 3. De exerci-
tio humilitatis.

Præludium.

ECce! *Dies speculationis tue visitatio tua* Micheæ 7.
venit. Speculare teipsum, inspicere v. 4.
speculum.

Punctum 1.

Considera vultum nativitatis tuæ in specu-
lo. *Quid autem habes, quod non accepisti, si au-* I. Corinth.
tem accepisti, quid gloriaris, quasi non accepe- 4. v. 7.
ris? Speculo similis est homo, Speculum ex se
nihil habet, nihilque est, nisi fragile vitrum;
quidquid enim oculis intuentium repræsen-
tat, id totum recipit ab objecto extra posito.
Sic & tu ô homo omnis, talem duntaxat
habes, & refert formam, tale corpus, ta-
lem staturam, talem animam, talia talenta,
qualia â Deo accepisti. *Quis autem ve-* Matth. 6.
strum cogitans potest adjicere ad staturam v. 27.
suam cubitum unum? Nulla est illumina-
tio mundo, nisi â sole, nulla repræsentatio

N 5

in

Philipp. 2.
v. 13.
Luc. 11.
v. 26.

in speculo, nisi ab objecto extra posito, nulum tibi donum, siue naturæ, siue gratiæ nisi à Deo. *Deus est enim, qui operatur in vobis & velle, & perficere, pro bona voluntate, & neque, quod minimum est, potestis, nisi peccare, & in singula momenta deficere. Unde non solum sumus instar speculi fragiles, sed quovis etiam vitro fragiliores. Sumus quoad corpus, non tantum omni horâ variis casibus, non tantum variis morbis, ac læsionibus, sed ipsi quoque Parcarum falci subiecti. Quâcunque horâ speculum ab alto delabitur, diffringitur, & quâcunque horâ Deus à te aufert manum suam, in pulverem tuum revertêris. Fragiles sumus quoad animam, siue consideremus nos secundum naturam, siue secundum gratiam, quippe quemadmodum hodie nemo tam robustus, quin cras possit esse funus, sic pariter nemo hodie tam sapiens aut doctus, quin cras possit fieri amens, ac phreneticus, nemo hodie tam justus, quin cras possit esse peccator.* *Itaque, qui existimat se stare, videat ne cadat. Sed humiliet valde spiritum suum.*

1. Corinth.
10. v. 12.
Eccl. 7. v.
19.

Punctum II.

Sap. 7. v. 26. Inspice *speculum sine macula*, aspice considera Magistrum humilitatis Christum Dominum. *Ecce plus quam Salomon hic!*
Luc. 11.
v. 31. *can-*

candor est enim lucis aeterna. Sanctus, in- Sap. 7. v. 26
nocens, impollutus, segregatus à peccatori- Hebr. 7. v.
buis, & excelsior cœlis factus. Et tamen se- 26.
metipsum exinanivit formam servi accipiens, Philipp. 2.
& cum iniquis reputatus, adeo humiliavit v. 7.
semetipsum. Adeo ad omnem humiliatio- Marc. 15.
nem & vilipensionem se demisit, ut in ve- v. 28.
ritate ore Prophetæ asseverare potuerit: Ego Philipp. 2.
autem sum vermis, & non homo, opprobrium v. 8.
hominum, & abjectio plebis omnes videntes Psal. 21.
me, deriserunt me, locuti sunt labiis, & v. 7. & 8.
moverunt caput. Ecce hic nobis acclamat:
Exemplum enim dedi vobis. Hujus quasi Joann. 13.
præcipua & fundamentalis lectio est: Di- v. 15.
scite à me, quia mitis sum & humilis corde. Matth. 11.
 Nihil scit, qui prima fundamenta ignorat, v. 29.
 nihilque adhuc in Schola Christi didicit,
 quisquis necdum humilis existit. Non est
 turpior error, quàm errare in primis prin-
 cipiis, nec fædius quidquam, quàm super-
 bire terræ pulverem, ubi excelsus Domi-
 nus, mundi que fabricator usque ad nostræ
 mortalitatis vilitatem se humiliavit: *Intole-*
rabilis enim impudentia est, ut, ubi sese
exinanivit majestas, vermiculus inflatur, &
intumescat. Intolerabilis malitia est, velle
potius imitari superbum Diabolum, quàm
humillimum Jesum, ejusque humillimam Libell. de
matrem, & tot Sanctos; nam summi San- imit. Chri-
cti apud Deum, minimi sunt apud se, & tu sti lib. 2.
 tibi cap. 10.

Joann. 9.
v. 34.
Matth. 5.
v. 13.

Jacob. 1.
v. 24.
Psal. 17.
v. 43.

tibi magnus videaris? qui tamen *in peccatis natus es totus. Sal infatuatum*, quod *ad nihilum valet ultra, nisi ut mittatur foras, & conculcetur ab hominibus.* Ficulnea infructuosa, jam dudum promerita maledictionem æternæ damnationis, speculum plenum maculis, monstrosus totum. Te ipsum benè inspicere, & cavere, ne similis fias illi, *qui consideravit se in speculo, & abiit, & statim oblitus est, qualis fuerit.* Sed memento semper, te esse *ut pulverem ante faciem venti, ut lutum platearum.*

Punctum III.

Te ipsum velut speculum inspicere, & in pondere sanctuarii tecum expendere, quidnam imposterum repræsentare, & intuentibus exhibere velis? illud nempe, quod ante speculum ponit, tibi quæ proponit Sanctus Pater Benedictus expressissimis hisce verbis: *non ipso solum corde Monachus, sed etiam corpore humilitatem videntibus se semper indicet.* Humilitatem semper indices ac repræsentantes coram oculis Divinæ majestatis, *sicut publicanus ille Evangelicus, fixis in terram oculis dixit: Domine non sum dignus ego peccator levare oculos meos ad cælum.* Humilitatem indices ac repræsentantes coram hominibus, in obeditionem Divinæ scripturæ commonefacientis: *omnes autem invicem humilitatem insinuate; quia Deus*

loco cit.

1. Petr. 5.
v. 5. & 6.

Deus superbis resistit, humilibus autem dat gratiam: humiliamini igitur sub potenti manu Dei. Et non reputes, te aliquid profecisse, nisi omnibus inferiorem te esse sentias. Humilitatem imposterum semper indices ac repræsentantes, per humiliationes, ac exercitia humilitatis, te ad omnia indignum reputando, viliora eligendo, te ipsum vilipendendo, te ex corde confundendo, in proprio contemptu gaudendo, proprias vilipensiones ac confusiones amando, quemadmodum ille, qui aiebat *bonum mihi, quia humiliasti me.* Exhibens deinceps parvulum, quem Christus humilitatis Magister in medio suorum discipulorum statuit. Im-

Libell. de
imit. Chri-
sti lib. 2. c. 2.

Psal. 118.

v. 71.

Matth. 18.

v. 2.

Isaïæ 9. v. 6.

S. Bernard.

Serm. 3.

sup. missus.

mo toto pectore satage, ut illum in humilitate parvulum repræsentantes, de quo scriptum habetur. *Parvulus natus est nobis;* nam *nisi efficiamini, sicut parvulus iste, non intrabitis in regnum cælorum.*

BONA PROPOSITA

Ex

Præsenti Meditatione.

1. **C**Oram Deo ubique præsentem cum profundissima demissione, & mei ipsius abjectione semper versabor: dicens eum Propheta ex corde ad Deum: *substantia mea tanquam nihilum ante te.*

Ps. 38. v. 6.

2. De

2. De nullo opere aut actione vanam complacentiam admittam, sed me velut operarium malum & indignum judicabo, illi-
cò coram Deo me humilians, ac dicens:

S. Reg. c. 7. *ad nihilum redactus sum, & nescivi: ut jumentum factus sum apud te.*

3. Quotiescunque me ab aliis reputari, vel æstimari inaudio, statim meipsum confundam, & totum in Deum refundam, ex corde contestans: *non nobis Domine, non nobis, sed nomini tuo da gloriam, nobis autem confusio faciei,*

Ps. 113. v. 9.
Dan. 9. v. 7.

4. Per plures quotidie internos actus efficaciter desiderabo, ab omnibus vilipendi, despici ipsâque terrâ indignus reputari.

5. Eos, à quibus vilipendor, spernor, aut contumeliâ afficior, speciali amore complectar, atque pro ipsis tanquam pro meis benefactoribus meas preces offeram, & pro opportunitate specialia charitatis signa eisdem impendere satagam.

6. In verbis, in gestibus, ac in omnibus moribus semper conformiter Sacræ Regulæ humilitati studebo.

7. Alios quoque exteriores humilitatis actus ad meam majorem confusionem pro tempore & occasione exercere consuescam, præsertim talia humilitatis exercitia non negligam, in quibus, natura vel irrisionem, vel æstimationis diminutionem, aut aliud
hujus-

hujusmodi fictum sui præjudicium ve-
retur.

LECTIO SPIRITUALIS

Tempore matutino.

ARGUMENTUM.

INstar gementis columbæ in cavernis ma-
ceriæ sedere, *mala sua præterita cum la-*
crymis, vel gemitu quotidie in oratione Deo
confiteri : de ipsis malis de cætero emendare,
hac Monacho congruunt. Ecce vox cla-
mantis in deserto ad te hodie, prædicans
tibi baptismum pœnitentiæ, & ingerens
auribus cordis tui illud Divinum monito-
rium : *Memor esto, unde excideris, & age*
pœnitentiam, & prima opera fac. Sin au-
tem, venio tibi, & movebo candelabrum
tuum de loco suo ! subitoque extinguetur
lucerna vitæ, & tunc digni à te exigentur
fructus pœnitentiæ, compellerisque ratio-
nem reddere de tuo habitu pœnitentiæ, de-
que tuo officio. Nam *Monachorum est*
proprium, sine intermissione pœnitentiam age-
re, & tam pro suis, quàm pro alienis pecca-
tis jugiter orare. Officium Monachi est
plangere, & sua aliorumque peccata defle-
re, ita, ut *vel se lugeat infirmus, vel mun-*
dum perfectus, & Domini pavidus præstole-
tur adventum, quoniam Monachus est afflictus
&

S. Reg. c. 4.

Apoc. 2. 1. 5

Joannes
Trith. hom.
14.S. Hieron.
ad Rusticū.
Joann. Cli-
macus
grad. 1.
c. 1.

Caus. 16.

q. 1. c. 8.

Placuit 2.

S. Regul.

c. 49.

& mœrens animus, unus tristis. Sedeat ergo tristis, & officio suo vacet, nunquam non memoriâ volvens, quod omni tempore vita Monachi quadragesimæ observationem debeat habere; Præcipue verò tempore Sacræ hujus solitudinis ad aures cordis pateat introitus illis Ecclesiæ verbis. Ecce advenērunt nobis dies pœnitentiæ, ad redimenda peccata, ad salvandas animas. De pœnitentiâ itaque religioso homine dignâ in præsentî dissertatiōe coram Deo tecum impensè tractabîs.

4. Reg. 5.

Josue 6.

Genes. 35.

v. 2.

Primò quidem perfectam pœnitentiâ dignosque pœnitentiæ fructus germinare intendens, cum Naaman Syro lavet se septies in Jordane, hoc est instituat accuratam ac seriam, nisi generalem, saltem annualem confessionem. Circumeat diligenti examine civitatem Jericho, id est suam peccaminosam conscientiam. Accendat lumen per invocationem Spiritûs Sancti, & perlustret in lucerna Studiose discussionis totum tabernaculum conscientiæ suæ. Evertat totam Domum, & dicat cunctis conscientiæ latebris; *abjicite Deos alienos, qui in medio vestri sunt, & munda mini, ac mundate vestimenta vestra*, percutiat jaculo Divini amoris, & virga contritionis petram cordis, donec fluant aquæ compunctiōis, ac submergant totum exercitum Pharaonis, universa nempe delicta, & abster-

abstergat omnes maculas conscientiae. Pe-
tat non solum septies, sed septuagesies se-
pties cum humilitate & compunctione cor-
dis veniam à Deo offenso, & dicat cum
leproso plenus fiducia: *Domine! si vis, po-* Luc. 8. v. 2,
tes me mundare, sed debite praepratus
ostendat se & sacerdoti, cautè praeavens, Genes. 31.
ne verecundia instar Rachelis vel ullum ab- v. 34.
scondat idolum. Siquis verò ab integra
peccatorum enarratione sive per verecun-
diam, sive per timorem, sive per huma-
num respectum, sive per somnium prae-
judicium, sive per quemcunque Diaboli
astum praepradi, & retrahi se senserit, pro-
ponat sibi ante mentis oculos Christum
dulcissimum animarum medicum super ci-
vitate Jerosolyma amarè flentem, eumque
ita ad cor suum loquentem inducat: *Si*
cognovisses & tu, & quidem in hac die tua, Luc. 19.
que ad pacem tibi. Ecce pax & gratia Do- v. 42.
mini nostri Jesu Christi, amicitia Dei, oscu-
lum Spiritus Sancti, Societas justorum, li-
beratio à captivitate Dæmonum, solutio
à vinculis peccatorum, ablutio scelerum,
stola prima, indumentum justitiae, quies
conscientiae, spesque salutis tibi hodie offer-
tur, noli itaque negligere tantam felicitate-
tem; nam quid felicius? quid securius?
quid jucundius, quam per puram conscien-
tiam & mentem consciam recti epulari in
O azymis

azymis sinceritatis ? quid porrò è contra infaustius , quàm inter tot salutis media, in tot religiosis exercitiis ac laboribus fatigari absque fructu , imo cum summo æternæ salutis discrimine , & ubique ad omnia exercitia vulneratam conscientiam ipsumque cacodæmonem secum circumferre in pectore ? cave , ne quid deterius tibi contingat ; *quia venient dies in te , & circumdabunt te inimici tui vallo , & circumdabunt te , & coangustabunt te undique , &c. eoquod non cognoveris tempus visitationis tuæ.* Eoquod confiteri nolueris , cum potueris , veniet , dies , quo nec poteris , cum volueris ; ergo cum modò possis , vince verecundiam , confunde Diabolum , vi humiliationis repelle vim confusionis , *revela Domino viam tuam , & spera in eum* , apprehende medellam , da locum inspirationi Spiritûs Sancti.

Secundum ad perfectam pœnitentiam requisitum est , non ampliùs redire ad vomitum , ac summoperè cavere , ne ampliùs cadamus in laqueum , postquam laqueus contritus est , *& nos liberati sumus.* Pœnitentiam quippe agere , est perpetrata mala plangere , & plangenda non perpetrare . Nam qui sic alia deplorat , ut tamen alia committat , adhuc pœnitentiam agere aut dissimulat , aut ignorat . Pœnitentiam agere est profiteri & affirmare , se ulterius non peccaturum ,

sem-

Luce 19.
v. 43.

3. Reg.
cap. 7.

Psal. 123.
v. 7.
S. Greg.
homil. 34.
in Evang.

Lactantius
libr. 6.
inst.

semperque memori mente volvere illud bea-
 tæ Catharinæ Genuensis: *ô amor mi! nullum*
posthac peccatum. Tunc pœnitens per ocu-
 los suos salubres emittit fontes aquarum,
 si *aquæ ejus fideles sunt*, si fideliter custo- *Isaïæ 33.*
 diunt bona emendationis proposita, quæ *v. 16.*
 promittunt, si nunquam mentiuntur, nec
 unquam cessent humectare maxillas, sed imi-
 tentur Pœnitentiam Petri, qui lapsum suum
 totâ suâ vitâ deflevisse legitur. Et quid
 non egit David post suum lapsum? *quo-*
niam iniquitatem ego cognosco (inquit) & *Psal. 50.*
peccatum meum contra me est semper. La- *v. 5.*
vabo per singulas noctes lectum meum, & *Psal. 6.*
lacrymis meis stratum meum rigabo. Potum *v. 7.*
meum cum fletu miscebam, fuerunt mihi la- *Psal. 101.*
cryma meæ panes die ac nocte. Ecce ita suum *v. 10.*
 lapsum deflevit Rex tantus de remissione *Psal. 41.*
 suorum peccatorum jam certus, postquam *v. 4.*
 ex ore Nathan jam audivit illud consola-
 tione plenum Divinum Oraculum: *Domi-* *2. Reg. 12.*
nus quoque transfudit peccatum tuum. Et *v. 13.*
 quid ego? quid alius, de remissione suo-
 rum peccatorum simili revelatione necdum
 certus? cui adhuc dicitur: *de propitiato pecca-* *Eccli 5.*
to noli esse sine metu. Oportet ergo nos recor- *v. 5.*
 dari priora delicta, etiam ea, pro quibus ve-
 niam consecuti sumus, ut intuentes, quàm
 ingentem modum debiti remisit nobis Deus, *S. Chrysoft.*
amplius eum diligere possimus, & verecun- *libr. 2. de*
diam *compunct.*

diam pudoremque concipere, atque ex his corde compungi, considerantes, quod nisi miseria ipsius subvenisset, tantum illud peccatorum pondus sine dubio nos in imis inferni pœnis suppliciisque preffisset.

S. Gregorius
homil. 34. in Evangelio.

Opusc. I.
cap. I.

Tertiò ad perfectam pœnitentiam spectat, per austeram ac pœnitentiâ dignam vitam pœnitentiæ operibus insudare; nam cogitandum summopere est, ut, qui se illicita meminit commississe à quibusdam etiam licitis studeat abstinere; quatenus per hoc conditori suo satisfaciat, ut qui commisit prohibita, sibi metipso abscindere debeat etiam concessa, & se reprehendat in minimis, qui se meminit, in maximis deliquisse. Unde Nicolaus Lanicius asseverare non dubitat, eum qui in seculo male vixit, obligatum esse ad amplectendum statum Religiosum. Verùm quid juvat statum religiosum, statum pœnitentiæ amplecti? statum pœnitentiæ profiteri, & habitum pœnitentium gestare, nisi identidem fructus dignos pœnitentiæ fructificemus? nisi simus assidui in pœnitentiæ operibus? nisi pro nostra possibilitate discretè imitemur illum Victorinum, qui (eodem Sancto Gregorio Papa loco citato narrante) reatus sui consideratione compunctus erexit se contra se, mundi huius omnia dereliquit, Monasterium petiit, in quo nimirum Monasterio tanta humilitatis, tantaque sibi distractionis extitit, ut cuncti fratres

fratres, qui illic ad amorem divinitatis ex-
creverant, suam cogerentur vitam despicere,
dum illius pœnitentiam viderent. Studuit
namque toto mentis adnifu cruciare carnem,
voluntates proprias frangere, furtivas ora-
tiones querere, quotidianis se lacrymis lavare,
despectum sui appetere, oblatam à fratribus
venerationem timere &c. Audiant (ait Libr. 2.
Sanctus Ambrosius) qui agunt pœnitentiam, de pœni-
tentia.
quo modo agere debeant, quo studio, quo af-
fectu, quâ mentis intentione, quâ intimorum
concussione viscerum, quâ cordis conversione.
Vide, inquit, Domine, quia tribulor, ven-
ter meus turbatus est à fletu meo, conversum
est cor meum in me. Cognovisti intentio-
nem animi, fidem mentis, cognosce & habi-
tum corporis. Sederunt, inquit, in terra,
tacuerunt Seniores filia Sion, & imposuerunt
terram super caput suum, pracinxerunt se ci-
licio? Virgines Hierusalem defecerunt in la-
crymis, oculi mei caligaverunt. Sic fleuit
& Ninive populus, & denunciatum excidium
civitatis evasit. Talem & nos pœnitentiam
agere debemus, ad similia pœnitentiæ ope-
ra cohortante nos scripturâ: accingite vos,
& plangite Sacerdotes, ululate ministri alta-
ris, ingredimini, cubate in sacco ministri
Dei mei. Nam domus luctus monasteria
sunt (asserit Sanctus Chrysostomus) ubi ci-
lis, ubi cicilium, ubi solitudo, ubi risus
nullus,

Joël 1.
v. 13.

nullus, nullus negotiorum secularium strepitus. Ibi videre licebit beatum Constantinum Claræ vallengem Monachum veræ pœnitentiæ exemplar, asperrimo cilicio assidue indutum, lacrymarum imbribus continuo perfusum, singulis noctibus bis usque ad sanguinis fluenta se flagellantem, integro anno Solo pane & aquâ victitantem, & nec unquam oculos levantem, uti refert Bucelinus in suo Menologio ad diem 21. Junii. Ibi se offeret pœnitentium omnium ad posteritatem seculorum omnem, illustrissimum speculum, Sanctus Dominicus Loricatus (nam hic uti Bucelinus in suo Menologio ad 14. Octobr. loquitur) diebus singulis duo Psalteria modulando, utraq̃ manu scopis armatâ, nudum corpus crudelissimâ flagellatione, & quidem ad incurvam senectam atterebat, quin & nonnunquam die cum nocte continuato: novem omnino tali modo psalteria absoluebat &c. Inedie adeo patiens erat, ut panem cum faniculo summas reputaret delicias. Ibi oculos conijcere licebit in Sanctum Rudolphum, tanquam in stupendum pœnitentiæ ac rigoris exemplum, de quo ex Sancto Petro Damiano hæc pauca duntaxat affero: *Edebat panem, non fratrum, non denique puerorum; sed eum, qui vel ex puro fieret hordeo, vel ex cantabro potius, quod projiciendum canibus de puerorum manibus*

Libr. 1.
Epist. 19,

nibus remansisset. Et licet præter celebriores dies hoc esset quotidie pane contentus, mensuram tamen attentius aequitatis lancibus appendebat. Unde mihi quandoque conquestus est, quia si sibi mensura concederetur, hunc eundem panem prurienti gula largiùs indulgeret, &c. aliquando verò etiam diebus Dominicis pulmentum nesciens, pomis tantum, & pane cum aqua vivebat. Ferreo circa pectus cingulo jugiter cingebatur; quem tamen circulum sub ilia dimersum, dum coram fratribus nudaretur diligentius occultabat. Nunquam scilicet capitulo confessor intererat, in quo non acciperet disciplinam; & tunc festivus exultabat, si non ab uno tantum, sed à duobus flagellari fratribus juberetur. Sæpe pœnitentiam centum suscipiebat annorum, quam scilicet per viginti dies allisione scoparum, ceterisque pœnitentie remediis persolvebat. Psalterium quotidie, cum duo non posset, unum saltem non negligebat implere, quod nimirum, cum esset in cellula constitutus, armatâ scopis utraque manu, totum cum disciplina continuare consueverat, &c. Hæc & millena alia similia nostrorum majorum exempla procul dubio nos accendere deberent, si non ad æqualem, saltem ad aliqualem pœnitentiam; potissimum verò nostra ferrea pectora penetrare deberent illæ lacrymæ Christi, quas appropinquans Jerosolymis

Lib. 2. de
pœnitent.

in vitis Pa-
trum lib. 3.
de com-
punct.

mis profuderat; nam percontanti, cur
ita Jerosolymis illacrymatus sit Domi-
nus, respondet Sanctus Ambrosius: *Do-
minus Hierusalem fleuit, quia ipsa flere
nolebat.* Hinc illæ lacrymæ Christi, quia
nos non ponimus planctum in planctum,
& nostra tam rarò deflemus peccata: hinc il-
læ lacrymæ Christi, quia frequentiores su-
mus in risibus, quàm in fletibus, frequen-
tiores in relaxatione, quàm in compunctio-
ne, promptiores ad recreationum solatia,
quàm ad opera pœnitentiæ: hinc illæ lacry-
mæ Christi, quia tam rarò afflictæ condo-
lemus Ecclesiæ, & tam parcè adimplemus
plangentis officium, hinc illæ lacrymæ Chri-
sti: hæ lacrymæ Christi cum lacrymis tot
Sanctorum aliquando in tremendo iudicio
perorabunt contra omnem Religiosum sic-
cum, & dignæ pœnitentiæ fructibus va-
cuum. Quare, ne & nobis forsitan quid
simile eveniat, *ploremus fratres* (utor ver-
bis beati Macharii) *& producant oculi no-
stri lacrymas, antequam illuc hinc eamus.* Tu
verò, ô mater dolorosa, juxta crucem lacry-
mosa interveni pro tuis indignis famulis, ut
intrent ad astra flebiles, & abstergat Deus
ibidem omnem lacrymam ab oculis
eorum.

ME-

MEDITATIO II.

De
Patientia.

Punctum I. De necessitate patientiæ præcipue in Religiosis. 2. De præstantia & utilitate patientiæ. 3. De generoso spiritu ad patiendum.

Praludium:

PRO imitationis exemplo tibi statue beatum Nesteronem, ita seipsum manifestantem: *Quando intravi in initio in congregationem, dixi animo meo: Tu & asinus unum estote. Sicut enim asinus vapulat, & in vitis Patrum lib. 5. non loquitur, injuriam patitur, & non respondet, sic & tu; quemadmodum in psalmo libell. 15. n. 30. legitur: ut jumentum factus sum apud te. Talis esto, & bonus Religiosus eris.*

Punctum I.

Considera, & expende verba Apostoli, contestantis: *Patientia enim vobis necessaria est, ut voluntatem Dei facientes reportetis promissionem. Patientia nobis necessaria est ad æternam salutem: Quoniam per multas tribulationes oportet nos intrare in regnum Dei, in illam civitatem, ubi* Hebr. 10. v. 36. Act. 14. v. 21.

Portæ nitent margaritis,
 Adytis patentibus;
 Illuc introducitur
 Omnis, qui ob Christi nomen
 Hic in mundo premitur.
 Tusionibus, pressuris
 Expoliti lapides,
 Suis coaptantur locis,
 Per manus artificis
 Disponuntur permansuri
 Sacris ædificiis.

3. Reg. 6.
 v. 7.

ad Titum 2.
 v. 12.
 2. Tim. 3.
 v. 12.

Ecce instar lapidis tusionibus ac pressuris expoliendus est, quisquis ad sacra cœlorum ædificia ceu lapis vivus aptari desiderat. Illud magnificum Salomonis templum de lapidibus dolatis atque perfectis ædificata est, & malleus, & securis & omne ferramentum non sunt audita in domo, cùm ædificaretur, in signum, quòd tales dolati perfectique lapides debeant esse electi, aliquando in cœlis collocandi, ita, ut inter tusiones & pressuras inter adversitatum malleos, ac inter afflictionum secures non murmur resonet, non querimonia, sed corde tacito mens benè conscia conservet patientiam. Patientia nobis Religiosis præcipuè est necessaria; quia procul dubio idcirco religiosum statum amplexati sumus, ut *justè, & piè vivamus in hoc sæculo*. Atqui omnes, qui piè volunt vivere in Christo Jesu, persecutionem patientur.

tur. Utique volumus esse ex illis, qui in nostra sacra Regula ad Dominum asseverant: Propter te mortificamur tota die: aestimati sumus, ut oves occisionis. Et securi de spe retributionis Divina subsequuntur gaudentes, & dicentes: sed in his omnibus superamus propter eum, qui dilexit nos. Quapropter nemo moveatur in tribulationibus istis: ipsi enim scitis, quod in hoc positi sumus, ut per patientiam, & consolationem scripturarum spem habeamus.

Cap. 7.

1. Thess. 3.

v. 3.

Rom. 15.

v. 4.

Punctum II.

Confidera, & velex hoc uno per patientiam adversa aestima; id enim, quod in praesenti est momentaneum, & leve tribulationis nostrae, supra modum in sublimitate aeternum gloria pondus operatur in nobis. O felix commutatio, pro momentanea & modica tribulatione recipere sempiternas delicias, quae exsuperant omnem sensum! Deus modicum passus ipse perficiet, confirmabit, solidabitque. Modica adversitatis spina fructificat plurimas rosas immarcescibiles, patientia decerpit, constantia inde nectit gloriae perennis corollas. Nihil Deo acceptius, nihil tibi salubrius in mundo isto, quam libenter pati pro Christo. Quid vero in ipsarum tribulationum laudibus dicendum est, quum ipse glorificent Creatorem, compellant ad Deum accedendum.

2. Cor. 4.

v. 17.

1. Petr. 5.

v. 10.

de imitat.

Christi lib.

2. c. 12.

S. Laurentius

Justianus in

ligno vitae

cap. 3.

accedere nolentem, erudiant ignorantem, custodiant virtutes, protegant infirmantem, excitent torpentem, humilient superbientem, purgent pœnitentem, cum Deo socient laborantem, debilitent impugnantem, coronent innocentem? Nam sancti viri quot tribulationes patiuntur, tot victoria palmas merentur in cœlis.

Ecce tot tamque præclaros fructus germinant tribulationes! hos procul dubio
 Job. 6. v. 10. *minimè ignoravit, qui dixit: Hæc mihi sit consolatio, ut affligens me dolore, non parcat.*
 de imitat. Et certè siquidem aliquid melius & utilius
 Christi I. c. *saluti hominum, quàm pati fuisset, Christus utique verbo & exemplo ostendisset. Qua-*
 Proverb. 3. *propter fili mi, ne abjicias, nec deficias,*
 v. 11. & 12. *cum ab eo corripieris; quem enim diligit Dominus corripit, & quasi Pater in filio complacet sibi.*

Punctum III.

Confidera, & expende illud notum dictichon:

*Dulcia non meruit, qui non gustavit
 amara.*

*Sustine amara modò, & veniet post
 nubila Phœbus.*

S. Joannes Chysoftom. *Nullus athleta generosus in stadio balnea qua-*
 homil. 67. *rit, aut mensam cibis & vino redundantem.*
 ad Popul. *Hoc non est athleta, sed delicati, athleta nam-*
 que

que pugnat pulvere, oleo, salis ardore, sudore longo, tribulatione, & angustia. Hoc est certaminis tempus & pugna, igitur & vulnorum, & cruoris & doloris. Sustinendum est aliquid in via, ut tantò dulciùs epulemur in Patria, animosè transvectandum est inter adversitatum fluctus per hujus mundi pelagus, ut in litore æternæ felicitatis tantò amœniori tranquillitate fruamur. Ambulandum est modò per desertum variarum afflictionum, in terra desiderabili omnia lacte & melle manabunt. Per viam crucis præcessit dux ac signifer noster Christus, impavidus sequatur miles. Pati sitiens suspirat Theresia: *Domine, aut pati aut mori*. Ex-Breviar. clamat sancta Magdalena de Pazzis, non Lyræus lib. 6. cap. 2. *mori, sed pati, nunquam patiendi satura*, tribulationes ac cruciatus esuriunt aliæ tenebræ virgines, & viri absque pudore adversa refugiant? aurum esse renuit, qui ignem tribulationis non diligit. Quare, quisquis rectè sapis, & sentis: *Omne, quod tibi ap-* Eccli. 2. v. *plicitum fuerit, accipe & in dolore sustine*, 4. & 5. *& in humilitate tua patientiam habe: quoniam in igne probatur aurum & argentum, homines verò receptibiles in camino humiliationis.*

BONA PROPOSITA

Ex

Præsenti Meditatione.

1. **Q**uotidiè plures affectus & desideria pro Christo multa patiendi eliciam.

2. Omnem circumspectionem ac cautelam adhibebo, ne impatientia, aut querela contra quascunque adversitates mihi unquam subrepat.

3. Sin verò vel minima impatientia aut querela mihi irrepserit, protinus meipsum reprehendam, meque ipsum confundam, dicendo, ecce tanta pro Christo pati desideras, imo pro Domino etiam mori deberes, & tam modica patienter sufferre non vales!

4. Illum diem quasi perditum existimabo, quo pro Domino nihil tribulationis aut afflictionis patienter sustinui.

5. Pro quâlibet afflictione Deo quantumcuius gratias agam, nunquam non memor, illius cœlestis Doctrinæ, quam ipse Christus Dominus beatæ Baptistæ Veranæ hisce dedit: *Gratias age ex corde Deo pro pœnis, quas tibi pro sua benignitate preparavit, & doleas amarè de iis, quas tibi non preparavit, ob tuam ingratitudinem, & exiguum Spiritum.*

Chron. S.

Francis. 1.

7. cap. 24.

6. Ad.

6. Ad exemplum sanctæ Theresiæ, illos, qui me aliquâ injuriâ, vel quâcunque afflictionē affecerunt, semper speciali amoris benevolentia complectar.

EXAMEN PARTICULARE.

De

Patientia & Mansuetudine.

1. **U**trum nunquam sis vel tædiosus in tuis religiosis exercitiis, vel in officiis tibi injunctis?

2. Utrum nullâ impatientiâ tangaris, quando tibi aliquid pro tua voluntate non succedit? vel quando contra tuam voluntatem aliquid accidit.

3. Utrum patienter sustineas occurrentes corporis dolores, frigus, calorem, & ejusmodi molestias?

4. Utrum ariditates mentis, desolationes animi, & similes internas afflictiones Spiritûs patienter & cum plenâ resignatione in Divinam voluntatem sufferas?

5. An in tentationibus, & in aliis difficultatibus occurrentibus patientiam amplecti, animique tranquillitatem conservare satagas?

6. Utrum, cum loquendum sit sive cum
con-

confratribus, sive cum superioribus, semper mansueto modo & lenibus verbis utaris?

7. An non fortè e contra asperioribus verbis, vel saltem ostensis impatientiæ, aut indignationis aut tædii signis quandoque respondeas?

8. An pœnitentias, correptiones, irrisiones, & quascunque sive apparentes, sive veras injurias sereno semper vultu, & tranquillo animo suscipias?

9. An verò e contra propter similia subinde longas internè tecum concoctiones instituas, aut omnino externè in querelas, murmurationes, aliave impatientiæ signa coram aliis erumpas?

10. Utrum injuriantibus vel offendentibus te beneficia rependere, ignoscere, parcere, affabiliter loqui, atque pro eisdem Deum exorare soleas?

11. Utrum denique in omni conversatione te mansuetum, tranquillum, affabilem, ac omnis bilis expertem exhibeas, omnesque exurgentes motus, & irreligiosos gestus strenuè cohibeas?

LECTIO SPIRITUALIS

Pro

Tempore Pomeridiano.

ARGUMENTUM

Ita corporali refectiōi & recreationibus indulgendum est, ut nullā ex parte succumbamus, sed utrobique ditemus victoriis.

ECce duplex victoriarum campus hodie immo quotidie nobis aperitur, apprehendamus arcum, scutum, gladium & bellum, ac mittamus falcem in messem. Contra corpus hostile in duo cornua divisum quotidie sunt conferendæ manus. Victoriæ palmæ decerpendæ sunt, tum ex corporali refectiōe, tum ex recreatione. In utrumque cornu ventilandum est cornu nostrum, cornu cautæ circumspēctionis, ac constantis mortificationis, cum neutra harum necessitatum pugnam omnino declinare possumus, hinc victoria aut evincenda aut perdenda est. Ex utraque parte non armorum feritate, sed blandā suavitate provocamur ad pugnam, hinc ita in arenam descendendum, ut ex divo Augustino asseverare liceat:

*Adversus istam suavitatem pugno, ne capiar, Lib. 10.
& quotidianum bellum gero in jejuniis, scilicet confess.*

P

pius c. 31.

Genes. 19.

pius in servitutem redigens corpus meum.
 Ne secus mihi contingat sicut quondam iusto Lot, ecce Lot in Sodomis à peccato mansit innocuus, & extra Sodomam in ipso monte, in spelunca à propriis duâbus filiâbus est pollutus. Gulam quippe, & recreationem studiosi tempore studiorum persæpe adeò amore deperire addiscunt, ut easdem quasi generare, & veluti charas filias enutrire videantur. Cum his deinde filiabus Sodomam seu sæculum relinquunt, ad montes, & speluncas, sive ad monasteria & ad solitudinis claustra cum eisdem se conferunt: ast ibi jam opus est labore & vigilantia magnâ, ne istæ duæ studiosorum filiæ propinent vinum, ne dolo & supplantatione utantur, ut queant frui cupitis, concipere, ac parere iniquitatem. In utroque certamine dupliciter succumbere possumus, nempe tam negatione, quàm concessione nimia. Utrobique tam cautè vibranda sunt tela, tum ne nimium indulgendo nutriamus hostem, tum ne nimium subtrahendo, occidamus civem; & ille in utroque præliorum genere solum non succumbit, qui medium attingit. Sed quis instituet manus nostras ad prælium? quis docebit nos discretionis æquilibrium? Nemo procul dubio melius, quàm qui id hausit cœlitus, qui grato animo ita ad Dominum orat: *Hoc me docuisti, ut quem-*

S. Augustinus loc. cit.

quemadmodum medicamenta, sic alimenta sumpturus accedam. Huic itaque Augustini textui & similitudini insistendo.

Primò id solum, & non plus nec aliud de cibo, de potu, deque recreatione admittendum est, quod & quantum ad conservandas necessarias vires, & ad proprias sui statûs vel officii functiones debite adimplendas prudens experientia necessarium judicaverit, quod superest, tanquam superfluum & vitiosum amputandum est; nemo enim prudentum sumit medicinam, nisi propter necessitatem, nisi propter sanitatem vel recuperandam, vel conservandam, nec facile reperies tantæ ineptiæ hominem, qui sumit toxicum ad solum satiandum appetitum, vel solius oblectationis, aut ostentationis gratiâ; ast quid est aliud cibum aut potum admittere ad solum satiandum appetitum, solius oblectationis & gustûs gratiâ, nisi suam conscientiam potare peccati veneno, animam lædere, Deum offendere, Diabolo jocum facere, gulæ herbam porrigere, victoriæ palmam negligere, succumbere, seque sensuali appetitui in servum tradere? Et quisquis aliter sentit, Ecclesiæ contradicit, consentitque sententiæ ac propositioni illi, ab Innocentio undecimo damnatæ: *Comedere, & bibere usque ad satietatem absque necessitate, ob solam voluptatem non est*

in manuali
Tract. 3. de
act. hum.
cap. 13.

peccatum, modo non obsit valetudini, quia licet potest appetitus naturalis suis actibus frui. Eodem modo sentiendum est de recreationibus; siquidem oblectatio animi in rebus indifferentibus secundum se est æquæ actus indifferens, quàm comedere, & bibere, hinc, nisi fiat ex honesto fine, nempe vel propter necessitatem, vel propter utilitatem, rectæ rationi difformis, à superfluo, & ex vitio est. Cum enim (teste Angelico Doctore apud Gonetum) rationis sit ordinare, actus à ratione deliberativa procedens, si non sit ad suum finem ordinatus, ex hoc ipso repugnat rationi, & habet rationem mali. Hoc ipsum confirmat Sanctus Augustinus lib. 4. contra Julianum cap. 3. ita scribens: Cum facit homo aliquid, in quo peccare non videtur, si non propter hoc facit, propter quod facere debet, peccare convincitur.

Item idem eodem loco paulò inferius: Quidquid boni fit ab homine, & non propter hoc fit, propter quod fieri debere vera sapientia precipit, licet officio videatur bonum, ipso non recto sine peccatum est. Unde & ipse Sanctus Augustinus de cantu Ecclesiæ ita scribit, cum mihi accidit, ut me amplius cantus, quàm res, qua canitur, moveat, pœnaliter me peccare confiteor, & tunc mallet non audire cantantem.

Lib. 10.
confess. c.
33.

Secundò in medicina sumenda perquam cautè

cautè attenditur dispositio, ac recipientis complexio; non enim omnibus eadem medicina congruit, neque eadem dosis vel pondus servit pro omnibus, sed alia pharmaca præscribuntur juvenibus, alia viris, alia senibus, alia dosis forti, alia complexionis infirmæ. Eodem modo discurrendum est de admissione cibi & potûs, de indulgentia recreationum; *quoniam* (inquit Sanctus Basilus) *innatum corporis vehiculum neque nimis laxando frana, neque rursus immodicè illa retinendo ad virtutis cursum producere oportet, idcirco & corporum status, & habitus, & ciborum qualitates solerter explorare conveniet, ut valido quidem ac vegeto corpori frana immittamus, & per inediam, frigidioresque cibos redundantiam caloris arceamus: porro senili & frigescenti cibi potusque adjumentum ad sustentandas vires ingeramus. Unusquisque proprium habet donum ex Deo* (inquit Sanctus Pater Benedictus) *S. Regul. c. alius sic, alius verò sic. Et ideo cum aliquâ* 40. *scrupulositate à nobis mensura victûs aliorum constituitur. O si tantus Pater, vir omnium justorum Spiritu plenus, & discretionis præcipuus cum scrupulositate aliorum victum constituit! quanta ergo cuilibet adhibenda erit cautela in propria causa, in qua rarò quis bonus est iudex? Præcipuè autem majori circumspectione indigent juniores,*

In instruct.
ascet. di-
vis. 7.

& in vita Spirituali novelli, tum, ne immaturo fervore leges discretionis transcendant, tum, & longè ampliùs, ne sibimet consultores pessimi, suis inimicis domesticis, propriæ nempe carni, & appetitibus vitiorum incentiva ministrent, in juvenibus enim appetitus edendi ac bibendi plerumque urget vehementior, natura plerumque ad excessus reperitur propensior, ignis ad concipiendas vitiorum flammæ proclivior, animus sub recreatione ad dissolutiones, & levitates pronior, Spiritus ad refrænandas habenas infirmior, opus habens ad evaginandum mortificationis gladium calcaribus, & continuâ memoriâ illius aureæ tesseræ, à nostro Ludovico Blosio datæ: *frustra itaque ad Spiritualem vitam assurgere nititur, qui gulam necdum refrenare conatur.*

Tertiò medicina, etiam tempore necessitatis plerumque non nisi averfante stomacho, & cum fastidio sumitur, sic identidem Religiosus Spirituali profectui intentus, etiam necessaria refectionum, ac recreationum solatia perægrè admittit, ad easdem velut ad torturam accedit, sub eisdem piâ afflictione laborat, & avidè exspectat finem; quod enim carni apparet jucundum, id Spiritus amarum judicat, erubescens, quòd instar brutorum ejusmodi naturæ necessi-

cessitatibus debeat servire, dolens, quod inimicæ sibi carni debeat favere, metuens, ne asinus benè pastus incipiat recalcitrare, memor periculorum, quæ in similibus occasionibus jam toties subiit, ad memoriam revocans lapsus & insidias, quas Diabolus inter convivia & recreationum solatia multimodè astruere consuevit. Mente volvens historias Sanctorum, qui tam austeram, tam diversam à nostrâ duxerunt vitam. Sic (teste Basilio Finckeneis) Ipse In 4. cap. Sanctus Pater noster Benedictus per integram septimanam, non nisi alterà vice cibum admisit, sive veriùs gustavit. ^{5. Regul. inst. 13.} Sic (testante Bucelino in suo Menologio) Sanctus Maurus Benedicti Discipulus, ^{15. Januar.} *continentia tanta fuit, ut per quadragesimam bis tantum in hebdomade, & quidem parcissimè cibum sumeret; somnum stando, vel cum nimia eum lassitudo compulisset, sedendo super aggestum calcis, & sabuli strato cilicio capiebat.* Sic Sanctus Zoerardus ordinis nostri assiduè carni bellum denunciavit, nec nisi post triduum exhausta jejuniis membra refecit. *Quadraginta solemniores Ecclesie jejunio dies, solis quadraginta nucibus exegit.* Sic Sanctus Fantinus ordinis nostri adeò cibi abstinentens fuit, ut aliquando dies viginti integros jejunus transigeret. ^{30. Julii.} Sic Sanctus Ebrulphus ordinis nostri sine cibo dies septem ^{29. Dec.} sustinuit.

7. Aprilis.

pra quadraginta vixit sola refectioe corporis & Sanguinis Dominici contentus. Sic Sanctus Albertus Monachus nostri ordinis stupendo sanè rigore annos quadraginta duos carnem excruciauit, quorum duos & viginti pane, viginti autem reliquos potu etiam omni abstinnit, à planta pedis ad verticem usque capitis asperrimo cilicio tectus, scamno pro lectulo, sacco cilicino pro cervicali usus. Sic

28. Julii.

Sampson Episcopus Dolensis ordinis nostri tantà fuit abstinentià, ut totam sæpe hebdomadem jejunus transigeret, septimà tandem die modicè ac frugaliter refectus, in omni vita, omni eo quod vixerat, tam carniū, quàm piscium refectioe abstinnendo. Sic Sanctus Bernardus Mellifluus jejunio ita deditus erat, ut quoties sumendus esset cibus, toties tormentum subire videretur, uti testatur ipsum breuiarium, die 20. Augusti.

23. April.

Sic Sancta Oportuna Abbatissa nostri ordinis rigore abstinentiæ penè incredibili delicatissimum corpus exhaustit, solis Dominicis diebus paucos & exiles pisciculos admisit; vino, uti & carnibus perpetuò abstinnit; feriam IV. & VI. sine omni cibo transigit. Rogata tantæ abstinentiæ causam? Scitè respondit: Adam de paradiso ejectus est, quia pomum vetitum manducavit, & nos illuc redire jejunando oportet. Sic de Sancto Placido nostro scribit Gordianus apud Carolum

lum Stengelium, quod omni tempore quadra- In Oeco-
gesimalem vitam ducens, vinum nunquam nom. lib. 8.
bibit. In quadragesima Dominico die, tertiâ cap. 8.
& quintâ feriâ, pane tantum & aquâ con-
tentus erat. Sic Sanctus Petrus Damiani,
qui sub annum circiter 1080. è præfenti ad
beatam Vitam translatus, sequentia scribit
de Monachis Chamaldulensibus sui tempo-
ris: *Jejunare illos dicimus, qui panem cum*
sale, & aqua percipiunt. Ubi præter hæc Opusc. 25.
aliud quid additur, in eremo jejunium non cap. 6.
vocatur. Duâbus autem illis quadragesimis,
quæ natale Domini, vel Sanctum Pascha
præcedunt, nonnulli fratres hîc sunt, qui to-
tam hebdomadam jejunando discurrunt: &
quotidie exceptis Dominicis diebus: in pane &
aquâ vivunt. Quidam etiam fratres in
utriusque quadragesima non solum quibus-
cunque festivitâibus, sed & Dominicis die-
bus coquinatibus abstinent, vescuntur autem
pomis, & herbarum radicibus, ac legumini-
bus infusis, vel etiam elixis. Hæc & si-
milis millena nostrorum majorum exem-
pla, ad memoriam revocata me plane, &
forſan etiam te erubescere ac ingemiscere
faciunt: Deus propitius esto mihi pecca-
tori! vidi Monachos, & non sum ego Mo-
nachus, consideravi abſtinentiæ deditos.
Domine audi vi auditionem tuam & timui. Habacuc 3.
Quoniam ego vorax & gulæ mancipium. v. 1.

Rom. 16.
v. 18.

16. Martii.

S. Regula
cap. 40.

Quid demum commemorabimus de abstinentia antiquorum Monachorum pœnitentium, pauca tantum hîc attexere liceat ex Joanne Climaco inter alia gradu quinto ita differentis. *Ubi apud illos contradictio? ubi festivitas? ubi confidentia? ubi corporis obsequium & cura? ubi vel vestigium inanis gloriæ? ubi deliciarum expectatio? ubi tenuis vini cogitatio? ubi pomorum degustatio? ubi ferventis ollæ solatium? ubi gula ulla illecebra? horum enim omnium apud illos spes nulla erat.* Ego autem, prò dolor, sum in numero illorum, de quibus Paulus ait: *Christo Domino nostro non serviunt, sed suo ventri.* Verum nolo te ejusmodi exemplis ulterius terrere; alius enim tale donum habet ex Deo, & alius aliud; non omnibus est datum, instar nostri Sancti Torelli per triginta annos solo pane & aquâ vivere, & per alios triginta annos herbarum & modici tantum vini usum admittere, quibus tale donum datum est, & quibus donat Deus tolerantiam abstinentiæ, propriam se habituros mercedem, sciant. Qui autem sunt infirmi & imbecilles planam ingrediantur viam, non manducare & bibere, sed appetitui servire vitiosum est, eidem verò frænum injicere semper virtutis, & se vincere victoriæ palmâ. Toties animam tuam coronas novo victoriæ ferto, quoties appetitum

titum triumphas, & quidem tam gloriosis victoriae coronis pro quâlibet vice, ut quævis earum in immensum omnibus thesauris ac honorum culminibus mundi præponderet. Quoties Philisthæum, appetitum nempe tuum, cultro mortificationis circumcidis, toties de novo ad altiore gratiæ gradum ascendis, quàm distat cælum à terra. Ut verò rem tanti momenti hoc loco studiosius tractemus, communem illum versiculum altâ mente repone:

Præproperè: Lautè: nimis: ardentè: studiosè.

Ecce quinque hastis nos hostis aggreditur, quinque modis appetitus exactor excedit, quinque rami ad decerpendas inde victoriae palmas nobis offeruntur, quinque labendi discrimina observanda, cauteque declinanda sunt.

I. Itaque, nempe præproperè appetitui succumbunt, qui extra tempus statutum aliquid de cibo aut potu admittunt; ne itaque quoad hoc succumbas, sed victoriam reportes, imitari contende antiquos Monachos, de quibus Joannes Cassianus ita scribit: *Summâ cautione servatur, ne quis extra*

mensam quicquam cibi penitus ori quisquam Libr. 4.
indulgere præsumat. Ultra duas vices in die Inst. cap. 18.
(inquit Sanctus Bonaventura) *puerorum* In speculo
seu pecudum more comedere, potum extraor- discip. par-
dinarie frequentare, religionis temperantiam, te 2. cap. 2.
G

& decorem evidenter offendit. *Quarogo religio? quæ paupertas, si mox ut esuris, mox ut sitis, voluto pareas? saties appetitum, nec eum usque ad statutam horam scias compescere? Unde valde laudandus est ordo Præmonstratensis distinct. 1. cap. 12. n. 40. ita statuens: Fentacula, merenda, & omnis extraordinaria comestio, atque bibitio quàm strictissimè interdicuntur; & tam visitatores quàm Prælati, ne hæc irrepan, diligenter advigilent.*

S. Bernardus Tract. de Pass. Dom. cap. 41.

In Reg. fuf. interrog. 19.

Libr. 1. hist. cap. 20. S. Hieronimus Epist. 22.

In secundo succumbunt, & lautè comedunt, qui delicatis utuntur cibariis sola delectatione attracti, ne quoad hoc punctum succumbas, sed gloriosus victor evadas, tibi cordi habeto illam Doctrinam Sancti Basilii: *Ea omnino nobis præferenda epulæ sunt, quæ minori possunt negotio comparari. Quod in quâque regione & haberi facile potest, & vile est, & quo passim populus utitur, eo nobis est utendum.* Quò etiam Sanctus Pater Benedictus respexit, dum in sua Regula cap. 39. pro quotidiana refectioe duopulmentaria præscripsit, & cap. 7. voluit ut *omni vilitate vel extremitate contentus sit Monachus.* Mensa communis apponitur (ait Evagrius de priscis Monachis) *Non opiparis instructa deliciis, sed oleribus & leguminibus. Vivitur pane, leguminibus, & oleribus, quæ sale solo condiuntur.* Sciebant nem-

nempe Sancti Patres qualitate ac lautitiâ ciborum & potuum potissimum peccari, potissimas victorias negligi. Imprimis quidem peccatur contra paupertatem; nam paupertatis professorem splendidæ epulæ non decent, sed cibus vilis, & mensa pauperum. Secundò contra humilitatem: humilis enim melioribus se indignum reputans, non nisi vilibus vescitur: Thrasones autem hujus mundi ad ostentationem lautè tractari, & quasi de principe tractare desiderant, ut deprædicentur. Tertiò contra religiosam modestiam; quippe ad religionis venerationem pertinet, in omnibus servare moderantiam, & non conformari huic sæculo in epulis ac moribus, sed frugali ac simplici mensâ saltem tacitè sæcularium improbare lautitiam. Quartò inde præbetur occasio scandalis & murmurationibus. Murmurat dives; quia invidet, & sibi præcipi putat splendidum epulum, quod religiosis apponi inaudit. Murmurat pauper propter superfluos sumptus, quibus potuisset succurri multis pauperibus, confirmatur & allicitur sæcularis ad sumptuosa convivia usque in prodigalitatem, dum videt, nec in cœnobiis adeò vigere frugalitatem. Quintò & vel maximè peccatur contra temperantiam; nam lautiores ac delicatiores dapes appetitui non solum favent, ipsius-

ipſiusque pruritum non ſolùm foyent, ſed etiam vehementer accendunt, & quaſi provocant ad excedendum quoque in quantitate, & ad ſubvertendum totius abſtinentiæ regnum. Unde

S. Bernard.
Tract. de
Paſſ. Domi-
ni cap. 41.

Tertiò ſuccumbitur quoad nimis, ſeu in quantitate, quos in quantitate exceſſus quilibet ſeriò præcavere peroptat; præter lautitiarum fugam præterea ſemper ita ſurgat de menſa, ut adhuc habeat appetitum, plura ſumendi; & eum, qui adhuc eſſet implendus cibariis, Domino Jeſu pro gratomunere conferat appetitum, qui pro noſtra ſalutē ſapiùs eſurire voluit, & ſitire.

S. Bernardus
Loco cit.

Quoad quartum excedendi modum, ardentè comedere, eſt cibos vel potus cum nimio deſiderio ſumere, quod tam in vilibus, quàm in delicatis poteſt cibariis evenire. Cujus rei exemplum habemus in Eſau, qui vilis cibi delectatione attractus vendidit primogenita ſua. Quapropter modus quoque honeſtus eſt in comedendo habendus, & non ardentè, aut cum nimia feſtinatione comedatur, vel aliàs indecenter.

S. Bonavent.
in ſpeculo pte. 1.
cap. 32.

Quinto denique certandum eſt contra ſtudioſitatem. In hac (inquit Sanctus Antoninus apud Gobat) præcipuè ſolent delinquere divites & Prælati Eccleſiæ, dicente Alano in planctu naturæ, hodie gula vitium ſe profundius porrigit in Dominos & Prælatos, qui

Tract. 5.
cap. 23.
n. 100.

qui Salmones, lucios, ceterasque pisces equi-
pollenti generositate insignes variis decoctio-
num cruciant martyriis, ut multiformem sa-
poris gratiam consequantur; alius ministro-
rum contundit, colat alius, & conficit, alius
substantiam vertit in accidens: naturam mu-
tat in artem, ut satietas transeat in esurien-
tem, vel potius esuries in saturatum. O mi-
rabilem & miserabilem vitam! olim Sancti
homines & pii fideles, cibos consperferunt
cineribus, potum commiscuerunt felle vel
alio succo amaro, aliosque pios astus &
stratagemata excogitarunt contra appetitus
pruriginem, ut ne vel furtivè se immisce-
ret necessitati, & ne vel ullam victoriæ sur-
riperet palmam; hodie verò summum im-
penditur studium, ut ipsi exquisitis etiam
modis serviatur, ut augeantur ejusdem vi-
ctoriæ, & multiplicetur ejus imperium.
Scitur illud Sancti Basilii: *gula vitium non* Serm. de
in escarum copia natura sua vim exerere no- abdicat.
vit, sed in voluptate, atque gustatu, licet
modicis admodum utare. Et nihilominus
totum quandoque edentium, totum coquo-
rum studium eò tendit, ut cibus sapiat pa-
lato, ac serviatur gustatui: nonnè hoc est, vir-
tutem abstinentiæ manifestè prodere? vitio
gulæ palam famulari? appetitui apertè mi-
nistrare arma, eumque pro Deo constitue-
re? vix enim etiam boni sacerdotes adeò
student,

student, & tot media modosque exquirunt, ad colendum Deum verum, quàm gustus sacrificuli coqui ad placandum illud magnum, & detestabile numen appetitum. Tu itaque noli litare huic idolo, sed solius necessitatis ac sanitatis rationem habe, solam Divinam voluntatem adimplendam attende. Doctrinam venerabilis Blossii sequere: *vittiosa ergo desideria sedulo amputa. Antibus vel potus, quo uteris, multum exquisitus sit, aut suavis ex se, tu parum curaveris: si sumi potest, & rationabilis est, quid amplius exigis? Monachus diceris, ad mensam accedere debuisti, ut de donis Dei corpus reficeres, non ut voluptatem carnis foveres, &c. Ama Jesum, & esca simpliciores tibi non minus, imo verò amplius suaves erunt, quàm epula regales. Jesus esuriens, nudo pane sape pro te refectus est, Jesus sitiens, aceto, & felle pro te potatus est.*

MEDITATIO III.

De

Usu temporis.

Punctum 1. De irreparabili damno temporis præteriti deflendo. 2. De pretiositate temporis præsentis attendenda. 3. De incertitudine temporis futuri consideranda.

Prælu-

Preludium:

Imaginare tibi tremendum iudicem in se-
de majestatis suæ sedentem, & coram ipso
reum quendam stantem, totum confusum,
accusatum de jactura temporis & propterea
ingemiscentem: *vocavit adversum me tem-* Thren. 1.
pus. Attende tibi, ne tu ipse sis futurus v. 15.
ille reus.

Punctum I.

Considera scripturam de quibusdam asse-
rentem: *defecerunt in vanitate dies eorum*, Psal. 77.
& anni eorum cum festinatione. Forsitan v. 33.
& te tangit hic textus? age sincerè, imita-
re Ezechiam regem, confitere Domino,
dicendo: *Recogitabo tibi omnes annos meos* Isaïæ 38.
in amaritudine animæ meæ. Quomodo v. 15.
transierunt dies tui? fortasse respondebis
cum Jobo: *Dies mei velocius transferunt*, Job. 7. v. 6.
quàm à texente tela succiditur. Sed quo
fructu transierunt? forsitan & te iterum
tangit, quod quosdam de quibus dictum:
sicut, *quæ pro nihilo habentur, eorum anni* Psal. 89.
erunt: forsitan suspiras? ô si mihi redderet v. 5.
Dominus annos, *quos comedit locusta, bru-* Joël. 2.
chus, & rubigo, & eruca. Utinam mihi v. 25.
redirent temporis momenta ac horæ, quas
mihi absumpsit corporis cura, ac necessi-
tas, quas opera inutilia ac vanitas, quas
torpor & otium, quas opera tenebrarum,
& occupationes in rebus pessimis.

Q

Planè

S. Lauren-
tius Justi-
nianus de
vita solita-
ria cap.

Seneca lib.
de brevit.
vitæ c. 9.

Lucæ 12.
v. 7.

2. Corinth.
6, v. 2.

Planè temporis pretiositatem ignorat, quisquis non ita suspirat? Nam *quid pretiosius tempore? quid (quæso!) illo fructuosius? quid carius? quid excellentius? quidve amabilius?* sed (prò dolor) panè ab omnibus nihil habetur vilius, nihil tractatur inutilius, nihil indignius possidetur. Nul- lum temporis momentum præterit, in quo me- rita non valeant cumulari æterna. Cætera, quæ habemus in mundo à nobis aliena sunt, tempus autem propriè nostrum est: Si tamen illo utimur ad salutem. Quod vel ille intellexit, qui ita ingemuit: *Damna fleo rerum, sed plus fleo damna dierum.* Rex poterit rebus succurrere, nemo diebus. Nemo annos, nemo tot dies optimos restituet. Nec quæ præteriit, rursus revocabitur unda, nec, quæ dilapsa est, hora redire potest. In die Judicii primùm comparebit, quàm pretiosum sit tempus: Sicut enim capillus non peribit de capite, sic nec momentum de tempore effugiet stateram judicii. *Capilli capitis vestri omnes numerati sunt.* Omnia- que temporis momenta, minùs sanctè expen- sa adversum nos in iudicium adducet Dia- bolus. O quantus horum erit numerus! heu! quid respondendum de singulis?

Punctum II.

Ecce nunc tempus acceptabile, ecce nunc dies

dies salutis. Ecce! solum nunc, solum tempus præsens acceptabile dicitur; quia solum nunc, solum tempus præsens bonè impendere possumus, nam tempus præteritum non amplius habemus, & futurum necdum possidemus. Ergo, dum tempus habemus, operemur bonum. *Fili conserva tempus,* dum illud habes, & conservare potes. Et attende ne absque lucro spirituali prætervolet; nam *vita nostra est quasi mercatus, cuius dies cum abierit, tempus non erit emendi, quæ velis.* Certè haud sine causa per viventem in sæcula sæculorum nobis jurat ille Angelus Apocalyptius, *quia tempus non erit amplius.* Tempus est, miserendi animæ nostræ, præcipuè in his sacris exercitiis, & imitandi illos, de quibus Sanctus Laurentius Justinianus asserit: *Temporis pretiositatem agnoscetes, nunc mente tantum, nunc mente simul occupantur & corpore, nullum temporis spatium, quamvis brevissimum, inutiliter transire patiuntur, scientes de illo coram universorum iudice districtam rationem esse reddendam.*

*apud inferos
non solum
nec opus est.*

Ad Galat. 5.
v. 10.
Eccli. 4. v.
23.

S. Gregor.
Nazianz.
in sent.

Apocal. 10.
v. 6.

De vita solitaria c. 10.

Punctum III.

Ecce! *omnia tempus habent*: etiam mors, Eccles. 3. etiam gratiæ subtractio, etiam infirmitas, v. 1. etiam ariditas. Hodie est tibi tempus vitæ, tempus luminis superni, ac gratiæ, cras

S. Bened. in
Prolog. Re-
gulæ.
Matth. 25.
v. 13.

Ludovicus
Blosius in
facello ani-
mæ §. 2.
in Prolog.
Regulæ:

fortè erit tempus desolationis, tempus ob-
scuritatis, tempus tentationis, imo forsi-
tan & mortis. *Quare currite, dum lumen
vitæ habetis, ne tenebra mortis vos compre-
hendant. Vigilate itaque, quia nescitis diem
neque horam. Ne glorieris in crastinum,
ignorans, quid superventura pariat dies.*
Ignorans, utrum cras eâdem occasione, eâ-
dem admonitione, eâdem inspiratione, eâ-
dem dispositione, eâdem aptitudine & gra-
tiâ sis fruiturus. *Omne tempus ad Dei lau-
dem atque honorem expende: propterea enim
indulgetur. Vel, uti loquitur sanctus Pa-
ter Benedictus propter emendationem malo-
rum, hujus vitæ dies ad inducias relaxan-
tur.*

BONA PROPOSITA

Ex

Præsenti Meditatione.

S. Gregor.
lib. 5. mo-
ral. c. 128.

1. **V**Olo tempus redimere, jacturam
præteriti temporis sæpius deflendo:
*Tempus quippe redimimus, quando ante-
actam vitam lasciviendo perdidimus, flen-
do reparamus.*

2. Volo tempus redimere, etiam horas
ad recreationem & refocillationem indultas,
quantum per discretionem licet, sanctè ac
magis

magis utiliter impendere, & de indulto somno mihi quandoque quid subtrahere. *Est enim tempus redimere, quod cum rei minus utili jam assignatum destinatumque esse videam, atque adeo aliquo modo debitum, tamen prevalente Dei glorie inestimabili pretio, illi ipsi potius tribuamus, quam istiusmodi occupationibus.*

Antonius
Gaudier
Sect. 15.
cap. 9. de
nat. & cau-
sis Perfect.

3. Temporis distributionem secundum ordinis ac superiorum ordinationem exacte observabo.

4. Etiam minimas temporis particulas, quæ inter exercitia quasi reliquæ intercapedinem faciunt, ad gloriam Dei & fructuose expendere satagam, nunquam non memor divini eloquii asserentis: *Non defrauderis a die bono, & particula doni boni non te praterat.*

CONSIDERATIO VESPERTINA.

De

Pusillanimitate cavendâ, &
firma fiducia in solo Deo ponenda.

ECce! sic loquitur tibi Spiritus Sanctus!
Noli esse pusillanimis in animo tuo. Noli esse pusillanimis propter peccata præterita,

Eccli. 7.v.9

Matth. 9.
v. 2.

Rom. 13.

v. 11.

Psal. 2.

v. 12.

Pf. 45. v. 1.

Pf. 17. v. 31.

Eccli. 2.

v. 11.

ta, neque propterea anxius, quia nescis, an omnia fueris confessus. Sed *confide fili, remittuntur tibi peccata tua*, non enim à te exigit Deus, ut scias, sed ut confidas in medico potente ac volente, te etiam munda-
re ab occultis, magisque ipsi placet fiducialis resolutio, quàm pusillanimis & scrupulosa confessio. Noli esse pusillanimis de tua salute aut prædestinatione; quoniam
propior est nostra salus, quàm cum credidimus. Beati omnes, qui confidunt in Domino. Noli pusillanimis esse in tentationibus. Quoniam Deus noster refugium & virtus, adiutor, & protector est omnium sperantium in se. Nullus speravit in Domino, & confusus est. In omni tentatione, desolatione ac pusillanimitate familiarem tibi facito Psalmum 26. Dominus illuminatio mea, & salus mea, quem timebo? Dominus protector vite mea, à quo trepidabo? &c.

DIE QUINTA OBSERVATIONES.

1. **D**ies quinta sacrorum exercitiorum, quæ supponitur feria sexta, specialiter dedicabitur amoris crucifixo.

2. Singula hujus diei exercitia specialiter offeruntur, tum pro impetrando sibi met-
ipsi dono perseverandi in statu gratiæ, ac
cre-

crescendi in omni virtute, tum pro conversione Paganorum.

3. Tessera specialis pro hâc die erit; ecce amor crucifixus præ amore tui amorem tuum sitit, ergo præbe illi sitienti vinum dilectionis, & ostende saltem hâc actione, quantum ames amorem sitientem in cruce.

4. Aspirationes frequentiores erunt.

Tu tu mi Jesu totum me
Amplexus es in cruce,
Tulisti clavos, lanceam,
Multamque ignominiam,
Innumeros dolores,
Sudores & angores,
Ac mortem & hæc propter me
Ac pro me peccatore,
Cur igitur non amen te?
O Jesu amantissime!

5. Manè ante meditationem pro lectione spiritali ex libello de imit. Christi, ex lib. 1. cap. 25. de ferventi emendatione totius vitæ nostræ. Ex lib. 2. c. 9. de carentia omnis solatii, & ex lib. 4. cap. 8. de oblatione Christi in cruce, & propria resignatione.

6. Meditatio prima de abstractione à sæculo. Secunda de religiosa modestia. Tertia de fructuosa applicatione talentorum.

7. Lectio matutina de scandalis præcavendis, & bonis exemplis dandis. Pome-

ridiana de humanis respectibus & malis principiiis præcavendis.

8. Examen particulare de paupertate.

9. Lectio vespertina ex sacra Regula. cap. 71. 72. & 67.

10. Consideratio vespertina de applicatione ad quotidiana religiosa exercitia.

MEDITATIO I.

De

Abstractione à sæculo.

Punctum 1. De fugiendis sæcularibus negotiis. 2. De fugienda familiaritate sæcularium. De cavendis moribus sæcularium.

Preludium:

S. Regul.
cap. 4.

Pone tibi ante mentis oculos magistrum tuum Benedictum dictantem tibi hodie hanc lectionem: *A sæculi actibus se facere alienum.*

Punctum I.

Coloss. 3.
v. 3.

Confidera, tam alienum te debere esse à negotiis sæcularibus, sicuti sunt mortui. *Mortui enim estis huic mundo, & vita vestra est abscondita cum Christo in Deo.* Mortui non tractant negotia secularia, neque

que se immiscerent curis sæcularium, rogatus aliquando Christus, ut hæreditatem inter duos fratres dividere dignaretur, minimè se immiscuit, sed respondit: *Homo, quis me constituit judicem aut divisorem super vos?* Lucæ 12. v. 14. Dignum planè exemplum, quod imitetur omnis Religiosus, dicens sibi in omni occasione ac in omni tentatione vel provocatione ad tractanda aut curanda sæcularia: quis me constituit provisorum pro bellantibus? quis advocatum pro litigantibus? quis procuratorem pro negotiantibus? nonne scriptum est? *Nemo militans Deo implicat se negotiis sæcularibus; quoniam nemo potest duobus Dominis servire. Nemo potest servire mundo & Deo, nam occupatio in negotiis sæcularibus devotionem impedit, internam recollectionem destruit, generat varias distractiones, & desideria multa inutilia, & nociva, quæ mergunt homines in interitum, & perditionem.* 2. Timoth. 2. v. 4. Matth. 6. v. 24. Nec facile quoad hoc credendum est omni spiritui, vel desiderio sub pallio pietatis aut dilectionis pulsanti; nam quid magis pium, quam propriis parentibus ultimam exhibere pietatem, eosque mortuos commendare sepulchro? & tamentale pietatis obsequium non nemo, suis parentibus præstare cupiens, à Domino audire debuit: *Sine ut mortui sepeliant mortuos suos: quia nempe ad renuntiantem* Lucæ 9. v. 60.

Q

sæcu-

Jerem. 2.
v. 18.

ad Galat. 6.
v. 14.

sæculo similia non pertinebant; sic nec ad me, nec ad te pertinet, curare, quæ sunt hujus sæculi, sed quæ sunt servitii sancti, quod professi sumus. *Et nunc quid tibi vis in via Ægypti, ut bibas aquam turbidam.* Quid tibi in statu religioso cum mundi strepitu, interturbante pacem animi? cur non potius cum Paulo concludis? *Mihi mundus crucifixus est, & ego mundo.* Mihi mundus mala crux est, bonum autem inhærere bonæ cruci, in qua pependit salus mundi, & amor meus crucifixus.

Punctum II.

Jacob. 4.
v. 4.

Pf. 17. v. 27.

Eccli. 13.

Considerato, & totus alienus esto, præterea à sæcularium familiaritate, & inutili conversatione, pro certo habens: *quia amicitia hujus mundi inimica est Dei, quicumque ergo voluerit amicus esse sæculi hujus, inimicus Dei constituitur.* Scriptum sci-
mus *cum perverso perverteris*, nec minùs dicere fas est: cum sæculari sæcularis efficiaris. Potissima ferme destructio in claustris est frequens cum sæcularibus conversatio, rumorum sæcularium auditio ac rerum externarum inquisitio. Nempe pix est sæcularium conversatio, religiosa corda etiam per jocum inquinans, ac verificans illud veritatis effatum: *Qui tetigerit picem, inquinabitur ab ea.* Carbones sunt sæculares disci-

cursus, ex quibus jam multi Religiosorum
 contraxere mentis nigredinem, ita, ut Pro-
 pheta de illis lamentari videatur: *Denigrata* Thren. 4.
est super carbones facies eorum, & non sunt v. 8.
cogniti in plateis à sæcularibus. Qui ve- Thren. 4.
scabantur in croceis, amplexati sunt stercora, v. 5.
 nempe sæcularium nugas, recreationes, ef-
 fusiones, & vitia. Obliti spiritualium de-
 liciarum, quibus gaudent verè devoti & ab-
 stracti à sæculo. Hoc probè agnovit san-
 ctus Patriarcha Benedictus, unde severè in-
 hibuit, *ne præsumat quisquam aliis referre*, S. Regul.
quæcunque foris monasterium viderit, aut c. 67.
audierit, quia plurima destructio est. Sanè
 vix unquam compita aut agros frequentas,
 quin redux, si non omnino lutum, saltem
 pulverem pedibus adhærentem tecum re-
 portes, minùs cum sæcularibus, præsertim
 familiarius unquam tractabis, quin affectus
 tuos saltem aliqua inordinatione commacu-
 les. *Quapropter noli amare familiaritatem* S. Anselm.
sæcularium; quia quanto magis illis eris fa- lib. 3. Epist.
miliaris, tanto minus eris Deo, & familia- 127.
ribus ejus Angelis familiaris.

Punctum III.

Considerato, & totus insuper alienus
 esto à moribus sæcularium, monente Scri-
 ptura: *Nolite conformari huic sæculo, sed* Rom. 12.
reformamini in novitate sensûs vestri. Ne v. 2.

putes

Apud Bafilium Finckeneis in cap. 4. S. Regulæ.

Psal. 103.
v. 2.

putes (inquit Gerardus Belga) sufficere reliquisse sæculum, sed non opera sæculi, cum etiam abominari oporteat omnem sæculi actum, morem, & ingenium. Hæc, hæc sanè una unica nota est veri Monachi de sæculo verè vocati, & verè conversi, in nulla omnino sentire cum filiis sæculi: nec dolere, nec gaudere cum illis. Quid enim est, votum de conversione morum adimplere; nisi exuto sæculari homine cum actibus suis, religiosos mores, ac sanctitate morum imitari illum, qui dicitur amictus lumine sicut vestimento. Ille creditur alienus & peregrinus in loco, qui mores loci nec callet quidem, & ille censetur alienus ab actibus sæculi, qui sæculi morum totus ignarus, sacrilegium reputat, personam Deo sacram, claustraque sacra profanis profanare moribus.

BONA PROPOSITA

Ex
præsenti Meditatione.

Act. 17.
v. 21.

I. **O**Mnem appetitum, audiendi vel videndi quidquam de sæculi vanitatibus, constanter refrænabo, ita, ut longè, & totus alienus sim ab illis, *qui ad nihil aliud vacabant, nisi aut dicere, aut audire aliquid novi.*

2. Cau-

2. Cautè declinabo omnes vanos discursus de rumoribus ac negotiis sæculi, veluti vetus fermentum, quod faciliè novitatem vitæ, & totam massam devotionis corrumpit.

3. Sæcularium consortia & colloquia, nisi aut obedientiæ præcepto, aut lege charitatis vel necessitatis compulsus, semper pro semper divitare conabor, nunquam non memor illius; *quoties inter homines fui, toties minor homo redii*, quoties inter sæculares, toties minus religiosus.

4. Si tamen quandoque conversandum cum sæcularibus, ea solum tractabo, quæ sunt necessitatis, & ædificationis, amotis omnibus facetiis, & verbis sæculum olentibus.

5. Si sæcularium discursus profani sunt audiendi, ero tanquam homo non audiens, sed unicè occasionem quærens, ipsorum dicta ad ædificationem & ad utilitatem animæ trahendi.

6. Neque communicabo cum sæcularibus per inutiles & merè politicas litteras. Paucis ita studebo, sæculares unicè ad meliora convertere, ne tamen ad deteriora pervertar ab illis.

LECTIO SPIRITUALIS

Pro

Tempore Matutino.

ARGUMENTUM.

Matth. 5.

VOs estis sal terra. Quod si sal evanuerit, in quo satiatur? ad nihilum valet ultra, nisi ut mittatur foras, & concalcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub modio, sed super candelabrum, ut luceat omnibus, qui domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est. Ecce! hæc est specialis lectio, quam Christus olim suis discipulis, & nobis procul dubio etiam atque etiam vel maximè commendavit; nemo enim verus Religiosus, nisi Christi discipulus, & in Schola ejus apprime versatus. Præsertim hæc lectio altius est imbibenda religiosis modernis nostris sæculis, quibus tuus, meus, noster status religiosus est planè civitas super montem posita,

ta, quæ abscondi non potest, ad quam sæculares undique confluunt, tum salem doctrinæ salutaris, tum lumen boni exempli inde hausturi: Nam per salem doctrinam, ac prædicationem verbi Divini intelligi, communis Doctorum tenet sententia, & palam est ex illis verbis Sancti Gregorii:

Sal etenim terra non sumus, si corda audientium non condimus. Quod perfectò condi-

Homil. 17.
in Evangel.

mentum ille veraciter proximo impendit, qui prædicationis verbum non subtrahit. Per lumen mundi verò bonum exemplum denotari, patescit cuilibet ipsum Evangelicum textum consideranti; quid enim aliud nisi bonum exemplum dicunt illa?

Sic luceat lux vestra coram hominibus, ut videant opera vestra bona, &c. De hoc

itaque, de bono dando exemplo, & de præcavendo omni scandalo in præsentī dissertatione cum Deo Clementissimo adhuc defactò veniæ largitore tractabis, metuens jure merito, ne secus ipse paulò postliminiò tanquam severus judex tum de omnibus datis scandalis, tum de omnibus bonis exemplis neglectis tam tecum, quàm mecum sit tractaturus. Et quis non justo timore percellatur, trutinans secum notas illas Domini minas? *Væ homini illi, per quem scandalum venit!* Si homini væ indicitur, quan-

Matth. 18.

v. 7.

tò

tò ampliùs, & iterum ampliùs vae timendum est danti scandalum omni Religioso, ad hoc posito, ad hoc vocato, ut per lucis exempla, bonique exempli fulgorem tollat omnia scandala de Regno Christi.

Homil. 10.
in Epist. 1.
ad Timoth.

Idcirco (inquit Sanctus Joannes Chrysostomus) ille nos elegit, ut simus quasi luminaria, & velut fermentum evadamus, ut velut Angeli cum hominibus versemur in terra, ut tanquam viri cum pueris, tanquam Spirituales cum animalibus agamus. Quis

Matth. 18.
v. 6.

non concutiaturo iusto metu, in pondere Sanctuarii expendens illud Divini Magistri: qui autem scandalizaverit unum de pusillis istis, qui in me credunt, expedit ei,

Malach. 2.
v. 8.

ut suspendatur mola asinaria in collo ejus, & demergatur in profundum maris. Ecce! si tantum malum est, scandalizare tantum unum de pusillis, quid fiet illis, quibus dicitur: vos autem recessistis de via, & scandalizastis plurimos. Quid respondebunt, visuri aliquando in tremendo iudicio, vera dixisse Sanctum Joannem Chrysostomum: nemo profecto gentilis esset, si ipsi, ut oportet, Christiani esse curaremus: si Dei monitis ac scitis obtemperaremus: si iniurias perpeSSI vicem non referremus: si maledictis laceSSiti benediceremus: si pro malis bona redderemus: nemo esset ita fera bellua, ut non statim

Homil. 10.
in Epist. ad
Timoth.

statim ad cultum verae religionis accederet, si videret hæc ab omnibus fieri. Atque ut discas, ita esse, unus profecto Paulus tam multos ad Dei attraxit notitiam. Si omnes essemus hujusmodi; quot terrarum orbes attrahere & ipsi possemus. Quid respondebunt, si viderint semetipsos accusatos, tam ab omnibus illis, quos per bonum exemplum Christo lucrifacere & ad majorem vitæ perfectionem provocare potuissent, quam ab illis, quos malo suo exemplo à cultu pietatis retraxerunt, vel omnino in foveam & perditionem protraxerunt. Plura quidem perpetrarunt peccata duo filii Heli Ophni & Phinees, alii propter nullum tamen tam acriter fuerunt reprehensi à Domino, quam propter datum scandalum, & quòd suo malo exemplo alios retraxerint à cultu Divino. Erat ergo (ait sacer textus) peccatum ^{1. Reg. 2.} puerorum grande nimis coram Domino, quia retrahebant homines à sacrificio Domini. Homicidium & adulterium fuit Davidi dimissum, alii datum scandalum minimè mansit inultum: quoniam blasphemare fecisti inimicos Domini (sonant ipsa verba Prophetæ ^{2. Reg. 12.} ^{14.} Nathan ad Davidem) propter verbum hoc, filius, qui natus est tibi, morte morietur. Quis non contremiscat, secum pensiculatè perpendens illam increpationem Christi in Petrum? vade post te Sathana, scandalum ^{Matth. 16.}

Colof. 3.
v. 2.

es mihi, quia non sapis ea, quæ Dei sunt, sed ea, quæ hominum. In quo textu tria ad-
amante notanda veniunt. Primò propter
datum scandalum vocat Petrum Sathanam.
Unde Sathanam agit quisquis alteri lapi-
dem scandaliponit. Secundò asserit: *scan-*
dalum es mihi, id est, occasionem præbes,
ut homines in me scandalizentur; nam er-
ror discipuli redundat in contemptum ma-
gistri, & plerumque ipse magister negligens
creditur, ubi discipulus delinquens depre-
henditur. Tertiò ait: *quia non sapis ea,*
quæ Dei sunt, sed ea, quæ hominum. In
quibus verbis ratio scandali declaratur.
Hoc ipsum planè verificatur in omni Re-
ligioso, qui minùs exemplariter vivit, nec
in se exprimit illam Divi Pauli Doctrinam
quæ sursum sunt, sapite, non quæ super ter-
ram. Talis enim minùs exemplariter am-
bulans scandalo est suo Monasterio, suo Sa-
cro ordini, ipsi Ecclesiæ, ipsique Christo
auctori fidei; quia propter unius quando-
que malum exemplum tum monasterium,
tum sacer ordo traducitur, æstimatio Ec-
clesiastici statûs imminuitur, ipsa Doctri-
na Christi vilipensioni exponitur. Pro-
pter unius quandoque malum exemplum
janua ad quælibet audenda recluditur, ordo
ac quies in domo Dei destruitur, discipli-
næ grande vulnus infligitur, decus Mona-
stici

stici rigoris subvertitur, & quod, eheu!
quandoque vix æstimatur peccatum, ratio-
ne scandali post se trahit irremediabilia
damna. Et hinc Joannes Gerson docere
non dubitavit: *silentium frangere erit in* Tract. 3.
casu scandali grande delictum, aut similiter libr. de
aliqua talium offensarum aliunde levium, dum vita Spirit.
novitii, vel tota Religio inde turbantur, ita lect. 6.
ut negligendo minima, ipse Religionis vigor
paulatim decidat, & in magnis etiam totus
abscedat. Verum est itaque quod apud Sal-
lustium dicit Julius Cesar: In maxima
fortuna minima est licentia. Sic in maxi-
mis viris vel ordine, vel sanctitate, vel gra-
du sublevatis, tanquam positis in exemplar
aliorum, multa quandoque non licent. Et
nisi ex levi in se quandoque scandalo gra-
via scaturirent mala, magna que dimanarent
peccatorum discrimina, meherculè Divus
Paulus Sancto Petro nunquam publicè ita
in faciem restitisset, nunquam Petrum pu-
blicè ita confudisset, ac reprehendisset. Cum Ad Galat.
autem venisset Cephas Antiochiam (inquit) 2. v. 6.
in faciem ei restiti, quia reprehensibilis erat.
Nam tota ac unica culpa Petri hæc erat, ne of-
fenderet Judæos, à mensis gentilium se subdu-
xit, usus est jure suo, potuit enim comedere,
vel non comedere, hinc in hoc facto juxta
comunem Theologorum ad summum solum
venialiter peccavit. Verum Paulus optimè

novit, ex hoc facto fideles ex gentibus conversos scandalizari, ac induci ad credendum, se obligari ad servandas Judæorum caeremonias, idcirco Paulus usus est Zelo, ut impediret scandalorum pericula, & ostenderet, quanto studio ac circumspectione sit laborandum, ne vel unus ex pusillis per nos scandalizetur. Quod verò ipse Paulus summo studio præcaverit omne scandalum, ac studuerit omnibus præbere bonum exemplum, testantur in pluribus locis propria ipsius Epistolæ: sic 1. Corinth. 8. v. 13. protestatur: *si esca scandalizat fratrem meum, non manducabo carnem in æternum, ne fratrem meum scandalizem.* Sic tametsi propter prædicationem Evangelii potuisset à fidelibus, pro sua sustentatione necessaria petere, & accipere; nam ita & Dominus ordinavit iis, (ait) *qui Evangelium annuntiant, de Evangelio vivere.* Nihilominus, ut daret bonum exemplum, noluit hoc jure ac licentiâ uti: *non usi sumus* (asserit) *hâc potestate, sed omnia sustinemus, ne quod offendiculum demus Evangelio Christi.* Non quasi non habuerimus potestatem, sed ut nosmetipsos formam daremus vobis ad imitandum nos. Sic & Religiosus per bonum exemplum debet se exhibere omnibus formam vivendi, ita ut cum eodem Apostolo Paulo securè asseverare audeat: *Imitatores*

1. Corinth.

9. v. 14.

1. Corinth.

9. 2. 12.

2. Theff. 3.

v. 9.

tores mei estote, sicut & ego, Christi, ut cognoscant omnes, qui nos viderint; quia isti sunt semen, cui benedixit Dominus, amulatores Magni Benedicti, qui gloriosus confessor Domini vitam Angelicam gerens in terris, speculum bonorum operum factus est mundo. Speculum debet Religiosus esse, non speculum inanes duntaxat species representans, sed speculum bonorum operum, speculum urens, ut suo ardore omnes accendat aspicientes ad virtutis studium, ad devotionis affectum, ad vitæ sanctioris amorem; ita, ut aspectus religiosorum sit aspectus quasi carbonum ignis ardentium, & quasi aspectus lampadarum. Nam (teste Eusebio Nierembergio) opera & exempla iustorum, & ardentibus carbonibus, & lucentibus lampadibus comparantur; quoniam tanquam carbones accendunt in amorem virtutis; & sicut lampades illuminant, ut alii virtutis imitatione resplendeant. Speculum urens ac accendens agat Religiosus canendo, psallendo, loquendo, &c. Ut ædificentur audientes, speculum urens & ad bonum accendens agat ambulando, operando, & cum hominibus tractando, aut conversando, ut ad meliora inflammentur intuentes. Tale speculum fuit Sanctus Lucianus Martyr, de quo Alphonsus Rodericius ex Metaphrasste & Surio refert, gentiles solo ejus

I. Corinth.

II. v. I.

Isaia 61.

v. 9.

Breviarium

in Festo S.

Bened.

Ezechiel. I.

v. 13.

Homil. 67.

S. Regul.

cap. 38.

Tract. 2.

aspectu cap. I.

Idem loco
cit.

aspectu conversos, & pertractos fuisse, ut Christiana Sacra susciperent. Tale speculum erant tempore Sancti Bernardi Monachi Claræ Vallenses, quibus visis ipse summus Pontifex Innocentius secundus cum suis Cardinalibus præ ædificationis copia in multas lacrymas erupit, nempe mirabantur omnes *piam & decoram sanctæ hujus congregationis gravitatem*, quod scilicet in festo & gaudio tam solemni ac insolito, (ut erat nimirum summum Pontificem & Cardinales in domo illa præsentem videre) cuncti oculos humi desixos tenerent, nec aliquam in partem verterent, & cum ab omnibus aspicerentur, ipsi neminem aspicerent. Tale speculum erat Sanctus Ephrem; siquidem (uti refert Sanctus Gregorius in ejus vita) *aspectus illius Angelicus idoneus erat*, qui sine ulla oratione solus ad commiserationem intuitus commoveret. Tanta in eo tum simplicitas, tum mansuetudo, tum probitas cernebatur. Nullus erat tam impudens, qui non intuens eum, rubore perfunderetur, sequæ ipso melior & modestior fieret. Tale speculum erat Alphonsus Rodriquez: nam

tan-
fu-
er-
M-
Ex-
pe-
ra-
ro-
ch-
co-
tu-
d-
t-
a-
r-
y-
c-
r-
f-
v-

Opuscul. 2.
cap. 2.
n. 318.

(uti Nicolaus Lancicius testatur) Solo aspectu ejus, qui eum intuebantur, componebantur, & movebantur ad devotionem, & desiderium ejus imitationis, eo quod fervor interior illius, per omnia ejus membra & sensus,

tan-

ut
 cu-
 na-
 m-
 um
 in
 an-
 on-
 fe-
 rat
 les
 los
 ur-
 n-
 u-
 ati
 e-
 ne
 m-
 m-
 r-
 ui
 r,
 le
 n
 e-
 r-
 f-
 r-
 s,
 -

tanquam vaporem quemdam effunderent, &
 fumum ex igne incluso. Tale speculum
 erant tempore Imperatoris Ottonis Magni
 Monachi ad Sanctum Gallum in Helvetia:
 Excitatus quippe horum optimâ famâ Im-
 perator, rei veritatem experimento explo-
 raturus, quâdam die, dum Monachi in Cho-
 ro collecti consistebant, cum Brunone Ar-
 chiepiscopo Colonienſi, & aliis è suis pro-
 ceribus non solum per medium eorum
 transiens, sed etiam baculum, quem gestabat
 dexterâ, ad excitandum strepitum consul-
 to in terram prolabi permittens, omnes
 ac singulos piè curioso involavit oculo, ast
 nec unum deprehendit, qui vel circumspe-
 xisset, vel caput movisset, quemadmodum
 enarrat Anselmus Bisling. Sic luceat lux
 nostra coram mundo, coram hominibus
 sæcularibus. Etenim (verba sunt Joannis
 Trithemii) omnium oculi sæcularium in
 Monachos suspiciunt, & Sanctitatem, quam
 illos audiunt professos, in operibus exquirunt,
 &c. Unde malum verbum, aut factum apud
 illos Monacho ad damnationem adscribitur,
 quod mundano homini ad veniam imputatur.
 Nec immerito, Monachus enim, qui sanctum
 & approbatum canonem professus est, omnem
 conatum suum tenetur ad perfectionem diri-
 gere, & conversationem hominum sæcularium
 verbo & opere in omni puritate mentis & cor-

In monte
 Thaboræ
 die 5.
 digress. 9.

Homil. 12.

- poris longè superare : ita ut nunquam non
 1. Theff. 5. adimplere satagat illud Divi Pauli: *ab omni*
 v. 22. *specie mala abstinete vos. Quia etiam* (in-
 Quot. 4. quit Sanctus Thomas) *quæ habent simili-*
 art. 24. *tudinem malitiæ, vitare debemus, quæ sci-*
 ad 13. *licet non possumus servare coram hominibus*
absque scandalo. Sed identidem & vel ma-
 ximè luceat lux nostra coram propriis con-
 fratribus, quemadmodum iterum hortatur
 1. Theff. 5. Apostolus: *edificate alterutrum.* Quippe
 v. 11. *prorsus damnabile & enorme est, in congre-*
 Divus gatione habere se negligenter, spirituali pro-
 Dionysius fectui non studere, non reprimere passiones,
 Carth. in non componere mores, nec vivere timoratè,
 Fest. S. exemplariter, fructuose! Quapropter qui-
 Michaelis. libet nostrum ex Regula Sancti Patris no-
 Serm. 6. stri Benedicti semper sit *memor Divini eloqui,*
 Cap. 31. *quid mereatur, qui scandalizaverit unum de*
 In Theo. *pusillis.* Ast quid meretur talis? Balthasa-
 politica re- rus Strommaier comparat scandalum illi ma-
 lig. gno lapidi molari, quem Angelus Apoca-
 Allocut. 21. lypsis 18. v. 21. misit in mare & certè con-
 venienter verbis Domini asserentis: *utilis*
 Lucæ 17. *est illi, si lapis molaris imponatur circa col-*
 v. 2. *lum ejus, & projiciatur in mare, quam ut*
scandalizet unum de pusillis. Porro quare
 circum collum scandalizanti est imponen-
 dus lapis molaris? nempe, ut veluti ziza-
 nium, quod suffocavit triticum perpetuò
 inter infernales cruciatus quasi molatur, ut
 ipsi

ipsi toties de novo novæ molendæ affundan-
tur pœnæ, ut ipse toties quasi molendus
de novo novis subjiciatur cruciatibus, quo-
ties peccatur â viventibus in mundo, vel
in cœnobio, occasione scandali, quod ipse
dederat vivens, sive innocentes seducendo,
sive suâ licentiosâ vitâ ad pares licentias, ac
transgressiones inducendo, sive ferventio-
res aut suâsu, aut malo exemplo â fervore
suo abducendo. Sed cur scandalizanti me-
lius foret mitti in mare? nimirum, ut in
profundo absconderetur a ventura ira judi-
cii: confundetur enim in extremo judicio
confusione horribili, non solum propter sua
propria, sed etiam propter aliena peccata,
& tametsi de peccatis propriis forsitan pœ-
nitentiam egeris; aut quomodo fiet satisfa-
ctio pro peccatis alienis, per scandalum vel
inductionem causatis? Unde Berengarius,
ille notus hæresiarcha, abjuratâ sua hæresi
pœnitens factus, haud immeritò paulò ante
suam mortem circumstantes hisce affatus
est: *Paulo post ad Dei debebo tribunal com-
parere, rationem vite meae redditurus, & quan-
tum mea peccata attinet, veniam spero, eò
quod pœnitentiam egerim ex animo; at quod
peccata occasione erroris mei commissa concer-
nit, timeo etiam atque etiam, ne æternum
peream, cum modum non sciam, quo pro iis
satisfaciam.* Hæc nota, simulque nota

Paulus Se-
gneri in
homine
Christiano
parte I.
dis. 21.

quæ ad marginem introductionis in opera Sancti Bernardi pag. 16. n. 65. præter ibi positam historiam hisce verbis notantur: *Nota technam Satana plerisque religionem in aliorum perniciem persuadentis.* O quàm cautè proinde sunt novitii ad professionem admittendi! ô quàm diligenter est attendenda, & quàm attentè expendenda doctrina Patris Servatii de Lairvelz in suo Catechismo novitiorum parte 1. lect. 5. docum. 1. quid si etiam tam diabolica, etsi non explicità, saltem implicita intentione statum religiosum vel fuisses amplexus, vel hætenus eadem intentione conversatus? detestare, nihil cunctatus omnem similem intentionem, ac tene firmiter, te esse in statum religiosum vocatum, non ad destruendum, sed ad ædificandum, non ad disciplinam minuendam, sed promovendam, non ad fervorem impediendum, sed ad accendendum, non ad deformationem, sed ad reformationem, & sic effugies tenebras exteriores, erisque filius lucis in luce perpetua.

MEDITATIO II.

De

Religiosa modestia.

Punctum 1. De virtute & veritate modestiæ. 2. Quid ad acquirendam modestiam potissimum conducat: 3. De actibus & exercitiis modestiæ. *Præ-*

Preludium.

Stte te in conspectu Altissimi, pro imitacionis exemplo in modestia tuum proprium Angelum custodem proponentis, ac dicentis: *Ecce ego mittam Angelum meum, qui pracedat te, & custodiat in via, & introducat in locum, quem paravi, observa eum, & audi vocem ejus.*

Punctum I.

Confidera, veræ modestiæ magnam inesse virtutem ac vim ad ædificandos proximos, nam si sculptum simulacrum, aut picta imago potens est ad excitandos in intuentium animis illos, quos exprimit affectus, quantò magis ad pietatis affectus intuentem accendet viva Dei imago, Religiosus ad religiosam gravitatem, & ad omnem Sanctitatem compositus. Si exempla lecta movent, quantò fortius trahent exempla viva, intuentium oculis injecta; si tamen ipsa modestia non est ficta, & solum ad simulationem assumpta, sed vera, internè radicata, & in charitate fundata, conformiter Divinæ scripturæ dicenti: *cum modestia & timore conscientiam habentes bonam,* I. Petri 3. v. 15.
ut in eo, quod detrahunt vobis, confundantur, qui calumniantur vestram bonam in Christo conversationem. Si tamen ipsa modestia non est de subtrus à Sathana transfigurante

Jacob. 3.
v. 17.

In cap. 9.
Matth.

2. Corinth.
10. v. 1.
Matth. 6.
v. 16.
Job. 8.
v. 13.
Job. 36.
v. 13.

gurante se in Angelum lucis sed à vero Angelo lucis, desursum; sicut ait scriptura: *qua, autem desursum est sapientia, primum quidem pudica est, deinde pacifica, modesta, suadibilis, bonis consentiens.* Si tamen modestia nostra est ad imitationem Christi, de cuius modestia ita loquitur Sanctus Hieronymus, *fulgor ipse, & majestas Divinitatis, quæ etiam in humana Christi facie relucebat, ex solo ad se videntes trahere poterat aspectu.* Quapropter ex Sancto Paulo obsecro vos per mansuetudinem & modestiam Christi: Examine vestram modestiam, & nolite fieri sicut hypocrita. Quoniam spes hypocrita peribit. Suaque simulatione simulatores & callidi provocant iram Dei.

Punctum II.

Cap. 7.

Confidera, ad radicandam religiosam gravitatem ac veram modestiam, duo potissimum requiri, ac præcipuè servire. Primum est, ut per vivam fidem semper versemur in præsentia Dei, ac in oculis nostri Angeli tutelaris, quemadmodum nobis in sacra Regula hisce expressis verbis præscribitur: *Æstimet se homo de cælis semper à Deo respici omni hora, & facta sua in omni loco ab aspectu Divinitatis videri, & ab Angelis omni hora nunciari.* Nam quis erit adeò impudens, ut Divinam majestatem, quam cre-

credit præsentem, non revereatur omni reverentiâ ac decentiâ morum? erit omnis honestatis oblitus tam insolens, ut non erubescat coram suo custode, spiritu mundissimo & attendissimo vel minimam etiam levitatem aut morum indecentiam admittere?

Tune audeas illo præsentem, quod, vidente me, S. Bernard.
non auderes? Secundum est, ut huic memoriae Dei ubique præsentis, & Angeli ubi-
 super Psal.
 qui habitat.

que nos attendentis conformes actus reverentiæ, modestiæ, omnisque observantiæ frequenter eliciamus; non enim nudâ speculatione, sed assiduâ exercitatione radicatur virtus, & acquiritur habitus. Certè si homo assiduè recogitaret, se in conspectu Dei, & Sanctorum Angelorum conversari, intra breve temporis spatium vita ac moribus vix non Angelus evaderet. Nam ecce! quàm strenuè laborant servi intuentem suo hero! quàm quieti ac modesti sedent pueri, attendente ludimagistro, vel ipsi canes ac felles non tangunt illicita, ubi se ab hero, vel ab hera videri attendunt. Tune his omnibus deterior? quare in omni actu vel cogitatu suo, sibi Deum adesse memoret Religiosus, & omne tempus, quo de ipso non cogitatur, perdidisse se computet.

S. Bernard.
 in speculo
 Monach.

Punctum III.

Ecce! Hæc est modestia & grata composio. S. Doroth.
 suo, Serm. 24.

Serm. de
Asceli.

de nova in-
struct. c. 12.

Divus Dio-
nyf. Carth.
in Festo Vi-
sit. B. Virg.
Serm. 3.
S. Laur. Ju-
stin. de vita
solitaria
c. 9.

sitio, non circumferre huc & illuc oculos, sed
que ante se sunt solum intueri, neque vana
& otiosa loqui, sed tantum necessaria. Ecce!
hæc est sententia Sancti Basilii: *Monachum*
oportet corpus quietum, habitum non sorden-
tem, sed honestum, vocem moderatam, ser-
monem compositum habere, in cibo potioneque
minimè turbulentum esse, sed sedatum potiùs
& gravem, coram maioribus natu silere,
non esse ad risum proclivem, oculos habere
ad terram dejectos, animum ad cælum ere-
ctum. Sic nos instruit Hugo de Sancto Vi-
ctore: *Diligenter observandum est, ut sin-*
gula membra suum teneant officium, nec
insurgent alienum. Deinde ut unumquodque
suum opus tam decenter ac modestè impleat,
ut per indisciplinam oculos inspicientium non
offendat. Nil igitur levitatis, insolentia
nihil, nec inquietudo motuum corporis in no-
bis appareat, sed omnis conversatio nostra
sit mundi speculum, perfectionis forma, nor-
ma virtutum, religionis decus. Hæc ob-
serva, & observa Angelum tuum custodem,
continuo tibi ingeminans: talesne actus ex-
ercet, talesne mores præfert meus Ange-
lus custos? siccine? hæcne mihi inspiravit
Angelus bonus? totus deinceps ero non so-
lum in Angelorum protectione, sed
etiam in ipsorum imita-
tione.

BONA

BONA PROPOSITA

Ex

Præsenti Meditatione.

1. **I**N actionibus ac moribus meis consideratè agam, non ignarus, quòd potissimifere defectus contra religiosam gravitatem ex inconsideratione & animo incurioso proficiscantur.

2. Quotidie per certos actus omnem simulationem ac hypocrisin tanquam duplicem iniquitatem & Diaboli larvam detestabor.

3. Totus ero in custodiendo duodecimo gradu humilitatis ex Regula Sancti Patris Benedicti.

4. Pariter tanquam modestiæ tesseram semper memori mente volvam illam modestiæ Regulam Sancti Augustini: *In incessu, statu, & in omnibus motibus vestris nihil fiat, quod cujusquam offendant aspectum, sed quod vestram deceat sanctitatem.*

5. Ad imitationem coronati Prophetæ semper providebo Dominum in conspectu meo: *Hoc enim continet cor apud se, ne commoveatur à se per vanam letitiam, vel irrationabilem tristitiam.*

S. Bonav.
de Profectu
Religiosor.
cap. 5.

EXA-

EXAMEN PARTI-
CULARE

De

Custodia paupertatis.

1. **U**trum omnino nihil clam ac insciis superioribus penes te retineas?
2. Utrum plenè sis liber ab omni affectu, quidquam tanquam proprium habendi, vel ab oculis superiorum abscondendi?
3. Utrum nihil aliis tribuas, vel à quocumque accipias, vel commodas aliis, vel ab aliis mutues absque superioris licentia?
4. Utrum nihil de esculentis, aut poculentis, aut de aliis rebus monasterii surripias, tibi que clandestinò applices?
5. Utrum careas superfluis, & utrum semper modestè repudies, si tibi superflua etiam ab ipsomet superiore offeruntur?
6. Utrum quandoque & saltem semel in mense tuam cellam curiosè excutias, perlustrans omnia, an nihil adsit vel lateat superflui, ac sanctæ paupertati contrarium?
7. Utrum in tua cella nihil moretur sep inveniatur curiosi, vel delicati, uti sunt dulciaria, fructus? &c.
8. Utrum aliàs tuam cellam non ornes ad
vani-

vanitatem, uti elegantioribus tapetibus, rarior ac pretiosis imaginibus? &c.

9. Utrum pariter nihil tecum retineas, aut circumferas, quod aliquam vanitatem vel curiositatem sapit?

10. Utrum erga nullam rem, tibi ad usum concessam inordinate afficiaris, anxius, ne forsitan tibi à superiore auferatur, aut non ulterius concedatur?

11. An non tangaris anxia ac nimia cura, de rebus necessariis semper habendis?

12. Utrum in rebus necessariis pro data occasione semper viliora eligas, & extremam vilitate sis contentus?

13. Utrum læto feras animo omnes defectus etiam in rebus necessariis fortassis, subinde occurrentes?

14. Utrum res ad usum tibi indultas non tractes luride, sed serves, ac custodias caute, veluti res Dei, de quibus tibi aliquando erit reddenda ratio?

LECTIO SPIRITUALIS

Pro

Tempore Pomeridiano.

ARGUMENTUM.

Sicut ex vana gloria bona non facienda,
sic neque ex verecundia, aut ex humano
respe-

respectu sunt omittenda, sed timendum est illud Christi præmonitum: *Qui me erubuerit, & meos sermones, hunc filius hominis erubescet, cum venerit in maiestate sua, & Patris, & Sanctorum Angelorum.* Luc. 9. v. 26.

Psal. 104.
v. 23.
Genes. 47.
v. 11.
v. 27.

Exod. 1.
v. 8.
v. 14.

v. 22.

Sede anima, inscribe citò tuæ memoriæ summatim pauca duntaxat ex historia de filiis Israel, & de Pharaone. Ecce! *Introivit Israel in Ægyptum*, positus est in optimo terra loco. *Habitavit ergo Israel in Ægypto, id est in terra Gessen, & possedit eam, auctusque est, & multiplicatus nimis.* Sed hem tibi invidiam Diaboli! *Surrexit interea rex novus super Ægyptum, qui ignorabat Joseph.* Hic oneribus omnique famulatu cæpit opprimere Hebræos. Et quod omnium crudelissimum videtur: *Præcepit ergo Pharaon omni populo suo, dicens, quidquid masculini sexûs natum fuerit, in flumen projicite: quid fœminini, servate.* O tyranidem! Jam quid si isthanc historiam statui religioso applicarem? Nam esse statum religiosum terram Gessen, terram optimam, terram verè benedictam, procul dubio mihi facilè assenties. In hanc terram tu, ego cum tot aliis intravimus, accensi fame justitiæ, ut nimirum in statu religioso possemus perfectiùs ac sanctiùs Deo servire, audivimus enim in statu religioso pro labore

re

re & applicatione venale proflare frumentum electorum ac aurum ignitum perfectæ charitatis, percepimus, in statu religioso adhuc vivere Joseph, sive, quod secundum interpretes idem sonat, Domini augmentum, & specialem gratiarum benedictionem. Tum famâ, tum lectione hausimus, in statu religioso viros sanctitate ac eruditione celebres auctos & multiplicatos esse in ingentem numerum: hoc forsan dicere non licebit, in statu religioso interim etiam surrexisse Pharaones. Absit à me, ne quid simile de ullo statu religioso cogitem, aut asseverem, interim tamen haud poterimus omni ex parte inficias ire, in sacris quoque ordinibus quandoque reperiri Pharaonis imitatores, homines nempe, qui subdolâ Dæmonis invidiâ decepti omnem religionis fervorem ac pietatis zelum opprimere, omne masculinum, id est, omnem masculam virtutem, etiam vix natam, omnemque disciplinæ rigorem, qua operibus, qua discursibus suffocare machinantur, commendantes solum fœmininum, id est solum mollia, laxa, & sensui arridentia, vel, ne omnino sæculares, aut sæcularibus deteriores videantur, pro forma aliquam tepidam conversationem. Væ talibus; nam quia Pharaon innocentes Hebræorum parvulos projecit in flumen, Deus justus Dominus *currus Pharaonis* & Exodi I.

Exodi 15.
v. 4.

Marc. 9.
v. 41.

Exod. 1.
v. 17.

Thefs. 5.
v. 21.

exercitum ejus projecit in mare! his verò Pharaonis imitatoribus, qui Spiritum extingunt, impendet illa terribilis sententia: *Bonum est ei magis si circumdaretur mola asinaria collo ejus, & in mare mitteretur.* Verùm istis jam præcedenti discursu fuit lamentatum, neque cum istis, sed cum ferventioribus te ambulare confido; unde in præsentī solum animandus es, ut Spiritum fervoris conserves, & adaugeas, imiterisque obstetrices Ægyptias, de quibus sacer textus ita loquitur: *Timuerunt autem obstetrices Deum, & non fecerunt juxta præceptum regis Ægypti, sed conservabant mares.* En! tria in obstetricibus sunt specialis considerationis. Primò Deum timuerunt. Secundò præceptum Pharaonis neglexerunt. Tertiò mares conservaverunt. Sic age, conserva masculas virtutes in timore Dei, conserva Spiritum, nunquam deseras primum fervorem, nunquam, nec latum quidem unquem recedas à prima institutione, nunquam à bonis propositis occasione horum exercitiorum conceptis, quidquid alii dixerint, sive tua bona, tuamque ferventem conversationem sugillaverint, sive irriserint, sive in malam partem traxerint, sive contempserint. Quis enim vel tutā conscientia præsumet, te in novitiatu fuisse male institutum? Sin autem bene? *Quod bo-*

num est, tenete, ad hoc enim datur tyronibus & adolescentibus rectè vivendi instructio, ut etiam, cùm senuerint, non recedant ab ea, ideò enim à turba in annuam solitudinem declinamus, ut ex illa toti mutati, toti novi, fervore accensi, ac spiritu pleni redeamus. Ecce! fœminæ generosæ contempserunt imperium regis, nec leguntur cogitasse aut asseruisse; quid dicet rex? fœminæ Ægyptiacæ pepercerunt parvulis alienis, & religiosus suffocet proprias proles, volo dicere, propria bona proposita, proprios actus virtuosos, proprium fervorem, proprium profectum, proprium spiritum propter aliorum dicta, ex humano respectu, ne videlicet ab aliis notetur, aut irrideatur? Bonus Religiosus studet in se exprimere signa saltem boni novitii, inter quæ vix non est præcipuum illud apud Nicolaum Lancicium ordine sextum: *Quærit occasiones*, Opuscul. 1. omnes mortificandi se, tum in aliis rebus, c. 25. tum in iis, quæ eum coram aliis confundunt, & erubescere faciunt, & pati jacturam bonæ opinionis apud alios, hoc est veluti essentia boni novitii, ut & mortificatio omnium humanorum respectuum, ob quos multi defectus committuntur à tepidis, & multa bona omittuntur. Bonus Religiosus sic ratiocinatur secum: *Amice ad quid venisti?* An, ut Deo placeas? an verò ut hominibus com-

Galat. I.
v. 10.

Pfal. 13.
v. 5.

2. Corinth.
3. v. 7.

S. Vincent.
Ferrerius
de vita spi-
rit. c. 16.

placeas? *An quæro hominibus placere? Si adhuc hominibus placerem, Christi servus non essem.* Planè si mansissem in sæculo, haud egissem aliorum mancipium, sed usus meo jure operam dedissem bonis operibus, quibus, quando ac ubi voluissem: & modò in Religione, in officina bonorum operum, veluti omnium mancipium, cujuslibet metuum oculum in bonis agendis, in exercendis virtutibus? Absit à me hæc injurià in Dominum Deum meum, nòlo esse è numero illorum, qui *Dominum non invocaverunt, illic trepidaverunt timore, ubi non erat timor*, qui bona omiserunt ex inani timore, ex humano respectu. Non est hic Spiritus à Spiritu Sancto, *ubi autem Spiritus Domini, ibi libertas.* Ad bonum Religiosum pertinet, *vitare viriliter omnem personam, & omnem creaturam aliam, quæ impelleret eum, ut sibi esset occasio, non solum ad peccatum, sed etiam ad aliquam imperfectionem vitæ spiritualis.* Bonus Religiosus agit fidelem obstetricem bonis operibus, & non attendit principia malè applicata docentium è cathedra pestilentiae. Ut verò eò patentius apprehendas, quàm exiguo atque adeò nullo fundamento imitatores Pharaonis nitantur, placeat potiora illorum principia mecum pressè examinare. Primum itaque ipsorum fundamentum sic sonat: bona sunt

sunt occultanda & in occulto facienda. Nam deprædari desiderat, qui thesaurum publicè ^{S. Gregor.} portat in via. Præclarum quidem dictum, ^{homil. II.} sed malè applicatum. Sine dubio sunt bona occultanda ex virtute, non autem ex vicio, minus omittenda. Ad devitandam laudem humanam, & cavendam vanam complacentiam in secreto ac separato angulo actus specialis devotionis ac humilitatis exercere, procul dubio virtuti ac humilitati adscribitur: ast ex vano timore, ex humano respectu, ex verecundia bona opera in publico omittere, exercitia boni Religiosi negligere, à fervore recedere, in dissolutiones & laxitates consentire, hoc vitiosum & periculosum est maximè. Quæso! si solum in occulto bonis operibus insudamus, ubi manet virtus boni exempli? ubi est victoria de humanis respectibus? ubi triumphus de naturali verecundia, de confusione propria? ubi humilitas, quæ nullam refugit confusionem? ubi charitas, quæ præoptat pro nomine Jesu & pro justitia contumeliam pati? Nonne ipse Sanctus Gregorius præcitato textui statim subjungit: *Hoc autem dico, non ut proximi opera nostra bona non videant, cum scriptum sit: videant opera vestra bona, & glorificent Patrem vestrum, qui in cælis est, sed, ut per hoc, quod agimus, laudes exterius non quæramus.* Sic

autem sit opus in publico, quatenus intentio maneat in occulto, ut & de bono opere proximis praebeamus exemplum, & tamen per intentionem, quâ soli Deo placere querimus, semper optemus secretum. Ubi manet iterum in Professo illud signum boni novitii:

Nicol. Lancicius opus.
I. c. 25.

Conatur inter duo bona illud eligere, quod est perfectius, hoc est, quod continet in se magis generosum & heroicum actum, & quod magis repugnat amori proprio, eumque magis mortificat, praesertim iis in rebus, quae hominem magis humiliant, magistorum aliis confundunt, & contemptibiliorem reddunt mundanis. O quot sunt actus humilitatis, qui in occulto per se omni difficultate carent, in publico autem non nisi cum rubore ac sui confusione exercentur, donec per frequentatos actus triumphetur difficultas. Audiamus super hâc re iudicium ipsius Incarnatae Sapientiae. Ecce! suaserat olim Dominus Sanctae Gertrudi nostrae orationem expansis brachiis, cui illa confidenti ac simplici corde respondit: Si quis hoc facere vellet, oporteret eum angulos querere, eoquod iste modus non habetur in usu. Ad quâ Dominus respondens, ratum quidem habuit illud studium quærendi angulos, sed adjecit nihilominus: Si quis hoc in usum duceret, quod palam expansis manibus orans nullius in hoc contradictionem expavesceret: ille tantum mihi honoris

Lib. 4. in-
sinuat. Di-
vinæ Pieta-
tis c. 16.

noris exhiberet, quantum ille regi deferi honoris, qui ipsum solemniter inthronizat. En tibi! tanti est apud regem gloriæ victoriam reportare de humano respectu.

Secundum ipsorum principium verissimiliter sic sonat, esse communitatem attendendam, omnemque singularitatem calce pejus & angue fugiendam, pro quo suo principio, forsitan non nemo allegabit sacram Regulam Sancti Patris nostri Benedicti cap. 7. ita statuentis: *Octavius humilitatis gradus est: si nihil agat Monachus, nisi quod communis monasterii Regula, vel majorum cohortantur exempla.* Verum necdum probatum est, quod ejusmodi inimici fervoris, a hostes rigoris sint communis Monasterii Regula, aut annumerandi majoribus. Est procul dubio *optima Religiosi perfectio, perfecte communia quæque conventualia servare*, & non parum hallucinatur, qui suas privatas devotiones præfert; porro his pro viribus observatis, quis ascetarum, quæ Regula inhibet, aut improbat opera supererogatoria, ad novitium fervorem conservandum conducentia, ipsique propriæ Ordinis Regulæ conformia? Communis nostra Regula est cum suo auctore omnium justorum spiritu plena, ut proin hanc quis perfecte adimpleat, debet omnium justorum sitire justitiam, suos confratres prævenire

S. Bonav. in
spec. discip.
part. 2. c. 2.

S. Regul.
c. 72.

S. Regul.
cap. 5.

S. Regul.
c. 73.

in Oecono-
mia Mo-
nastica.

Eccli. 44.
v. 3.
v. 6.

nire bono zelo, qui separat à vitiis, & ducit ad Deum, & ad vitam eternam. Hanc ergo zelum ferventissimo amore exerceant Monachi, debet imitari illos, qui angustam viam arripiunt. Unde Dominus ait: *Angusta via est, quæ ducit ad vitam.* Debet attendere ad Doctrinas sanctorum Patrum, quarum observatio perducit hominem ad celsitudinem perfectionis. Communis Monasterii Regula (uti benè observat Carolus Stengelius super hunc textum Regulæ) in his tribus consistit: Nempe in *communi dilectione fraterna*, quæ est omnibus impendenda. In *communi substantia*, quæ omnes debent esse contenti, nec ultra communem mensam, vel communem vestitum quidquam desiderare, & in *communi obedientia*, à qua nullus se debet excipere. At per istam communem Monasterii Regulam nullus inhibetur, quin possit plus laborare pro gloria Dei, quàm alter, parcius ac austerius vivere, quam alter: majores nostri, quoad imitationem præsertim, non sunt mensurandi à statura, vel Professione, minùs à garrulitate, qua monasticum rigorem & Religionis fervorem impugnant, sed veri majores nostri sunt homines magni virtute & prudentiâ sua præditi &c. homines divites in virtute, pulchritudinis studium habentes, pacificantes in Domibus suis. Quisquis ergo virtuti studet,

studet, cujus ordinis sit, advertat, & ejus ordinis Principes notet, eorumque exemplis atque trophæis se ad virtutem excitet. Tertium ipsorum principium est, omnem perfectionis zelum explodere, omnem sanctitatem jam quasi antiquatam habere, ac insipienti irrisione confundere, quidquid sapit imitationem Sanctorum. Verum bonus suæque salutis amans Religiosus similibus non movetur retrorsum, Jobi insistentis vestigiis, qui nequaquam à semita virtutis abscessit, tametsi à sua uxore fuerit irrisus. Bonus Religiosus inter irrisionum divexationes illum ante mentis oculos sibi statuere consuecit, qui, quid sibi à suis fratribus contigerit, ore prophetæ ita enarrat: *Ex-*

traneus factus sum fratribus meis, & peregrinus filiis matris meæ, quoniam zelus domus tuæ comedit me, & opprobria exprobrantium tibi ceciderunt super me. Et operui in jejuniis animam meam: & factum est in opprobrium mihi. Et posui vestimentum meum cilicium & factus sum illis in parabolam; adversum me loquebantur, qui sedebant in porta, & in me psallebant, qui bibebant vinum. Ego verò orationem meam ad te Domine tempus beneplaciti Deus. Tunc vel maxime virtuti est tempus beneplaciti apud Deum, quando displicet in oculis irrisorum. Necdum intelligit virtutis decorem, qui

Eusebius
 Nieremb.
 homil. 67.

Job. 2.

Psal. 68.

vir-

virtutis exercitia erubescit, facile timor humani respectus devincitur, ubi respectus habetur illi effato Domini minitantis: *qui me erubuerit, & meos sermones, hunc filius hominis erubescet, cum venerit in maiestate sua.* Seipsum Sanctum existimare, aut inter Sanctos pro praesenti reputari velle, hoc equidem nimium protervum foret, alii vias Sanctorum exquirere, ipsorum vestigia premere, ad arctiorem cum Deo unionem aspirare, ad verae sanctitatis lumen pro gloria Dei totis conatibus cor suum extendere, hoc non pudoris, sed honoris, non confusionis, sed obligationis, nostraeque Professionis est. *Altissima enim (inquit mellitus Abbas Claravallensis) est Professio vestra. Caelos transit, par Angelis est, Angelica similis puritati. Non enim solum vovistis omnem sanctitatem, sed omnis sanctitatis perfectionem, & omnis consummationis finem.* Quod tam imperfecti & a sanctitate tam remoti inveniamur, non dimanat ex parte Dei largitoris semper prompti ad dandum, sed ex defectu nostrae dispositionis, tam tardae, tamque inhabilis ad recipiendum. Tenendum quippe est cum Sancto Thoma, Angelico Magistro, *Deum creaturis communicare, quidquid communicabile, & ab eis receptibile est. Etiam singulis communicat, cum habilitatem invenit.*

Rario-

de vita solitaria ad
Fratres de monte c. 2.

Opusc. 62.

Rariores equidem nostrâ infaustâ ætate sunt Sancti, virique perfecti, at & vel ideo chariores, vel ideo Deo gratiores; quemadmodum refert beata Angela de Fulginio, ab ipso Spiritu Sancto in hunc modum sibi revelatum: *Si esset hodie aliqua persona, qua me plus diligeret, quàm S. Franciscus, adhuc sibi plus facerem.* Dicebat autem mihi (subintellige Spiritus Sanctus) quod pauci sunt hodie boni, & quòd erat pauca fides, & conquerebatur dicens: Tantus, inquebat est amor, quem habeo, anima, qua diligit me sine malitia, quòd modo, si esset aliqua, qua perfectè me diligeret, majorem gratiam facerem ei, quàm alias fecerim Sanctis, de quibus in tempore praterito multa referuntur, qua Deus fecit eis. Et non est aliquis, qui possit se excusare de isto amore, quia omnis persona potest amare Deum, & ipse non requirit aliud, nisi ut anima requirat & diligat eum. Ecce, tam amanti tamque liberali Domino quis non serviet totis viribus in omni possibili sanctitate vitæ? Egone deinceps magis attendam homines à fervore me retrahere cupientes, quàm ipsum Deum, tam amabiliter invitantem, tam amanter promittentem? Nullo modo (ait in moral. Sanctus Basilus) impediri debet, qui Dei voluntatem facere velit, sive ea, qua sit ex mandato Dei, sive ex ratione à mandato Dei

In vita edit
Boll. c. 3.

in moral.
Regul. 19.
c. 1.

Nicolaus
Lancicius
opuscul. I.
cap. 25.

In re levat.
extravag.
cap. 51.

S. Laurent.
Justinian.
de interiori
conflictu
c. 11.

non alienâ, neque faciens impedire se volenti cuiquam auscultare, licet ille arctissimâ ipsi necessitate conjunctus sit, sed in susceptâ deliberatione permanere. Bonus Religiosus non attendit ejusmodi inimicos spiritualis fervoris ac tineas sanctitatis, sed habet ardens desiderium magnæ sanctitatis, idque non ob propriam, etsi bonam, utilitatem, sed ut det gustum Deo & gloriam quàm maximam ex sua persona, & ex suo modo vivendi, & causet magnum gaudium Christo suo Redemptori, qui vehementer latatur, dum videt in aliquo copiosum suorum meritorum fructum, & nostræ Redemptionis amplam per magnarum incrementa virtutum dilatationem. Præsertim nostris infaustis temporibus, quibus Deus jure merito contra plurimos apud Sanctam Brigittam conqueritur: Ego Deus & creator omnium sum eis onerosus quasi lapis, sapio eis quasi venenum, ingluviei eorum sum quasi mica, ecce! quomodo abjectus sum! ecce! quid mihi pro Charitate rependitur? Relaxant oris sui custodiam, morum deserunt gravitatem, mentem incultam perniciosâ otiositate relinquunt, virtutum habitus & perfectionis culmen obtinere se posse diffidunt. Sat esse arbitrantur, si perseverent in claustro, si delicta priora non repetant, si aliena non rapiant, si in aperto opere mortaliter non delinquant. Quamobrem

obrem orationem negligunt, abhorrent pugnam, fugiunt sanctitatem. Quapropter sollicitè custodi fervorem spiritus, ne eundem devoret locusta & bruchus, inanis scilicet timor ac humanus respectus. Ne tui partus ac bona proposita suffocentur ab imitatoribus Pharaonis in flumine dissolutionis, confide fili! & crede Sancto Ignatio Matth. 9. Lojolæ ad suos ita scribenti: *Summa Divina* v. 2. *Majestatis nostræ bonitas summè communicabilis donorum suorum & bonorum, & ille* Nicolaus Lancicius opusc. 6. c. 6. *eternus amor promptior est ad dandam nobis perfectionem, quàm nos ad eam recipiendam. Nam si secus esset, non exhortaretur nos eternus ejus filius ad hoc, quod ex ejus tantum manu accipere possumus, dicens: Perfecti estote, sicut & Pater vester cœlestis est perfectus atque ita quantum ex parte ejus, certum est, eum preparatum & promptum, dummodo sua Majestas Divina nos videat uti benè donis ejus acceptis, & cooperari cum magna industria & diligentia ejus Divina gratia.*

MEDITATIO III.

De

Fructuosa applicatione talentorum scientiarum, & gratiarum.

Punctum 1. De talentis. 2. De scientiis & artibus. 3. De Divinis gratiis bene applicandis.

Praludium.

CONstituē te in conspectu Domini cum servis suis rationem ponentis. Visne judicari cum illo, qui quinque talenta lucratus est? an cum illo, qui duo? an cum illo, qui abscondit pecuniam Domini sui?

Matth. 25.
v. 18.

Punctum I.

Considera bonum ingenium, sagax iudicium, felicem memoriam, cæterasque similes animæ dispositiones naturales communiter appellari talenta naturalia, & forsitan vel ideò, ut ex ipsâ appellatione hæc dona dignè æstimare, ac fructuose impendere condisceremus: nam talentum (teste Budæo) est tanti pretii ac æstimationis, ut unum talentum Atticum suo valore adæquet

quet sexcentos aureos: secundum Hebræorum computationem verò (teste Cornelio à Lapide) omnino duodecim millia aureorum. Vah quanta summa! ô quantum argutus mercatur vel uno talento lucrari potest, si illo prudenter ac providè negotiatus fuerit! Econtra autem quanta contrahit servus debita, si vel unum talentum à Domino sibi commissum malè expenderit, aut ludendo perdiderit! certè in Evangelio ob-

Matth. 18.

v. 24.

latus est ei unus, qui debebat ei decem millia talenta. Ast nihilominus longè majus adhuc lucrum è tuis talentis tibi comportare poteris, si illis benè usus fueris, longè adhuc amplioribus te involves debitis, si eisdem abusus. Jam revoca ad calculos totam tuam spiritualem negotiationem, omnem fructuosum & infructuosum usum tuorum talentorum, expende tecum verba illius servi, ita ad Dominum suum loquentis: *Ti-*

Luc. 19.

v. 21.

mui enim te, quia homo austerus es; tollis, quod non posuisti, & metis, quod non seminasti. Quid est hoc aliud dicere, nisi quod etiam de lucro cessante reddenda sit ratio, etiam ille, qui pecuniam habuit repositam in sudario, vocabatur servus nequam. Quid ergo fiet illis, qui talenta sua impendunt in malum finem, ad superbiam, ad captandam vanam gloriam &c.? forsan fuisti quondam è numero illorum, de quibus

T

San-

in Floribus Ind. 19. Septemb. Sanctus Franciscus Xaverius sic scribit: *Torpent ingenia defidiosa juventutis, nec in ulius honestare laborare exercentur.* Sed quid si isthæc verba etiamnum in religione te tangunt? ah quomodo de omni talentorum neglectu & abusu reddes rationem ei, cui etiam numerati sunt capilli capitis nostri? S. August. lib. 1. conf. cap. 12. Scire cupis, quomodo Religioso talenta sua sint impendenda? venerabilem Bedam imitari, qui semper legit, semper scripsit, semper docuit, semper oravit. Similis esto illis pecuniarum cupidis lusoribus, qui etiam durante lusu suas monetas numerant, & renumerant, semper astutè attenti, ut in omni lusu lucrentur.

Punctum II.

Considera, talentis jure annumerari scientias ac artes, & similia naturalia ornamenta animæ: de his quippe rigidissima quoque reddenda est ratio. Propter hæc quoque metuendum est Divinum judicium; siquidem à nullis majus sumpsit Respublica detrimentum, quàm ab iis, quos sublimiori Dæmonio ingenio, & literatura instruxit, illud mentium cum gladio commune, quod auctior gravioribus aptetur vulneribus. Doctrina multis præluxit ad infernum, quos simplex ignorantia cælo intulisset. Quot non inferni profundum literatissimi occupant! sapientia sine spiri-

spiritu stultitia est apud Deum, pernicies
 apud homines. Et nisi litteris, literatisque
 Domini Spiritus præsit, literæ haud paulo
 plus detrimenti afferent, quam commodi. Sic
 nempe Religiosi nostri operam dabunt com- Statu con-
 parandis scientiis, ut præcipuum eorum stu- greg. c. 2.
 dium sit ad virtutem & perfectionem Statûs s. 3.
 Monastici contendere. Sic exercendæ sunt
 artes ac scientiæ, ut in omnibus glorificetur S. Regul. 57
 Deus. Nempe secundum dispositionem
 superiorum ad Divinum beneplacitum, non
 ad vanæ complacentiæ lucrum, non ad am-
 bitionis refrigerium, non ad hauriendos hu-
 manos favores, non ad propriæ commodi-
 tatis solatium, non ad quæstum æris. Na- de imit.
 li ergo extolli de ulla arte vel scientia sed Christi c. 2.
 potius time de data tibi notitia. lib. 1.

Punctum III.

Considera, omnium talenta pretiosissima
 esse dona gratiæ; hæc enim sunt panis, quo
 confortatur Spiritus, sunt margaritæ, qui-
 bus exornatur anima. Unde & Dominus
 ait: Non est enim bonum, sumere panem fi- Marc. 7.
 liorum, & mittere canibus. Neque mitta- v. 27.
 tis margaritas vestras ante porcos. Tripli- Matth. 6.
 ci ex causa bonum non est, panem mittere v. 6.
 ante canes. Primò quia canes carnem scientes,
 & carnum amantiore, frequentius
 panem fastidire consueverunt. Secundò,

T 2

quia

quia vorantes circumquaque micas dispergunt, nec facile amplius colligunt. Tertiò, quia proprium vomitum rursus devorant. Uti canis proinde reputabitur ac

judicabitur, quisquis Divinas inspirationes fastidit, quisquis panem gratiæ non manducat, quisquis gratiæ Divinæ vel micam relinquit, & non cooperatur eidem ex integro, quisquis rursus redit ad peccata, quæ sumpta medicina Divinæ gratiæ eiecit. Canes quandoque, & quidem justè castigantur fame, aut expelluntur foras: sic & fastidientes divinam gratiam jure merito subtractâ

Psal. 58.

v. 15.

Apocal. 22.

v. 15.

gratiâ famem patientur ut canes, & dicetur ipsis aliquando in die Judicii: *foris canes*. Ante porcos non sunt mittendæ margaritæ Divinæ gratiæ; quia eas conculcant pedibus, ac commiscent sordibus: uti porcus proinde judicabitur ac in judicio reputabitur, quisquis tempus Divinæ inspirationis contemnit, quisquis gratiâ Divinâ abutitur ad liberius peccandum. Quapropter imitare

Proverb. 31

v. 27.

1. Corinth.

15. v. 19.

illam mulierem fortem, quæ panem otiosa non comedit. Cooperare gratiæ Divinæ, ut

possis cum Paulo asseverare: *Gratia*

ejus in me vacua non

fuit.

BONA

BONA PROPOSITA

Ex

Præsenti Meditatione.

1. **S**æpius quotidie cum Sancto Augustino deslebo, quod toties à juventute mea in hunc usque diem fuerim abusus talentis meis.

2. Pariter frequenter confitebor adversus me injustitiam ac ingratitude meam Domino, quod tot Divinas inspirationes surdâ aure transiverim, & toties gratiam Dei neglectui duxerim.

3. Nunquam deinceps amplius margaritas Divinæ gratiæ instar porcorum conculcabo pedibus, nec abutar divinâ clementiâ ad peccandi licentiam, metuens justè, ne detur licentia dæmonibus, me invadendi, ac in præceps præcipitandi, quemadmodum quondam contigit gregi porcorum in regione Gerasenorum. Marci 5. v. 11. & 12.

4. Cum prudenti negotiatore omnia dabō pro qualibet margarita Divinæ gratiæ, semper gratus, ut merear gratias majores recipere. Matth. 13.

5. Talenta & omnia à Deo mihi indulta semper ponam ad mensam honestæ ac proficue occupationis, nunquam autem abscondam sub scamno otiositatis.

T 3

6. Pro-

6. Procul deinceps sint à me studia inutilia, ac omnis labor inutilis, quem nec obedientia nec charitas statuit; Statui enim mecum, imposterum cum Appelle pingere æternitati, ut mihi ac aliis semper prosim ad salutem.

CONSIDERATIO VESPERTINA.

De

Debita applicatione ad communia religiosa exercitia.

Joan. 20.
v. 24.

Considera lapsum Sancti Thomæ Apostoli, dubitantis in fide: nec tamen adeò mireris, minùs imiteris. *Thomas autem unus ex duodecim, qui dicitur didymus, non erat cum eis, quando venit Jesus.* Hæc procul dubio fuit potissima causa lapsus, quia non erat congregatus cum congregatis, quando venit Jesus; nimis quippè periculosum est, se absentare, seque subducere præsentì Jesu. Sed quando venit Jesus? nempe ubi sunt discipuli congregati in unum, ubi Religiosi sunt congregati ad chorum, ad meditationem, ad examina, & ad reliqua religiosa exercitia, tunc venit Jesus, pacem suam, gratiam, & benedictionem daturus; quemadmodum ipse contestatur dicens:

cens: *Ubi enim sunt duo vel tres congregati in nomine meo, ibi sum in medio eorum,* Matth. 18. v. 20.

Hinc gratiæ ac speciali benedictioni Dei se subtrahit, quisquis communibus Religionis exercitiis se subducit. Gloriantur nonnunquam veterani, quod nunquam nocturnis vigiliis in choro, nunquam communi meditationi & similibus exercitiis abfuerint, nec immerito, dummodo in Domino gloriantur, nihil sibi adscribendo, sed soli Deo honorem & gloriam dando; quoniam hæc est gloria religionis nostræ ac disciplinæ monasticæ, ut omnia observentur ad punctum, ut omnia custodiantur ad amissum, ut omnia fiant absque menda. Quapropter Prov. 31. mitte manus ad fortia, applica te totum ad communia religionis exercitia; nam virtus unita fortior, & exercitatio communis ad obtinendam cœlestem benedictionem efficacior. Exemplo tibi sit celebris Theologus Franciscus Suarezius, qui maluisset omnem scientiam Theologicam perdere, quàm unicam solitæ meditationis horulam intermittere. Hunc Theologum imitare, & eris bonus asceta. Tobias Lohner in sua Bibliotheca.

DIE SEXTA OBSERVATIONES.

1. Dies sexta Sacrorum exercitiorum, quæ supponitur sabbatum, dedicabitur

tur specialiter beatissimæ Virgini Mariæ, sine labe conceptæ.

2. Singula hujus diei exercitia specialiter offeruntur tum pro impetranda efficaci gratia ad sua religiosa vota perpetuò inviolabiliter custodienda, tum pro conversione hæreticorum.

3. Tesseræ specialis pro hac die erit: Deus planè vult, ut justam actionem secundum suum beneplacitum perfectè peragam: Ergo fiat voluntas tua, Domine, quemadmodum tua Mater dixit, dum te de Spiritu Sancto concepit: *Ecce Ancilla Domini, fiat mihi secundum verbum tuum.*

Lucæ I.
v. 38.

4. Aspirationes frequentiores erunt:

O Maria, Virgo pia!

Mater admirabilis:

Per te, Deus Judex meus

Mihi sit placabilis.

O benigna, verè digna

Multis amatoribus;

In agone fer coronæ

Præmium victoribus.

5. Manè ante meditationem pro lect. spirit. ex libell. de imit. Christi serviet ex libr. 3. cap. 10. quòd spreto mundo, dulce est servire Deo, cap. 12. ex eodem libr. de informatione patientiæ, & luctamine adversus concupiscentias, & cap. 13. de obedientia humilis subditi, ad exemplum Jesu Christi.

6. Me-

6. Meditatio prima de paupertate. Secunda de castitate. Tertia de obedientia.

7. Lectio matutina de habendâ sollicitudine pro conservando thesauro castitatis. Pomeridiana de religiosa simplicitate.

8. Examen particulare de indefinenti custodia castitatis.

9. Lectio vespertina ex Sacra Regula cap. 5. 33. & cap. 54.

10. Consideratio vespertina de cultu Beatissimæ Virginis Mariæ.

MEDITATIO I.

De

Paupertate.

Punctum 1. De cultu ac amore paupertatis propter periculum. 2. De cultu paupertatis ad sequelam & propter amorem Christi. 3. De cultu paupertatis propter remunerationis divitias.

Preludium:

A Vola mente in sublacum, contemplaturus in arctissimo specu extremam paupertatem Sancti Benedicti. Ecce! tantus Princeps, tot desertis opibus, amore Christi, in tanta quoad omnia degit paupertate! nota fili, sequere Patrem.

Punctum I.

Psal. 49.
v. 14.

Eccle. 5.
v. 3. & 4.

Parte 2.
cap. 1.

Isaia 61.
v. 8.

Considera obligationem tuam longè gravissimam. Paupertatem perpetuam vovisti: *Redde Altissimo vota tua; displicet enim ei infidelis & stulta promissio, sed quodcumque voveris, redde. Multoquæ melius est, non vovere, quàm post vota promissa non reddere.* Nimirum per vota declinantes autem in obligationes adducet Dominus cum operantibus iniquitatem, nisi adimplendo vota sua, obligationibus suis debitam satisfactionem præstiterint, in die iudicii cognosces, quanta sit paupertatis obligatio; tunc videbis, verissimam fuisse illam horribilem visionem Sanctæ Mariæ Magdalenæ, quæ à nostro Anselmo Fischer exactis Sanctorum hæc refertur: *cùm monstrasset ei Dominus (intellige Magdalenæ de Pazzis) magnum numerum animarum religiosarum, quæ instar fulgurum præcipitabantur ad infernum, intellexit, idcò nominatim damnatas, quia non observaverant votum paupertatis: & exclamans inter alia etiam hæc dixit: ô Paupertas! ô paupertas religiosa! quàm parùm cognosceris, & observaris! ô si illa cognosceretur, non invenirentur cella plena ornatu. Tanquam venenum horrore foret pecunia ad proprium arbitrium expendenda, & tot aliæ vanitates nimium dedecentes religiosam paupertatem, procul exularent à sacris claustris.*

In

In iudicio cognoscetur Dominus diligens iudicium, & odio habens rapinam in holocausto. Rapinam committit, quisquis invito superiore quid retinet, quid accipit, quid expendit, quid quâcunque occasione de quâcunque re disponit. Sive effectu, sive affectu tantum; nam nisi ex toto corde, & affectu pauper sis, ipsa non virtus, sed miseria judicanda est. Væ tunc illis, qui pauperes esse volunt eo tamen pacto, ut nihil eis desit, & sic diligunt paupertatem, ut nullam inopiam patiantur. Hæc quippe non est nostra paupertatis Professio, sed paupertas nostra, quam profitemur hæc est, libenter pro Christo multis defectum ac inopiam pati, in cibo, in potu, in vestitu, & in omnibus necessariis solum ea admittere, quæ pauperibus habentur in usu. Paupertas vera, & perfecta est (inquit Albertus Magnus) nihil præter solam necessitatem possidere, eademque necessitate se indignum putare, imo etiam ipsâ necessitate quandoque propter Deum, & propter paupertatis amorem, libenter carere.

S. Cæsarius
homil. 27.
S. Bernardus
Serm. 4.
de duplici
adventu.

Apud Fran-
ciscum
Wennium
Tract. 7.
cap. 3.

Punctum II.

En tibi ideam paupertatis ipsum Christum Dominum; quoniam propter vos (inquit Sanctus Paulus) egenus factus est, cum esset dives, & quidem adeo egenus, ut natus de Virgine non haberet aliud diversorium,

2. Corinth.
8. v. 9.

rium, nisi foetidum stabulum, hyemis tempore non alium lectulum, nisi præsepe frigidum,

Fæno jacere pertulit,

Præsepe non abhorruit,

Parvòque lacte pastus est,

Per quem nec ales esurit.

Hem tibi, tantus Rex & ipse thesaurorum Dominus. propter te pauperior factus est, non solum quovis mendicabulo, sed etiam ipsis avibus cœli & bestiis terræ. Nam

Lucæ 9.
v. 58.

vulpes foveas habent, & volucres cœli nidos, filius hominis autem non habet, ubi caput suum reclinet. Natus est in alieno stabulo, sepultus in alieno sepulchro, pauperrimus inter vivos & mortuos Rex vivorum ac mortuorum. Necessitate cibi caruit, cum nec sibi, nec discipulis suis spicas confricantibus, panem habere potuit. Vestium necessitate caruit, quando ante crucem penitus nudatus fuit. Sitiens in cruce, haustum aquæ habere non potuit, nec lapidem, nec asserem, in quo moriens, crucifixum caput reclinaret.

Albertus
Magnus in
Paradiso
animæ
cap. 5.

S. Bernard.
Serm. 4. in
adventu.

Heu quàm sæpe ibi est supersuitas, ubi creditur vera esse necessitas. Quapropter imitemur, quoad possumus, eum, qui sic dilexit paupertatem, ut quamvis in ejus manibus essent fines terræ, tamen non habuit, ubi caput reclinaret. Immerito enim Christi servus aut Religiosus audit, qui Christi sui

Magistri

Magistri exemplo extremam paupertatem non diligit.

Punctum III.

Confidera, & noli timere fili mi, paupe- Tobia 4.
 rem quidem vitam gerimus, sed multa bona v. 23.
 habebimus, si timuerimus Deum, & reces-
 serimus ab omni peccato, & fecerimus bene.
 Sed quænam sunt illa bona? nempe qui S. Hierony-
 carnalia pro salvatore dimiserit, Spiritualia mus libr. 3.
 recipiet, quæ comparatione & merito sui ita in Matth.
 erunt, quasi si parvo numero centenarius nu-
 merus comparatur. Centuplum accipiet & Matth. 9.
 vitam æternam possidebit. Beati pauperes v. 29.
 spiritu, quoniam ipsorum est regnum cælo- Matth. 5.
 rum. Quid itaque perfectâ paupertate v. 3.
 felicius? quid iucundius? quid salubrius? quid
 fructuosius? quid opulentiùs? quemadmo-
 dum enim quilibet actus humilitatis à cha-
 ritate imperatus novum ac altiore exalta-
 tionis gradum operatur in cælis, ita pari-
 ter quodlibet paupertatis exercitium no-
 vum meretur augmentum divitiarum Spi-
 ritualium ac gloriæ sempiternæ. Amabo! S. Prosper.
 quid potest eo esse felicius, cui efficitur suus libr. 2. de
 conditor census; & hereditas ejus dignatur esse vita con-
 ipsa divinitas? Paupertas est etiam quadam templ.
 manu ductrix in viam, quæ ducit ad cælum, cap. 17.
 unctio athletica, & exercitatio magna & mi- S. Laurent.
 rabilis. Est quoque portus tranquillitatis, Justinianus
 nutritrix in Ligno
 vitæ cap. 1.

nutrix confidentia, quietis fundamentum, orationis adiutorium, peregrinationis exhortatio, & perfectionis porta, sine qua nemo coram Deo in Spiritu diu perdurare potest.

De imit.
Christi libr.
3. cap. 32.

Idcirco tene breve & consummatum verbum: dimitte omnia, & inuenies omnia: relinque cupidinem, & reperies quietem.

BONA PROPOSITA

Ex

Præsenti Meditatione.

1. **A**D radicandum in me perfectæ paupertatis amorem frequentius ad memoriam, ac ad meditationem vocabo sequentia axiomata nostri Gerardi Belgæ.

1. *Tantum habeat Monachus, quantum amoris Deo datum in cruce.* 2. *Satis suppellectilis habet cella, si Monachum habeat, & crucifixum.* 3. *Tantum pateat cella Monachi, quantum brachia crucifixi.* 4. *Frustra mundum deseruit, qui quidquam ejus sibi retinuit.*

2. Meipsum sæpius confundam, & erubescam, quòd tam procul distem ab istis regulis paupertatis, & à paupertate amoris crucifixi in cruce.

3. Omnem navabo operam, ne Sanctam paupertatem vel in minimo transgrediar, sive accipiendo, sive dando, sive quidquam

quam usurpando contra superiorum voluntatem, aut ordinis statuta.

4. Si erga aliquam quamcunque rem mihi concessam inordinato me sentiam ferri aut vexari affectu, protinus è cella ejiciam, ac ad superiorem deferam.

5. Non attendam aliorum liberio-rem licentiam, sed æmulabor semper perfectiora paupertatis charismata; siquidem nemo in ulla virtute proficit, qui languentium ac deficientium vestigia premit.

6. Studebo autem toto conatu adimplere illud beatissimæ Virginis Mariæ monitum cuidam olim Carthusiano hisce verbis datum: *Tibi aliquid singulare in mandatis tradam: stude vilibus escis, amplectere abjectas vestes, operi manuum devotus insiste.* Nicolaus Lancicius opusc. 2. cap. 6.

LECTIO SPIRITUALIS

Tempore matutino.

ARGUMENTUM.

Castitatem amare.

NOlo hic in castitatis præconia excurrere; omne enim in laudem castitatis ipse Spiritus Sanctus dixit, dum asseruit: *omnis autem ponderatio non est digna continentis animæ.* Nam quis autem humano eam possit ingenio comprehendere, quam nec natura suis inclusit legibus? aut quis naturali Sacra Regula. cap. 4. inst. 65. Eccl. 26. v. 20. S. Ambrosius libr. 1. de Virg.

S. Laurent.
Justinianus
in Lig. vitæ
cap. 2.

rali voce complecti, quod supra usum natura sit? Supercreditur namque continentia humana natura conditionem, per quam homines utcumque angelis assimilantur. Major tamen in aliquo est victoria continentium quàm Angelorum. Angeli enim sine carne vivunt: continentes autem in carne triumphant. Differuntque in hoc homo pudicus & Angelus; quia Angeli virginitas felicior: hominis verò continentia fortior esse cognoscitur. Est continens Jesu Christi domus amabilis & pulcherrima. Pulchritudinem enim quis majorem potest æstimare decore pudici, qui amatur à rege, probatur à judice, dedicatur Domino, consecratur Deo, &c. Est denique continentia ornamentum nobilium, exaltatio humilium, nobilitas ignobilium, pulchritudo vilium, solamen merentium, augmentum omnis pulchritudinis, decus omnis religionis, minoratio criminum, multiplicatio meritorum, Creatoris omnium Dei amica, soror Angelorum, victoria libidinum, Schola virtutum, & possessio omnium bonorum, quam qui possidebit, habebit pacem in conscientia, lumen in mente, hilaritatem in facie, gaudium in anima, securitatem in morte, & partem in æternitate. Hoc solo itaque in isto discursu tuam conscientiam convenio, utrum hujusque castitatis cimelium verè amaveris? utrum castimoniam Angelicam tanquam

mar-

margaritam inæstimabilem imposterum ex sincero corde amare intendas? & quidem amore efficacissimo, intensissimo, ac constantissimo? utrum secundum documentum Chæremonis Abbatis tanto erga acquisitionem castimoniam desiderio atque amore inflammaberis, *quanto quis pecuniarum cupidissimus appetitor, vel qui summam honorum ambitione distenditur.* Signa hujus amoris erga Angelicam castimoniam tantum duo hic ponuntur, ita tamen, ut alia plura, ac potissima, eaque fortissima media ad conservandam castitatis margaritam in eisdem includantur. Primum itaque signum est practicum ac incessabile odium vitii oppositi, libidinis videlicet, & omnis impuritatis; sicut enim nemo potest duobus, præsertim sibi invicem adversantibus, Dominis servire, sic etiam nemo potest duobus contrariis amore adhærere, sed necessario, si unum diligit, alterum oppositum odio habebit, nec potest quis dicere, se diligere castitatem, nisi odio habeat libidinem, ac horreat omnem impuritatem. Nisi horreat quatuor in cogitatione, quatuor in verbo, & quatuor in opere. In cogitatione quidem animus castus summoperè semperque horret turpia desideria, morosam delectationem, inhonestam imaginationem, & omnem negligentiam in similibus repellendis,

Apud Laff.
Collat. 12.
cap. 4.

lendis. In verbis horrescit verba impudica, verba scurrilia, verba sensualia, & omnem occasionem similia audiendi. In opere perhorrescit omnem turpem actum, omnem inhonestum tactum, omnem sensualem aspectum, omne ad similia alliciens periculum. Omnis quidem Religiosus, suæ Professionis memor, est totus in eo, ut altas radices agat in horrore omnis peccati, præcipue nihilominus singularem dat operam, ut singulari continuo ardeat horrore adversus singularem feram pessimam, adversus horribile luxuriæ monstrum, quod tot jam prostravit Sampsones, infatuavit Salomones, seduxit Davides, occidit Amnones. Quod potissimos facit apostatas, maxima perpetrat flagitia, plurima committit sacrilegia, potissimas animas mittit in tartara, sæpeque innumerabiles meritorum margaritas uno aufert momento, quas etiam ferventissimus vix pluribus colligit annis. Quod potissimas Ecclesiæ infert strages, provocat lites, excitat bella, seminat scandala, insidiatrix Innocentiæ, dissipatrix famæ, naufragium marsupii, pestis juventutis, infectrix omnis ætatis, destructio sanitatis, pernicies religionis, exitium virtutum, lerna vitiorum, perditio animarum: blandiens, ut alliciat, alliciens, ut occidat. Est quippe hæc lues similis illi monstrosæ forminæ,

minæ, quæ Joanne Herolt exemplo 68. referente, quondam sub noctis crepusculum viro cuidam nobili in Austria, dum animi causâ suum obambulare hortum, sese spectabilem stitit, à fronte quidem formosissimam exhibens Helenam, toto composita vultu ad propinandas delicias, à tergo verò post se trahens fœdam, ac plenam putredine, sordibus, vermibusque caudam. Sic & omnis carnis voluptas à fronte quidem, non nisi illecebras ac dulce venenum promittit, at à tergo post se trahit caudam malorum maximam: nempe trahit post se summam injuriam supremæ majestatis, offensam Divinæ bonitatis, contemptum totius Sanctitatis, supremam contumeliam in Patrem omnium Creatorem, novam crudelissimæ mortis sententiam in filium dulcissimum Redemptorem, probro-
sissimum derisum in Spiritum Sanctum Sanctificatorem, subsannationem & illusionem in totam Sanctissimam Trinitatem, extremam ingrati-
tudinem in Deum benefactorem, rebellionem contra Regem gloriæ, odium pro dilectione in sponsum cœlestem, aversionem Divini vultûs, & quasi dolorem intrinsecus in corde Dei. Justissimum fletum in Angelis pacis, æquissimam displicentiam in Regina Angelorum, indicibilem tristitiam in omnibus Sanctis ignominio-

In cap. 2.
Apocal.

sisſimam ſanguinis Chriſti peſſumdationem, dedecus fidei, religionis vilipenſionem, templi Spiritui Sancto ſacraſati profanationem, ſuæ Profeſſionis violationem, voti tranſgreſſionem, Divini jugi abjectionem, æternæ hæreditatis privationem, gratiæ ſanctificantis amiſſionem, omnium meritorum jaſturam, lethale vulnus conſcientiæ, mortem animæ, ſervitutem peccati, mancipatum Diaboli, obligationem ad cruciatus infernales, & ſiquid aliud infelicitatis, omnia hæc ſibi connexa habet quælibet, etſi momentanea, venerea delectatio. *Draconis cauda ſignatur luxuria (inquit Joannes Sylveyra) quæ inter omnia vitia eſt quid viliffimum & abjectiſſimum, ac maxime fœdum & immundum. Sic & cauda præ cæteris corporis partibus hoc habet, ut ſit maxime vilis, abjecta, fœtida, & immunda, & idè tot ſydera projicit, quia libido innumeros proſternit, ac in infernum præcipitat. Non ergo à vultu, ſed à cauda reſpicienda eſt carnalis delectatio, & quidem illicò in principio mens totis conatibus avertenda eſt à delectationis ac omnis turpis curioſitatis objecto: nam in iſta materia curioſum eſſe, eſt omnium turpium tentationem colluviei latam portam repandere, animamque ſuam Diabolo ultronea invitatione præda exponere: in materia carnalium delecta-*

lectationum ac curiositatum moram trahere, est infernali basilisco occasionem ac ansam ministrare, ut immisso veneno possit occidere, ac imminuere vires resistendi. *Diaboli primis titillationibus obviandum est* (recte monet Sanctus Cyprianus) *nec coluber foveri debet, donec in serpentem formetur.* *Omni cautela* (inquit Sanctus Gregorius) *Lib. 10. carnales cogitationes, & immunda desideria, cum se cordi volunt insinuare, sunt repellenda; ex quo enim luxuria semel mentem alicujus occupaverit, vix eum bona cogitare permittit. Sunt enim desideria viscosa, quia ex suggestionem oritur cogitatio, ex cogitatione affectio, ex affectione delectatio, ex delectatione consensus, ex consensu operatio, ex operatione consuetudo, ex consuetudine desperatio, ex desperatione peccati defensio; ex defensione gloriatio, ex gloriatio damnatio. Ecce caudam malorum usque ad perditionem pertingens! Ecce ignis scintilla usque ad ignem inextinguibilem succendens! nam quid est libido! nisi ignis? Et quid item turpes cogitationes nisi palea? quis enim nesciat, quia si in paleis ignis negligenter extinguatur, parva scintilla omnes paleas accenduntur? Qui ergo virtutum incrementa non vult exurere, ita debet libidinis ignem extinguere, ut per tenuem scintillam nunquam possit ardere. Quapropter*

Idem
S. Gregorius in moralibus.

semper memori mente volvendum illud monitum Bethlehemitici ascetæ Sanctæ Virgini Eustochio datum : *nolo sinas cogitationem libidinis crescere, nihil in te Babylonium, nihil confusionis adolescat. Dum parvus est hostis, interfice. Nequitia, ne Zizania crescant, elidatur in semine. Audi psalmistam dicentem : filia Babylonis misera, beatus, qui retribuit tibi retributionem tuam. Beatus, qui tenebit, & allidet parvulos tuos ad petram. Quia enim impossibile est, in sensum hominis non irruere innatum medullarum calorem, ille laudatur, ille predicatur beatus, qui, ut cœperit cogitare sordida, statim interfuit cogitatus, & allidit ad petram. Petra autem Christus est. Sed quomodo sunt ad Christum allidendi parvuli cogitatus tentationum ? Nempe vivo considerationis oculo, aspiciendum illud caput cunctis tremendum potestatibus, vultus ille desiderabilis, in quem desiderant Angeli prospicere, cui tergum vertitur, dum turpi cogitationi attenditur, cujus tota passio cum omni pretio pedibus conculcatur, dum carnalis cogitatio consentiente mente tractatur. Heu quanta iniquitas, & quam lugenda perversitas, ut animam, quam Christus suo sanguine redemit, luxoriosus quisque propter unius momenti delectationem libidinis Diabolo vendat, verè enim nimium miseran-*

S. Augusti-
nus Ser-
mon. 250.
de temp.

seranda, & plangenda conditio, ubi citò præterit, quod delectat, & per Diabolum in cruce manet, quod sine fine cruciat. Libidinis impetus momento transit, & opprobrium infelicis anima semper permanet. In Christo crucifixo clamant omnia vulnera, clamant sanguinis guttæ, clamant omnes dolores, clamant pedes clavis affixi, clamant manus extensæ, clamat caput inclinatum, clamat cor apertum, clamat totum talentum mundi: ergone me tanti non æstimas, quanti momentaneam delectationem, qui hircis, ac porcis, ipsisque bestiis silvæ communis? Siccine? ideone ad imaginem Dei creatus es, ut propter brutalem delectationem ad Dæmones declinares in præceps? siccine, ergone omnia merita, ac pretiosas margaritas humanæ redemptionis jam mittes ante porcos, ut momentaneâ delectatione experiaris, quo bruta fruantur? siccine, ergone, ideone ad servitium sanctum vocatus, & per solemnia vota cum Deo tuo pactus es, ut ipso tanto turpius rejecto, fœdus inires cum inferno? detestabile obsequium præstares Diabolo? in Domo Dei tui committeres scelera multa? & me conqueri cogeret: *His plagatus sum in domo eorum, qui Zach. 13. diligebant me.* Cur non potius invocas *v. 6.* me, & ego exaudiam te in tempore temptationis? cur non clamas: *Deus in adiutorium*

rium meum intende, Domine ad adjuvandum me festina : Per signum crucis de inimicis nostris libera nos Deus noster. Jesus Nazarenus Rex Judæorum, Titulus triumphalis defendat nos ab omnibus malis. Fugite partes adversæ, vicit Leo de tribu Juda. Victoria nostra per Dominum nostrum Jesum Christum. Deus nostrum refugium & virtus, protector noster in tempore tribulationis. In Deo faciemus virtutem, & ipse ad nihilum deducet omnes inimicos nostros. Per purissimam tuam virginitatem, & immaculatam conceptionem serva cor meum, & carnem meam impollutam, ô gloriosissima Virgo Maria, idque in Nomine ✠ Patris, & ✠ Filii, & ✠ Spiritûs Sancti, Amen.

Similia suspiriorum jacula, quorum Divina Scriptura passim plura ministrat, tempore malæ cogitationis experieris efficacissima, si tamen statim in principio, & ex cordis intimo vel verbo, vel cogitatu sursum miseris; sin verò tempore tentationis tardas similibus clamare, manifestum signum est, te castitatem necdum amare, sed te currere cum furibus, ac Dæmonibus in castitatis perniciem, in Creatoris injuriam, in Redemptoris contemptum, in Spiritûs Sancti tristitiam: quis enim suum thesaurum amat, & ne quidem clamat, appropereantibus furibus præparatis ad prædam? Certè qui

qui thesaurum castitatis verè amat, imminente periculo non solum clamat, sed etiam generosè pugnat, ut faciat ex tentatione proventum; quemadmodum tot Sancti, tot generosi athletæ glorioso nobis præluxè-
re exemplo. Sic Sanctus Benedictus, libidinis æstu tentatus, nihil cunctatus se nudatum spinarum immisit aculeis, &

Inter urticas, rigidosque sentes

Vicit altricem scelerum juventam.

Sic Sanctus Bernardus veneris fortè in se scintillam sentiscens, nil moratus, in vicinum frigidum stagnum insiluit, & collotenus immersus, vix non congelatus tamdiu perduravit, donec omnem libidinis calorem ad nihilum redegerit. Sic Sanctus

In vita ej.

Franciscus Seraphicus, ut carnem Spiritui perfectè subjiceret, circa suæ conversionis primordia hyemali tempore seipsum persæpe mergebat in foveam glacie plenam: aliquando verò à proterva muliere tentatus succenso sese camino immisit, alias denique libidinis face vexatus, chordâ corpus suum egregiè contudit, subinferens: *Eja frater*

*S. Bonav.
in vita ejus
cap. 5.
Basilii
Finckeneis.*

asine, sic te decet manere, sic subire flagella. Deinde egressus è cella medias se projecit in nives. Sic Sanctus & ubique promeritis encomiis celebratus Niceta, ut à sua castitate instans arceret periculum,

*Joannes
Busæus in
Panap.*

Dissecuit mediam generoso vulnere linguam.

U s

Basilius
Finckeneis.
Michael à
S. Cathar.
vol. 2. tract.
15. erud. 2.
n. 770.

guam. Sic Sancta Amelberga sanctimonialis ordinis nostri generosa illa virago tam fortiter tamque constanter adversus Carolum Martellum Principem fortissimum pro virginitatis lilio conservando colluctata est, ut ne quidem, proprio jam confracto brachio cesserit amatoris blanditiis. Sic Sancta Maria Magdalena de Pazzis, ut ex castitatis præliis semper reportaret victoriam, quondam Sanctum Patrem Benedictum imitata, inter acutissimas volutavit se spinas, alias tentationi obviavit flagellis, in tenerum corpus ferreâ disciplinâ desæviit, se cinxit cilicio, quod clavos præacutos intextos habebat, fundebat præterea orationum suspiria, profundeabat lacrymarum imbres pro obtinendo forti omnipotentis auxilio, specialemque reponebat fiduciam in Deipara Virgine, nec spe inani; quoniam visibili specie apparens Regina Divûm suam est consolata ancillam, eandem certam esse jubens, quòd in omnibus castitatis conflictibus nunquam Divinam inciderit offensam sed semper victorias victoriis accumulaverit. Ecce! sic dimicandum est in castitatis pugna pro acquirendo trophæo, vel si ita pugnare terret, saltem non terreat tempore tentationis fortiter clamare ad cælum; nimis enim fœmineum foret in viro, neque habere animum ad clamandum, seu ad implorandum

Divi-

Divinum auxilium, ubi inaudit, tot fœminas tenerasque puellas, usque ad sanguinem & ad ipsam acerbissimam mortem tam viriliter certasse pro defendendo pudicitiae flore. Saltem non pigeat adhibere certandi modum, ab Alphonso Rodriquez apud Michaellem à Sancta Catharina præscriptum. *Ut nimirum iis demonem telis feriamus, quibus ille ferire nos nititur: ut si v. g. tibi immittitur à Demone carnalis & libidiosa imaginatio, aut turpis corporis motus, tu libidinis odium, castitatisque concipe amorem, ac votum tuum, hæc in re Deo promissum, renova; & sic iisdem series Demonem jaculis, quibus ipse te impetit.* Secundum signum amoris erga Angelicam castitatem est timor circumspæctus; quisquis enim suum thesaurum amat, semper est pavidus, ne auferatur à furibus, aut aliunde perditioni pateat, qui thesaurum cautè custodit, fores domûs claudit, custodem, aut saltem vigilem molossum apponit, arcam feris munit, nemini fidit, vix non omnem, etiam quandoque inter domesticos suspectum habet, præsertim illos, quorum longi digiti jam semel fuere deprehensi. Sic pariter suæ castitati nunquam non metuit, quisquis eandem dignè æstimare ac adamare condidicit, curam impendit maximam ne thesaurum perdat, quem in vasis fictilibus & in carne fragili portat, fores domûs

Vol. I.

tract. 17.

erud. 7. n.

689.

mūs suā per accuratam custodiam sensuum vult oclusas, arcam cordis sui, veluti feris, quotidianis propositis eisque quasi ferreis communit, ipsum timorem Sanctum ante conscientiae introitum ponit quasi loco canis, ut semper vigilet, semper lateat, semper obsistat, quotiescunque quid adserpit, quod noto castitatis odore non fragrat. Castitatis thesaurum custodiæ Angeli custodis custodiendum quotidie devotâ oratione commendat, rogans atque rogicans, ut per suas Angelicas inspirationes velit animum forsan incurium præmonere de adventu tentationis, ad resistendum excitare torpentem, urgere tardantem, vigilare pro dormiente, ne perfodiatur domus pudici pectoris. Castitatis amans animo meditante sic secum discurret: Prudens viator, ubi vel ex aliqua vetula intelligit, hanc aut illam sylvam occupari latronibus, prope diem retrahit pedem, suæ crumenæ ac salutis cautè prospicit, tutioremque viam arripit; Et ecce! non aliqua vetula, sed Sanctus

Eccli. 4. 42.
v. 13.

Bernardus vir tantæ auctoritatis *latrones latrones* inclamat mulieres. Ipse Spiritus Sanctus monet: *In medio mulierum noli commorari.*

Proverb. 6.
v. 26.

De vestimentis enim procedit tinea, & à muliere iniquitas viri, mulier autem viri pretiosam animam capit. Quanti, & quales Episcopi (clamat Sanctus Cy-

Tract. de
singular.
Clericorum

pria-

prianus) Clerici simul & Laici, post confessionem, victoriarumque calcata certamina, post magnalia, & mirabilia, & signa usquequaque monstrata, noscuntur cum his omnibus naufragasse! quantos Leones domuit una mulier, infirmitas delicata, quæ cum sit vilis & misera, de magnis efficit prædam. Ex Lib. de coperto crede (acclamat mihi magnum Africæ sydus) expertus loquor, coram Deo non mentior: cedros Libani, duces gregum, sub hac peste cecidisse reperi, de quorum casu non magis suspicabar, quàm de Ambrosii vel Hieronymi impudica turpitudine. Ergone istis, & tot tantisque aliis auctoritatibus non credam? cum fœminis conversare, cum fœminis morari, aut in fœminas oculos mittere præsumam? Ubi ceciderunt tot fortes, tot Sancti, tot miraculis clari, ego infirmus, ego peccator, me posse stare aut pertransire illæsum, confidam? Non est hæc confidentia castitatem amantis, sed nimium de se præsumentis, ipsumque Deum tentantis; quoniam janua Diaboli, via iniquitatis, scorpionis percussio, nocivumque genus est fœmina, cum proximat stipula, viro scilicet, incendit. Castitatis amator sic secum ratiocinatur: quivis simplex rusticus fores sui bovis ocludit, ne boves aut vaccæ abigantur à fure, & ego omni simplici rustico dementior, procacibus oculis, sensibusque incu-

Lib. de coperto crede
habuit. Clericorum.

S. Hieron.
apud Basilium Finckeneis
inst. 65.

Eccli. 9. v.
7. 8. & 9.

S. Reg. in
Prolog.

Cap. 7.
Trithemius
de vera ca-
stitate ho-
mil. 21.

Lib. 6.
Epist. 26.

incustoditis mihi castitatem promittam? vel somnio, illum tantum luisse, qui sanctè mihi in Divinis Scripturis inculcat: *No- li circumspicere, in vicis civitatis, nec oberaveris in plateis illius. Averte faciem tuam à muliere compta, & ne circumspicias speciem alienam. Propter speciem mulieris multi perierunt, & ex hoc concupiscentia quasi ignis exardescit. Castitatem diligens similia secum confert in corde suo: nemo prudentum pedibus ludit, dum prope profundum lacum lubrica eaque tenui planca incedit, & ego lubricis cogitationibus colludam? absit: hoc non est, parvulos cogitatus allidere ad Christum, neque illud Benedictinæ legis adimplere: Desideria carnis amputare festinet. Veram enim castitatem illasam custodire non sufficit, quisquis cum immundis cogitationibus quasi delibers ludit. Quapropter, ne longior sim, dilectissime fili (ex nostro Sancto Petro Damiano loquor) castitatem servare vigilantij solertia satage, & omne crimen lethifera pollutionis excludere, ut scias juxta Apostolum, vas tuum possidere in sanctificatione, & honore. Hac est enim sanctimonia, sine qua nemo videbit Deum: servetur munda corporis tui tunica, & in tanti Regis nuptiis nullo petulantis luxuria reperiatur squalore fœdata. Sit ergo tibi castitas sem-*

per

per in corpore, sit semper in mente: quatenus
 sic lilia indisciplinata carnis, velut exarata
 terra cultura, candescant, ut radix quoque
 in sui viroris gratia inconvulsa permaneat.
 Carnis titillat illecebra, surgunt libidinis in-
 centiva, ad Apostolica mox tela prosiliens,
 Evangelicum quoque gladium bellator servi-
 dus arripe, & frementis cuneos, hostiumque
 barbariem, duce Christo, facile poteris ob-
 truncare. Unum est, ut sobrietas quotidie
 tibi comes sit individua, nec aliquando à tuo
 sit collegio, gulâ pruriente, divulsa. Ubi
 enim viscerum pori ciborum repleti sunt, suum
 illic procul dubio robur sibi vindicat flamma
 libidinis. Hac enim pestis ariditate repelli-
 tur, & ubi efferi corporis humor deficit, hæc
 etiam arecendo marcescit. Planè, ut ignis
 aqua, sic luxuria inimica est frigori: atque
 ideo ubi genuinum carnis ardorem ciborum fo-
 menta destituunt, fervor quoque luxurie, ne-
 cesse est, extinguatur. Nolo ergo, cibus lau-
 tioribus inhies: nolo, vino affluenter indul-
 geas. Denique epiphonematis loco ada-
 mante notatam habeto illam brevem qui-
 dem nervosam tamen Sancti Cæsarii Arela-
 tensis sententiam: *Esto libidinis fugitivus,*
si vis castitatis pugnator esse.

Epist. ad
 Germ.

egregius.

MEDI-

MEDITATIO II.

De

Habenda summa cura pro
voto castitatis custodiendo ex con-
sideratione novissimorum.

Punctum 1. Expendit castitatis transgres-
sorem inter mortis angustias. 2. Expen-
dit ejus judicium. 3. Proponit propo-
nenda in judicio.

Preludium:

INclina aurem cordis Spiritui Sancto com-
monenti: *Memorare novissima tua, &
in aeternum non peccabis.* Eccli. 7. v. 40. sed
servabis castitatis integritatem.

Punctum I.

Considera religiosæ castitatis transgresso-
rem in mortis articulo constitutum, sicque
cum sua conscientia lamentantem: heu
quid mihi profuit luxuria mea? quid mihi
nunc prodest omnis morosa delectatio?
quid omnis turpis imaginatio? quid omnis
erubescenda actio? transit turpe momenta-
neum, in januis est expavescendum æter-
num, hæc ipsa caro mea, cujus gratiâ offendi
Deum creatorem meum, ostentui habui
Jesum Salvatorem meum, ipsumque Spiritum

tum

tum Sanctum contristavi, jam me affligit nimium, gravat ultra modum, cruciabitque usque in finem, si tamen mea hæc ultima lucta sit finis, & non potius initium dolorum. Hæc ipsa mea caro, cujus gratiâ toties pretiosam, & unicam animam meam Diabolo tam turpiter venum dedi, jamjam orditur, continuoque degenerat in horridum cadaver, in putredinem fœdissimam, in graveolentem fœtorem, in vermes, in cineres! ô stulta! ô cœca! ô horribilis! ô maledicta! ô diabolica venditio! ut putredini per momentum sit benè, non erubui animam meam, vivam Dei imaginem, instar crudelissimi latronis tot tantisque æternis expoliare bonis, ac tot tantisque adjicere malis perennibus? ut momento degustarem voluptatulam, quâ nec hircus, nec porcus caret, pro nihilo duxi terram desiderabilem, inenarrabilem dulcedinem filiorum Dei, ingens æternæ gloriæ pondus. *Quis* Isaïæ 66. *audivit unquam tale? & quis vidit huic simile?* v. 8. *Quid modo superest, nisi continuâ memoriâ tractare illud Divi Pauli? Quem* Rom. 6. *ergo fructum habuistis tunc in illis, in quibus nunc erubescitis? nam finis illorum mors est.* v. 21. *Omnia perditæ sunt, laboravi in vanum, irritum factum est pactum, votum castitatis vovi mihi in laqueum, confessiones Sacramentales ob nullam inde secutam*

Daniel. 13.
7. 22.

emendationem sunt ambigua, sacrae communionis fortassis fuerunt sacrilega, miser factus sum, ac conturbatus vehementer, & hoc propter delectationem stercoream, quam cœno admisi turpius, & quæ fumo evanuit citius. *Angustia mihi sunt undique.* Caro mea mox revertetur in pulverem, sed infelix anima quò ibit? Eam jamiam expectant Angeli accusaturi, iudex severus judicaturus, dæmones abrepturi, infernus devoraturus. Ah quare non sum factus velut inter mortuos liber? Si enim meditante animo ad mortuorum conditionem descendissem, planè à carnis peccatis liber permanissem. Hæc cogita, ô sacrate Deo! & noli fieri mancipium putridæ carnis, qui es ad majora natus, ad libertatem filiorum Dei vocatus, cogita, te moriturum, ne moriatur anima tua infelici morte peccati.

Punctum II.

S. Ephrem
Tom. 3.
Serm. de
compunct.

Ecce! abrenunciasti Sathana, & Angelis ejus; pactus autem es Christo, coram multis testibus. At vide, cuinam pactus sis, & ne parvi pendas. Id porro noveris; quod Angeli in hora illa voces tuas, & pacta tua, abrenuntiationemque tuam descripserunt; & in cœlis, usque ad horribilem illum judicii diem conservant. In die judicii Sancti Angeli proferent chirographum Professionis

tua,

tuæ, & verba oris tui coram formidabili
tribunali tremendi Judicis, tunc os tuum,
si mentitur, occidet animam tuam, & pro-
prius character tuus delebit te de libro vi-
ventium, si caste non vixisti, sicut scripsisti.
Tunc ipse Spiritus Sanctus arguet te de pec-
cato, si igne libidinis incendisti sanctuarium
ejus, & fœdo carnis peccato polluisti tem-
plum nominis ejus. *An nescitis, quoniam* 1. Corinth.
membra vestra templum sunt Spiritus San- 6. v. 19.
cti, qui in vobis est, quem habetis à Deo,
& non estis vestri. Ergo fratres debitores Rom. 8.
sumus, non carni, ut secundum carnem vi- v. 12.
vamus, sed Spiritui Sancto, ut simus sancti Ephes. 1.
& immaculati in conspectu ejus. Quia Rex v. 4.
Balthasar sacra vasa in convivio ad profa-
num usum adhibuit, eadem nocte interfe- Daniel. 5.
ctus est. Væ igitur Religioso! qui lascivien-
do vasa Domini, & templum Spiritus San-
cti non solum profanat, sed & demutat in
speluncam latronum, in habitaculum dæ-
monum, in stabulum porcorum, in ster-
quilinium abominabilium fœditatum, in
poculum plenum abominatione & immu- Apocal. 17.
dicia fornicationis. Si nefas est, in dolo v. 4.
jurare proximo suo, quanti sceleris erit ju-
rejurando disrupto, mentiri Spiritui Sancto?
Dum Petrus homo mortalis adhuc Ananiam
his verbis affatus: *Non es mentitus homini-* Actor. 5.
bus, sed Deo, Ananias præ horrore mox ce- v. 4.
cidit v. 5.

Actor. 5.
v. 3.

Pfal. 88.
v. 35.
Pfal. 60.
v. 9.
Pfal. 118.
v. 106.

cidit, & expiravit. Qualis, quantusque proinde horror in tremendo iudicio apprehendet Religiosum, si monstratâ propriæ Professionis schedulâ, â Rege sæculorum immortalî illi exprobratur: *Cur tentavit Satanas cor tuum mentiri te Spiritui Sancto? O Domine Jesu mi! Iudex venturi sæculi, ne memineris iniquitatum nostrarum antiquarum, citò anticipent nos misericordiæ tuæ: quæ procedunt de labiis meis, non faciam irrita, sed reddam vota mea de die in diem; quemadmodum modo in conspectu tuo iuravi & statui.*

Punctum III.

Isaïæ 35.
v. 5.

Confidera, & propone tibi ante mentis oculos proponenda, & exprobanda luxuriosis in tremendo iudicio. Cæci quidem sunt omnes, â cæco puero decepti. Ast in die iræ, in die furoris *tunc aperientur oculi cæcorum, & videbunt, & turbabuntur timore horribili, videntes amissam tam excellentiam gloriam, ad quam per religiosam vocationem sunt vocati; videbunt tot gloriosas, ac penè innumerabiles victoriarum corollas, quas turpibus obstrependo cogitationibus, tam facile sibinectere potuissent; videbunt in stolis candidis castorum ac virginum choros, â quorum consortio propter momentaneam ac brutalem delectationem*

sele

sefe disgregaverunt. Videbunt damnato-
rum larvas, quibus se associarunt; osten-
dentur ipsis omnia instrumenta Dominicæ
passionis, quæ amore tam fœdæ delectatio-
nis toties de novo in Dominum ac Redem-
ptorem suum direxerunt. Tunc exprobrâ-
bitur ipsis à tremendo Iudice: siccine? vos-
ne estis, qui mihi spondidistis servitium in
omni sanctitate & iustitia omnibus diebus
vitæ vestræ? Vix servus pessimus fornicâ-
tur, aut adulteratur inspectante Domino:
Vos verò, me intuentes, sacrilegè adulterati
estis, amplexati estis stercore immundicia-
rum, *irritum fecistis pactum*. Projecistis *Malach. 2.*
me post carnem vestram, immolâstis ani- *v. 8.*
mas vestras Dæmoniis. Hæc meditare, in
his assiduus esto, ne carnis illecebris inescâ-
tus abducaris in confusionem perpetuam.

BONA PROPOSITA

Ex

Præsentī Meditatione.

1. **N**Unquam de propriis viribus præsu-
mam, sed meam fragilitatem sem-
per suspectam habens, me ipsum humiliabo:
Nam (uti Cornelius à Lapide habet) *opti- 2. Corinth.*
um remedium ad evitandas tentationes car- cap. 12.
nis est humilitas.

X 3

2. Hu-

Epist. 10.
ad Furiam.

2. Humiliabo in jejunio animam meam; quoniam (teste Sancto Hieronymo) *ardentes Diaboli sagittæ jejuniorum, & vigiliarum rigore restringenda sunt.*

3. In omni tentatione cum Sancto Thoma Aquinate illicò ad Deum ac beatissimam Virginem clamabo! *Ne sinas, quæso Domine Jesu, & tu sanctissima Mater & Virgo Maria, ut tam immani me scelere obstringam.*

S. Laurent.
Justin. in
ligno vitæ
cap. 5.

4. Otium fugiens, semper me honestè & religiosè occupabo; siquidem *otiositas mater est concupiscentiarum, noverca virtutum.* Ipsa est quæ virum pudicum fortissimè præcipitat in omnem reatum lascivie.

S. Regul.
c. 7.

5. Vivà fide credam, me de cælis semper à Deo respici omni hora.

Libell. de
imit. Christ.
lib. c. 13.

6. Primos statim pravos motus, & malas incidentias fortiter repellam. Etenim *vigilandum est, præcipuè circa initium tentationis, quia tunc facilius hostis vincitur, si ostium mentis nullatenus intrare sinitur.*

7. Frequenter per diem istud nefandum luxuriæ vitium detestabor, summeque dolebo, quòd optimus Deus per istud Diabolicum vitium toties tamque graviter à mortalibus offendatur.

8. Neque lapsos, multò minùs tentatos unquam spernam, sed potiùs cum illis commiserationem habebò, ne & ego tenter, ad me-

memoriam revocans doctrinam Joannis Climaci tenentis: *In iis quidem, qui rudes In scala Pa-
imbuuntur, lapsus corporis ex deliciis maxi- radisi grad.
mè fieri solet: in mediocribus verò etiam elatione animi: Porro in his, qui perfectioni
proximiores sunt, plerumque ex condemnatione contemptuque superbo proximi.*

EXAMEN PARTICULARARE.

De

Indefinienti castitatis custodia.

1. **U**trum semper mortificatus sis in oculis, non aspiciendo nec res nec personas, ex quarum intuitu castitas periclitari solet?

2. Utrum nullam contraxeris familiaritatem cum personis, quæ tibi esse possunt tentationis laqueo?

3. An personas, erga quas sentis peculiarem amoris affectum, in sensualitate fundatum, generosè relinquere, aut si eas relinquere nequeas, cautè cum eisdem conversari satagas?

4. An devites occasiones videndi, occurrendi, aut scribendi personis, è quarum memoria castitatis pericula generari queunt?

X 4

5. Utrum

5. Utrum non libenter loquaris, vel audias verba, quæ inordinatos motus causant, & testantur, cor esse amore captum?

6. Utrum non libenter loquaris, vel audias discursus de forma, de venustate, de affabilitate; aut de aliis corporis dotibus cujuscunque personæ? similia quippe animum castum emolliunt.

7. Utrum nunquam tangas alterius manus vel alia corporis membra? per similia quippe sensuales affectus, & per hos sensim quoque carnales tentationes generantur; præsertim in altero sexu sunt ejusmodi tactus tum scandalosi, tum periculosi vel maximè.

8. Utrum nunquam ex sensualitate animalia tangas? vel minùs religiosè cum eisdem ludas?

9. Utrum pariter erga teipsum omnem pudicitiae integritatem custodias, ac tum in vestiendo, tum in exuendo, tum in dormiendo, tum in omnibus aliis similibus occasionibus eam semper observes decentem verecundiam, qualem in oculis virorum gravium observares, semperque sis memor Sancti Angeli custodis tui ac Dei omnipotentis, cuncta cernentis?

10. Utrum, necessitate remotâ, nunquam legere aveas, aut non libentiùs legas materias lubricas, & ad excitandos motus saltem sensuales aptas?

11. Utrum materias Angelicæ castimoniarum periculosas nunquam mentē volvas? vel utrum objecta ad sensuales motus pellicientia nunquam in phantasia depingas?

12. Utrum tempore tentationis semper resistas velociter? utrum fortiter, utrum constanter?

LECTIO SPIRITUALIS

Pro

Tempore Pomeridiano.

ARGUMENTUM.

Quisquis sua vota perfectè custodire desiderat, religiosam simplicitatem sibi familiarem reddat.

ECce gemma comparanda tibi hodie offertur. Gemma cujus pretium ipsis politicis, alias gemmarum cupidis, easque æstimare gnaris, plerumque incognitum. Gemma, quā præcipuè ornatur status religiosus, & omnis Religiosus. Superstiosum est, glande damarum hominem effici invulnerabilem, verissimum autem, isthac pretiosâ gemmâ vota religiosa reddi quasi inviolabilia, ac ipsum Religiosum ad recipienda gratiarum omnisque sanctitatis charismata disponi optimè. Porro quis nobis istam

X 5

tam

tam raram, Deo verò tam charam gemmam digne describet? Ego planè, inspectis libris, & auditis multis discursibus, optarem hujus non solum in cordibus mortalium majorem æstimationem, sed etiam frequentiorum eumque dignum de eâ tum in libris tum in discursibus sermonem. Nominare quidem hanc gemmam omnes resciant, utrum verò omnes hujus naturam penetrent, meum non est, ferre judicium. Morali-ter de re morali discuro: in sensu morali hæc gemma, hæc virtus communiter simplicitas vocatur, ob quam singulariter commen-

Genes. 25.
v. 27.

dantur Jacob & Job. *Jacob autem vir simplex* (inquit Scriptura) de Jobo verò quasi

Job. 2. v. 3.

gloriatur Deus adversum Diabolum, eum isthac interrogatione confundens: *Nunquid considerasti servum meum Job, quod non sit ei similis in terra, vir simplex & rectus, ac timens Deum?* Hæc est illa virtus, quam

Matth. 10.
v. 16.

Christus in suis prædicatoribus, & in omnibus suis discipulis præter prudentiam specialiter postulat, jubendo asseverans: *Estote ergo prudentes, sicut serpentes, & simplices sicut columbae.* Verùm quis est vere simplex? In moralibus (asserit Laurentius Beyerlinck) propriè simplex dicitur, qui se in res externas & vanas sollicitudines non effundit, quietus solique Deo vacans. Sive simplicem accipiunt Scriptores Ecclesiastici illum, qui

veri-

veritatem habet in verbis, & in moribus, expers est falsitatis, & simulationis. Talis enim per metaphoram simplex dicitur, quod in se nihil habeat doli, compositionis aut permutationis, & in omnibus sit sincerus, quales non sunt, qui loquuntur pacem cum proximo, mala autem in cordibus eorum. Sin verò terminus Hebraicus ac lingua Hebraica inspicitur (quemadmodum citatus auctor pergit) simplicitas idem est, quod innocens, rectus, integer. Unde ab hac simplicitate (teste Clemente Alexandrino) simplices in Lib. Pæd. Divinis Scripturis vocantur, vel comparantur c. 5. tur pueris & infantibus. Ut verò pretiosa gemma, clarissimè cognoscenda paucissimis proponatur: simplicitas est illa excellens virtus, quæ directè & immediatè opponitur prudentiæ hujus mundi. Ratio sic sentiendi, ac simplicitatem paucis exprimendi desumitur ex Sancto Gregorio magno deferente: *Hac justorum simplicitas deridetur*; Lib. 10. *quia ab hujus mundi sapientibus puritatis virtus fatuitas creditur*; nemo enim contem- moral. c. 27. nit, aut persequitur, nisi quod sibi adversari opinatur. Patet præterea ex communi mortalium modo tum loquendi, tum judicandi. Illi quippe, qui nec ambulant nec discurrunt secundum prudentiam hujus mundi, communiter simplices judicantur, unde Idem S. *bene hujus mundi dilectoribus ille egregius* Gregor. sa. loc. cit.

sapiens dicit: abominationes Ægyptiorum immolabimus Domino Deo nostro? oves quippe Ægyptii edere dedignantur, sed quod abominantur Ægyptii, hoc Israelita Deo offerunt, quia simplicitatem conscientia, quam iniusti quique velut infimam abjectamque despiciunt, hanc iusti in virtutis sacrificium vertunt.

Ecce tibi! ex his paucis verbis magni Doctoris discere dignitatem ac necessitatem simplicitatis, discere simplicitatem ambabus ulnis amplexari, semperque detestari prudentiam huius sæculi. *Sapientia enim huius mundi stultitia est apud Deum.* Et à Sancto Gregorio conformiter, divinæ Scripturæ abominatio appellatur: *Quoniam sapientia carnis inimica est Deo.* Ast simplicitas econtra vocatur sapientia Sanctorum, quemadmodum statim habetur in titulo citati capitis ex Sancto Gregorio. *Quid aliud est simplicitas* (interrogat Sanctus Chrysostomus) quàm prudentia? non utique prudentia carnis, sed sapientia Spiritûs sapientia, de qua Paulus disseruit, dum asseruit: *Prædicamus Christum crucifixum, Judæis quidem scandalum gentibus autem stultitiam, ipsis autem vocatis Judæis atque Græcis Christum Dei virtutem, & Dei sapientiam.* Ipse enim Christus (quemadmodum tenet Joannes Buxæus) fuit simplex; quoniam, qui peccatum non fecit, nec

1. Corinth.
3. v. 19.

Rom. 8. v. 7.

Homil. 7.
in Act.
Apost.

1. Corinth.
1. v. 23. &
24.

in Panap. de
hypocrisi.

1. Petr. 2.
v. 22.

inven-

inventus est dolus in ore ejus, qui cum malediceretur, non maledicebat, cum pateretur, non comminabatur: Sed tanquam ovis ad occisionem ductus est, & sicut agnus coram tondente se, sine voce, sic non aperuit os suum. Et propter istam ovinam suam simplicitatem specialiter adeptus est potestatem super omnem creaturam; nam (quemadmodum Didacus Baëza asserit) is merito sibi terrenum & celeste acquirit principatum, qui agni præferat innocentiam, & simplicitatem, cuius in vita innocentia est, & in ore nullus dolus. Per oves, juxta Sanctum Gregorium, supra citatum, simplicitas intelligitur; unde & Dominus suos fideles toties oves nominat, quia eosdem simplices desiderat, tales oves, tales simplices erant primi Christiani, de quibus sacer textus testatur: *Sumebant cibum cum exultatione & simplicitate cordis.* Tales oves, tales simplices erant præcipue ipsi Apostoli ac discipuli Domini, hinc & ipse Dominus non absque mysterio illos isthoc Divino discursu convenit: *Ecce ego mitto vos sicut oves in medio luporum. Estote ergo prudentes sicut serpentes, & simplices sicut columba.* Prudentiam serpentinam Christus à suis exigit, ut sibi nempe caveant à lupis, & instar serpentis obturent aures suas ad vocem incantantium insipienter, ad vocem incantantium per

Aetor. 8.

v. 32.

Lib. 6. c. 1.

Aetor. 1.

v. 46.

Matth. 10.

v. 16.

per prudentiam hujus sæculi: prudentia quippe hujus mundi insipienter incantat, solum vero sapienter simplicitas columbina, cui soli tanquam incantanti sapienter aperiendæ sunt aures. Hac ovinâ ac columbinâ simplicitate præclare nobis præluxerunt majores nostri. Hac simplicitate custodiebant exornabant religiosam paupertatem, simplicitatem amabant in ædificiis, & in habitaculis, adamabant in vestimentis & in supellectile, deamabant in victu & vitæ necessariis; quemadmodum in pluribus passim videre est historiis. Sic Sanctus Benedictus Abbas Ananiensis, tametsi nequaquam caruerit mediis ad magnificum ponendū ædificium, voluit nihilominus adeo simplicitati ac extremæ vilitati studere, ut toti suo

Sæcul. Ben. simpliciter ac recentē exstructo cœnobio ne
4.F.1.n.14. quidem tectum de coctis lapidibus, sed de
Lib. 6. solo vili stramine superimposuerit. Sic
Epist. 14. Sanctus Petrus Damianus ad Mainardum
Abbatem scribens de seipso ac de suis confratribus ita testatur; *Ego cum ceteris fratribus, vilibus coram te fuimus contenti semper exuviis.* Sic de Sanctis nostris majoribus canit Ecclesia:

Vobis olus cibaria

Fuere, vel legumina:

Porumque lympa præbuit,

Humusque dura lectulum.

Eccle

Ecce Sancti Patres nostri praedecessores in eremo, & in cœnobiis panem hordeaceum comederunt in statera, & aquam petra frigidam biberunt in mensura, somnum acceperunt stando, sive sedendo: & nos qui eorum deberemus sequi vestigia, panem nostrum comidimus triticeum in abundantia, vinum bibimus sine mensura, somnum capimus ad libitum in strato & pulvillis? &c. O quam disparis vita sumus à Sanctis illis Monachis! à quibus hereditavimus nomen religionis, qui non tantum non amaverunt mollia: sed etiam vestimenta respuerunt necessaria, circumcurrentes in melotis & pellibus caprinis, sacco aut cilicio regentes corpora sua &c.

Joannes
Trithemius
Comment.
in c. 7.
Sacrae Reg.

Paulo supra
in eundem
gradum 6.
humilitat.

Facile equidem contra similia nostrorum majorum exempla ac magistrorum spiritualium hortamenta inveniuntur excusationes, facile prætenduntur varii tituli, uti titulus honestatis, titulus humanæ infirmitatis, titulus discretionis, titulus modernæ consuetudinis; verum sic cudendo excusationes, ratiocinatur mundana prudentia, non autem religiosa simplicitas. Religiosa simplicitas eligit abjecta esse in domo Dei, perseverat extremâ vilitate contenta; religiosa simplicitas meditatatur illum Sancti Petri Damiani discursum: *Quid est, quod Apostolus*

Lib. 6.
Epist. 14.

ait: *Habentes alimenta, & quibus tegamur, his contenti simus? Cur enim, cum dicit:*

Haben-

Habentes alimenta ; non protinus addidit, & vestes ? sed tantummodo, cum pramittit, habentes alimenta, praeſto ſubjungit, & quibus tegamur, cur hoc ? niſi ut perſpicuè doceat, nos debere tam deſpicabilibus operimentis indui, quæ digna non ſint veſtium vocabulo nuncupari ? Religioſa ſimplicitas quaſi pro Regula tenet illud Divi Bernardi effatum: *Non ſit affectatus corporis decor, ſed naturalis, ſimplex, neglectus magis, quam expetitus.* Religioſa ſimplicitas metuit illud Divinæ Scripturæ: *Corrupti ſunt, & abominabiles facti ſunt in ſtudiis ſuis;* hinc nec ſtudet excuſationes prætere, nec effugia quærere, ſed ſimpliciter abſtinens ab omni ſpecie mali, propediem reſpicit, abjicitque, quidquid vel umbram ſuperfluitatis ſapit, dum audit vel legit illam planè terribilem hiftoriam, quam Joannes major ex libro de viris illuſtribus ordinis Cifterciensis ferè ſimilibus refert de Abbate quodam Cifterciensi in Saxonia, is panno in ſua Patria texto haud contentus, pro ſuis neceſſariis veſtimentis annuatim ſubtiliores pannos è Flandria ſibi afferri, ac comparari curavit: Contigit porro, ut, eodem Abbate per mortem ſublato, Monachi, conſentiente Priore, tum pannum illum, tum ex illo jam confeſtas ac in Abbazia inventas veſtes inter ſeſe dividerent. Et hem! ubi ipſe Prior primus

ratio-

Pfal. 13.

v. 2.

ratione solemnioris festi ejusmodi tunicam ab Abbate relictam induerat, confestim occlamitare occæpit, de sua vita conclamatum esse, se candentibus laminis aduri, comburi, in cineres redigi, sicque identidem vociferando tunicam, quàm primùm potuit, exiit, abjecit, projecit, accurrunt Monachi ad insolitum Prioris clamorem, intuentur, ad terram projectam tunicam, conspiciuntque stupentibus oculis ex ea circumquaque ignitas coacervatim prosilire scintillas, quâ re perterriti, totique attoniti Monachi, absque mora quidquid vestium, quidquid panni ab Abbate habuêrunt, in unum conjecere tumulum. Et en tibi idem de novo portentum! totus enim hic congestus, velut succensa fornax, omni ex parte evomuit flammæ, ac emisit scintillas, nec ista prodigiosa res videri desiit, donec omnes vicini confluerint Abbates, flammæ propriis inspexerint oculis, atque exinde didicerint, non contemnere nostram Regulam, quæ cap. 55. id pro religioso habitu præscribit, quod vilius comparari, & in propria provincia haberi potest. Quid jam ad hæc vanitatum amatores, modò ad ista modò ad illa, tum curiosa, tum pretiosa vel rara sibi procuranda & acquirenda intenti? forsitan deridebitur scribentis simplicitas? verumtamen attendamus, quæso, ne aliquando à Divina sapien-

Joannes
Trithemius
Comment.
in cap. 7. S.
Regul.

Philipp. 2.
v. 15.

piencia derideatur ac condemnatur tanquam
stulticia carnis & mundi hujus prudentia.
Quid nos miseri in illa die respondebimus,
ubi omnia nuda erunt; quide nomine Mo-
nachi gloriamur, & opera Monachorum non
facimus? Opus Monachi est in vita & in
moribus, in conversatione & in habitu ex-
primere illud Divinæ Scripturæ: *Ut sitis si-*
ne querela & simplices filii Dei, sine repre-
hensione. Quis autem non justè reprehendit
Monachum deditum vanitati? addictum
ostentationi? vacuum simplicitate filiorum
Dei? ô sancta simplicitas! per te præterea
aut puerilis innocentia custoditur, aut ad
eam reditur: sicut enim maledicta curiosi-
tas, instigante Diabolo, prurit intueri spe-
cies mulierum, audire tacenda, scire nesci-
enda, experiri pudenda, sic è diverso reli-
giosa simplicitas sapienter ignorat, & igno-
rare laborat omne id, quod castitatis ac in-
nocentiæ flori posset esse pruina. Uterque
audit, legit, & meditatur castitatis discrimi-
mina, at magno tamen discrimine; nam
simplex commonitionibus Spiritûs Sancti
obedit simpliciter, & ideo confidenter, la-
psusque evadit feliciter: curiosus autem, ac
prudens in carne fingit laborem in præcepto,
excogitat excusationes in consilio, præsu-
mit se fortem in lubrico, & contaminatur
peccato. Simplicitas simpliciter acceptat.

sim-

simpliciterque absque effugii aut oblivionis
nota attendit, ne mereatur reprehensionem
Sancti Sabbæ Abbatis quondam suo curioso
socio datam: constitutus quippe vir sanctus SuriusTom.
cum suo socio in itinere obviam sibi habuit 6. in vita
fœminam formosam, multoque stipatam S. Sabbæ.
famulatio, unde socii sui religiosam simpli-
citatem, ac oculorum mortificationem ex-
plorare percipiens, eundem ita affatus est:
sanè hæc mulier gratiosa esset oculis, nisi al-
tero careret oculo, cui cum socius repone-
ret: Falleris Pater: ambos habet oculos, &
quidem formosissimos, jam vir justo zelo
accensus ita curiosum perstrinxit: sicine?
ergone tam curiosè in fœminas respicis? apa-
ge cum tali comite. Hæc dixit, simulque
eum in pœnam curiositatis completo itinere
per longum tempus inclusit. Heu quot no-
stra infaustâ tempestate vix non quotidie in-
cludendi forent, si zelus sancti Sabbæ adhuc
in more esset! Sed quare hodie tot exempla
ad cautelam conscripta, tot pleni admoni-
tionibus libri parùm aut nihil curantur? ni-
mirum deridetur sancta simplicitas, deride-
tur similia simpliciter credens, similia sim-
pliciter attendens, similibus admonitioni-
bus simpliciter obediens, magnificatur au-
tem carnis prudentia, quæ suis excusatio-
num ac rationum apparentiis etiam ipso Spi-
ritu Sancto præmonitore prudentiorem se

in lib. I.
Reg.

credit. Potissimum verò requiritur, & servit sancta simplicitas ad reddendum perfectæ obedientiæ votum: sine hac enim, videlicet sine religiosa simplicitate nunquam nanciscêris illam obedientiam, de quâ Sanctus Gregorius ita differit: *Vera obedientia nec prepositorum intentionem discutit, nec præcepta discernit, quia qui omne vitæ suæ iudicium majori subdidit, hoc solo gaudet, si quod sibi præcipitur, operatur: nescit enim judicare, quisquis perfectè didicerit obedire, quia hoc tantum bonum putat, si præceptis obtemperat.* Sine religiosa simplicitate subditus omnia discutit, modo jubentis personam, modo ejus vitam, modo mores, modo intentionem, modo discretionem, modo ipsum imperium, modo locum, modo tempus, modo alias circumstantias: jam reperit suâ carnali prudentiâ indiscretionem, jam honoris præjudicium, propriæ æstimationis periculum, jam virium impossibilitatem, jam aliam difficultatem. Sancta verò simplicitas horum omnium immemor, obtemperat simpliciter, & ideò in medio flammarum ac inter feras silvarum manet illæsa, & ideò habetur Deo tam accepta; nam voluntas ejus in iis, qui simpliciter ambulant. Et proteget ambulantes simpliciter. Per obedientiam simplicitate conditam Paulus simplex ad tantam vitæ perfectionem ascen-

Proverb. II

v. 20.

Proverb. 2.

v. 7.

ascen-
das
sim
hab
gn
Ab
vel
Ab
pro
bu
der
fui
Al
ma
nu
pu
ro
pu
pr
to
va
ni
co
fin
ap
ab
in
fa
p
c

ascendit, Sanctus Maurus noster lacus undas sicco pede calcavit. Per obedientiam Lib. 5. c. 4. simplicem (quemadmodum in vitis Patrum habetur) Joannes brevis dictus, aridum lignum rigavit ad frugem, Joannes junior Abbatis Pauli discipulus, ferocem leonem veluti agnum mansuetum ad suum adduxit Abbatem. Alius, jubente suo Abbate, proprium filium jactavit in furnum voracibus flammis infartum, & nihilominus eundem post longam moram, jussu ejusdem sui Abbatis ex eo rursus extraxit illæsum. Alius, quemadmodum Sulpitius refert, r. Dialog. c. 12. mandante suo superiore, succensum clibanum per medias flammæ intravit, & dum putabatur arsurus, mansit veluti frigidore perfusus, seque ipsum nil læsum obstupuit. Sancta simplicitas est proinde illud pretiosum aroma, quo obedientia condita, toties tot mira patravit, Leones cicuravit, varia monstra placavit, voracitatem Vulcani inhibuit, diffluasque Nymphas instar continentis fecit calcabiles. Obedientia simplex alias à spiritualibus magistris cœca appellatur. Et cur cœca? cur non potius abnegans aut captivans proprium judicium in obsequium obedientiæ? Nimirum haud satis est, oculum solum claudere, aut proprium captivare judicium, sed penitus exoculandus, & cœcitati tradendus est oculus

humanæ prudentiæ, ne ampliùs possit redire ad actum, sed solo oculo simplici sancta simplicitas semper videat altiora humanis, ac totum corpus nostrarum actionum reddat perlucidum. Hoc Sanctus Paulus voluit, dum asseruit: *Siquis videtur inter vos sapiens esse in hoc seculo, stultus fiat, ut sit sapiens.* Sic pariter, si quis est videns oculo politicismi & mundanæ prudentiæ, fiat cæcus, ut sit videns, simplici oculo per simplicitatem cordis ambulando in lumine. Hoc etiam Zachæus exemplo monstravit, dum arborem sycomorum ascendit. *Sycomorus quippe ficus fatua dicitur: Pusillum itaque Zachæus sycomorum subiit, & Dominum vidit, quia qui mundi stultitiam humiliter eligunt, ipsi Dei sapientiam subtiliter contemplantur.* Stultum enim apparet mundanæ prudentiæ, quod Princeps publicanorum homo dives, vir tantæ authoritatis instar simplicium puerorum arborem & quidem arborem fatuam ascendat, ast hæc ipsa suâ (si ita dicere fas est) puerili simplicitate meruit videre, hospitioque recipere incarnatam sapientiam, nobis ad exemplum, ut si veraciter sapientis esse, atque ipsam Dei sapientiam contemplari appetimus, stultos nos humiliter cognoscamus, relinquamus noxiam sapientiam, discamus laudabilem fatuitatem. Id ipsum & Dominus intendit, dum dicit:

Nisi

1. Corinth.
3. v. 8.

Luc. 19.
Lib. 27.
moral, c. 27

S. Gregor.
loco cit.

Nisi conversi fueritis, & efficiamini sicut parvuli, non intrabitis in regnum cœlorum. Matth. 18. v. 3.

Revertendum igitur est ad simplicitatem infantium. Qui politicissimum ignorant, se simulare nesciunt, curam opum negligunt, paucis contenti vivunt, innocentiam volu-

S. Hilarius
Comment.
in Matth.
c. 48.

ptatibus præferunt, non alta sapiunt, non superbiendo discunt, nemini invident, omnibus se subiciunt, simpliciter obediunt, nec contradicunt, dum corripuntur, & sic per suam simplicitatem proficiunt in sapientia & ætate. Quapropter contestor vos omnes hodie, qui verè mundo mortui, & à sæculi actibus alieni estis, eruite, proculque projicite tam scandalosum vestris animabus oculum mundanæ prudentiæ. Per-
maneamus cum Jobo simplici ac recto constantes in nostra religiosa simplicitate, nihil curantes gannitum, derisum, aut quemcunque latratum prudentiæ mundanæ politiam subitæ, quæ moderno ævo mundo, veluti uxor suo marito copulata, omnia stulta reputat, nisi sapiant fœmineum judicium, & rationem vivendi, decipere gnaram.

Moriamur omnes in simplicitate nostra, ut in novissimis cum Paulo ac ex Sancto Paulo aliquando contestari queamus: Gloria nostra hac est, testimonium conscientiæ nostræ, quod in simplicitate, & sinceritate Dei, & non in sapientia carnali, sed in gratia Dei conversati sumus in hoc mundo. 1. Macch. 2. v. 37. 2. Corinth. 1. v. 12.

MEDITATIO III.

Quomodo voto obedientiae sit satisfaciendum?

Punctum 1. De modo obediendi, exemplo militum. 2. De fide requisita ad obediendum. 3. De verbo obedientiae sine limitatione adimplendo.

Praeludium.

Siste te in conspectu Christi Domini tui usque ad mortem crucis obedientis, & crede firmiter, ab ipso profluxisse illam vocem: *Disce obtemperare pulvis, disce te humiliare terra & limus, & sub omnium pedibus incurvare. Disce voluntates tuas frangere, & ad omnem subjectionem te dare.* Lib. 3. de imit. Christi c. 13.

Punctum 1.

Considera, obedientiam nostram à sanctissimo Patre nostro obedientiae militum comparari, quemadmodum clarissime id indicant illa verba in Prologo sacrae Regulae posita: *Ad te ergo nunc meus sermo dirigitur, quisquis abrenuncians propriis voluntatibus, Domino Christo vero Regi militaturus, obedientia fortissima atque praeclara arma assumis.*

sumis. Estne talis tua obedientia, qualis militum? Ecce milites promptè obediunt in rebus difficillimis currunt per vias asperas onerati sarcinis, incedunt per loca invia, & devia, tenent excubias, irruunt in hostes, ascendunt per scalas ac muros cum periculo vitæ. Obtemperant usque ad sanguinem, usque ad vulnera, usque ad mortem. Milites obediunt ad quodlibet sui ducis signum, ad quemlibet nutum, ad quodlibet verbum: si dicitur: dextrorsum: ad dextram se vertunt, si sinistrorsum: ad sinistram. Et hæc vix non eodem momento, quo jubentur, & quidem omnes una simul, ad unicum tympani sonitum, vel ad aliud simile signum integer exercitus movetur; ut verò Monacho & forsan unico obedientia persuadeatur, tot quandoque indigemus verbis: ô miseriam nostram! milites obediunt, tametsi malè habeantur, tametsi pondus frigoris & æstûs ferre; tametsi sitim & famem perferre cogantur, & Religiosus tunc solum prompte atque absque murmure obediat, quando solatia vel favores sperare potest? Absit â nobis talis carnalis obedientia. Milites de loco ad locum commigrant, iussa plurima executioni mandant, tametsi ignorent, quare? vel ex quo fine? & cur Religioso ad obediendum semper sit aperta intentio jubentis? Si milites vel modicè ad sibi injun-

Etia serò veniant, si vel modicà iussa dum transgrediantur, heu quot verberibus vapulant! O quot propter exiguam transgressionem jam fuere in proximâ arbore suspensi! quid ergo aliquando fiet in tremendo iudicio inobedienti, vel omnino contumaci Religioso? nec mirum in bello inter milites tam rigidam exigi obedientiam, hâc enim neglectâ, tota disciplina militaris necessariò corruit, totus exercitus, & integrum quandoque etiam regnum extremo discrimini exponitur. Ast longè potiori jure talis tamque rigida obedientia desideratur in quolibet Religioso, hâc enim non observatâ, non Christo, sed Diabolo militatur, salus animæ periclitatur, Spiritus Sanctus spernitur, superior affligitur, tota disciplina monastica pessumdatur, ipseque religiosus cætus non meretur ampliùs vocari, *ut castrorum acies ordinata*. Quapropter obedite *præpositis vestris, & subjacete eis: Ipsi enim pervigilant quasi rationem pro animabus vestris reddituri, ut cum gaudio hoc faciant, & non gementes, hoc enim non expedit vobis; quoniam continget vobis in iudicium confusionis, quod Pagani Paganis, quod Dæmones quoque Dæmonibus promptius obdiderint ad maiorem suam damnationem, quam vos Christo in suis vicariis ad æternam vestram salutem.*

Cant. 6.

v. 9.

Hebr. 13.

v. 17.

Pun-

Punctum II.

Considera Christum & centurionem illum Evangelicum invicem colloquentes. Ex quibus posterior obedientiam suorum militum ita deprædicat: *Ego homo sum sub potestate constitutus, habens sub me milites, & dico huic, vade, & vadit: & alii veni, & venit: & servo meo, fac hoc, & facit.* Præclarum profectò obedientiæ exemplum nobis exhibetur in istis militibus. Sed cur placuit ita discurrere? cur obedientiam suorum militum allegare? voluit nempe per hoc suam fidem in Divinam omnipotentiam ostendere, & (quemadmodum ex ipso Evangelico contextu liquet) quasi dicere: mihi puro homini, & quidem adhuc altiori potestati subjecto obtemperant milites ac servi mei ad omnem vocem, ad omnem nutum, quanto magis tibi Deo vero ac supremo Domino obediet paralyticus, ita ut ad unicum verbum oris tui, ad unicum velle tui Divini beneplaciti à servo abscedat, tametsi in domum meam non descendas: Et hinc Dominus subintulit: *Non inveni tantam fidem in Israël.* Nec immeritò; magna quippe fuit fides hujus centurionis; & tamen verissima credidit: Nam Sol & Luna, maria & venti, febres, paralyces, hydropices, pestilentiæ, pestes, omnes morbi, & ipsa

Matth. 8.

v. 9.

Matth. 8.

v. 10.

S. Regul.
c. 5.

1. Reg. 15.
v. 21.

Hebr. 11.
v. 17.

ipsa mors, omnia ad solam vocem ad solū velle obediunt Domino. Qualis proinde pestilentia? qualis lepra? qualis pestis erit inobediens monachus? Religiosus juratus servus? juratus miles Christi? heu! heu! procul dubio pestilentia ac pestis perniciosissima est inobedientia in castris Domini, in religiosis claustris. Verissima loqueris Domine! non reperis tantam fidem in Israel, defecit viva fides in terra, loco hujus repleta est terra humanā scientiā, & hinc claudicat nostra obedientia. Si enim vere ac vivaciter crederemus, quod in propria lege nostra profitemur; *quia obedientia, quae majoribus praeberetur, Deo exhibetur*, quis unquam tantae proterviae foret, ut tibi Deo suo, aut tardē, aut tepidē, aut cum murmure aut cum tædio obtemperaret? aut tuum imperium implere omnino negligeret? quis non staret vicino obedientiae pede semper paratus, ad faciendas hilari affectu omni praescripto momento omnes tuas voluntates? Si crederemus Spiritui Sancto asseveranti: *Melior est enim obedientia quam victima*. Quis unquam tantae stultitiae foret, ut vel unum obedientiae actum negligeret? *Fide obtulit Abraham Isaac*. Hunc sequamur, credentes voci Domini propriam nostram maclando voluntatem, ut filii Abraham simus.

Pan-

Punctum III.

Considera, & pro obedientiæ tessera accipe illud virgineum à virgine Matre consilium: *Quodcunque dixerit vobis, facite.* Joan. 2. v. 5

Nota primò, *quodcunque*, nihil excipiendo, neque externè se excusando, aut internè secum discurrendo; ad hoc non teneor, ad istud me non obligavi, isthæc obedientia videtur indiscreta &c. Nam nemo ad impossibilia se obligasse censetur, & tamen Sanctus Pater Benedictus expressè vult, ut S. Regul. 68 etiam impossibilia injungenti de Dei consilio adjutorio obtemperemus. Ergo verissimum manet illud Sancti Bernardi: *Perfe-* de præcept. *cta obedientia legem nescit, terminis non ar-* & dispens. *etatur, neque contenta angustiis professionis, longiori voluntate fertur in latitudinem charitatis, & id omne, quod injungitur, spontanea, vigore liberalis, alacrisque animi, modum non considerans in infinitam libertatem extenditur. Quia, an aliquid sit pos-* S. Thom. *sibile, subditus non debet suo judicio definire,* apud Mi- *sed in unoquoque superioris judicio stare.* chaelem 2

Secundo ait Beatissima Virgo: *quodcunque dixerit*: hinc obediendum est superioribus non solum in præceptis, & in iussis, S. Cathar. vol. 2. Tract. 16. *sed in omnibus, quæ dixerint, aut alio si-* erud. 2. n. 867. *gno manifestaverint, sive jubendo, sive consulendo, sive docendo, aut adhortando,*

Deut. c. 7.
v. 10. & 11

do, quemadmodum idipsum ipse Spiritus Sanctus nos docet, dum ait: *Facies, quocunque dixerint, qui præsunt loco, quem elegerit. Dominus, & docuerint te, juxta legem ejus, sequerisque sententiam eorum. Nec declinabis ad dexteram, neque ad sinistram.*

S. Regula
cap. 5.

Cæsarius ad
Monachos
homil. 8.

Tertiò in verbo *dixerit*: subintelligitur Christus: Per quod nostræ debili altè imprimendum venit memoriæ, ut semper memores Divini beneplaciti, in omni obedientiæ opere non personam hominis jubentis, sed personam Christi ita volentis promptè obedienti animo veneremur: *Hæc namque obedientia convenit his, qui nihil sibi Christo charius existimant.* Quapropter quidquid tibi à senioribus fuerit imperatum, accipe tanquam de Cælo; sicut de ore Dei prolatum: nihil reprehendas, nihil dissentias, in nullo penitus murmurare præsumas: quia in Monasterio servire venisti, non imperare: prius obedire, quàm jubere. Totum Sanctum, totum justum ac utile judica, quidquid tibi à Prelato videris imperari.

BONA

BONA PROPOSITA

Ex

præsenti Meditatione.

1. **S**Tudebo de meis superioribus magnam æstimationem alere.

2. Conabor impedire pro possibilitate omnem vilipensionem superiorum, semper memor Divini eloquii: *nolite tangere Christos meos.* Psal. 104. v. 15.

3. Fovebo semper filialem confidentiam erga meos superiores.

4. Consuescam mea quotidiana exercitia, & quælibet obedientiæ opera, semper ex formali obedientia peragere; nempe me reflectendo ad ipsam obedientiam, ac saltem internè dicendo: Istud jam hilari mente, humiliter, fideliter, ac reverenter perficiam, quia Deus per meos superiores mihi manifestavit, quod secundum suum sanctissimum beneplacitum ita velit.

5. Pariter in observatione Sacræ Regulæ, in observatione præceptorum Ecclesiæ &c. semper faciam reflexionem ad formalem obedientiam, dicendo intra me: Ecce anima mea! hæc est voluntas Dei, hoc est Divinum beneplacitum, tuum jam est, amore ac exemplo Christi obedire fideliter sinè hæsitatione, simpliciter sinè præcepti discuti-

discussione, velociter sinè cunctatione, humiliter sinè contradictione, hilariter sinè tædio, devotè sinè dissolutione, plenè sinè exceptione, fortiter sinè dejectione, constanter sinè operis aut obedientiæ diminutione, ferventer sinè tepiditate, diligenter sinè negligentia, sincero animo cum plenâ submissione, ex intimo corde, cum omnimodâ voluntatis conformitate ac mei ipsius abnegatione.

6. Intra ipsa obedientiæ opera, non intermittam crebrius formales similes obedientiæ actus renovando exercere, meque ipsum ad obedientiæ perfectionem attingendam excitare.

I. Petr. 2.
v. 13.

7. Tentationibus contra perfectam obedientiam occurrentibus confestim in principio ad primam advertentiam resistam fortiter: animando me ipsum verbi gratiâ illo divino effato: *Subiecti igitur estote omni humanae creaturae propter Deum.* Qualiscunque sit superior, est tamen creatura humana; quaecunque sit opus injunctum, dummodò non sit peccatum, semper faciendum est propter Deum; quia ipse Dominus est, ego indignum instrumentum, ad quodcunque voluerit, me applicabit.

8. Frequentius in oratione coram Deo effundam cor meum, ut dignetur me per meos superiores secundum suum sanctissimum beneplacitum dirigere.

CON-

CONSIDERATIO VESPERTINA.

De

Cultu beatissimæ Virginis Mariæ.

Honoranda ac amanda castissimo amo-
re est beatissima Virgo Maria; quia
eandem ipse Deus præ omnibus creaturis
specialiter honoravit, ac amavit; Ipsam
enim cœlestis Pater per suum deputatum
Angelum salutavit gratiâ plenam: hanc uni-
genitus Dei Filius honoravit ut matrem,
hanc Spiritus Sanctus specialiter obumbravit
ut sponsam. Hæc præ omnibus crea-
turis exaltata super Choros Angelorum, est
ipsi Sanctissimæ Trinitati in gloria & hono-
re magis vicina, ergone servus illam non
honorabit ut Dominam, quam Dominus
elegit in matrem? Amanda ac colenda est
Maria Virgo propter suam excellentiam;
quia tantæ excellentiæ, dignitatis, ac san-
ctitatis existit, ut *si omnes creatura* (ver-
ba sunt Sancti Bonaventuræ) *quantumcun-*
que ascenderent in gradibus nobilitatis, es-
sent presentes, omnes deberent reverentiam
Matri Dei. Amanda & honoranda est ex
titulo debitæ gratitudinis; nam *genitrix*
Domini nostri salutem attulit mundo. Aman-

P. I. qu. 25.
a ult. ad 4.

S. August.
Serm. 8.
da de Sanctis.

Z

da est beatissima Virgo Maria tanquam Mater pulchræ dilectionis, colenda tanquam Mater honoris & honestatis, invocanda tanquam spes viæ, & veritatis, honoranda per imitationem tanquam ratio vivendi, & exemplar sanctitatis.

Ipsam cole, ut de mole

Criminum te liberet.

Hanc appella, ne procella

Vitiorum superet.

DIE SEPTIMA OBSERVATIONES.

1. **D**ies septima sacrorum exercitiorum, quæ supponitur dies Dominica, specialiter dedicabitur Sanctissimæ Trinitati.

2. Offeruntur singula hujus diei exercitia specialiter pro obtinendo dono devotionis in orationibus & pro impetranda efficaci gratia ad devincendas mentis evagationes, tum & pro constanti concordia Catholicorum Principum inter se, ad majorem Ecclesiæ pacem & exaltationem.

3. Tesseræ specialis pro hac die erit: Ecce! tota sanctissima Trinitas vult sibi hanc actionem specialiter sanctificari, ergo ea ipsa tua actio specialiter tanta perfectione peragenda est, ut in illa nihil nisi sanctum reperiatur.

4. Aspi-

4. Aspirationes frequentiores erunt: Benedicamus Patrem, & filium cum Sancto Spiritu, laudemus, & superexaltemus eum in sæcula. Laus & perennis gloria Deo Patri, & Filio, Sancto simul paraclito in sæculorum sæcula.

5. Manè ante meditationem ex libr. de Imit. Christi pro lect. Spirituali serviet ex libr. 4. cap. 1. cum quâ reverentiâ Christus sit suscipiendus: Ex libr. 1. cap. 19. de exercitiis boni Religiosi & cap. 18. ex eodem libr. 1. de exemplis sanctorum Patrum.

6. Meditatio prima de studio devotæ orationis. Secunda de ferventi Zelo pro gloria Dei, & pro salute animarum. Tertia de diligendo Deo ex toto corde.

7. Lectio Spiritualis matutina de observandâ summâ reverentiâ in cultu Dei, & in omnibus Divinis. Lectio Spiritualis pomeridiana de amore Dei erga nos viles mortales nunquam satis æstimando.

8. Examen particulare de charitate Dei & proximi.

9. Lectio Vespertina ex Sacra Regula cap. 19. 20. & 43.

10. Consideratio Vespertina de cultu Augustissimi Sacramenti Eucharistiæ.

MEDITATIO I.

De

Orationis Studio.

Punctum 1. De Studio orationis, Religiosis maximè amando. 2. De modo orandi, ac Deum colendi. 3. De fructibus & dignitate orationis.

Præludium:

ELeva Spiritum tuum cum Joanne Evangelista, ad thronum Dei, teque in omni puritate & humilitate animi adjunge Sanctis Angelis, qui ceciderunt in conspectu throni in facies suas, & adoraverunt Deum. Apoc. 7. v. 12.

Punctum I.

Lucæ 18.
v. 1.

Homilia 8.

Considera verba salvatoris nostri dictis: oportet semper orare, & non deficere. Hoc Domini consilium (inquit noster Joannes Trithemius) præ cunctis mortalibus maximè decet Monachos, & omnes in quacunque Religione claustrales, quorum omnis actio & tota vita; immo quicquid faciunt, aut oratio esse debet, aut saltem orationi conforme, unde (quemadmodum inferius idem auctor loco citato pergit) non sufficit Monacho in Schola Christi regis æterni ad perfectionem tendenti orationes canonicas persolvere, nec sufficit

sufficit homini, Deo per votum solemniter dicato preces ordinis communes in conventu adimplere; quoniam qui semper orare sine intermissione precipitur, ultra verbales etiam ad spirituales orationes obligatur. Et hoc multis de causis. 1. Ratione sui statûs & vocationis. Nam Monachus est, qui so-

Joannes Climacus in Scala Paradisi gradu 1.

lum ad Deum acie mentis intentus, illum semper orat in omni tempore, loco, & re.

2. Ratione fundationis vel eleemosinarum; quia fideles ex hoc fine sua bona monasteriis conferunt & eleemosinas tribuunt, ut per religiosos Deus jugiter laudetur in orationibus Sanctis. 3. Quia Religiosi idcirco specialiter deputantur ad cultum Divinum, & eximuntur à laborum oneribus,

ut eò liberius possint vacare orationibus & meditari in lege Dei die ac nocte. Beatus vir, Eccli 14.

qui in sapientia morabitur, & qui in justitia sua meditabitur. O si nihil aliud faciendum incumberet, nisi Dominum Deum nostrum toto corde & ore laudare. ! ait, ac

ingemiscit noster Joannes Gerson. Etne hujus quoque Spiritûs ? desiderasne quoque continuo tuum laudare creatorem ? & Deo tuo colloqui in meditationibus ac orationibus Sanctis ? Crede mihi, malum, & vix non pessimum signum est in Religioso, non delectari studio sanctæ orationis. Cum videro quempiam

(inquit Sanctus Joannes

Libr. de orando Deo.

Chry-

Z 3

Chrysostomus) *non amantem orandi studium, nec hujus rei fervidâ vehementique cura teneri, continuò mihi palàm est, eum nihil egregia dotis possidere. Et quisquis non orat, nec Divino colloquio cupit assidue frui, is mortuus est, & vita carens, expersque sana mentis; nam hoc ipsum est evidentissimum argumentum amentia, non intelligere magnitudinem hujus honoris, nec amare deprecandi studium. Quapropter non impediaris orare semper.*

Eccli. 18.
v. 22.

Punctum II

Eccli. 18.
v. 23.

S. Regula
cap. 19.
cap. 20.

De Gradi-
bus Perfe-
ctionis
cap. 12.

Confidera, & ante orationem prepara animam tuam, & noli esse quasi homo, qui tentat Deum. Ante orationem ergo consideremus, qualiter oporteat nos in conspectu Divinitatis & Angelorum esse. Nam si cum hominibus potentibus volumus aliqua suggerere, non presumimus, nisi cum humilitate & reverentia: quanto magis Domino Deo universorum cum omni humilitate, & puritatis devotione supplicandum est. Porro orationi (secundum Sanctum Laurentium Justinianum) debent inesse cordis munditia, sincera fides, prolatio postulationum simplex, devotio pia, Divina praesentia consideratio certa, & obtinendi, quod petitur, indubia spes. Haec profectò sunt spiritualia ornamenta orationis non minus mentalis, quàm verbalis. Religiosus dignè orare volens

volens, convocet suas cogitationes omnes-
que affectus ad interiora deserti, ut clauso
ostio toto spiritu per desertum ascendat ad
thronum gratiæ, compareatque in conspe-
ctu Divinæ Majestatis *sicut virgula fumi*
ex aromatibus myrrha & thuris, & universi Cant. 3.
pulveris pigmentarii. Virgula fumi, seu v. 6.
fragrans candela, juxta ipsius Spiritûs San-
cti testimonium fit ex aromatibus myr-
rhæ, & thuris, & universi pulveris pigmen-
tarii: sic & Religiosus debet quasi esse con-
flatus ex aromatibus virtutum, præcipue
imprimis ex myrrha mortificationis, ita ut
omnes inordinatas affectiones possideat
mortificatas; nam inordinatis affectibus
orare est idem, ac lutulentis, foetentibus-
que ocreis ad thronum regis accedere. Se-
cundò ex thure devotionis, & promptæ
voluntatis ad omne Divinum beneplaci-
tum. Tertiò ex universis pulveribus pig-
mentariis sanctorum affectuum, ac deside-
riorum. Virgula fumi tunc solûm cubile
odore suavitatis adimplet, quando accen-
sa, subtiliter ardendo diffluit, & in cineres
abit; sic & oratio Religiosi tunc demum
fit Deo acceptus suffitus, quando Spiritus
ejus in oratione accenditur. Quando præ
ardore Divini amoris quasi diffluit, quan-
do coram Divinâ Majestate se humiliat us-
que ad pulverem, dicens cum Abrahamo,

Genes. 18. loquor ad Dominum meum, cum sim pulvis
v. 27. & cinis.

Vide, utrum tuæ orationes sint tales? Inquire tuarum distractionum aliorumque defectuum causas, tolle radices. Pete donum orationis, cum Propheta ad Deum suspirans: dirigatur oratio mea sicut Incensum in conspectu tuo.

Psal. 140.
v. 2.

Punctum III.

De Gradi-
bus Perfect.
cap. 12.

Considera fructus & excellentiam perfectæ ac Sanctæ orationis. Magna prorsus (ait Sanctus Laurentius Justinianus) est orationis virtus, Divino conspectui oblata per Angelos (si tamen sit charitate ignita, fide plena, intentioni recta subnixâ, humilitate sociata, à delictorum sordibus impolluta, bonisque operibus decorata, (hæc placat Deum, lavificat Angelos, redolet Sanctos, penetrat cælos, postulata reportat, terret Dæmones, adversarios superat, immutat homines, vires reparat, roborat mentem, cor illuminat, propinquam reddit animam Deo, devotionem parit, deprecantem complet dulcedine, dispersas cogitationes, & se frequentantem secum delectabiliter habitare facit. Nullus perfectè enarrare sufficit, quàm potens sit assidua justioratio, quàm necessaria cunctis, & quantum ad perfectionem venire anhelantibus omnino sit congrua. Ecce! quot & quanti fructus

fructus ex devotâ eâque constanti oratione ! Experirisne istos fructus in tuis orationibus ? fortassis non oras sicut oportet ? discute mentem tuam , emenda defectus , *spera in Domino , & fac bonitatem*. Et largietur tibi fructus in tempore suo.

BONA PROPOSITA

Ex

Præsenti Meditatione.

1. **J**uxta monitum Sanctissimi Patris nostri Benedicti, orationi frequenter incumbam. S. Regula
cap. 4.

2. *Quia quidoremus, sicut oportet, nescimus*; frequenter ac ferventer petam donum orationis, ad Dominum suspirans; *Dominus, doce nos orare.* Rom. 8.
v. 26.
Luc. 11.
v. 1.

3. Sollicitus ero ad opus Dei, ita ut omnia verba ritè pronunciem, ut debitam intentionem præmittam, attentionem conservem, ac fructum orationis degustem, ut mens voci concordet, ut cum Sancto Paulo *psallam Spiritu, psallam & mente.* 1. Corinth.
14. v. 15.

4. Ante orationem semper valedicam omnibus impertinentibus cogitationibus & affectibus, implorans Divinum auxilium contra Diabolum infensissimum orationis inimicum, suspirabo ad Dominum, cum

Z 5

He-

Heroïna Judith dicens : *confirma me Domine Deus in hac hora.*

1. Reg. 7.

v. 18.

Pfal. 38.

v. 6.

5. In ipsa oratione humilians animam meam, semper memor ero vilitatis meae, dicens cum regio vate: *quis ergo sum, Domine Deus? Substantia mea tanquam nihilum ante te.*

6. Ad devitandas distractiones sub ipsa oratione rigidus custos meorum sensuum persistam, ne detur occasio maligno.

Pfal. 118.

v. 97.

7. Meditationes, & ejusmodi orationis exercitia nunquam negligam, sed semper accuratissimè peragam, sicque ero addictus orationi mentali, ut mihi cum Propheta dicere liceat: *quomodo dilexi legem tuam Domine? totà die meditatio mea est.*

8. Assuescam præterea preces jaculatorias & pias aspirationes semper in promptu habere.

LECTIO SPIRITUALIS Tempore matutino.

ARGUMENTUM.

Religiosus sit sollicitus ad opus Dei & omnia Divina, sic enim ab ipso exigit ipsa virtus religionis, cui specialiter dedicatus, & obligatus est, unde summopere cavendæ sunt in Divinis irreverentiæ; quia

de his omnibus in tremendo iudicio exigetur reddenda ratio.

Non est equidem, quod nos Religiosos magis delectet, sed nec est, quod meritò terreat magis, quàm virtus religionis, à qua omnis Religiosus nomen Religiosi sortitur. Quid enim delectabilius sitienti bonum & fontem aquæ vivæ, quàm quasi assidue in actibus religionis versari? cultu Divino occupari? toties in oratione Altissimo confiteri? ad imitationem Angelorum in Choro Deo psallere? terribile ac Sanctum nomen Domini benedicere? laudes Divinas decantare? Sacrosancta Sacramenta sæpius frequentare? tremendum missæ sacrificium Divinæ Majestati offerre? & quasi continuâ occasione gaudere, Christum Regem gloriæ in Sacramento amoris visitandi, adorandi, laudandi, amoris actibus celebrandi, suasque necessitates eidem aperiendi? gloriabatur quondam Moyse, felicemque reputabat populum Israëliticum, dicens: *En populus sapiens, & intelligens*, Deut. 4. *gens magna. Nec est alia natio tam grandis, quæ habeat Deos appropinquantes sibi, sicut Deus noster adest cunctis observationibus nostris*, longè potiori tamen jure nos Religiosi gloriari possumus de præsentia Dei nostri, qui psallentibus in Choro, tractantibus Divina sub Sacramento altaris adest nobis

nobis & cunctis observationibus nostris, qui se manducantibus quotidie præbet in cibum. En quanta propinquitas! quanta dignitas! quanta delectatio! panem omne delectamentum in se habentem quotidie in manus accipere (loquar ad Sacerdotes) ore sumere, in intima cordis penetralia recipere? verè non est, quod magis delectet, sed nec est, quod deterreat magis; quoniam de his omnibus aliquando in tremendo iudicio erit nobis rigidissima reddenda ratio. Increpabit nos tunc terribilis omnipotentis majestas, cujus præsentia in actionibus nostris forsitan tam exiguum respectum habuimus, accusabunt nos Sancti Angeli Dei de omnibus irreverentiis, quas Divina tractantes, nostrumque servitutis pensum persolventes, in conspectu ipsorum commissimus, arguent nos Dæmones de omni oscitantia in Divinis admittâ, de omni negligentia committâ, de omni fastidio concepto, de omni remissione in cultu Divino habita, de omni culpa patrata, coarguent nos filii hujus sæculi; tum, quia ipsi longè majori reverentia suis famulati sunt Dominis carnalibus, quàm nos forsan supremæ majestati Regis immortalis, tum quia longè majorem in nobis credidissent, ac sperâssent reverentiæ & devotionis industriad. Tunc omnes & singulæ horæ canonicæ, in

itine-

itinere, in studiis & ubicunque locorum, omnes meditationes, omnes orationes, omnes Sacramentorum receptiones, &c. accuratè trutinabuntur ad canonem Juris, ad amussim Regulæ, ad Regulam Sanctæ reverentiæ, quâ tantæ majestati supplicandum fuisset. Unde operæ pretium duxi, in præsentî discursu quoad hoc punctum saltem brevem instructionem propinare, quâ altè imbibitâ, ex Divinis tum degustare delectationis dulcedinem, tum præoccupare venturam iram Dei valeamus.

Primò itaque toto pectore collaborandum est, ut non solum ad tremenda mysteria tractanda, aut ad Sacramentum altaris recipiendum, sed etiam ad omnem orationem, & ad omnia Divina conscientia purâ & immaculatâ accedamus: Nam *Religio munda & immaculata apud Deum & Patrem hæc est, visitare pupillos & viduas in tribulatione eorum & immaculatum se custodire ab hoc Saculo. Peccatori autem dixit Deus, quare tu enarras justitias meas, & assumis testamentum meum per os tuum?*

Nam si nec justus sine modestia & verecundia quâdam ad Sanctorum præsumit accedere laudes, quanto magis peccator, in cujus ore non est laus speciosa, timeat semper, necesse est, vocem illam: *Quare tu enarras justitias meas, &c.* Desiderat quidem sponsus

Jacobi 1.
v. 27.
Psal. 49.
v. 16.

S. Bernardus in Vigil. S. Andree.

Cant. 2.
v. 15.

sus vocem suæ sponſæ Cant. 2. v. 14. de-
siderat Deus vocem orantis, sed cujus? il-
lius nempe, de qua subjungit: *facies tua
decora.* Si (teste Lampridio) stulta græ-
corum gentilitas Eleusinæ Cereri Sacra ce-
lebratura ante fores templi præconem con-
stituit, publico isthoc decreto, ut quos-
vis ingressuros hâc voce altè perstringeret,
*nemo ingrediatur, nisi qui se innocentem co-
gnovit.* Si nefas est, apud Turcarum Im-
peratorem in atra veste comparere, si ad-
mittendus ad Magnum Moscoviæ ducem
festivis vestimentis induitur, quanto magis
nefas erit coram Divina majestate in ora-
tione ad audientiam comparere, in Choro
psallere, Divinis assistere, opus Dei per-
agere, & tractare Sancta sine indumento
justitiæ. Quis hoc præsumpserit, nisi se
innocentem cognoverit? quis non advigi-
let, ut in vestitu charitate deaurato & cir-
cumdatus varietate virtutum semper acce-
dat ad thronum gratiæ? Forsan tibi sug-
gerit immatura minusque ascetica pruden-
tia: hæc quidem verum habere ante sa-
cræ synaxin, ante sacram communionem
quidem in veteri Ecclesia Diaconum can-
tante voce clamasse ad fideles sacro epulo
reficiendos: *Sancta Sanctis: Nemo nisi San-
ctus accedat,* ast mundam, & quidem ab
omni etiam nævo veniali immaculatam
con-

conscientiam ante omnem orationem exigere, esse scrupulis fomitem ministrare, cum de præmittenda orationi confessione secundum se nullum exstet præceptum, & elicere contritionem sit quidem decentiæ, non tamen præcepti aut strictæ obligationis: sic forsan discurrit casuista, sed nullus approbat Asceta. Omnium scrupulorum facile est pessimus, nihil boni velle perficere nisi sub obligatione, & quidem tam palpabili, ut in scholis per nullam sententiam à culpa mortali excusetur. Hinc nemini mirum videri debet, quòd noster Gerhardus Belga Casistarum discursus tam ægrè ferre sit solitus. *Nihil minus ferebat* (inquit Bucelinus in ipsius dictis & factis) *quàm quosdam casisticè disputare, quidnam in hoc vel illo liceat?* Dicebat autem, ejusmodi quæstiones, scrupulosis tantummodo & desperabundis, iisque quorum interesset, ejusmodi hominibus succurrere, salutare & utiles, caterùm aliis noxias nimium in praxi & pestilentes esse, & qui ejusmodi sententias pro arbitrato sequerentur, statuissè eo ipso nunquam proficere, imo rigorem omnem & quidquid adversum carnem & voluntati esset, imminuere aut tollere. Addebatque: sanctos attendamus, quid fecerint, quidquid tandem tantæ libertatis auctores contenderint. Et ceriè, fratres, hoc est in misericordias Domini

Epist. 71.

In ligno
vitæ cap. 4.
de orat.Psal. 100.
v. 6.

ni peccare, amplecti ea, quibus videt Sanctos omnes actu contradicere. Vel si sancti nequeunt nos suis exemplis movere, audiamus saltem visionem, Justino Capucino in raptu ostensam. Is (uti Nebridius in suo Antiquario ex Boverio enarrat) rapiebatur quondam per spiritum ad chorum, & ponebatur in medio fratrum matutinas laudes dicentium. Sperabat bonus Pater, se ibi auditurum quasi terrestrium Angelorum melodiam. Sed hem! locò suavis concentus, auribus nihil hausit aliud, nisi horrendos canum latratus, mugitus boum, grunitus porcorum, & verba blasphemiarum. Ad hæc audita inhorruit vir optimus fundensque coram Deo preces mistas lacrymis, sibi revelari petiit, quid tam monstrosum indicaret matutinum? Et ecce! hæc cælica vox auribus ejus illabitur: *Illorum Religiosorum preces, qui dissolutè vivunt, Regulam negligunt, aliosque rectè viventes impediunt, nihil aliud sunt, quàm blasphemiarum, & voces belluarum.* Manet proinde verissimum illud Sancti Laurentii Justiniani effatum: *Sicut nullum medicamentum proficit, donec ferrum latet in vulnere, ita nihil prodest illius oratio, cujus voluntas versatur in scelere.* Non quivis precator aut Sacricola est Deo minister acceptus, sed *ambulans in via immaculata, hic mihi mi-*

ni.

nistrabit : ait omnipotens. Alterum in omni religionis exercitio & in cultu Divino requisitum est debita reverentia tam externa quàm interna cum devotione conjuncta. Unde reverentia nostra non debet esse politica, aut sæculum sapiens, sed religiosa, ex omni parte devotionem spirans, ædificationem diffundens, corda sursum sublevans. Interna reverentia consistit in attentione mentis & submissione cordis, ita ut omnes cogitatus & affectus collecti unice occupentur in cultu Divinæ majestati exhibendo, & in actibus religionis exercendis. Externa est totius exterioris hominis condecora compositio in devotionis obsequium, importans sensuum exteriorum continentiam, actuum ac membrorum decentiam, & præscriptorum rituum seu sacrarum cæremoniarum observantem custodiam. Utramque à nobis exigit Deus, dum ait: *filius honorat Patrem, & servus* Malach. 1. *Dominum suum: si ergo pater ego sum, ubi* v. 6. *est honor meus? & si Dominus ego sum, ubi est timor meus?* Et quid est opus ad persuadendam reverentiam in cultu Divino multos scripturæ textus aut Patrum sententias proferre? Nam si secundum sacram cap. 53. nostram Regulam *debitum terror ipse sibi exigit honorem*, quantò magis terror Divinæ majestatis per se verè credenti incu-

Genes. 28.
v. 17.

Speculum
exemplo-
rum, verb.
Angel. ex-
emp. 11.

tiet timorem, sibi que exigit omnem honorem ac reverentiam. Dum Jacob in somno per scalam descendentes & ascendentes Angelos vidit, expergefactus haud opus habuit ad exhibendam loco reverentiam multâ exhortatione, sed per se plenus pavore exclamans aiebat: *quàm terribilis est, inquit, locus iste! non est hic aliud nisi domus Dei, & porta Cœli.* Hæc toties contingunt, quoties Deum colimus, quoties Divina tractamus, quoties oramus, toties tanquam mendici portam cœli pulsamus, toties nos Deus respicit de excelso folio gloriæ suæ, toties descendunt Angeli, offerendo merentibus gratiarum charismata, toties & ascendunt, Divinæ majestati quasi nunciaturi, quâ decentiâ persolvamus nostræ servitutis pensum, quemadmodum colligitur ex illa visione Divi Bernardi, quâ nocturnis quondam insistens vigiliis, vidit Sanctos Angelos junctos psallentibus Monachis, totos occupatos in notandis singulorum orationibus; illorum quidem orationem, qui totâ attentionis ac intentionis puritate, charitatisque fervore orationi & psalmodiæ vacabant, litteris notabant aureis, illorum, qui aliquo modo quidem minus ferventer, sed tamen devotè & attentè psallebant, litteris argenteis, illorum, qui â devotione quidem deficiebant, sed bonam

bonam nihilominus Deum colendi voluntatem retinebant, atramento : illorum qui distractionibus non satis resisteabant, vel pigre se duntaxat applicabant, scribebant tantum aquâ, apud illos autem, qui timoris Dei immemores aut somno se dabant, aut levitates exercebant, aut pronâ voluntate vanis cogitationibus, & impertinentibus objectis se occupabant, Sancti Angeli signabant nihil, sed illis suos Angelicos vultus cum signo mœstitiæ avertentibus, totum stylo ferreo diligentissimè annotabat Diabolus. Jam hîc mente subsiste paulisper, donec ad trutinam revocemus omnes orationes nostras, â primis annis hucusque fusas, omnia exercitia cultûs Divini, quorum ingens procul dubio reperietur numerus ac cumulus, sed qualibus litteris descriptus ? an aureis ? ah utinam ! an argenteis ? optarem planè ! an atramento ? & de hoc dubito. An aquâ ? ut plurimum credo. An fortè in nostris orationibus nihil â Sanctis Angelis, sed omnia â Dæmonibus notata comparebunt ? non immeritò metuo. Metuo planè, dum & aliam ex speculo exemplorum lego historiam de duobus fratribus, qui quondam in suis lectis, commoditatis causâ, sedendo, nocturnas simul recitabant vigilias. Ethem ! continuo visibili specie astitit dæmon horribili ac intolerabili

Verbo :
Orat.
Exemp.
14.

S. Regula
cap. 19.

Vincentius
Bellova. in
Spec. Mo-
ral. dist. 33.
p. 10.
glossæ.
S. Basilii
apud
S. Thom. 2.
3. q. 83.
2. 13.

lerabili fœtore circumquaque diffuso, vociferans cum sarcasmo: *Tali orationi debetur tale incensum. Ideò semper memores simus, quod ait propheta: servite Domino in timore: Et iterum: Psallite sapienter. Et in conspectu Angelorum psallam tibi.* Præsentiam Angelorum verè & actu non credit, Deo in timore non servit, nec sapienter, sed insipienter psallit, quisquis ad hoc solum attendit, ut quoad substantiam satisfaciatur præcepto, & saltem peccati mortalis effugiat reatum; hoc enim non est verè colere Deum, nec Divinam revereri majestatem; nam canis neque venialiter quidem in ecclesia peccat, sed propterea Deum non colit. Si aliud Ecclesia non vellet, preces canonicas certè minùs sapienter præscriberet. Quem enim, quæso! Ecclesia ex nostris orationibus fructum acquireret, si tantum externum cantum aut clamorem intenderet? quoniam *non plus delectatur Deus in oratione vocali sine attentione mentali, quàm in garritu avium, vel in gurgitu porcorum: si cor non orat, in vanum lingua laborat. Talis non solum non impetrabit, quod petit, sed etiam magis Deum iritabit.* Ille tanquam minister intelligens ad intentionem, & secundum intentionem Ecclesiæ sapienter psallit, qui in toto corde Deum deprecatur pro populo, qui confite-

tur

tur Altissimo in cithara sanctorum affectuum, qui majori reverentiæ & humilitatis subjectione tam exterius quàm interius Divinæ majestatis reveretur præsentiam, quàm Regina Esther vultum regis Assueri; infinitè quippe magis verificatur de Deo Dominorum Domino, quàm de rege Assuero illud Reginae Esther dicentis : *valde enim mirabilis es Domine, & facies tua plena est gratiarum.* Hinc

Esther 15.
v. 17.

Tertium requisitum est in cultu Divino, ac in omni religionis exercitio charitatis fervor cum hilaritate cordis conjunctus: quemadmodum asserit scripturâ: *glorificantes Dominum, quantumcunque potueritis, super- v. 32. 33. & 34.*
pervalebit adhuc, & admirabilis magnificentia ejus, Benedicentes Dominum, exaltate illum, quantum potestis; major enim est omni laude. Exaltantes eum replemini virtute, ut totis viribus in lætitia & exultatione laudetis Deum, & imitemini spiritualiter Davidem, qui saltabat totis viribus ante Dominum. Pessimum signum est, si quis in Divinis fastidium concipit; nam fastidiosos & ipse Deus fastidit, quemadmodum ad Deum Ecclesia canit: *Esuriens replebis bonis, fastidiosos divites dimittens inanes, cujus rei satis terribile* Nebridius enarrat exemplum de quodam Carthusiano Monacho, Divina fastidiente, hic quon-

2. Reg. 6.
v. 14.

In festo
Corporis
Christi.
Epist. 68.
in anti-
quar.

dam die tardioris psalmodiæ pertæsus, vesperarum se synaxi subducens, tædii dispellendi causâ capitulum intravit, quò vix primum pedem inferente, ecce tibi! crucifixi imago, ante oculos ingredientium posita, visibiliter se vertit, vultuque in alteram partem acto, dorsum exhibet fastidioso. Quo viso infelix adeò conterritus est, ut illicò in amentiam inciderit, & licet fratrum precibus semestri transacto iterum sibi compos evaserit, nunquam tamen evasit emendatus, sed semper ad deteriora prolapsus, tandem ex sententia capituli generalis ab ipso sacro ordine projectus est. Ecce hic est fructus fastidii in Divinis, semper suspirantis ad finem.

3. Cæsarius
Arelatenlis
homil. 21.

perè cavendum est, *ne acedia, dum Divinis assistimus officiis, animum nostrum subeat, efficiatque, ut ex medicina nobis venenum adsciscamus, id est, ne exinde orans acquirat peccatum, ubi habere potuit remedium.* Semper nostram occupet memoriam illud notum Divinæ scripturæ oraculum: *maledictus, qui facit opus Domini negligenter, sive, uti alii legunt: fraudulentè.* Quid sit opus Dei, ex Sacra Regula scimus, in hoc itaque opere, in cultu Divino scilicet nobis strenuè laborandum est, & quidem magnus labor adhibendus est, dicente beato Agathone Abbate, *quia puto, non alium*
esse

Jerem. 48.
v. 10.

esse laborem talem, qualem orare Deum: Dum enim voluerit homo orare Deum suum, semper inimici Demones festinant interrumpere orationem ejus, scientes, quia ex nulla re impediuntur, nisi per orationem ad Deum; si quidem omnem laborem alium, quem homo in religiosa conversatione positus assumpserit, quamvis instanter & toleranter agat, habet tamen & possidet aliquam requiem: Oratio autem usque ad ultimam exhalationem opus est, & habet laborem magni certaminis. Laborandum est in opere Dei, in cultu Divino non negligenter, non fraudulenter. Negligenter opus Dei facit, qui æquo minus est sollicitus sive quoad dispositionem & præparationem tam sui, quàm ipsius functionis sacræ, sive quoad intentionem, sive quoad attentionem, sive quoad alias rationes, cultum Divinum condecetes. Opus Dei fraudulenter agit, qui sive de requisito temporis, sive de ipsis verbis, plus æquo properando quid subtrahit, aut omittit: opus Dei fraudulenter facit, qui ad favendum suæ laxitati aut commoditati in fraudem & devotionis diminutionem, sententias magis Platonice speculationibus, quàm veræ devotioni, ac piorum sensui conformes amplectitur. Religionis amans, suæque Professionis observans Religiosus non attendit, quidnam per scholasticas senten-

Apud
 Michaelē
 à Catharina
 vol. 3.
 Tract. 14.
 Erud. 4.
 n. 804.

Opusc. 2.
cap. 9.

tias denique liceat, sed quidnam juxta solidæ asceticæ regulas sanctæ devotioni & spirituali profectui magis conveniat, fundatus in illo nostri Gerardi Belgæ Proverbio: *Nihil libeat Monacho, quod licet, id unum agat, quod agere præstat.* Da operam (com-
monens ait Nicolaus Lancicius) *ut tua oratio semper sit ardens, & quodammodo bullienti erga Deum affectu, & res Divinas inflammata.* Hæc enim actuum fervens intensio, est quidam seraphicus Deum amandi ardor, & gustum præbet Divinæ majestati incredibilem, & magna merita cumulat, & multa impetrat, & pœnas purgatorii aut penitus submovet, aut valde minuit, & animum flectit ad declinandas heroico studio omnes, etiam levissimas imperfectiones & frequentandos actus virtutum heroicarum. Si tamen adeò percontari libet: utrum in cultu Divino non possit fieri excessus? Respondeo, respiciendo ipsam Divinæ majestatis supereminentiam, non posse fieri excessum; siquidem Deus est omni cultu major, & omni sancto, etiam infinito honore dignior; respiciendo verò nostram infirmitatem, per nimiam intensiorem posse fieri excessum, unde in hoc quoque opus est discretione, ne fervoris intensio ultra vires profiliat. Cæterum plura quidem adhuc restant, quæ cultum Divinum tum nobilitant,

tant, tum quasi necessario comitantur; verum, quoniam potissima in positis conditionibus partim jam includuntur, partim ex meditatione facile eruuntur, partim alias jam nota supponuntur; hinc nimiae prolixitatis declinandæ ergo, submotam de hac tabula manum aliis adjicio, pro memoriæ ac continuæ considerationis tessera cordibus nostris insculpens illud scripturæ incitamentum: *Laudate Dominum, quoniam bonus est psalmus: Deo nostra sit jucunda decoraque laudatio.*

MEDITATIO II.

De

Zelo pro Divino honore ac pro salute animarum.

Punctum 1. In quonam verus zelus consistat? 2. De actibus seu exercitiis zeli. 3. De discretione in exercitio zeli adhibenda, præsertim quoad extraneos.

Praludium:

Siste te in præsentia Domini Dei dicens: *Nunc reducam captivitatem Jacob*, Ezechiel & *miserebor omnis Domus Israël, & assu-* 39. v. 25. *eam zelum pro nomine Sancto meo.* Satage cooperari zelo Divino; quoniam (quemadmodum magistri spirituales ex Sancto Dionysio Areopagita tradunt, omnium

A a 5

Divi-

Divinorum diviniſſimum eſt cooperari Deo
in animarum ſalutem.

Punctum I.

Tom. 2.
libr. 3.
P. 2. cap. 5.

Cant. 8.
v. 6.

Matth. 6.
v. 9.

Luc. 12.
v. 49.

Confidera, Sanctum zelum à Jacobo Alvarez definiri, *quòd ſit intenſus charitatis actus, & amantiſ affectus, quo diligentiffimè querit honorem Dei, & proximorum ſalutem, ac quicquid hiſce duobus contrariatur, fortiter, conſtanterque repellit.* Motiva ad fovendum hunc zelum nos ſtringunt plurima. 1. Eo ipſo, quia eſt charitatis actus & proprius ſponſæ, aſſerentiſ: *dura ſicut infernus amulatio.* Quanto igitur zelo amaritudinis totuſ infernuſ ardet ac vigilat ad minuendum Dei honorem & ad perdendas animas, tanto charitatis zelo quivis noſtrū deberet ſudare ad promovendum Dei honorem ac ad lucrificiendas Chriſto animas. 2. Quia hunc zelum noſ docet, & ſignificat ſtatim prima petitio in oratione Dominica, illiſ verbis: *Sanctificetur nomen tuum.* Nam per zelum Divini honoris! & per zelum animarum propriè & potiffimū ſanctificatur nomen Domini. Primam itaque petitionem in oratione Dominica ignorat, qui Sancto zelo non flagrat. 3. Voluntas Dei, quemadmodum colligere faſ eſt ex illiſ verbis Chriſti Domini: *Ignem veni mittere in terram, & quid volo,*

nifi
mit
igne
devo
omn
dem
dam
omn
merc
bet
omn
ctus
ſerv
dem
lo l
de 4
Nul
ficiu
cace
Dec
lum
cuſa
Exe
prop
buſ
tem
fili
San
ma
næ
niſ

nisi ut accendatur? Sed qualem ignem venit
 mittere? quali igne nos vult accendi? *In Sophon. 3.*
igne enim zeli mei (inquit Spiritus Sanctus) v. 8.
devorabitur omnis terra, & ut tollat nobis
omnem scrupulum, aliud sentiendi, ibi-
dem continuo subjungit; Quia tunc red- v. 9.
dam populis labium electum, ut invocent
omnes in nomine Domini, & serviant ei hu-
mero uno. Ecce! In igne zeli devorari de-
 bet omnis terra, id est, consumi debet
 omnis terrena affectio, omnes nostri affe-
 ctus id unum spirare, ut omnes populi
 serviant Deo uno humero, sive sub uno eo-
 demque jugo Christi. Ecce! lingua ex ze-
 lo loquens appellatur labium electum. Un-
 de 4. zelus est Deo sacrificium gratissimum.
Nullam quippe omnipotenti Deo tale est sacri-
ficiū, quale est zelus animarum. Et hinc *S. Greg.*
cacodæmon totis conatibus laborat, ut istud *homil. 12.*
Deo gratissimum sacrificium nimirum ze- *in Ezech.*
lum, impediat, tum suggerendo varias ex-
cusationes, tum incutiendo timores. 5.
Exemplum ipsius Domini Dei, qui etiam *Rom. 8.*
proprio filio suo non pepercit, sed pro nobis omni- *v. 32.*
bus tradidit illum. Ecce! si propter salu-
 tem animarum Deus non pepercit vitæ sui
 filii, tunc parces laboribus? 6. Exemplum
 Sanctorum, quo nobis præluxerunt nostri
 majores, non solum viri, sed etiam fœmi-
 næ. Quo enim penicillo satis exprimes zelum
 San-

Sanctæ Theresiæ, Mariæ à Jesu, & aliarum virginum? tune hisce timidus & sæminelus Daniel. 12. magis? 7. Ingens meritum, nam qui ad
v. 3. *justitiam erudiunt multos, fulgebunt, quasi stella in perpetuas æternitates. Si enim magna mercedis est* (inquit Sanctus Gregorius)
Lib. 19. *a morte eripere carnem quandoque morituram, quanti est meriti, a morte animam liberare, in cœlesti patria sine fine victuram?*
moral. c. 16 *Hunc ergo zelum ferventissimo amore exercent Monachi. Sunt ipsissima verba sacrae nostræ Regulæ. cap. 72,*

Punctum II.

Confidera, zelum posse variis actibus ac modis exerceri. 1. Est dura æmulatio & dolor zeli, quod in Ecclesia apud multos sit tam exiguus, immo minor zelus pro dilata-
tione fidei Catholicæ, quàm apud hæreticos zelus perversus ad disseminandos suos errores. Talem zelum Elias habuit, dum respondit: *Zelo zelatus sum pro Domino Deo exercituum, quia dereliquerunt pactum Domini filii Israel: altaria tua destruxerunt, & prophetas tuos occiderunt gladio, & derelictus sum ego solus.* 2. Alios accendere ad zelum sive prædicatione, sive exhortatione, sive linguâ, sive calamo, ad exemplum illius, de quo scriptum est: *sicut vir præliator suscitabit zelum.* 3. Ex ardore zeli dolere,

Isaïæ 42.
v. 13.

lere, quod Deus tot peccatis offendatur, hoc zelo ille arsit, qui dixit: *Tabescere me* Psal. 118. *fecit zelus meus, quia obliti sunt verba tua* v. 139. *inimici mei.* 4. Omni possibili modo operam dare, ut peccata impediuntur, juxta exemplum Sancti Ignatii Lojolæ, qui insudans convertendis scæminis luxuriosis dicere solitus est: *Si omnibus vita mea curis ac laboribus id possim efficere, ut vel unam noctem peccato vacuum transigere proponeret istarum aliqua, omnes ego quidem nervos contendam, ut vel illo exiguo tempore Deus & Dominus noster non offendatur.* 5. Laborare omni possibili modo, ut peccatores ad pœnitentiam adducantur, juxta illud Divinæ Scripturæ: *Erue eos, qui ducuntur ad mortem, & qui trahuntur ad interitum, liberare ne cesses.* 6. In conversione hæreticorum ac infidelium occupari juxta verbum Domini dicentis: *Euntes ergo docete omnes gentes.* 7. Fatigari & operam navare, ut cultus Divinus & devotio fidelium ubique adaugeatur, juxta exemplum illius, de quo scriptum est: *Zelus domus tue comedit me.* 8. Nulli labori parcere, ut boni continuò proficiant in melius, ut reformentur sacri religiosi ordines, & eant omnes fideles præsertim Religiosi de virtute in virtutem: sicut scriptum legitur: *Qui justus est, iustificetur adhuc, & Sanctus sanctificetur adhuc*

Michael 2.
S. Cath. v. 3.
tract. 11.
Erud. 6.

Proverb. 24.
v. 11.

Matth. 28.
v. 19.

Joann. 2.
v. 17.

Apocal. 22.
v. 11.

Isaïæ 59.
v. 17.

adhuc. Paucis imitare illum, de quo Scriptura ait: *Opertus est quasi pallio zeli.* Nec dimittas pallium zeli tui, donec cum Zelote Elia rapiaris in Paradisum Dei.

Punctum III.

Psal. 98.
v. 4.

Matth. 10.
v. 16.

Lue. 4. v.
23.

Serm. 18. in
Cant.

ad Titum
1. v. 9.

Considera, in zelo esse discretionem & magnam prudentiam adhibendam: nam *honor regis iudicium diligit.* Hinc & Dominus dum suos discipulos ad prædicandum Evangelium destinavit, hisce eos communiit: *Estote ergo prudentes sicut serpentes.* 1. Quidem requiritur, ut quis seipsum prius curet, ac perficiat, antequam ad alios curandos vel perficiendos progrediatur, ne alias ipsi dicatur: *Medicè cura teipsum. Concham te exhibebis* (ait Sanctus Bernardus) *& non canalem.* Hic siquidem penè recipit & refundit, illa verò donec impleatur expectat, & sic quod superabundat sine suo damno communicat, sciens maledictum, qui partem suam facit deteriore. 2. Zelator animarum debet sufficienter esse instructus, non qualicunque scientia, sed sapientiâ salutare, ut potens sit exhortari in doctrina sana, & eos, qui contradicunt arguere. 3. Zelus debet proficisci ex pura intentione & ex affectu charitatis, non autem ex ambitione, aut invidiâ, vel ex inquietudine, ex cupidine libertatis, propriæ commodita-

tis

tis &c. Unde Paulus ait: *Emulorem enim vos Dei amulatione*, non verò æmulatione propriæ utilitatis. 4. Ut zelus sit conformis superiorum voluntati ac sacræ obedientiæ: facile enim, etiam suo bono zelo in laqueum Diaboli incidit, quisquis obedientiam non diligit, & præstat unum vera obedientiæ actum exercere, quàm sexcenta patrare miracula. 5. Magna est adhibenda circumspeditionis cautela, ne fortè, minus caute per discrimina incedens, cùm aliis prædicaverim, ipse reprobus efficiar. 6. Magna opus est discretione in ipso zeli exercitio, cujus acquirendæ causâ præter crebras ad Deum fufas preces, inquirenda sunt prudentum consilia, ut singulis morbis semper proportionatâ obvietur medelâ, ne zelus per excessum transeat in crudelitatem, aut ne per nimiam remissionem foveat pestem vitiorum ad plurium & maiorem contagionem. Denique populos convertere, & animas Christo lucrari, opus est non humanæ scientiæ, sed dexteræ Excelsi. *Tu fac, quod potes, Deus supplebit ea, quæ tu non potes.*

2. Corinth.
II. v. 2.

S. Francisc.
Xaverius in
floribus
Ind. 30.
Aprilis.
I. Corinth.
9. v. 27.

S. Francisc.
Xaverius in
floribus
Ind. die
17. Maji.

BONA PROPOSITA

Ex

Præsenti Meditatione.

1. **F**requentius rogabo Dominum me-
sis, ut mittat operarios in messem
suam, & ut suscitet prædicationes, quas lo-
cuti sunt in nomine ejus prophetæ priores.

2. Pariter orabo specialiter & bona opera
offeram pro Prælatiis & Ecclesiarum Recto-
ribus, ut inardescant zelo pro Ecclesia Dei
& animarum salute, ut veluti speculatores
positi speculentur serio in illis verbis Sancti

Homil. 11. Gregorii Papæ : *Nos convenimur, nos con-*
in Ezechiel. *stringimur, nos rei esse ostendimur, qui sa-*
cerdotes vocamur, qui super ea mala, quæ
propria habemus, alienas quoque mortes ad-
dimus; quia tot occidimus, quod ad mortem
ire quotidie tepidi & tacentes videmus.

3. Diligentem navabo operam, ut fiat
aptus ad procurandam animarum salutem;

S. Joann. Chrysoft. *Nihil enim potest nos adeo imitatores Christi*
Homil. 25. *facere, ut proximorum cura.*

in 1. ad Co- 4. Nulli labori parcam pro Ecclesia &
rinth. pro lucro animarum, memor illius, quod
quondam Henrico Susoni desuper dictum

In libello de 9. rupi- fuit: *Si tantum unus homo inde convertere-*
bus c. 1. *tur, lubenter ad scribendum te accingere de-*
beres,

beres, licet propterea amaram subire mortem deberes.

5. Cum Sancta Theresia optabo frequentius pro quâlibet salvandâ animâ mille Part. 2. vi-
vitas dare, ac mortes subire. Vel dicam ex tæ. cap. 1.
intimo pectore cum Ludovico de Ponte:

*Si ad peccatorum conversionem necessarium apud Mi-
sit, me in perpetuum ardere in flammis in- chael. à S.
ferni sine peccato, me offero, Deus, ad has Cathar. vol.
flammas. 3. Tract. II.
Erud. I.*

EXAMEN PARTI- CULARE

De

Charitate Dei & proximi.

1. **U**trum Deum sapius ames ex toto corde, id est, secundum omnes animi affectus, unice quiescendo, & delectando in Deo summo bono, ex abundantia amoris dicendo: *Deus meus! amor meus!*
& omnia!

2. Utrum sapius elicueris actus gaudii & complacentiæ, quod Dominus Deus sit tantus ac talis?

3. Utrum crebrius optaveris, Deo adhuc plura attribuere, si aliquo indigere posset, & tu illud ipsi tribuere valeres, dicendo verbi gratiâ: Domine Deus, si ego totum tuum

Bb

esse

esse Divinum haberem, hoc idem tibi iterum donarem, solum cor tuum Divinum mihi tecum commune reservans, ut per omnem æternitatem infinito amore te amare valerem?

4. Utrum tibi Deus tam in se, quàm in suis dispositionibus semper super omnia placuerit?

5. Utrum omnia tua opera tam interna, quàm externa ex puro amore Dei peregeris?

6. Utrum frequentius elicias animi dolores, quod optimus Deus tum à te, tum ab aliis creaturis toties offendatur?

7. Utrum frequenter elicias ardentissima desideria, ut Deus ab omnibus creaturis purissimo ac intensissimo omnique possibili amore adametur?

8. Utrum ex puro amore pariter dilexeris omnes tuos confratres, aliosque homines, gaudendo gaudio spirituali de illorum bono, & dolendo de illorum malo, tanquam de proprio?

9. An præfatos omnes dilexeris, studendo, ne ullum ipsorum unquam offenderes, sive interne temerario iudicio, aut suspitione, aut alia offendente cogitatione, sive externè aut verbo mordaci, asperò, irrisorio, aut alio injurioso?

10. Utrum nemini nocueris, aut nocere intenderis, sive in re, sive in fama, sive alio modo?

11. Utrum

11. Utrum studueris à tuis proximis omne
damnum tam famæ, quàm rei omni possibi-
li modo avertere?

12. Utrum offensus à tuis proximis,
amore Dei libenter ignoscas, & malè fa-
cientibus bona retribuas?

LECTIO SPIRITUALIS Tempore Pomeridiano.

ARGUMENTUM.

Ecce! quomodo amabat eum? Joannis
II. v. 35. Ut è vestigio in hoc discursu
ad principium redeam, ecce voci clamanti
in deserto per istud tuæ sacræ solitudinis
ostiduum auscultas, ergo vel saltem hodie
ausculta attentius, ausculta pronius. Ho-
die enim altius clamare præoptat, hodie
eum Maria Magdalena de Pazzis intonat:
O amor! ô amor! ô amor! nunquam, nun-
quam cessabo te vocare amorem, spem nostram
& omnia. O Domine da mihi tam fortem
vocem, ut cum te amorem voco, vox mea ab
ortu ad occidentem, & in omnibus finibus
orbis usque ad inferos audiatur, ut omnes
te ceu verum amorem agnoscant, ament &
gratias tibi agant: De re magna, de remi-
rabili hodie disseritur, quid enim mirabilius?
quid memoratu dignius Divino amore, in

Apud Joannem Schön-
leben.
Confid. 2.
in die Para-
sceves.

nos mortales, in te ac in me tam superabundanter effuso? Et

I. Quidem amorem maximè nobilitat magnitudo & excellentia amantis; siquidem omnium prudentum mentè longè majus optabiliusque est amari à Rege potente, quàm à vili mendico: & quis est noster amator? Deus est, immensum pelagus est incomprehensibilis majestatis, infinitæ delectabilitatis, omnium perfectionum ac divitiarum sine numero & pondere, sine termino & mensura pelagus, quod nulla navicula creati intellectus enavigare potest. Continens est, in quo continentur omnia desiderabilia tanquam in Principio sine Principio, tanquam in fine sine fine. *Si cœlum terraque libris replerentur, vastissimumque pelagus omne atramentum foret, & omnes creaturae Scriptores, citius mare totum scriptoresque cuncti deficerent, quàm vel minimam bonitatis aut cujusvis alterius virtutis illius absolverent partem. Imò si cunctorum corda mortalium simul unita, hanc ipsam minimam bonitatis suæ partem, quantum quidem in hac liceret vita, feliciter degustarent, mox omnia præ amore scinderentur & gaudio, viribusque deficerent, nisi Sancti Spiritus temperante gratiâ, desuper corroborarentur. Ecce tantus ac talis est amator noster! quisquis prudentum amari deside-*

Joannes
Thaulerus
Tract. de
cœcitatib.
cap. 3.

rat

rat, amari à potente, à sapiente, à divite, à
justo, à specioso, à delizioso, ab amabili, à
desiderabili, à fideli, à satisfaciente, seu sa-
tiante; nam amari ab infirmo est exigui ro-
boris, à stulto est exigui honoris, ab inope
est exiguæ utilitatis, ab injusto est exiguæ
laudis, à turbulento vel inquieto est exiguæ
consolationis, à deformi est exiguæ gratio-
sitatis, à non delizioso est exiguæ volupta-
tis, à non amabili est exiguæ delectationis, à
non desiderabili est exigui gustûs, ab infi-
deli est exiguæ æstimationis, à non satiante
est exiguæ quietationis. Sed en tibi! ama-
tor noster est ipse solus omnipotentissimus,
ipse solus sapientissimus, solus ditissimus,
solus justissimus, solus sanctissimus, solus
placidissimus, solus speciosissimus, solus
deliciosissimus, solus amabilissimus, solus
desideratissimus, solus fidelissimus, solus
satiativus. Ejus velle est posse, ejus posside-
re est nihil deesse, ejus sapere est omnia cum
gustu comprehendere, ejus justitia est in-
comprehensibilis, ejus placiditas impertur-
babilis, ejus pulchritudo ineffabilis, ejus
deliciositas indefinibilis, ejus amabilitas in-
explicabilis, ejus desiderabilitas intermina-
bilis, ejus fidelitas sine fine, ejus satietas si-
ne termino, ejus majestas sine mensura,
omnis ejus perfectio sine numero. Sic de Deo
universa Ecclesia tenet, sic sana ratio suadet,

Psal. 13.

v. 1.

sic scriptura dicit, & nemo nisi stultus contradicit: *Dixit insipiens in corde suo: non est Deus.* Nec prudentius sentit, qui aliquid boni vel perfectionis simpliciter talis Deo deesse credit; si enim aliquâ perfectio in quocunque gradu, vel aliquid bonum esset excogitabile, quo Deus careret, tunc nec foret quietus, nec ultimato beatus; quia quidquid boni, & quidquid perfecti est excogitabile, illud etiam est desiderabile, ergo si ipse Deus posset aliquid bonum in aliquo gradu excogitare, quod in se non haberet, tunc posset etiam illud desiderare, & consequenter nec foret quietus, nec beatus, quoniam ubi est inquietudo, ibi non est beatitudo, ubi est desiderium aliquid bonum vel aliquem gradum boni habendi, ibi non est terminus, neque principium omnis boni, & consequenter neque esset Deus. Ecce tantus est amator noster, ut ne quidem prudens cogitatio quid inveniatur, quod ultra perfectionis aut boni ipsi attribuat.

2. Amor multum admirabilis redditur, si multum dispar amatur; nam si Rex suum filium, aut fidelem aulicum amore prosequitur, nemo adeo admiratur: sed si rex, de cuius sapientia dubitari nequit, amore inardescit in vilem mendicum, in hominem deformem, ulcerosum, in infidelem, inconstantem, vagabundum, rebellem, perfidum,

in

in suum inimicum infensissimum, talis amor
 jure merito ab omnibus admirabilis reputa-
 tur. Et hem tibi! amator noster, Deus
 supremæ majestatis amat hominem morta-
 lem! quid? Deus amat hominem morta-
 lem? Nonne David plenus admiratione ex-
 clamat ad Deum? *Quid est homo, quod me-* Ps. 8. v. 5.
mor es ejus? Nam planè jam quid stupen-
 dum videtur, quòd tanta majestas vilissimi
 hominis tantum recordari dignetur, &
 quid dicam amare? Nonnè *homo putreda,* Job. 25. v. 6
& filius hominis vermis? Quis rex deliciis
 affluens, tantum memorià, ne dicam amo-
 re dignam reputat putredinem? Et tamen
 Deus amat hominem. Amabo! quid
 Deus in te amabile reperit, ut te amaret?
 forsitan ais, pretiosam meam animam,
 mea bona opera, & similia? ast ista sunt
 omnia affectus Divinis amoris: Hæc tibi
 omnia dedit, quia te amavit, *quid autem ha-* 1. Corinth.
bes, quod non accepisti? Antequam enim te 4. v. 7.
 Deus amavit habuisti minus de prudentia
 vel de intellectu, quàm asinus cras in lucem
 edendus, minus pulchritudinis aut amabili-
 tatis quàm ursus cras nasciturus; nam nisi
 Deus amator tuus te producere voluisset,
 mansisses perpetuò nihil, quovis pulvere mi-
 nus, quovis atomo informius. Prævidit
 præterea Deus, te futurum inconstantem, in-
 gratum, vagabundum, infidelem, rebel-
 lem,

lem, peccatorem ulcerosum, perfidum, inimicum pessimum, & tamen te creare voluit, nullâ necessitate coactus, sed solo amore impulsus. Domine Dominus noster quàm admirabilis est amor tuus in hominem mortalem!

3. Tertio amorem istum magnopere nobilitant tot tantaque munera data; omnium quippe prudentum sensu multa magnaque dona magnum amorem indicant. Jam, quis numerabit donâ à Deo data hominibus? quis imprimis dinumerabit dona naturæ?

Genes. 15.
v. 5.

Psal. 8. v. 8.

Numeras stellas, imò verò universas creaturas, omnes enim creaturæ sunt datæ & creatæ in obsequium hominis: Omnia subiecisti sub pedibus ejus, oves & boves universas, insuper & pecora campi, volucres cæli, & pisces maris, qui perambulant semitas maris. Naturæ talenta, dotes animæ, membra corporis, sani sensus, capilli capitis, cibus, qui editur, potus, qui bibitur, aer, qui trahitur, terra, quæ teritur, cælum, quod aspicitur, cum sole, suo lucidissimo oculo, & universis stellarum facibus, omnia sunt dona Divini amoris, data in obsequium homini. Vah quantum famulitium! si oculos levamus ad dona supernaturalia, en tibi! Sic enim Deus dilexit mundum, ut filium suum unigenitum daret. Filium suum unigenitum, sibi coæqualem, sibi consub-

Joan. 3.
v. 6.

stan-

stantialem, in quo sibi semper benè complacuit, quo charius non habuit, quo majus dare non potuit. Et *quomodo non etiam* Rom. 8. cum illo omnia nobis donavit? per ipsum v. 32. cum ipso & in ipso dedit dona hominibus & Ephes. 4. pretiosa nobis promissa donavit, ut per hæc v. 8. efficiamini Divina consortes naturæ. Dona- 2. Petr. 1. vit homini gratias & virtutes supernaturales, dedit dona Spiritus Sancti, instituit Sacramenta, suppeditat abunde universa supernaturalia, & salutis media. O admirabilem Dei amorem in terræ vermiculum, in hominem mortalem! sciscitari hîc forsitan placet, utrum Deus non magis amasset hominem, si eundem præservâset à lapsu peccati? si eundem ab omnibus præservâset miseriis, à mortis sententia, & pereundi timore? si nos non homines, sed puros fecisset Spiritus Seraphinis permixtos? Respondetur, simpliciter Angelum quidem esse hominem quid perfectius, simpliciter esse quidem quid melius, à peccatis & ab omni miseria præservari, quàm ab eisdem liberari, ratio hujus datur; quia illud simpliciter est censendum melius, quod à quolibet prudentum magis optandum foret, aut utique quivis prudens potius deberet optare innocentiam cum Maria Virgine semper servatam, quàm post lapsum in Adamo, per Christum iterum reparatam:

quilibet deberet magis optare, ut cum Seraphinis suum creatorem purissimo posset laudare amore, quàm quòd inter tot peccatorum pericula hìc in mundo cum timore suam debeat operari salutem. Nihilominus secundùm quid & sub aliqua ratione majorem Deus impendit amorem homini quàm Angelo, sub aliquâ ratione Deus homini majorem exhibuit amorem, lapsum permittendo, quàm exhibuisset impediendo, majorem ostendit amorem, in nostris miseriis nobis dexteram suam porrigendo, quàm ostendisset easdem à nobis penitus auferendo, quoniam quò persona amata est miserior, eò succurrens amor amantis est major, quò persona amata est vilior & abjectior, eò mirabilior ac pretiosior æstimatur amor prudentis amatoris. Et nunquam Deus permisisset mortalium lapsus & misérias, nisi intendisset, inde occasionem sumere, suum magnificandi amorem; hinc ipsa permissio lapsus, ipsæ nostræ miseriæ, prout culpâ carent, sunt effectus Divini amoris; hinc etiam homini Deus suos Angelos ordinavit custodes, ut ostenderet, se erga homines sub aliquâ ratione majori ferri amore, quàm erga ipsos cœlestes Spiritus. Ecce in tantùm Deus dilexit hominem; ut tantos principes ad ipsius ordinaret custodiam,

4. Amor iste Divinus erga homines in immensum magnificatur per ea, quæ Deus in assumpta natura humana pro nobis fecit, ac pertulit: vix enim est excellentius veri amoris signum, quàm libenter pro amato onerari doloribus, ac fatigari laboribus. Et quis vidit amorì Divino quid simile? cùm enim erga hominem amorem suum patiendò non posset ostendere in natura Divina, sibi copulavit humanam, & quid passus est fons amoris in natura humana? ah, adeste lacrymæ, fluite rivuli, si Sanctus Gregorius Magnus de Mariæ Magdalenæ poenitentia differens scribere non dubitavit, *flere magis libet, quàm aliquid dicere*: quantò magis asserere fas erit: *cogitanti mihi de passione Domini nostri Jesu Christi flere magis lubet, quàm aliquid scribere*. Nam quis tanquam regnans in cœlo sursum, aut peregrinans in terra deorsum audiens, aut mente pertractans, quomodo factus est opprobrium hominum ipse Dominus angelorum, poterit lacrymas continere? Quilibet vel infimæ sortis homo ægrè fert infamiæ notam, mente volvens illum versiculum: Omnia si perdas, famam servare memento. Et hem! non homo vulgaris, non Princeps non Rex terrenus, sed ipse Rex sempiternæ gloriæ, & Dominus adorandæ majestatis, præ nimio amore

Homil. 33.
in Evangelia.

S. Bernardus Tract.
de Lament.
B. Mariæ.

erga

- erga nos mortales suæ famæ ac gloriæ quasi oblitus, factus est in derisum & in opprobrium omni populo. *Omnes videntes me, deriserunt me* (ait ipse ex ore prophetæ) *locuti sunt labiis, & moverunt caput. Factus sum in derisum omni populo meo, cantum eorum tota die. Factus sum in derisum totâ die, omnes subsannant me: subsannaverunt me subsannatione, frenduerunt super me dentibus suis. Factus sum opprobrium illis, viderunt me, & moverunt capita sua. Venditus est ut jumentum, & quasi equus vel mulus triginta argenteis, ô quantum opprobrium! quin imò ne quidem in pretium venit, sed nullo facto pretii respectu, â venditore absolutè dictum est; quid vultis mihi dare, & ego vobis eum tradam?* haud secus ac si nihil esset vilius, quam Dei Filius. Captus est â militibus & lictoribus veluti latro, *tanquam ovis ac occisionem ductus est: Et circumdederunt eum inimici sicut canes ad lacerandum, raptatus ac pedibus conculcatus est sicut vermis; quemadmodum ipse Rex maximus Regum testatur ex ore regii prophetæ dicentis: conculcaverunt me inimici mei totâ die. Ego autem sum vermis, & non homo, opprobrium hominum & abjectio plebis. Accusatus est ut malefactor. Judicatus est veluti blaphemus. Vnde Matth. 26. ste albâ indutus est, & derisus veluti fa-*
- Psal. 21.
v. 8.
Thren. 3.
v. 14.
Jerem. 20.
v. 7.
Psal. 34.
v. 16.
Psal. 118.
v. 25.
Matth. 26.
v. 15.
Matth. 26.
v. 14.
Matth. 26.
v. 55.
Act. 8.
v. 32.
Jerem. 15.
v. 3.
Psal. 55.
v. 3.
Psal. 21.
v. 7.
Joann. 18.
v. 30.
Matth. 26.
v. 65.

tuus

tuus aut ſtultus; ſp̄revit autem illum He- Lucæ 23.
 rodes cum exercitu ſuo. Cũ eſſet ipſa ſa- v. 11.
 pientia patris illuſus & ſaturatus oppro-
 briis à ſcurris & hominibus infimæ fœcis;
 liquidem expuerunt in faciem ejus, & cola- Matth. 26.
 phis eum caciderunt, alii autem palmas in v. 167.
 faciem ejus dederunt. Et velaverunt eum, Lucæ 22.
 & percutiebant faciem ejus, & interrogabant v. 64. & 65.
 eum dicentes: Prophetiza, quis te percuf-
 ſit, & alia multa blaſphemantes, dicebant
 in eum & cœperunt ſalutare eum; Ave Rex Marci 15.
 Judæorum & percutiebant caput ejus arun- v. 18. & 19.
 dine, & conſuebant eum, & ponentes ge-
 nua, adorabant eum. Ecce ſic illuſus fuit Coloſſ. 2.
 ille, in quo ſunt omnes theſauri ſapientia & v. 3.
 ſcientia abſconditi. Barrabæ ſeditioſo ho- Luc. 23.
 micidæ fuit poſtpoſitus, & cum iniquis de- v. 18.
 putatus eſt. Suſpenſus in ignominioſo cru- Lucæ 22.
 cis patibulo inter duos latrones, inſpectan- v. 37.
 tibus tot millionibus mortalium; præter- Lucæ 23.
 euntes autem blaſphemabant eum moventes v. 33.
 capita ſua, & dicentes: vah qui deſtruïs Matth. 27.
 templum Dei, & in triduo illud readificas; v. 39. 40.
 ſalva temetiſum, ſi Filius Dei es, deſcende 41. & 42.
 de cruce. Similiter & Principes ſacerdotum
 illudentes eum ſcribis & ſenioribus dicebant:
 alios ſalvos fecit, ſeipſum non poteſt ſalvum
 facere. Paucis, adeo opprobriis & contu-
 meliis obrutus eſt Dominus, ut fleviſſet, Jacobus
 ſi poſſibile eſſet, Deus, videns Filium ſuum de Vorag.
 tam quad. Serm. 9. 12

Thren. 1.
v. 12.

Isaïæ 53.
v. 4.

Tom. 2.
Serm. 56.
a. I. C. 2.

Cant. 8.
v. 8.

tam ignominiosè tractari. Nunquid hoc est ponere famam suam, atque exspoliari decore gloriæ suæ pro salute & amore amati. Jam verò ô vos omnes, qui transitis per viam, attendite, & videte, si est dolor, sicut dolor meus. Attendamus etiam dolores nostri amatoris: quin immò attendamus dolores nostros; nam dolores nostros ipse portavit. Hinc tantos dolores sustinuit, quantos nos omnes per nostra peccata promeriti sumus. Tantum (inquit Sanctus Bernardinus Senensis) in mente doluit pro æternaliter cruciandis, quanta erant tormenta, quibus erant æternaliter cruciandi, & quantum erat odium inter Deum & eos æternaliter generatum. In intellectu doluit; quia omnium mortalium peccata, etiam mea & tua quoad suas species, circumstantias, & malitias clarissimè inspexit, à quibus tantum abhorruit, quantum offensam his Patris maiestatem dilexit. O quantus horror! ô quantus dolor! In voluntate summos perpeffus est dolores, quia vehementissimè sitivit, ardentissimoque desideravit desiderio, omnes homines ad æternam salutem perducere, æmulatus contra eacodæmonem pro tot pereuntibus animabus, tam pretiosis margaritis, & hæc erat ipsi dura sicut infernus æmulatio. Sitivit Dominus in cruce, & quid sitivit? nempe

pe vinum de vinea sua, pro qua torcular
 calcavit solus, quemadmodum apud Isaiam
 conqueritur: *Exspectavi, ut faceret uvas* Isaiæ 5.
& fecit labruscas. Sitivit salutem peccato- v. 4.
 rum, gustato tamen haustu, noluit bibere,
 quoniam *fel draconum vinum eorum & ve-* Deut. 32.
nenum aspidum insanabile; quia noluerunt v. 33.
 sanari à vulneribus peccatorum suorum.
 In memoria doluit, memor testamenti sui
 sancti, & tot beneficiorum collatorum
 mortalibus, pro quibus tamen tam exigua
 gratitudo, & à pluribus non nisi summa
 ingratitudo rependitur, cuius doloris ma-
 gnitudinem indicare voluit ore prophetæ
 dicentis: *memoriâ memor ero, & tabescet* Thren. 3.
in me anima mea. Hunc ipsum Domini v. 20.
 dolorem nobis ad memoriam revocare vo-
 luit Sanctus Bernardus, dum Christum ita
 loquentem ac conquerentem induxit: *ô ho-*
mo vide, quæ pro te patior, non est dolor sicut,
quo crucior: ad te clamo, qui pro te morior, De Passione
vide pœnas, quibus afficio, vide clavos, qui- Domini.
bis confodior, & cum sit tantus dolor exte-
rior, intus tamen planctus est gravior, cum
te tam ingratum experior. Passus est ama-
 tor noster in omnibus corporis sensibus.
Secundum tactum quidem flagellatus, & cla- S. Thomas
vis confixus, secundum gustum felle & ace- 3. P. q. 46.
to potatus, secundum olfactum, in loco fœ- a. 6.
tido, qui dicitur calvaria, appensus patibu-
 lo;

lo; secundum auditum laceffitus vocibus blasphemantium & irridentium; secundum visum, videns Matrem & discipulum, quem diligebat, flentes. Summos pertulit dolores amator noster in singulis sui sacratissimi corporis membris. Unde te rogo ex

In Planctu. Sancto Bernardo: *contemplare benè Dominum salvatorem tuum, contemplare benè in capite spinas, in auribus opprobria, in oculis fletum, in ore fel & acetum, in facie alapas & sputa, in oculo colaphos, in naribus fetorem, in manibus & pedibus clavos, flagella in dorso, lanceam in pectore.* Dire flagel-

In Revelat. latus est usque ad costas, ita, ut costæ ejus viderentur, & quod amarius erat, cum retraherentur flagella, carnes ipsis flagellis sulcabantur. Spinis tam crudeliter coronatus, ut septuaginta spinarum aculei ipsum sanctissimum Christi cranium penetrârunt,

S. August. ut sanguis ille permixtus cerebro ubertim per faciem, per collum, perque capillos in terram deflueret. Paucis: vidimus eum, & non erat aspectus, & desideravimus eum, decon. 2. de spectum, & novissimum virorum, virum Pass. Dom. dolorum. A propriis discipulis derelictum omni solatio destitutum. Circumspecti (ait) & non erat auxiliator, quæsvi, & fuit qui adjuvaret ne quidem vel unus ex quinque millibus virorum, quos quinque panibus satiavit in deserto, ne quidem unus

ex

ex tot aliis, quos à variis sanavit languoribus. Sed quare amator noster tot tantisque voluit subdi cruciatibus? nempe propter nimiam charitatem suam, quâ dilexit nos. Unica sanguinis gutta potuisset sufficere ad totius mundi Redemptionem, ait Sanctus Bonaventura. Alit (uti benè notat Petrus Chrysologus) quod sufficiebat Redemptioni, non satis erat amor.

Ephes. 2.

v. 4.

Opus
de perfect.
cap.

Homil.

122.

5. Amor divinus erga nos mortales singulariter celebrandus est propter excellentissimam communicationem, & arctissimam unionem, quâ nobis uniri exposcit, tunc quippe amor verus ac verè flagrans censetur, quando amans cum amato quasi unus & quasi alter ipse efficitur. Jam qui autem adheret Domino unus Spiritus est cum eo. Omnia sua, imò seipsum multipliciter communicat nobis noster amator. Incarnatus se dedit in socium, crucifixus se donavit in pretium, sub Sacramento altaris se impertit in edulium, per æternam promissam gloriam se offert in præmium, & quidem in præmium sempiternum, unionē perpetuā, per omnem æternitatem neque finiendā, neque interrumpendā, unionē, per quam amati cum suo amatore supremo tanquam domestici Dei, eodem regnant in regno, eadem resident in aula, eadem suo modo vestiuntur stolā gloriæ, eadem

1. Corinth.

6. v. 17.

- epulantur mensâ, eâdem quodammodo potiuntur felicitate. *Vadoparare vobis locum* (ait Dominus) & si abiero & preparavero vobis locum, iterum venio, & accipiam vos ad meipsum, ut ubi sum ego, & vos sitis, ut edatis, & bibatis super mensam meam in regno meo. Nam *justi epulentur & exultent in conspectu Dei, & delectentur in latitia.* Jam quæ posset esse gloriosior communicatio? quæ arctior inveniri unio? quæ major exoptari felicitas? quis optabilior, aut altior excogitari amor? *O duri & indurati, & obdurati filii Adam, quos non emollit tanta flamma, tanta benignitas, tam ingens ardor amoris, tam vehemens amator.*
- Væ mihi, si non dilexero.* Quid enim respondebo in tremendo iudicio de tanto amoris excessu, cui tam sero, tam tepido, tamque exiguo respondi amore? *Væ mihi!* qui tantum amorem tanti amatoris toties prætermisi absque reciproco amore, toties neglexi, toties contempsi. Vix siquidem quidquam ab amatore Sancto (& quidem justè) ægriùs fertur, quàm ubi amor tantus exiguo, aut omnino nullo reciproco amore respicitur, vel insuper contemnitur, & quasi nihili ducitur. Verùm pro tanto amore *quid reddam tibi Domine Jesu? nam etsi millies, millies animam meam rependere possem, quid sum ad Deum meum?* reddam
- Joann. 14. v. 3.
Lucæ 22. v. 30.
Psal. 67. v. 4.
P. Bernardus Serm. 15. in cant.
S. Ambrosius in Lucam.

reddam tamen quod possum, totam animam,
totamque dilectionem meam ex toto corde, &
ex tota mente, & virtute mea.

MEDITATIO III.

De

Amore Dei super omnia.

Punctum 1. De motivis ad amandum
Deum. 2. De removendis impedimen-
tis amoris Divini. 3. De actibus &
exercitio Divini amoris, seu de modo
diligendi Deum.

Praeludium.

PONE tibi ante mentis oculos cœleste
gymnasium, beatis Spiritibus refertum,
in quo solemni triumpho sine intermissio-
ne frequentatur Schola Divini ambris, præ-
sidente tanquam magistrâ matre pulchræ
dilectionis, hujus proinde jam impolterum
discipulum age, amoris scholam nunquam
non frequenta, indefessus æmulator exi-
stens Seraphinorum ac omnium beatorum
amantium Deum.

Punctum I.

Considera, & mirare, posse inveniri ho-
minem, qui Deum non amat.

I. Enim ipsum objectum tam amabile
excedens omnem excogitabilem bonitatem,

tam desiderabile exsuperans omne desiderium, tam delectabile transcendens omnem delectabilitatem, tam speciosum, pulchrius omni pulchritudine, tam dulce, dulcius omni dulcedine, tam perfectum, majus omni perfectione, adeo suae amabilitatis plenitudine rationalem creaturam in sui amorem trahit, ut videatur majus portentum, hominem non ardere amore Dei super omnia, quàm foret, si stipula in medio flammarum non accenderetur.

2. Ad amandum Deum nos urget ipsa felicitas Divini amoris; nam Deum perfecte amare, est gemmam aeternae felicitatis participare; sicut enim charitas in via est vinculum perfectionis, ita & in patria est vinculum omnis felicitatis, ac plenae satietatis; adeo quidem, ut beati mallent carere clara Dei visione, quàm Dei amore, atque eligerent potius ex amore Dei aeternos inferni cruciatus sustinere, quàm absque amore Dei coelesti gloria gaudere. Hæc tecum expende, tuosque actus apprimè examina, utrum ejusdem cum beatis sis Spiritus? Spiritus est amor Dei perfectus; hinc ille Deum verè in spiritu adorat, qui eum adorat ac colit ex puro amore. Ipse *Deus cha-*

1. Joann. 4. *ritas est, & qui manet in charitate, in Deo*
v. 16. *manet, & Deus in eo. O quanta felicitas!*

unum
Vi

unum effici cum suprema felicitate, & omnis felicitatis immenso oceano!

3. Amori Dei super omnia studendum est, quia dat omnibus actibus nostris formam & vitam. Sola charitas operibus nostris tribuit valorem & meritum, sine hac fides etiam montes transferens, distributio omnium suarum facultatum in pauperes, traditio corporis, ita ut ardeat, & his similia excellentissima opera sunt veluti æs sonans, aut cymbalum tinniens, nullius meriti, nullius valoris in conspectu Dei, *1. Corinth. 13. v. 1.* per dilectionem autem etiam opera in se vilissima sunt pretiosissima, & accepta coram Deo super aurum & topazion.

4. Ad amandum Deum nos stringit ipsum mandatum Domini: *diliges Dominum Deum tuum ex toto corde tuo, & in tota anima tua, & in tota mente tua.* *Matth. 22. v. 37.*

5. Ipsa conditio hominis amorem Dei ab homine exigit, ideò namque homo creatus est, ut diligat suum factorem, ideò in similitudinem Dei factus est, ut diligat illum, cujus vivam portat imaginem, ideò ad fidem, ideò præterea ad statum religiosum vocatus est, ideò Religiosus à laboribus & negotiis sæcularibus eximitur, ut omne tempus sibi datum Divino impendat amori. Propterea *ecce tempus tuum, tempus amantium.* *Ezech. 16. v. 8.* Vide, ne tempus unquam aliter impendas, nisi

- Rom. 8.
v. 28. nisi amando Deum. Si Deum multum,
affidueque dilexeris, multum & nunquam
non beatus eris: *quoniam diligentibus Deum,*
omnia cooperantur in bonum. Si autem non
dilexeris Deum, reprobatus, excommuni-
catus es, dicente scriptura: *Siquis non amat*
1. Corinth.
16. v. 22. *Dominum nostrum Iesum Christum, sit*
anathema.

Punctum II.

- Considera, amorem Dei super omnia
variè impediri, præcipuè impeditur per
omnem inordinatum, quantumvis mini-
mum affectum erga quamcunque creatu-
ram: Nam quod sunt pedes in ave, hoc
idem quasi sunt affectus in hominis corde.
Quamdiu avis vel unico pede tantum mo-
dicè virgæ viscatae inhæret, avolare non va-
let, sed tenetur captiva, & quamdiu ho-
mo creaturæ inordinato adhæret affectu,
tamdiu frustrâ connititur ad puri amoris
volatum. Verè amantes *assument pennas*
sicut aquila. Sed quorsum volabunt? nem-
pe extra se in suum amatum, in quo ma-
gis sunt, quàm ubi animant: & hinc est,
quod sponsus ad sponsam afferat: *Averte*
Isaïæ 40.
v. 31. *oculos tuos à me; quia ipsi me avolare fecerunt.* Ac si dixisset; oculi tui me quasi
rapuerunt extra me, & transtulerunt in te.
Cant. 6.
v. 4. *Quid agis ô homo! ô ferreum pectus! Ec-*

ce sandalia Judith rapuerunt Holofernis Judith. 16.
oculos! & Deus tantæ amabilitatis magnæ v. 11.
te non rapiat in amorem sui? O porten-
tum! aliter persæpe impedimur ab amore
Dei vero ac efficaci; quia non apprehen-
dimus Deum, quemadmodum deberemus.
Audis forsitan, Deum esse summum bonum,
summum pulchrum, summum amabile?
nec tamen moveris, quoniam potius ima-
ginationem, quàm fidem sequeris, quæ
prior similia non capit, accipe ergo adhuc
aliud, quod servit magis imaginationi, li-
cèt alioquin sit supra omnem imaginatio-
nem. Ecce quidquid in humano corpore
pulchritudinis, quidquid amabilitatis, quid-
quid delectabilitatis, quidquid vitæ inve-
nitur, hoc totum habet à Spiritu, absque
Spiritu humanum corpus est putridum ca-
daver sine amabilitate, sine delectatione,
sine vita, sine forma. Jam quod est ca-
daver sine Spiritu, hoc idem, & adhuc
minus est omne excogitabile sine Deo,
quidquid est amabilitatis, id omne est
à Deo & in Deo, quidquid amabilita-
tis excogitari potest, id omne reperitur
in Deo. Sed in quo gradu? (ais) Ecce
ipsæ nostræ potentiæ materiales quasi in infi-
nitum intendi ac perfici possunt, ipse oculus
humanus per vires naturæ, tum etiam adju-
vante quandoque arte adeò in sua virtute vi-

siva perfici potest, ut remotissima, præsertim lucida videat, & quid de Deo sentendum? non dico, in Deo omnes rationes amabilitatis, omnes rationes delectabilitatis, omnes rationes perfectionis, & desiderabilitatis posse infinitum intendi aut perfici, sed hoc Catholicâ fide tenetur, Deum actu infinitè transcendere omnem intensionem amabilitatis, perfectionis, ac delectabilitatis, quoad omnem rationem, sub omni ratione, & super omnem rationem omnis perfectionis & amabilitatis: Nam quidquid amabilitatis ac perfectionis non implicat, vel est in actu, vel est in potentia, atqui Deus ad nihil in se recipiendum potest esse in potentia, erga essentialiter omnem amabilitatem possidet actu, estque actu ipse Spiritus, & non solum quinta (uti loqui solemus, sed prima ac ultima omnisque essentia omnis amabilitatis. Hinc insipienter philosophatus est Arius dicendo, genitorem debere genito esse priorem ac majorem; nam hæc philosophia solum locum habet in illis principiis, quæ sunt in potentia ad aliquid producendum, non autem in Divinis, ubi Pater nunquam est in potentia ad generandum, sed semper in actu, & semper actu generat. Heu serò te amavi pulchritudo tam antiqua & tam nova, serò te amavi.

S. August.
lib. 10.
confess.
c. 27.

Pun-

Punctum III.

Considera, actum charitatis esse actum
 voluntatis, quo amamus Deum unice pro-
 pter Deum, seu propter infinitam ipsius
 amabilitatem, & alia solum in ordine ad
 ipsum magis diligendum. Unde facile ca-
 pere poteris, quid sit, Deum ex toto corde,
 ex tota mente, & ex totis viribus diligere:
 Ille nempe Deum ex toto corde diligit, qui
 omnes cordis affectus ad diligendum Deum
 ordinat, ita, ut in corde suo erga rem nul-
 lam afficiatur, nisi in ordine ad diligendum
 Deum. Ille in tota mente Deum diligit,
 qui mentem suam nulla re occupat, nisi in
 quantum servit ad diligendum Deum, ille
 Deum ex tota anima diligit, qui totam ani-
 mam & omnes potentias animæ solum im-
 pendit in ordine ad diligendum Deum. Ille
 Deum ex totis viribus amat, qui in omni
 virium suarum applicatione omnia ordinat
 ad diligendum Deum. In illo est charitas
 ordinata, in quo omnia ordinantur ac ten-
 dunt ad diligendum Deum tanquam ad fi-
 nem. *Finis autem præcepti est charitas de*
corde puro, & conscientia bona, & fide non
ficta. Et qui omnia purè ad diligendum
 Deum ordinat, hic legem implevit. *Uti-*
nam possint omnes de una Charitate cogitare.
Ipsa est enim, qua & vincit omnia, & sine
qua

1. Timoth.
 1. v. 5.

S. August.
 lib. 10. de
 civitate
 c. 4.

Cc s

qua

quâ nihil valent omnia, & ubicunque fuerit trahit ad se omnia. Hæc est verus Dei cultus, hæc vera religio, hæc recta pietas, hæc tantum Deo debita servitus, quid est enim pietas nisi Dei cultus? & unde colitur, nisi charitate? Ille enim colitur, qui diligitur, & inde colitur, unde diligitur. Deum diligere, est erga Deum benè affici, gaudere de divitiis gloriæ ejus, optare, ut ab omnibus ametur, dolere, quòd ab ullo offenda-

tur. Quapropter cor tuum non sit inclinatum ad ullius rei dilectionem amplius, quam ad Dei.

*S. Chrysoft.
homil. 42.
in Matth.*

BONA PROPOSITA

Ex

Præsentì Meditatione.

1. **S**uper hoc de die dolebo sæpius, & faciam planctum magnum, quòd hucusque tam rarò Deum verè dilexerim.

2. **F**requenter per diem eliciam similes actus amoris: *Amo te Deus meus, amo te, & magis atque magis amare volo. Da mihi Domine Deus meus speciosè præ filiis hominum, ut desiderem te, ut amem te, quantum volo, & quantum debeo. Immensus es, & sine mensura debes amari.*

*S. August.
in manual.
cap. 10.*

3. **C**um beato Thaulero frequenter totam

tam vitam meam ad amandum Deum simili- Tract. de
bus offeram. *Diligam te Domine virtus mea*, 10. cœcit.
diligam te ineffabilis exultatio mea, & vi- cap. 6.
vat jam non mihi, sed tibi tota vita mea.

4. Diligenter quotidie per examen scru-
tabor cor meum, utrum nihil moretur in
eo, quod purum amorem Dei impedire, aut
purissimis oculis amati displicere posset? &
Dei mei, tanquam unici thesauri ac amoris
mei semper memor ero. Et quidnam me-
morem nisi te Deus! immemor anne esse
tui possem, qui memor usque mei es?

5. Amore Dei omnia despiciam, quæ
non serviunt ad amandum Deum, sive
omnia semper displiceant, & solus super
omnia semper placeat Deus,

6. Amore Dei desiderabo multa pati;
hoc enim pertinet ad dilectionem Dei, pro Joannes
ejus amore nec mortem, nec poenarum quali- Trithemius
bet genera formidare. homil. 23.

7. Frequenter desiderabo, ut Deus ab
omnibus hominibus *diligatur ex toto corde*, Marci 12.
& *ex toto intellectu*, & *ex tota anima*, & v. 33.
ex tota fortitudine.

8. Crebro gaudebo, & exultabo propter
infinitum amorem, quo Deus seipsum dili-
git, & propter omnem amorem, quo ama-
tur à Sanctis, dicens cum júbilo cordis;
Diligite Dominum omnes Sancti ejus, mihi Psal. 30.
que impetrate, ut & ego introducar in cel- v. 24.
lam

Iam vinariam, inebriandus vino sanctæ dilectionis.

CONSIDERATIO VESPERTINA.

De

Colendo & amando amore Eucharistico.

ECce memoriam fecit mirabilium suorum misericors & miserator Dominus in Sacramento Eucharistiæ, hujus proinde Sacramenti & tantæ dignationis in hoc Sacramento semper memor esto toto mentis adnifu, toto cordis affectu, toto amoris effluxu. Vix non continuò ingemina animæ tuæ: Ecce anima mea! crastina die, vel adhuc hodie erit tibi salus; veniet enim ad te Deus absconditus, desideratus cunctis gentibus; Parata igitur esto præparatione tanto hospite dignâ. Lingua non nisi sancta loquatur, quæ toties sancta Sanctorum contrectat. Cor semper meditetur justitiam, in quo toties suum ponit tabernaculum sol justitiæ Christus Deus noster. Tota Religiosi vita non sit aliud, nisi continua præparatio ad dignam susceptionem hujus Sacramenti: *Opus enim grande est; neque enim homini præparatur habitatio, sed Domi-*

1. Paralip.
29. v. 1.

Domino Deo. Oportet autem, ut non solum Lib. de
 te prepares ad devotionem ante communio- imit. Christi
 nem, sed ut etiam te sollicitè conserves in ea lib. 4. c. 12.
 post Sacramenti perceptionem, ut caveas
 omnem dissolutionem, sitque tuum potis-
 simum solatium, amorem amorum, amo-
 re tui, in hoc Sacramento quasi captivum
 frequenter visitaſe, & exhibere eidem omnia
 possibilia amicitiaſe signa, quæ tanto amori
 tanti amici debentur. Nec ulla prætereat
 hora, qua dilectum tuum non recipias san-
 cto desiderio, ac pleno amoris actu & affe-
 ctu, cum toties communicare non liceat ex-
 ternè, & effectu. Invita illum, vix non
 assidue cum sponsa suspirans. Veniat di- Cant. 5. v. 1
 lectus meus in hortum suum. Sed attende,
 ut in eo semper inveniat fructus iustitiæ, ne Matth. 21.
 secus veluti illa ficulnea Evangelica inducas
 super te maledictionem pro benedictione.

DIE OCTAVA OB- SERVATIONES.

I. Dies octava sacrorum exercitiorum,
 quæ supponitur feria secunda, spe-
 cialiter dedicabitur Sancto Iosepho &
 omnibus Sanctis.

2. Offerentur specialiter singula hujus
 diei exercitia, tum pro felici morte sibimet-
 ipsi impetrandâ, tum pro animabus in pur-
 gato-

gatorio, præsertim pro benefactoribus nostris.

3. Tessera specialis pro hac die erit: sic age, sic perfice istam actionem, ut digna inveniat ad liberandam animam è purgatorio & ad promerendam tibi pretiosam meritum in conspectu Domini.

4. Aspirationes crebriores erunt: O quam gloriosum est regnum! in quo cum Christo gaudent omnes Sancti. O Sancti & Sanctæ Dei intercedite pro nobis, ut illuc feliciter pervenire mereamur, ut hodie vel una anima è purgatorio illuc ascendat.

5. Mane ante meditationem ex libro de imit. Christi pro lectione spirituali serviet ex lib. 3. c. 9. quòd omnia ad Deum sicut ad finem ultimum sunt referenda. Item ex lib. 1. c. 15. de operibus ex charitate factis, & ex eodem lib. 1. cap. 16. de sufferentia defectuum aliorum.

6. Meditatio prima, de diligendo Deo per puram intencionem. Secunda de diligendo Deo per resignationem, ac per plenam nostræ voluntatis cum Divina conformitatem. Tertia de spirituali connubio, seu casta unionem animæ cum Deo.

7. Lectio spiritualis matutina de fraternâ charitate fovenda. Lectio spiritualis pomeridiana de studio semper proficiendi, & nunquam deficiendi.

8. Exa-

8. Examen particulare de indifferentia.
 9. Lectio vespertina ex sacra Regula cap.
 63. cap. 69. & cap. 73.
 10. Consideratio vespertina de gratitu-
 dine.

MEDITATIO I.

De

Diligendo Deo per inten-
 tionem perfectam, singulis operi-
 bus præmittendam.

Punctum 1. De obligatione & necessitate
 perfectæ intentionis operibus præmit-
 tendæ. 2. De habenda cautela, ne pu-
 ra intentio vitietur. 3. De injuria de-
 ploranda, quod pura intentio non magis
 curetur, ac omnibus inculcetur.

Preludium:

Siste te in conspectu tui Patris Benedicti,
 continuò tibi ingeminantis illud sacrae
 Regulæ cap. 57. *ut in omnibus glorificetur
 Deus.*

Punctum I.

Confidera, singula opera nostra esse amo-
 re Dei, & unice propter Deum inchoanda
 ac perficienda. Propter ipsam obligatio-
 nem:

- nem: nam quælibet res fructificat Domino suo, & quisquis, invito Domino fructum ex aliena arbore surripit, furtum committit. Arbori homo in sacris paginis crebrius comparatur, fructus hujus arboris sunt opera hominis, Dominus tam arboris, quam omnium fructuum est ipse Deus, iuste & sancte desiderans, ut omnes fructus unice pro suo gustu, unice ad suum beneplacitum offerantur, dicente scriptura: *Sive ergo manducatis, sive bibitis, sive aliud quid facitis, omnia in gloriam Dei facite.* Autumas forsitan, hoc non esse obligationis, sed solum liberæ devotionis? verum audi angelicum Doctorem desuper ita concludentem:
1. Corinth. 10. v. 31. *Quidam dicunt, quod hoc est consilium; sed hoc non est verum. Ex praecepto enim omnia facienda sunt, cum invocatione creatoris; ea intentione ut laudetur & glorificetur Deus.*
- Coloss. 3. v. 17. *Nam scriptum est: Omne quodcumque facitis in verbo aut in opere, omnia in nomine Domini Jesu Christi facite.* Ast toties non operaris in nomine Domini Jesu, quoties tuam operationem non refers ad gloriam Dei; toties palmes non fructificat ut vitis, quoties in sua operatione non intendit Divinum beneplacitum, Christus quippe vitis vera semper fructificavit ad beneplacitum sui Patris. Deus tanquam ens & operans essentialiter perfectissimum, ens & operans perfectissimum

mum esse desineret, nisi semper finem perfectissimum, qui est solum Divinum beneplacitum, intenderet ac vellet, & nisi ipsi omnis displiceret imperfectio: ergo intentioni Dei contrariaris, ergo Deo displicentiam moves toties, quoties non operaris ultimo propter solum Divinum beneplacitum, *qui timent Dominum* (inquit scriptura) Eccli. 2. *inquirent, quæ beneplacita sunt ei.* Hinc v. 19. planè necdum times Deum, nisi in omnibus tuis cogitatis, dictis & factis diligenter attendas, *quæ sit voluntas Dei bona, & beneplacens & perfecta.* Rom. 12. Multò minùs adhuc v. 2. ascendisti ad classem perfectè diligentium Dominum; nam diligentes Altissimum non tantum sunt inquirentes, sed insuper probantes, *quid sit beneplacitum Deo*, ita, ut Ephes. 5. nihil præsumant, nisi priùs vel scripturà, vel v. 10. obedientià probatum habeant, quod sic sit acceptum coram Altissimo. Nondum verè amat, qui adimplere non satagit illud Divi Pauli dicentis: *Omnia vestra in charitate fiant.* I. Cor. 16. Frustra laborat, qui non amat, v. 14. nec ulla operum moneta quidquam valet ad emenda cœlestia, nisi referat charitatis insignia. Displicet, quisquis non placet, sed nemo Deo placet, nisi eidem placere intendat. Quapropter *date confessionem Domino Deo Patrum vestrorum, & facite placitum ejus.* I. Esdræ 10. v. 11.

Punctum II.

- Considera, & imitare sponfam dicentem:
- Cant. 7. *Omnia poma, nova & vetera, dilecte mi!*
 v. 13. *servavi tibi.* Per poma Didacus Baeza in-
 Lib. 15. c. telligit opera, & quidem per poma vetera
 10. §. 10. bene intelliguntur opera ordinaria, seu con-
 sueta, per poma nova verò opera extraordi-
 naria, sive supererogatoria. Hæc proinde
 amans anima ex puro amore omnia offert
 suo dilecto. Scilicet pomis ludit amor,
 dum Theodora pomum servat, imperatrix
 Adamus efficitur, & amantis opus, ex charitate fa-
 Weberus. ctum meretur omnino regnum cœlorum.
- Job. 9. De diebus vitæ suæ asserit Job: *Pertransie-*
 v. 26. *runt quasi naves poma portantes.* Utinam
 & omnes dies vitæ meæ essent tales naves
 plenæ pomis bonorum operum, utinam
 Apocal. 18. omnia opera mea essent *poma desiderii anima-*
 v. 14. *me, ô dulcissime Jesu!* ad tuum gustum,
 unicè ad tuum Divinum beneplacitum: sed
 ô quoties poma foris apparent pulchra,
 quæ tamen intus sunt putrida, vel scatent
 vermibus! Vermis in pomis, est proprius
 amor in nostris operibus, putredo in po-
 mis, est quælibet imperfectio in nostris
 operibus. Pomum corrumpit ac absumit
 vermis, proprius amor ingratum reddit
 opus dilecto. Hinc toto oculo semper lu-
 strandus est oculus intentionis nostræ, ne

ver-

vermis amor proprius in pomis operum nostrorum seipsum quærens, amorì Divino omnem gustum præripiat, ne poma nostrorum operum corrumpantur tepiditatis putredine, ne cadant in lutum vanæ complacentiæ, ne maculentur labe negligentia, aut per intentionem malam offerantur omnino diabolo. Ad eam intentionis puritatem eluctari conare, quam illa habebat, quæ dicere non dubitabat, *si crederem, me uno verbo solo dicto, ob alium finem, quam ob amorem Dei, etiamsi non esset ejus offensa posse evadere Seraphinum; nunquam illud dicerem.* Ex tali semper amore operari tuam vocationem, tuamque felicitatem exstima, dicens cum Sancto Francisco Salesio: *O quam bonum est, non vivere nisi Deo! non operari, nisi propter Deum! non delectari, nisi in Deo!*

S. Magdalenæ de Pazis apud Laticium opusc. spir. com. 2. p. 148.

In praxi spirit. p. 4. c. 13.

Punctum III.

Ponite corda vestra super vias vestras. *Se-minastis multum, & intulistis parum: comedistis, & non estis satiati, bibistis, & non estis inebriati: operuistis vos, & non calefacti.* Forsan tu quoque fuisti unus ex illis? toties planè in vanum laborasti, quoties bona intentione caruisti: *Nam opus quodlibet, si interna virtutis ac charitatis directione informatum non est, aeternæ vitæ*

Aggæi 1. v. 5. & 6.

S. Laurent. Justin. in Proæmio de gradib. perfection.

prorsus merito caret. O deploranda res! ô quot millia operationum fiunt absque bona, ne dicam absque perfecta intentione, jam ex mera consuetudine, & naturali habitu, jam ex naturali inclinatione, jam ex sensuali pruritu, jam ex cæco impetu; & hoc, quia aliqui de recta intentione partim debitâ instructione carent, partim alii non dignè æstimant, alii verò per incuriam eandem negligunt. Væ igitur animarum pastoribus, qui suis subditis diligenti instructione puram intentionem non inculcant! tot enim Christo gemmas à suâ gloriæ corona quasi surripiunt, quot vicibus propter ipsorum incuriam bona intentio omittitur. O desendam cecitatem nostram! opitulante perfectâ intentione singulis quasi momentis possemus nobis accumulare meritorum divitias; sine hac verò manemus nudi & inopes, etiam inter sudores, sine mercede etiam in medio laborum.

S. Ignatius
Lojola 3.
P. const.
c. 1. §. 26.
Reg. 17.
mm.

Quapropter omnes rectam habere intentionem studeant, non solum circa vitæ suæ statum, verum etiam circa res omnes particulares, id semper in eis sincerè spectantes, ut serviant & placeant Divina bonitati propter seipsam, & propter charitatem & eximia beneficia, quibus prævenit nos. Ascendite in montem, portate ligna, edificate domum, & acceptabilis mihi erit, & glorificaber, dicit Dominus apud Aggæum cap. ult.

v. 8. ascendendum est ad montem charitatis, ad apicem puræ intentionis; tametsi intentio inferior (uti verbi gratiâ propter retributionem) quoque sit bona. Portanda sunt ligna, comportanda bona opera, ædificanda est domus Domini, non quidem domus materialis, neque templum manu factum, sed templum spirituale, ad similitudinem tamen illius templi, de quo ait scriptura: *Nihilque erat in templo, quod non auro tegeretur.* Sic etiam nulla occupatio, nulla actio, nulla operatio & nihil sit in homine, quod per præmissam puram intentionem non ornetur mundissimo auro sanctissimi amoris. 3. Reg. 6. v. 22.

BONA PROPOSITA

Ex

Præsentî Meditatione.

1. **C**Rebrius per diem quotidie detestabor corde contrito meam incuriam, quod toties puram neglexerim intentionem præmittere.

2. Imitabor deinceps jaculatorem in campo jaculatorio, nempe, sicut ille non prius exonerat bombardam, donec oculo attigerit centrum, sic nec ego prius exordiar opus quodcunque, donec puræ intentioni

tionis oculum perfectè fixerim in solo centro meo, in Deo meo, in amore meo. Nam *in portis*, id est mox in principio sponsa obtulit suo dilecto poma.

3. Omnes cordis discutiam latebras, utrum nihil lateat propriæ æstimationis, proprii amoris, aut commoditatis semper memor sponsæ conquerentis: *In lectulo meo per noctes quæsi, quem diligit anima mea, quæsi illum, & non inveni.* Nam in lectulo propriæ commoditatis non invenitur, & frustra quæritur dilectus, sed ascendendum est super omnes amore Divino inferiores affectus, tunc intentione sancta invenitur dilectus, quemadmodum sponsa affirmat dicens: *Paululum cum pertransissem eos, inveni, quem diligit anima mea.*

Cant. 3.
v. 4.

In praxi
spirit. p. 4.
c. 13.

4. Studebo fieri ejusdem cum Sancto, Francisco Salesio mentis: Nimirum *si vel pilum affectus in me deprehenderem, qui vel à Deo non oriretur, vel ad Deum non referretur, eum quantocius evellerem.*

5. Quoties in elicienda pura intentione negligentiam aut incuriam commiserò, mihi metipsi poenitentiam injungam.

6. Sub quolibet, præsertim diutius durante opere puram intentionem renovabo, ne secus intentionis oculus suâ destituatur virtute, & iterum relabatur in terram; immo satagam cum Sancta Gertrude ad omnem

omnem bolum, dum comedo, ad omnem gressum, dum incedo, atque ad omnem motum puræ intentionis oculum attollere sursum.

7. Pro occasione omnibus recommen-
dabo, omnes excitabo ad puræ intentionis
studium, ut in omnibus glorificetur Deus.

8. Ad imitationem Sanctæ Gertrudis
nostræ omnia opera mea uniam cum operi-
bus, & meritis Christi.

LECTIO SPIRITUALIS

Tempore Matutino.

ARGUMENTUM.

Injuriam non facere, sed & factam pa-
tienter sufferre, hæc duo plurimum ju-
vant ad implendum illud instrumentum
bonorum operum, Charitatem non derelin-
quere. Ecce quàm bonum, & quam jucun- S. Reg. c. 4.
dum habitare fratres in unum. Proprie Psal. 132.
psalmus iste (inquit Sanctus Hieronymus)
cenobitis & monasteriis convenit. Licet
enim & de Ecclesiis intelligatur, sed ibi pro-
positi diversitate non videtur esse tanta con-
cordia. Quæ est enim ibi fraternitas? Uti- Apud le
que alius ad domum ire festinat, alius ad Blanc. in
circum, alius in Ecclesia de usuris cogitat. Psal. 132.
In monasteriis autem, sicut unum propositum,

ita unus & animus est. Ecce quam bonum, & quam jucundum habitare fratres in unum. Verè bonum, verè jucundum. Unum Fratrem dimisimus, & ecce quantos invenimus! frater meus secularis (quod de me loquor, de singulis loquor) non tantum me amat, quam substantiam meam. Caterum fratres spirituales, qui sua utique negligunt, alia non querunt. Sicut & legimus in actibus Apostolorum cap. 4. Quoniam multitudinis credentium erat cor unum, & anima una. Et erant, inquit, illis omnia communia. Retè erant eis omnia communia, qui unum Christum possidebant. Verum (quemadmodum idem Sanctus Hieronymus apud Divum Dionysium Carthusianum testatur. Nulla pro certo vita deterior, quam simul degere corpore, & non mente. Et verè infelices sunt, quibus non una, sed diversa inest voluntas. In hos nempe non descendit, unctio Spiritus Sancti sicut unguentum in capite, quod inde descendit in barbam, barbam Aaron, sed potius ad eos ascendet Diabolus, permittente Deo immissiones per Angelos malos. In his non est beneplacitum Spiritui Dei, nec illis mandavit Dominus benedictionem & vitam usque in seculum. Horum habitacula non sunt paradisi terrestres, sed potius gehenna anticipata, dicente Sancto Hieronymo in sua Regula: Sine charitate

Pf. 132. v. 2.

Pfal. 77.

v. 49.

Pf. 132. v. 3.

ritate Monasteria sunt tartara, & habitatores
in illis demones: e contra verò cum hac claustra
sunt paradifus, & in eis degentes, Angeli.
Omnibus quidem Christianis suadetur ac
mandatur fraterna charitas; siquidem omnes
Christiani fratres sunt in Christo, & mem-
bra unius corporis sub uno capite: omnibus
Christianis dicitur: *Idem sapiatis, eandem* Philipp. 2.
charitatem habentes, unanimes idipsum sen- v. 2.
tientes, solliciti servare unitatem Spiritus in
vinculo pacis. Unum corpus & unus Spiritus, Ephes. 4. v.
sicut vocati estis in una spe vocationis 3. 4. & 5.
vestra. Unus Dominus, una fides, unum 1. Corinth.
baptisma, & non sint in vobis schismata. 1. v. 10.
Siquis autem videtur contentiosus esse, nos 1. Corinth.
talem consuetudinem non habemus, neque 11. v. 16.
Ecclesia Dei. Præcipuè tamen ad Religio-
fos pertinet, fovere amorem fraternitatis, &
totis viribus incumbere ad servandam unita-
tem pacis. Ad religiosos præcipuè spectat,
ita in fraterna pace ac charitate adinvicem in
domo Dei conversari, ut unum hominem S. August.
faciant, & sit illis verè, quomodo scriptum in Pel. 132.
est, una anima, & unum cor, multa corpo-
ra, sed non multa anima, multa corpora,
sed non multa corda. Ad Religiosos perti-
net præcipuè, fraternam charitatem primo-
rum Christianorum in se exprimere, de qui-
bus vel ipsi gentiles dicere soliti erant: Vide, Tertullian.
quomodo ament se, ut alter pro altero mori Apolog. c.
para- 39.

Lib. de si-
militud.
c. 63.

parati sint. Religiosi propria vocatione stringuntur, imitari sanctos & justos, de quibus Sanctus Anselmus ita scribit: *Omnes iusti tanta concordia erunt, quanta sunt in presenti oculi nostri. Sicut oculus unus verti non potest, quo non vertatur & alius, sed in eandem partem semper voluntur: sic societas illa iustorum nihil poterit velle diversum, sed eandem semper habebit voluntatem. Fraternali charitatem, tanquam summè necessariam ferè omnium ordinum fundatores suis potissimum commendarunt. Sic Sanctus Augustinus statim in principio suæ Regulæ suos hisce convenit: ut unanimis habitetis in domo, & sit vobis cor unum, & anima una in Deo. Item idem Sanctus Pater: Lites aut nullas habeatis, aut quàm cellerrimè finiatis, ne ira crescat in odium, & trabem faciat de festuca, & animam faciat homicidam. Sic enim legitis: qui odit fratrem suum homicida est. Sic Sanctus Cæsarius Arelatensis in sua Regula num. 13. ad suos ait: Implete, quod Dominus dicit: Pacem meam do vobis, pacem meam dimitto vobis. In hoc cognoscent omnes homines, quod mei discipuli estis, si vos invicem diligitis. Dixit amplius Joannes: Qui odit fratrem suum, in tenebris est, & in tenebris ambulat. Qui odit fratrem suum, homicida est. Charitas Deus est, qui manet*

in

in charitate, Deus in eo manet. Et qui inimicos jubemur diligere, & bene eis facere, quâ fronte fratres odimus. Sic Sanctus Ignatius Lojola in constitutionibus societatis ordinavit: Si quis divisionis, aut dissensionis eorum, qui unâ vivunt inter se, vel cum suo capite, auctor esse inveniretur, diligentissimè ab ea congregatione, velut pestis, quæ eam potest inficere, si præsens remedium non adhibeatur, separandus est. In hunc finem fraternæ conservandæ charitatis quoque tendunt illa verba in constitutionibus societatis: Unio & conformitas mutua diligentissimè curanda est, nec ferenda inter ullos domesticorum perturbatio, vel ira mutua: Si quid autem hujusmodi accideret, curret, ut statim cum satisfactione debita in gratiam invicem redeant. Sic pariter Sancta Theresia discordias in monasteriis religionis pestem appellat, damnatque ad perpetuos carceres monialem, discordiarum auctricem. Præprimis nihilominus fraternæ charitati fovendæ advigilandum est in nostro ordine, & in omnibus iis, qui nobiscum stabilitatem loci profitentur, quia dissensionis malum, semel admissum facilius radicitur, & plerumque difficilius sanatur. Verum non ob id cadendum est animo; sed eo fortiori pectore radicandæ fraternæ charitati adjiciendus est animus; nam quò istam hanc

Part. 8. c. 1.

§. 5.

Part. 3. c. 1.

§. 18.

In via perfect. c. 7.

S. Regula
cap. 4.
2. Corinth.
6. v. 3.

1. Corinth.
10. v. 32.

Dom. 4.
post Epiph.
serm. 5.

S. Regul.
c. 4.

hanc confovere videtur difficilior, eò dulcius est, superatis difficultatibus, fratres stabili unione habitare in unum. Tum, quia ipsa assuetudo conversationem plerumque reddit jucundam, tum, quia præsentissima nobis præcipuè in nostra sacra Regula subministrantur remedia. Primum est, *injuriam non facere*. Sive, ut Apostolus loquitur, *nemini dantes ullam offensionem*, neque verbo, neque facto, neque signo, neque alio modo, omnis namque fraternæ charitatis læsio ut plurimum suam trahit originem ab aliqua injuria vel offensa: *sine offensione estote* unius moris in domo, & altum fundamentum positum est fraternæ charitatis. Porro (loquor verbis Divi Dionysii Carthusiani) *quid ad hæc dictum sunt, qui zelum inter se habent amarum, & contentiones, qui ad deridendum ac perturbandum se invicem proni sunt? immo qui crebrius excogitant, qualiter aliquid facere queant, verbo, signo, aut opere, quod displiceat alteri, quo turbetur, ac contristetur? cumque tale quid egerint, gloriantur, quasi qui desiderio suo satisfecerint, ac sua bene expedierint facta. O quàm longè sunt isti à monastica ac syncerissima charitate. Quàm longè à dictamine ipsius legis naturalis, ab illo instrumento bonorum operum, quod sibi quis fieri non vult, alii non faciat. Quis enim*

enim
fior
sign
aut e
spoli
Scrip
non
bitio
tatu
per
Nec
grat
tion
stru
dan
tate
me
qui
Rel
ced
los
fati
cul
&
fer
gn
lo
tia
in
co

enim vult offendi? diſteriis lacerari? irri-
 ſionibus confundi? vituperiis exaſperari?
 ſignis vel verbis amarulentis mœſtificari?
 aut alio modo internâ mentis tranquillitate
 ſpoliari? ô quam longe ſunt tales Divinæ
 Scripturæ effato : *Charitas non emulatur*, 1. Corinth.
non agit perperam, non inflatur, non eſt am- 13.
bitioſa, non querit quæ ſua ſunt, non irri-
tatur, non cogitat malum, non gaudet ſu-
per iniquitate, congaudet autem veritati.
 Nec eſt, quòd dicatur, ſimilia fieri, joci
 gratiâ, aut recreationis cauſâ; nam recrea-
 tiones religioſis indulgentur, non ad de-
 ſtruendam, vel lædendam, ſed ad foven-
 dam & conſtabiliendam fraternam chari-
 tatem, ſales religioſi proferendi ſunt, ut
 mentes honeſtè acpiè exhilarentur, non ut
 quiſpiam offendatur, aut triftitiâ afficiatur,
 Religioſis idcirco quandoque religioſa con-
 ceduntur ſolatia, ut omnes qui viderint il-
 los, ædificentur, atque ex ipſorum conver-
 ſatione cognoscant, quòd in iſtis per vin-
 culum fraternæ charitatis vivat cor unum
 & anima una, mera charitas abſque ullo of-
 ſenſionis verbo, ſine ullo traductionis ſi-
 gno, ſine ullo vilipenſionis indicio, ſine ul-
 lo averſionis argumento, in omni reveren-
 tia, in omni honore, in omni affabilitate,
 in omni ædificatione. Membra in eodem
 corpore ſe invicem non mordent, ſed ſi quid 1. Corinth.
 pati- 12. v. 26.

Galat. 5.
v. 15.

1. Corinth.
12. v. 21. &
22.

Cap. 4.
instr. 8.

S. Regul.
c. 53.

patitur unum membrum, compatiuntur omnia membra, si gloriatur unum membrum, congaudent omnia membra. Hinc, quod si invicem mordetis, & comeditis, membra planè Christi non estis. Esto, sint aliqui infirmi, sint aliqui defectuosi in communitate, non propterea sunt mordendi, aut ludibrio exponendi : nam, *quæ videntur membra corporis infirmiora esse, necessaria sunt, & quæ putamus ignobiliora membra esse corporis, his honorem abundantiorum circumdamus.* Sic etiam necessarij sunt nobis infirmi ad probandam nostram patientiam, sic etiam magis excusandi sunt defectuosi, præsertim coram sæcularibus, ne secus sibi sumant scandalum, & occasionem vituperandi totam religiosam communitatem. Si enim in nostra sacra Regula jubemur, *honorare omnes homines*, inter quos planè varii variè inveniuntur defectuosi, quanto magis nostros proprios confratres, etsi nostro forsitan humori diffformes. Si Sanctus Pater noster velit, ut pauperculi peregrini, & infimæ sortis homines cum tanta humilitate *inclinato nempe capite, vel prostrato omni corpore in terra* recipiantur hospitio, quomodo quis præsumet, proprio confratri honoris & charitatis denegare officium ? Audire ac adamante notare placeat, quid Sanctus Augustinus ad maximum Episcopum

Dona-

Don
bat :
liber
& n
litua
ordin
ligio
conf
natu
ritua
bapt
ejus
ctio
pter
dem
van
juria
char
suffe
suffe
tate
nem
offe
Ma
bene
vest
& a
palli
duo
pers

Donatistarum, hominem hæreticum scribat: *Honorabilem* (inquit) *te ex ea regula libenter appello, quia novi te esse hominem, & novi hominem ad imaginem Dei, & similitudinem factum, & in honore positum, ipso ordine, & jure naturæ.* Quanto magis Religiosus in honore habebit omnem suum confratrem, tum propter similitudinem naturæ, tum propter gratiam fidei, & spirituales regenerationem ex eodem lavacro baptismatis, tum propter donationem ejusdem vocationis, tum propter conjunctionem in eadem communitate, tum propter vinculum pacis in eodem corpore, eandem bajulante militiam. Alterum conservandæ fraternæ charitatis remedium est, injuriam factam patienter sufferre. Nam *charitas patiens est, benigna est &c. Omnia suffert, omnia credit, omnia sperat, omnia sustinet.* Non sufficit ad fraternam charitatem sartam tectamque habendam, neminem offendere, sed necesse identidem est, & offensas patienter sufferre, *inimicos diligere. Maledicentes se non remaledicere, sed magis benedicere.* Ac toto pectore illorum sequi vestigia, *qui percussi in maxillam, præbent & aliam, auferenti tunicam, dimittunt & pallium, angariati milliarium, vadunt & duo, cum Paulo Apostolo falsos fratres, & persecutionem sustinent, & maledicentes se* *bene-*

Apud Basilium Finckeneis
inst. 8.

S. Regul. c. 4.
instr. 30.
1. Corinth.
13. v. 4. & 7.

Instrum. 31
Instrum. 32

S. Regul. c. 7

Matth. 5.

v. 9.

Lucæ 6.

v. 32. & 33.

Lib. de

imit. Chr.

lib. 2. c. 3.

Dionysius

Carthusian.

Dom. Sexa-

gef. serm. 5.

Divus Dio-

nysius Car-

thusianus

Dom. 5.

post Epiph.

serm. 4.

benedicunt. Beati pacifici ; quoniam filii Dei vocabuntur. Sed quales pacifici ? nempe qualis fuit ille, qui dixit : Cum his, qui oderunt pacem, eram pacificus, cum loquebar illis, impugnabant me gratis. Si diligitis eos, qui vos diligunt, quæ vobis est gratia ? Nam & peccatores diligentes se diligunt. Et si benefeceritis his, qui vobis benefaciunt, quæ vobis est gratia ? siquidem & peccatores hoc faciunt. Non est magnum cum bonis & mansuetis conversari : hoc enim omnibus naturaliter placet ; & unusquisque libenter pacem habet, & secum sentientes magis diligit. Sed cum duris & perversis, aut indisciplinatis, aut nobis contrariantibus pacifice posse vivere, magna gratia est, & laudabile nimis virileque factum. Illi non sunt

veri Religiosi, minus verè virtuosì, sed superbi, & indignabundi sibi ipsis inaniter complacentes, quibus, si ab aliis aliquid videatur injuriæ, irrisiõis, aspernationis inferri, statim illos despiciunt, dijudicant, & tanquam insipientes vix dignantur aspicere. Hi tales, quamvis non respondeant verbis, non exterius inferant ultionem, non tamen vere sunt patientes, sed superbientes, ac temere judicantes. Verus Religiosus non facilis est ad indignandum, ad irascendum, ad ulciscendum : immo malefacientibus sibi committitur, magis de illorum culpa, quam de

sua

sua dolens injuria, sciens, quod sibi ipsis no-
ceant magis, quàm sibi; immo sibi coronam
patientie parant, & ad promerendam gra-
tiam ac gloriam præbent occasionem, seipsos
verò spiritualiter lædunt. Qui ergo tam le-
viter offenduntur, & pro una vestuca tur-
bantur, conqueruntur, rixantur, vindictam-
que inferunt, aut exoptant, considerent,
quantum à monastica bonitate, immo à Chri-
stiana distent ac corruant pietate. Consi-
derent tales fraternam dilectionem Patriar-
chæ Joseph: Ecce fratres quidem oderant Genes. 37.
eum, nec poterant ei quicquam pacificè loqui. v. 4.
Ast ille nihilominus, hujus & omnium in-
juriarum immemor, cum eos in fame dere-
linquere, à se repellere, inanes dimittere,
& vindictæ subicere potuisset, eosdem
amanter complexus est, in propria mensa
cibavit, honoravit, ditavit, eisque optima
in terra Ægypti prospexit. Impossibile
est, inter homines versari, & nunquam hu-
manum quid experiri; sanctum autem imi-
tari Patrem nostrum Benedictum, qui in In vita cap.
jurias sibi illatas æquo pertulit animo, ve- 3. c. 7.
niam à Deo rogans falsis fratribus, & la-
mentationibus mortem inimici deplorans.
Exemplo nobis sit beatus Fridericus Abbas
Hiersaugiensis, hunc virtus ad Abbatialem
evexit dignitatem, invidia paulò post de
crimine pessimo falsè accusavit, accusatum-

Ee

que

Menolo-
gium die 19
Februar.

que tamen si innocentissimum de gradu honoris dimovit, non absque magna infamiae nota, sed hem tibi! hic vir innocentissimus post tantas injurias acceptas (utor verbis Bucelini) *vixit inter injurias privatus multis deinceps annis, velut nihil injuria passus.* Hæc est vera fraternitas, hæc est vera fraterna charitas, quæ in isto viro nullâ potuit violari injuriâ, quæ nec litem instituit, nec vindictam spiravit, nec querimoniam excitavit, nec mutationem loci poposcit, nec ullum indignationis signum præ se tulit, sed suis inimicis ignovit ex corde, omnem sibi illatam injuriam dimisit ex animo, injuriosis fraternè convixit, omnemque eisdem impendit charitatem. Talis in nobis radicetur charitas, & ad magnam coronam nobis erit loci stabilitas. Per mutationem loci ex tali motivo fraterna charitas non stabilitur, sed solum fratris petentis infirmitas & imperfectio proditur, quod scilicet instar timidorum militum fugere malit, quàm cum heroibus viriliter stando, meritorum spolia reportare opima. *Non itaque indignemur, nec proximis irascamur ad ulciscendum, sed peccantibus atque injuriantibus compatiamur, & oremus pro ipsis.* Quemadmodum sacra nostra jubet Regula: *In Christi amore pro inimicis orare. Verbis quoque signis & factis eos ad veritatis reco-*

Divus Dionysius Carthusian.
Dom. 5.
post Epiph.
serm. 4.
cap. 4. inst.
70.

gni-
que
reli
ora
par
et
sæ
ta a
que
Rel
non
bru
sue
mar
nov
ctio
luc
ope
bor
frat
ta r
per
vid
re
jun
mic
occa
suo
per
con

gnitionem ac virtutum amorem, pacem atque concordiam revocemus, ut præcipuè in religiosis claustris impleatur illud divinum oraculum: *Habitabit lupus cum agno, & pardus cum hædo accubabit, vitulus & leo & ovis simul morabuntur.* Ecce tam diversæ naturæ, tam contraria sibi invicem brutalia animalia possunt simul habitare, simulque morari, & homines ejusdem naturæ, Religiosi ejusdem professionis, ac instituti non poterunt simul pacificè vivere? ô probrum Religionis! Esto ovis, ut tua mansuetudine lupum mutes in agnum, ut leo tua mansueta conversatione mutetur in vitulum novellum producentem ungulas binæ dilectionis, & lucratus es animam fratris, quod lucrum mutatione loci non referes. Esto operarius bonus, apprehende instrumenta bonorum operum, quæ ferme potissima ad fraternam charitatem suffulciendam ordinata noscuntur. Memori efficacique mente pertracta illa: *Nullum odisse. Zelum & invidiam non habere. Contentionem non amare. Elationem fugere, seniores venerari, juniores diligere. In Christi amore pro inimicis orare. Cum discordantibus ante solis occasum in pacem redire.* Hæc omnia cum suo auctore Benedicto in judicio tremendo perorabunt, ac justam ultionem clamabunt contra omnes unitatis divisores, contra cha-

Divus Dionysius Carthusian. loc. cit.
Isaia 11.
v. 6.

S. Reg. c. 4.
Inst. 64. usque 71.

Tom. 3.
s. 57.

ritatis violatores, contra pacis turbatores, contra reconciliationis olores. Quomodo enim ad concordiam cum Christo & cum omnibus Sanctis admittetur in cœlo, qui cum confratribus paucis noluit concordiam servare in clauistro? *Contemplemur* (inquit Sanctus Augustinus ex auctore de anima & spiritu) *quæ sit ipsa societas beatorum spirituum, quæ majestas visionis Dei, & quomodo Deus æterna visionis suæ dulcedine Sanctos suos reficiat.* Nemo enim in hac vita digne pensare potest, quanta sit illa felicitas, Deum facie ad faciem videre: quanta suavisitas, melos illud Angelicum audire: quanta jucunditas, omnium Sanctorum societatem habere. Tantum unusquisque gaudebit de beatitudine alterius, quantum de suo gaudio ineffabili. Et quot socios habebit, tot gaudia habebit. In illa gloria nihil delectabilius ad contemplandum invenio, quam intimi amoris affectum, quo unusquisque tantum amabit alterum, quantum seipsum, & Deum plus quam se, & Deus plus illos, quam illi semetipsos, & hoc perpetuo gaudio. Horum proinde concordiam & amorem imitemur in terris, & erit nobis pax sempiterna in cœlis.

MEDITATIO II.

De

Diligendo Deo per resignationem & conformitatem nostræ voluntatis cum Divina.

Punctum 1. De conformitate nostræ voluntatis cum Divina. 2. De perfecta resignatione. 3. De nostris desideriis cum desideriis Christi conformandis.

Preludium:

PONE tibi ante mentis oculos Christum Dominum in Agonia constitutum, & ita se totum Deo Patri resignantem: *Non mea, sed tua voluntas fiat.* Lucæ 22. v. 42.

Punctum 1.

Considera, proprietatem amantium esse unionem voluntatum, ita ut ipsis sit unum velle, & unum nolle. Unde voluntas tua erit tibi testis, quid ames, nam si tuam cupis impleri voluntatem, te ipsum amas, & fallaciter cum Deo agis, dum dicis: *fiat Matth. 6. voluntas tua, sicut in cælo, & in terra.* v. 10.

Sed à quo debet fieri voluntas Dei? votum quidem verè amantis est, ut Sanctissima voluntas Dei? ab omni creatura, & in omni creatura perfectissimè adimpleatur.

E e 3

potif-

potissimum verò & præprimis in se ac in propria persona; siquidem ordinatus amor orditur à proprio supposito. Et quis, quæso! non anhelet totis præcordiis, quoad omnia agenda & sustinenda, quoad omnes actus & eventus, in omni loco, omni tempore, omnibusque modis conformari, & quasi transformari in voluntatem divinam? cùm hac nihil sit perfectius, nihil ad merendum efficacius, nihil Deo acceptius, nihil amanti convenientius, nihil verè diligenti dulcius, nihil suavius, nihil felicius, nihil securius, nihil beatius, *quisquis hanc propria voluntatis cum Divina conformationem perfectè attigeris, omniaque velut de manu Dei cupide amplexatus fueris, hac tua in hoc orbe inferiore beatitudo erit: frueris perenni quodam gaudio, & letitiâ non multis notâ: hac enim felicitate fruuntur homines intimâ familiaritate cum Deo conjuncti. Beatus es & benè tibi erit. Et licet tibi forsitan plures adversitates ac sinistri casus evenerint, experieris nihilominus, esse verissimum illud: non contristabit justum, quidquid ei acciderit. Sed reportabit ex tribulatione solatium, & magnum ex tentatione meritorum proventum. Nam, qui divinam voluntatem in omnibus sequi conatur, in curru cum crucibus aliquin ferendis vehitur; alii verò, qui hanc*
iiine-

Hieremias
Drexelius
in helitrop.
libr. 3. c. 6.

Proverb.
12. v. 21.

S. Dorotheus in
Serm. de
obedient.

itineris agendi, rationem & compendium ignorant, ponè pedites sequuntur, & onerosas cruces aut morosè trahunt, aut laboriosè ferunt. Sola voluntas Divina est tutissima & perfectissima regula totius perfectionis, ac unica rectè vivendi norma; omnes actus & gressus, huic conformes sunt recti, positi in rectà viâ, æterno præmio digni, omnes autem huic diffformes sunt irrecti, extra rectam viam declinantes deorsum. Adeo voluntas Dei beneplacens est perfecta, ut nec ipse Deus possit aliquid illâ perfectius, sanctius, sibi que gratius velle, aut homini præscribere. Hinc ex consequenti nec ipse homo potest unquam aliquid perfectius agere, aut velle, aut desiderare, quàm perfectam in omnibus cum voluntate Divina conformitatem. Nunquam proinde deinceps recedas ab illa resolutione Clementis XI. Pontificis maximi. *Domine Deus! volo, quid vis, volo, quia vis, volo, quomodo vis, volo, quamdiu vis.*

Punctum II.

Considera, & ausculta vocem Dilecti discipuli: *dixi tibi sapissimè, & nunc iterum dico: Relinque te, resigna te, & fruëris magnâ internâ pace. Da totum pro toto: nil exquire, nil repete: Sta purè & inhesitanter in me, & habebis me.* Nam anima ve-

Libr. de
Imitat.
Christ.
libr. 3.
cap. 37.

re amans non solum ibi magis est, ubi amat, quam ubi animat, sed insuper quoque omnia sua secum trahit, & sine exceptione tradit dilecto: amans non solum studet, esse ejusdem voluntatis cum suo Divino amato, sed unice quoque cupit vivere ac vivit sub pleno Dominio Divini beneplaciti, ita, ut Divinum beneplacitum de homine amante tanquam dere proprio ex titulo amoris, ac specialis traditionis possit pro suo gusto disponere in tempore & in æternitate, ita, ut tanquam ignis amoris possit hominem amantem consumere, tanquam fons amoris eundem penitus absorbere, vel aquis tribulationum, vel camino probationum immittere, sive incudi imponere, malleis & flagellis contundere, aut alio modo velut cum pila ludere, sicut ludere consuevit amor. Nempe recusare vel excipere nescit verus amor, paratus vivere sive in fertilitate, sive in sterilitate animæ, ambulare sive in lumine, sive in obscuritate. Memoriam habet plenam Deo, & ideo in eâ non reperit locum recordandi sui: oculus mentis totus in dilectum avolavit, & hinc seipsum non cernit. Voluntas dilecto adhæret, & hinc amans seipsum non habet, totus homo stat supra se ipsum, & hinc non attendit seipsum, ita ut putet alieno contingere, quidquid sibi contingit, sibi verò fieri, quidquid

quid Deo & ejus beneplacito. Nimirum alienus fit sibi, quisquis proprius est Deo, tamdiu verò alienus es Deo, quamdiu es tuus: ut ergo totus sis Dei, desine esse tuus; *non querendo, quæ tua sunt, nec in parvo, nec in magno, nec in tempore, nec in eternitate: Ita, ut una equali facie in gratiarum actione perman eas, inter prospera, & contraria, omnia equâ lance pensando.* Nihil enim potest non esse bonum, quod optimo Deo placet.

De Imit.
Christi libr.
3. cap. 35.

Punctum III.

Considera dulcissima illa verba amoris crucifixi: *Ego si exaltatus fuero à terra, omnia traham ad me ipsum.* Sed quare exaltatus Christus in cruce omnia ad seipsum vult trahere? nimirum, ut tradens Spiritum suum in manus Patris, ex ineffabili amore omnia simul eidem tradat, & Divino beneplacito velut holocaustum offerat. Sic etiam verè amans, exaltatus à terra, sive à vitâ terrestri, ad vitam quasi Divinam non est contentus traditione sui, sed præterea omnia vult trahere ad amorem Divini beneplaciti, omnia vult tradere Divino beneplacito, veluti sponsa ejusdem voti cum sponso; more matris familias percipientis, ut omnes domestici voluntatem Patris familias adimpleant, ut

Ecce

omnia

omnia in toto domo fiant ad beneplacitum, & ad gloriam Patrisfamilias. Sed quid sit ad gloriam Dei? in quo gloriatur Dominus? in hoc nempe, quod Sanctissimum ejus beneplacitum fiat, sic quondam quasi gloriabatur Deus de servo suo Jobo, quia Job, confluentibus tot adversitatibus, in Divinum beneplacitum se resignavit ac dixit: *Sicut Domino placuit, ita factum est, sit nomen Domini benedictum.* Sic pariter gloriabatur de Davide dicens: *Inveni David filium Jesse, virum secundum cor meum, qui faciet omnes voluntates meas.* Præcipue tamen Deus Pater gloriatus est in Filio suo, quia de cælo descendit, ut faceret voluntatem Patris. Ast numquid Deus votum Christi, mortem Christi pro omnibus oblatam ita suscepit, ac si in re ipsa omnes salvasset? Indubitanter, si enim Deus bonam voluntatem respicit in servo, quanto magis eandem sibi gratam habebit in filio, quis ergo non satagat imitari votum ac sitim amoris crucifixi? quis non sitiat, ut Divinum beneplacitum omnium mortalium corda ad se trahat, penitus in se rapiat, atque ex eis cum gustu bibat dilectionis *vinum optimum, dignum dilecto meo ad potandum*, gutturiq; seu beneplacito ejus sapidum per conformitatem perfectam. Porro hæc ipsa desideria ut Deo sapiant, debent fieri

Job. 1.

v. 21.

Act. 13.

v. 22.

Matth. 17.

Cant. 7.

v. 9.

feri absque impatientiæ affectu, sine perturbatione, cum plena resignatione, sicut scriptum est: *Non sum turbatus te Pastorem sequens.* Jerm. 17.
v. 16.

BONA PROPOSITA

Ex

Præsenti Meditatione.

1. **Q**uotidie me sapius plene in Divinam voluntatem resignabo, ex nostro Ludovico Bloisio dicens: *Domine sicut ipse ab aternitate antequam ego essem, voluisti, ita fiat, & non, ut ego volo. Non meum commodum, non meam oblectationem querere debeo, sed tuum honorem, & tuam laudem. Gravior est mihi tua sancta voluntas, quam optandi libertas. En igitur me ipsum dedo, resigno, & permitto tibi Deus meus, non in tempore modo, sed etiam in ævum sempiternum.* In Margariit. Spirituali P. 4.
S. 6. num. 1.

2. Frequentius cum gemitu cordis dolebo, quod ego miser, ac alii mortales toties simus Divino beneplacito contrarii, quod non semper corde volvamus, & ore promamus illud Astionis & Epicteti: *Benedictus es Domine Deus Patrum nostrorum, & laudabilis, & superexaltatus eo quod non humana, sed tua voluntas per omnia facta est in nobis.* In vic. Patrum libr. I. cap. 12.

3. Po-

3. Potissima oratio ac petitio mea ad Deum hæc posthac erit: ut Divinum beneplacitum in omnibus creaturis adimpleatur, & satiatur.

4. Gaudebo nihilominus frequenter, quòd consilium Domini non possit impediri, & quòd creaturæ etiam resistendo, Divinæ voluntati serviant, & hinc cum gaudio Spiritûs frequentius recolam illud Divinæ Scripturæ: *Consilium meum stabit, & omnis voluntas mea fiet.*

5. Propterea in Divinum beneplacitum plenè resignatus, & non turbatus ero ad omnem verum eventum.

6. Totam meam vitam deinceps institutam secundum Doctrinam Christi, his verbis Sanctæ Brigittæ datam: *Tu quia ex omni justitia facta es mihi: ideo oportet te sequi voluntatem meam. Qui autem sequi vult voluntatem alterius, debet habere tria: Primò cum eo unum consensum. Secundò, similia opera. Tertiò, recedere ab inimicis ejus. Qui autem sunt inimici mei, nisi superbia, & omnia peccata? Ab his ergo debes recedere, si cupis sequi voluntatem meam.*

Isaïæ 46.
v. 10.

Libr. I. Revelat. cap.
38.

EXAMEN PARTI- CULARE.

De

**Indifferentia & resignatione
in omnem Divinam dispositionem.**

1. **U**trum sis semper indifferens & resignatus in Divinam voluntatem quoad naturalia, ita, ut tibi æque acceptæ sint infirmitas & sanitas, mors & vita, & quidquid Deo magis placuerit?

2. Utrum sis semper indifferens, & resignatus in Divinam voluntatem quoad dona gratiæ, ita, ut nec maiorem nec minorem desideres gradum gratiæ, quàm quem tibi Deus secundùm suum beneplacitum dare velit?

3. Utrum eandem teneas indifferentiam quoad gradus æternæ gloriæ.

4. Utrum sis indifferens & resignatus in Divinam voluntatem, quoad omnem circa te dispositionem faciendam, ita ut tibi perinde sit, sive ducaris à Deo per semitam crucis, sive per aliam viam?

5. Utrum omnia Divinæ Providentiæ, semper cuncta ordinanti adscribas, quæ vel circa te, vel circa alios quoscunque in mundo accidere solent?

6. Utrum

6. Utrum Divinam dispositionem ac providentiam in omnibus ut justam veneris & adores.

7. Utrum in solo Divino beneplacito semper delecteris, & nunquam tristeris, siquid contra tuam voluntatem acciderit, vel desiderio tuo contrarium evenerit?

8. Utrum sis plenè indifferens ad omnia, quæ tibi à tuo superiore injunguntur, abdicatâ omni propriâ electione?

9. Utrum sis plenè indifferens quoad modum directionis, id est, utrum sit tibi perinde, sive tali, sive alio modo à superioribus tracteris?

10. Utrum sis plenè indifferens quoad applicationem, & quoad officia, æquali animo ferens tam amotionem, quàm promotionem?

11. Utrum sis indifferens, quoad tuos confratres, id est, utrum æquè libenter cum istis, quàm cum aliis converseris, dummodò tamen citra nocumentum tui Profectus id fieri queat, & ita Deo placeat? Nam bonus Religiosus *semper de rebus ore religioso dignis loquitur; ideoque libentius conversatur cum iis, qui tales sermones instituunt, quàm cum aliis, qui rebus & colloquiis spiritalibus non delectantur.*

Nicolaus
Lanicus
Opusc. I.
cap. 25.

LE-

LECTIO SPIRITUALIS

Pro

Tempore Pomeridiano.

ARGUMENTUM.

SEmp(er) plus ultra in spiritali profectu,
donec dicatur nobis : *mors ultra non erit,*
neque luctus, neque clamor, neque dolor erit
ultra; quia prima abierunt. Apocal. 21. v. 4.

Mortalibus hac est naturaliter innata cupido,
ut semper ambient ad alta conscendere, &
hoc unicuique juxta gradum proprium: qui-
dam enim ex aggregatione temporalium fa-
cultatum, arbitrantur ex earum abundan-
tia ceteros aestimatione praeellere, nonnulli
autem ex adeptione dignitatum & magistra-
rium, seu ex officiorum putant se se homini-
b(us) laudabiles esse. Verum hi in divitiis,
& hi in dignitatibus, nos autem semper co-
nari oportet ad congregandum thesaurum
indeficientem in coelis, ad ascendendum de
virtute in virtutem, de profectu in profe-
ctum, de bono ad bonum, de merito ad
meritum, donec occurramus in virum per-
fectum, donec statura nostra assimiletur
palmæ, donec videatur a nobis Deus Deo-
rum in Sion, donec nostro fruamur fine,
propter quem creati, sanguine Christi red-
empti,

Sanctus
Laurentius
Justinianus
de grad.
Perfect.
cap. 15.

Libr. 4. in-
stitut. cap.
38.

empti, sacri baptismatis undis abluti, specialiter ex infinita misericordia dulcissimi Numinis ad statum religiosum & ad sortem Sanctorum vocati sumus; ex hoc namque fine, uti nullus ambigo, te hisce sacris exercitijs consecrasti, ex hoc fine, ut videlicet drachmam religiosæ perfectionis indipiscaris, tibi tanquam puer parvulus, per vocem clamantis succlamans ministravi lucernam, nec superest amplius, nisi ut in præsentī dissertatione tum motiva, tum modum semper proficiendi, & ad perfectionem tendendi, studioso mentis oculo compendiario expendamus. Et primò quidem loquendo breviter de obligatione, certum habetur apud Theologos, Sanctos Patres & Spirituales magistros, quòd omnis Religiosus cujuscunque ordinis teneatur sub peccato mortali tendere ad perfectionem. *Non leve noveris esse peccatum* (inquit Joannes Cassianus) *perfectionem professum quempiam, ea, quæ sunt imperfecta, sectari.* Super quæ Cassiani verba Alardus Gazæus ita discurret: *Unde consequens est, religiosum non leve peccatum admittere, ut hic dicitur, si studium, seu affectum adipiscendæ perfectionis abjiciat, aut remittat, multò magis si sic apud se statuat, & dicat: nolo ad perfectionem tendere, aut in ea progressum facere. Ita intelligendus est*

est Divus Hieronymus, cum ad Heliodorum ita scribit: *In perfectum te fore pollicitus es. Nam quando relictâ militia te castrasti propter regna cœlorum, quid aliud quam perfectam secutus es vitam?* Unde (pergit post pauca in eadem Epistola idem Sanctus Hieronymus) *si perfectus non est, cum se perfectum fore Deo pollicitus sit, ante Deum mentitus est; os autem, quod mentitur, occidit animam.* Et rursus inferius idem Sanctus Hieronymus in eadem Epistola: *perfectum autem esse nolle, est delinquere. Sub professione monastica, (asserit Sanctus Petrus Damiani libr. de perfect. Monach. cap. 2.) scandere perfectionis excelsa promissimus.* Porro, quamvis hæc obligatio tendendi ad perfectionem per se sit annexa statui religioso; propriè tamen & expressè vowedetur per votum de conversione morum, quemadmodum testantur nostri Monachi Benedictini ad Sanctum Vedastum in suo exercitatorio Spirituali parte 3. §. 5. ubi de conversione morum sic in terminis loquuntur: *hic explicitè significatur obligatio, quam habent Religiosi tendendi ad perfectionem.* Hinc Sanctus Anselmus noster votum de conversione morum in suo carmine de mundi contemptu & Monachorum vita ad ejusdem observantiam nos admonens sic explicat:

F f

Vovi-

*Vovistis Domino, vestros convertere mores,
Jam non peccetis, sit modus & vitiis.
Nunc humilis vivat, qui vixerat ante su-
perbus,*

*Sit castus, quisquis luxuriosus erat.
Quarebat census aliquis? captabat honores?
Huic jam vilescant census, honosque sibi.
Gaudebat dapibus, gaudebat divite mensa?
Nunc tenuem victum sobria cœna dabit.*

De 9. Gra-
dib⁹ ascens
Serm. 7.

S. Regul.
cap. 58.

Homil. 29.

(verba sunt Sancti Cæsarii) *non perfectè in
eremo vivere summa damnatio est. Quod
longè à fortiori de quolibet Religioso inter
suos confratres & in conspectu aliorum im-
perfectè viventē sentiendum; tum, quia
Religiosus in clauistro habet longè plura &
effica-*

efficaciora perfectionis media, quàm soli-
 tarius in eremo; tum, quia solitarius im-
 perfectè vivendo solum sibi nocet, ast
 econtra vivens imperfectè in cœnobio non
 tantum sibi, sed toti religiosæ communi-
 tati permagno nocumento est: Infirmio-
 res quippe scandalizāt, meliores à profectu
 impedit, disciplinam destruit, & cùm non
 proficere sit deficere, hinc continuò ad de-
 teriora prolabitur, fitque afflictioni superio-
 ribus, oneri suo Monasterio, infamiæ or-
 dini, offensionis Ecclesiæ. Unde rectè con-
 cludit Thomas Sanchez: *Religiosus tene-* Libr. 6.
tur sub mortali taliter vivere, ut non sit gra- cap. 4.
viter Religioni suæ perniciosus, inducendo n. 18.
alios Religiosos suo pravo exemplo ad nimis
relaxandam Regulam, & præterea pertur-
bando Religionem. Sed hæc damna inferret,
(subjungit post pauca citatus auctor) ha-
bens eam intentionem, videlicet, non ten-
dendi ad perfectionem; timendum enim,
ne in tali frigido fratre impleatur illud Di-
vi Bernardi: Ab aquilone panditur vestrum Serm. 63.
malum, à frigore ejus quis sustinebit? hoc in Cant.
frigus si semel animam (animam quidem ut
asfolet incuriā, spiritu dormitante) pervase-
rit, ac nemine deinde (quod absit) inhiben-
te ad interiora ejus pervenerit, descenderit
in viscera cordis & sinum mentis, concusse-
rit affectiones, occupaverit consilii semitas,
 Ff 2 pertur-

perturbaverit iudicii lumen, libertatem ad-
dixerit Spiritus, mox (ut in corpore soles
evenire febricitantibus) subit quidam animi
rigor, & vigor lentescit, languor fingitur
virium, horror austeritatis intenditur, ti-
mor sollicitat paupertatis, contrahitur animus,
subtrahitur gratia, protrahitur longitudo
vite, sopitur ratio, spiritus extinguitur, de-
fervescit novitius fervor, ingravescit tepor
fastidiosus, refrigescit fraterna charitas, blan-
ditur voluptas, fallit securitas, revocat con-
suetudo. Quid plura? dissimulatur lex, ab-
dicatur jus, fas proscribitur, derelinquitur
timor Domini. Dantur postremo impudentia
maris, presumitur ille temerarius, ille pu-
er, ille turpissimus, plenus ille ignomi-
niâ & confusione, saltus de excelsò in aby-
ssum, de pavimento in sterquilinum, de solio
in cloacam, de cælo in cœnum, de claustro
in sæculum, de paradiso in infernum. O quam
vera sunt proinde illa, quæ Sanctus Augu-
stinus jam de suis temporibus hisce conte-
status est: Ex quo Deo servire cœpi: quo-
modo difficile sum expertus meliores, quam
qui in monasteriis profecerunt, ita non sum
expertus peiores, quam qui in monasteriis ce-
ciderunt. Eant nunc, & dicant aliqui:

Joannes
Gerson In-
duft. 4. de
Theologia
Myst. pract.

Sufficit mihi communis vita, si cum infirmis
salvari potero, satis est. Nolo merita Apo-
stolorum, nolo volare per summa, incedere

per

per planiora contentus sum. Sed viderint
 hi, quod jam imperfectio est, nolle esse perfe-
 ctum. In via enim Dei non progredi, regredi est.
 Damnatur insuper servus piger, qui talen-
 tum servare contentus, illud in fœnus non
 tradidit. Notent igitur omnes Religiosi (sunt
 verba nostræ manuductionis ad perfectio-
 nem) quod secundum veram doctrinam
 Theologorum teneantur saltem tendere ad per-
 fectionem, secus in conscientia tuti non sint,
 sed per habitum & consuram Deo, & homi-
 nibus mentiantur. Quemadmodum ex-
 presse docet Sanctus Thomas comment. in
 2. Corinth. 13. Item q. 184. art. 5. ad
 2. & Pariter 2. 2. quæst. 186. art. in ☉
 Secundo præterea semper ante oculos ha-
 bendum est, Religiosum non ad qualem-
 cunque, sed ad ipsam Evangelicam perfe-
 ctionem sibi procurandam obligatum esse,
 quemadmodum id nostra statuta illicò in
 procemio sequentibus attestantur: *Iter Ev-
 angelica perfectionis, & observantiæ regula-
 ris, uno corde & animo in vinculo pacis, &
 charitatis, cum gaudio & spiritûs consolatione
 curamus.* Quod idem indicat Sanctus Pa-
 ter noster Benedictus in Prologo suæ Re-
 gulæ, ubi ait: *Per ducatum Evangelii per-
 gamus itinera ejus.* Quocirca sciendum est,
 ad Christianam perfectionem generaliter
 sumptam teneri omnes Christianos, quem-

Part. 1.
 cap. 1.
 S. 3.

In Theolog.
 Regul.
 Tom. 1.
 Libr. 3.

art. 4.
disp. 21.
n. 255.

Genes. 17.
v. 1.
Marci 12.
v. 30.

Matth. 19.
v. 19.

Serm. de
rerum ab-
dicat.

De Eccles.
Hierarch.
cap. 6.
Part. 2.

Act. 2.
v. 42.

Act. 4.
v. 32.

admodum docet Joannes Caramuel & pas-
sim magistri spirituales, tamen in termi-
nis perfectionem non distinguant in Chri-
stianam, & Evangelicam, seu religiosam;
siquidem in Abrahamo Patre credentium
cuilibet credentium dictum est: *Ambula
coram me, & esto perfectus.* Cuilibet Chri-
stiano dicitur: *Diliges Dominum Deum tuum
ex toto corde tuo, & ex tota anima tua, &
ex tota mente tua, & ex tota virtute tua.*
Item si autem vis ad vitam ingredi, serva
mandata. *Mandata Dei* (inquit Sanctus
Basilius) *cum eque prescripta sint omnibus,
in eodem periculo sunt omnes, qui adversus
ea fecerint: siquidem Christus ipse, cum Pa-
tris sui precepta promulgaret, apud eos loque-
batur, qui in mundo erant, & communem
vite morem sequebantur.* Cum itaque jux-
ta Sanctum Dionysium Areopagitam, cer-
tum sit, Religiosum debere sectari perfectis-
simam vitam, & oportere illum medio longe
antecellere, verissime inferitur, Religiosos
obligari ad Evangelicam perfectionem, quo-
niam quæ Christianis in Evangelio sunt li-
bertatis, Religiosis fiunt necessitatis; Reli-
giosi quippe vi suæ Professionis tenentur
illorum sectari vestigia, qui erant perseve-
rantes in doctrina Apostolorum & communi-
catione fractionis panis, & orationibus. Qui-
bus erat cor unum, & anima una, (quite-

ste

ste Philone Hebræo apud Eusebium) disc- Libr. 8. Præ-
bant piè, sanctè, justèque vivere, triplici re- par. Evang.
gula utentes; amore Dei ardentissimo: vir- cap. 4.
tutis cultu diligentissimo: charitate proximi
ferventissimâ. Quod igitur summe Deum
diligant, multa nobis argumento sunt, ca-
stitas perpetua, jurisjurandi nulla mentio,
mendacii odium, & præcipuè, quod bonorum
omnium, nullius mali, Deum causam esse
opinantur. Quod virtuti studeant, patet, quia
pecuniam negligunt, gloriam spernunt, vo-
luptatem oderunt, constantes, severi, magni-
que animi sunt. Charitatis autem argu-
menta sunt benevolentia, societas, equalitas.
Nullus enim domum habitat, quæ omnium
communis non sit: unum ararium, unus sum-
ptus omnibus est, vestis communis, commu-
nis cibus, & potus, communis mensa, omni-
bus vita communis est. Ecce tibi ideam
religiøsæ & Evangelicæ conversationis, sed
videamus jam identidem correptionem, &
Divinam ultionem in transgressores hujus
conversationis. Ananias, consciâ suâ uxore
Sapphira, clandestinò sibi quid reservave-
rat de pretio venditi agri. Et hem Divi-
nam nemesis à tergo! à Petro Apostolo-
rum Principe hisce corripitur: Anania, cur Aët. 5.
tentavit Satanas cor tuum, mentiri te Spi-
ritui Sancto, & fraudare de pretio agri? Sed
necdum satis Divinæ ultionis gladio insu-

In Luce
Evangel.
Dom. 6.
post. Epiph.

Cornelius
à Lapide in
Act. 5.

per feritur, protinus ad terram prolabitur, moritur, & quidem, uti *verisimilius* videtur, morte aternâ: quamvis enim cum Henrico Engelgrave & aliis non paucis auditoribus olim Ananiam solum peccati venialis damnabam, re tamen interea melius inspectâ, cum Cornelio à Lapide ex Sancto Augustino, Basilio, Gregorio, Fulgentio, Athanasio, Beda, Cypriano, Hugone, Lyrano omnino tenendum judico, *fuisse lethale, & grande hoc scelus Anania, quia fuit violatio voti & sacrilegium.* Verùm cur Petrus istud factum severiùs quàm ullum aliud peccatum corripuit? Cur Deus, sine indultâ agendæ poenitentiae morâ, istud peccatum publicè in conspectu plurium tam repentinâ tamque horrendâ morte punivit? Nempe primi illi Christiani *ipsi egerunt vitam religiosam, verique fuerunt Religiosi,* & hinc voluit Deus ad nostrum terrorem, ad nostram informationem mox in primo religiosæ vitæ exordio palam facere, quanto odio in Religiosis vitam irreligiosam persequatur, quantis periculis Religiosus quasi quolibet subjaceat momento, in religione irreligiosè, simulatè, fraudulentè aut negligenter vivens, tacendo plura alia exempla, testem hujus rei appello ipsissimam Dominam nostram beatissimam Virginem Mariam, quæ (quemadmodum beatus Ala-

Alanus à Rupe ꝑ. P. Psalterii cap. 60. refert) Benedictæ cuidam Florentinæ urbis nobili scorto apparens, eamque pluribus historiis deterrere, & ad pœnitentiam adducere conata, inter alia contestata est: Ecce hâc ipsâ die Religiosus quidam peste subitanée morietur, ac propter hoc æternaliter damnabitur, quòd negligenter, contemptim, & vagabundè pensum Canonicum persolverit. Alius itidem æquè Religiosus hac ipsissima die prorsus nihil periculi suspicatus, sed omnia tuta putans subito è scala cellarii corruet, fractoque collo morietur, æternis mox suppliciis adjudicandus, quia firmo carebat proposito, vivendi secundùm statuta & regulam sui ordinis, ad quod propositum habendum ad minus in voto ac intentione quilibet Religiosus sub reatu peccati mortalis obligatur. Quin immo, quidam alii Religiosi æque hodiè propter vitium proprietatis, & propter neglectum regularis observantiæ in Alemanniis cum toto conventu comburentur. O quàm verum proinde manet illud Sancti Odonis Cluniacensis dicentis: *Illos gehenna devorat, qui in habitu Religionis negligenter vivunt.* O quàm meritò proinde nobis timendum est illud Sancti Basilii: *Ego existimo paucos inter Monachos salvari.* O quàm meritò cum Ignatio Clavenau proinde

Libr. I.
collat.
Serm. de
Abdicat.
verum.

Tract. de
obligat.
tendendi ad
Perfectio-
nem §. I.

Nicolaus
Lanicus
Opusc. 6.
cap. 20.

inde exclamo. *Hac si Religiosum tepidum non terrent, non excitant, non ad reformationem & seriam conversionem morum suorum commovent, nescio, an non hac obstinatio malum signum sit reprobationis aeternae.* Unde fortassis ex hisce terreri incipis, mediaque inquiris, evadendi aeternae damnationis periculum? Verum si hoc? ô miseriam nostram! siccine? (veniâ tamen tuâ dixerim) ergone per integrum octiduum necdum alium fructum ex nostris exercitiis collegimus, quàm denique metum gehennae? Ecce! Maria Bonaventura, foemina, Virgo tenerrima, monialis nostri ordinis, mox primo sacrorum exercitiorum die isthanc à se factam resolutionem coram suo Patre spirituali deposuit: *Pater, non oportet amplius jugari cum Deo; agnovi quid à me velit Deus, quid nolit: volo tota esse Dei, & totis viribus conari, ut ob majorem Dei gloriam, sine ulla mora sancta evadam, non qualiscunque, sed magna, & citò.* Hæc illa primo exercitiorum die ex pleno Spiritu; & nos viri jam octavo sacrorum exercitiorum die necdum sumus repleti tali Spiritu? tanto perfectionis desiderio? sed hæremus adhuc in metu gehennae? ô tempora, ô mores deplorandos! nunquid aulicus nugatorem ac contemptorem se proderet, qui coram suo rege aut principe as-

seve-

severare, aut interrogare præsumeret: quid mihi in aula, in servitio regis attendendum, ut patibulum & suspensionis laqueum effugiam? Planè quisquis aliàs suæ fortunæ, & omnis urbanitatis non oblitus, potius ad omnia servitia regis se offeret, ad id toto pectore incumbens, ut gratias regis sibi demereri, ac indies gradus ad altiores promotiones sibi parare non nequeat. Sudant agricolæ, laborant opifices, fatigantur cursores, itineribus onerantur mercatores, nullus tamen horum ex fine declinandi patibulum, sed omnes temporalis captandi lucri causâ; & Deus tanti lucri non reputetur, ut ipsius lucrandi ergo, totis viribus laboremus in perfectionis progressu? Paucis: sic currendum est in via perfectionis, ut nunquam satis sit amor, tametsi sit satis obligatio. Obligatio autem tunc satisfacimus, quando indefesso conatu proficere studemus. *Nam etsi omnes ad perfectionis summam pariter pervenire non possumus; non tamen erimus extra numerum bonorum, sicut scriptum est. Imperfectum meum viderunt oculi tui, & in libro tuo omnes scribentur: si ad perfectionem incessanter, & fortiter conari velimus. Siquidem indefessum proficiendi, studium, & jugis conatus ad perfectionem perfectio reputatur.* His tribus nostræ obligationis debi-

tum

S. Anselmus
libr. 3.
Epist. 34.

S. Bernardus
Epist. 244.

tum solvimus. Primò semper conservando intentionem proficiendi, saltem in habitu, id est, neque explicitè ejusmodi intentionem unquam deponendo, sed eam retinendo, & quandoque per actus expressos exercendo, ac renovando, ne secus intepefeat, & locò veræ intentionis falsâ opinione, inanique imaginatione deludamur. Secundò removendo perfectionis impedimenta, quæ sunt omnia peccata, vitia, passionες inordinatæ, & quidquid nostræ vocationi repugnat. Tertiò applicando perfectionis media juxta cujuslibet proprium ordinis institutum, & quidem non tantum ex consuetudine & quoad formam externam, sed ex interno simul fervore, ac bonæ intentionis promptitudine: qui in his tribus constanti applicatione pergit, ad perfectionem tendit, qui verò in uno ex his tribus deficit, pro ratione defectus est reus. Hinc

1. Graviter à via perfectionis deviat, quotiescunque mortaliter peccatur, non quidem peccato, propter hanc rationem novâ specie distincto, sed circumstantiâ tamen notabiliter aggravante.
2. Graviter & mortaliter deviat, quando venialium curandorum nulla, aut ferè nulla diligentia adhibetur.
3. Quoties deliberatè consentitur in voluntatem, aut omnino non amplius, aut saltem per notabile tempus non pro-

proficiendi in melius. 4. Quando necessarium mortificationis studium, cum periculo multum deficiendi deponitur. 5. Quando studium virtutum acquirendarum per notabile tempus aut omnino intermittitur, aut parum curatur. Econtra venialiter à via perfectionis declinatur. 1. Si voluntas admittitur, solum per breve tempus à studio perfectionis pausandi, citra omne periculum tamen alicujus gravioris lapsus, aut magni impedimenti ponendi. 2. Per omne peccatum veniale sive deliberatum, sive indeliberatum, retentâ tamē voluntate, bona consuetudine & habitu, vi cuius studemus peccata venialia declinare, & admissa ex humana fragilitate, statim iterum expiare. 3. Quoties sive in studio mortificationis, sive in exercitio virtutum parva negligentia aut remissio admittitur. 4. Pariter quoties talis negligentia culpabilis admittitur in religiosis exercitiis, citra tamen periculum gravioris scandali, & sine notabili nocumento regularis disciplinæ; multa quippe in Religione per se & in ordine ad proprium profectum parum vel nihil mutant, vel facile iterum per alia suppleantur, quæ tamen aut propter destructionem disciplinæ, aut propter scandalum, aut propter contemptum sunt graviora. Sic, per se loquendo, in se parum mutat ad proprium profectum, utrum quis ante,

te, vel post completorium loquatur, propter destructionem disciplinæ nihilominus passim post completorium loqui, potest fieri peccatum mortale. Unde bono Religioso, & perfectionis studioso omnia sunt attendenda. Ex quibus ulterius facillè colligitur: *Non progredi est regredi, non proficere, est deficere*, similes textus & adagia non physicè, sed moraliter esse intelligenda, ad eum nempe modum, & eo sensu, quo dicimus aliquem continuò studere, quo loquendi modo non intelligimus temporis continuum physicè spectatum, sed volumus tantum dicere, talem esse valde addictum studiis, nunquam deponere animum à suo studio, omnia eò dirigere, ut in studiis proficiat. Sic pariter, qui nunquam languescit desiderio proficiendi, qui spiritali profectui est valde addictus, qui omnia sua ad spiritualem profectum ordinat, in sensu morali semper progreditur, tametsi singulis momentis, physice spectatis, profectum ac meritum non adaugeat; nam rem physice considerando, nec minùs datur medium inter proficere & deficere, quam inter mereri & demereri: sicut ergo non sequitur, nos omni eo momento demereri aut peccare, quo non meremur, sic pariter non sequitur, nostrum profectum omni eo momento minui, quocunque non augetur: si quis autem

à de-

à desiderio vel à studio proficiendi remittit, aut sciens & advertens aliquam actionem ad profectum non ordinat, hujus non proficere procul dubio est deficere. Verum hæc sint per indulgentiam, & non ex consilio dicta, consilium autem, quod do, est, ut ex deserto sacrorum exercitiorum progrediaris totus sitibundus, totus accensus ad meliora charismata, ad imitandum exempla Sanctorum, ad sectandum, quidquid honestatis, quidquid sanctitatis, quidquid perfectionis, & tamen si fortasse talis ignis fervoris in altari cordis tui hodie ardeat, attamen facile denuò extinguitur, nisi illum assidue nutrias oleo devotionis, & nutrimento fervoris: *Esto itaque sollicitus, ut spatium* S. Anselm⁹
vite, quod tibi restat, quia nescis, quam libr. 1.
breve sit, sic expendas, ut de die in diem Epist.
mentis propositum ad meliora extendas.

MEDITATIO III.

De

Unione animæ cum Deo.

Punctum 1. Declaratur unio animæ cum Deo per expropriationem propriarum operationum. 2. Per regnum. 3. Per vitam.

Pra-

Preludium.

Lucæ 19.
v. 6.

ESto totis mentis affectibus in præsentia Christi, te, quemadmodum quondam Zachæum, illis dulcissimis verbis alloquentis: *Festinans descende; quia hodie in domo tua oportet me manere.* O felix dedicatio!

Punctum I.

1. Corinth.
12. v. 30.

Considera, perfectam unionem animæ cum Deo per mutuum amorem contingere; videlicet per actus amoris & conformitatis, quibus anima ex sua parte se unire conatur suo dilecto, & per actus Divini amoris, quibus se dilectus ad suam dilectam convertit. Priorem amorem in præcedentibus meditationibus jam expendimus; hinc in præsentī nobis dicitur: *Adhuc excellentior rem viam vobis demonstro.* Viam scilicet, qua ipse Divinus amor animæ approximat; ast quæ hæc altior est via? quomodo ex parte nostra præparanda est ista via? forsan altius adhuc ascendendum nobis? Sed hem tibi! quemadmodum à mysticis Theologis Deus dupliciter consideratur, scilicet per affirmationem & per negationem, sic etiam anima dupliciter præparatur amorī Divino perfecte unitivo; nempe per ascensum & descensum, per sui extensionem ad amoris flammās in dilectum mittendas, & per sui expro-

expropriationem, ad flammam amoris Divini in se recipiendas. Descendendum est de arbore sycomoro, exuenda est tota vita propria, & assumenda aliena, scilicet Divina ac Deiformis; fit nempe anima ante perfectam unionem Deiformis, seu conformis suo cœlesti sponso dicenti: *Si dederit homo* Cant. 8.
omnem substantiam domus sue pro dilectione, v. 7.
quasi nihil despiciet eam. Sic & ipsa anima totam substantiam suæ dilectionis, totam substantiam suorum operum ac omnium meritum, non nisi grossulos putridos de sycomoro reputat, & quasi nihil despicit pro dilectione, ac erga dilectionem, quâ à dilecto visitatur; unde sibi met ipsi vilescens, seipsam præ verecundia erubescens ad filias Sion, ad sanctas in cœlo animas suspirat: *Nolite me considerare, quod fusca sim;* Cant. 1.
quia decoloravit me sol. Quasi diceret: v. 8.
nunc, postquam illuminavit me Christus sol justitiæ, primum agnosco, primum erubesco meam vilitatem. Videri quippe desinunt stellæ, dum oritur Phœbus, & omnia disparent ab oculo mentis amantis, dum eidem speciosus præ filiis hominum illabitur. Ubi Dei filius amore nostri, *se-* Philipp. 2.
met ipsum exinanivit, ibi maximè nostræ v. 7.
naturæ propinquavit, & ubi anima per plenam expropriationem amore Dei seipsam exinanit, ibi vel maximè ad Deum aman-

Lucæ 10.
v. 42.

tem accedit. Tunc Maria optimam partem elegit, quando ex amoris abundantia se ad pedes Christi projecit, & tunc anima quasi pro throno Divini amoris eligitur, quando anima præ amoris magnitudine suam verecundiam sustinere non valens, in similes voces erumpit, ecce scabellum pedum tuorum dilecte mi; quapropter *exinanite, exinanite usque ad fundamentum.*

Psal. 136.
v. 7.

Punctum II.

Lucæ 17.
v. 21.
Psal. 22.
v. 1.

Considera, & unionem animæ cum Deo adhuc clarius accipe; forsitan enim in priori puncto res tibi obscura visa est? verum nunquam legisti? *Ecce enim regnum Dei intra vos est. Item Dominus regit me, & nihil mihi deerit.* Ecce! hæc est illa felicissima unio animæ cum Deo, quando Deus in homine per omnia regnat, sicut rex in proprio regno, atqui ad hoc ex parte hominis requiritur plena subiectio, plena expropriatio. Nam *si regnum in se dividatur, non potest regnum illud stare.* Non potest regnum Dei in homine perfectè stabiliri, nisi prius funditus evertatur ex integro regnum proprietatis. Tunc primum Regina charitas perfectè ordinatur ac stabilitur in domo cordis, quando ancilla, proprietas ejicitur foras. Tunc primum homo perfectè regitur à Domino, quando ex puro Dei amore se ipsum

Marcî 3.
v. 24.

seip
prio
prop
null
na f
prop
ta an
omn
telle
mea
ocul
per
bra
quic
splic
unio
plan
ter,
vit
ope
San
don

cup
etia
lius

seipsum regere desinit, quando nullo proprio affectu amplius afficitur, quando nullo proprio desiderio amplius trahitur, quando nulla potentia amplius utitur, nisi cum plena subjectione ad Divinum amorem, nisi propter divinum amorem. Hæc sunt vota animæ unitæ cum Deo: Ecce amor meus! omnia mea tua sunt! digneris igitur per intellectum meum cogitare, per voluntatem meam velle, per memoriam meminisse, *per oculos meos aspicere, per aures meas audire, per linguam meam loqui, & per cætera membra mea operari quod tibi placitum est.* Nam quidquid ego operor, hoc mihi nimium displicet, quidquid verò tu operaris, hoc mihi unice placet. Eradicetur ex me omnis plantatio, quam non plantavit cœlestis Pater, nihil in me crescat, quod non seminavit Dei filius, nihil à me fiat, quod non operetur Spiritus Sanctus. Solus amor Sanctissimæ Trinitatis in me sibi ædificet domum, cætera destruantur.

In igniario
Ludovici
Blosii.

Punctum III.

Considera, animam unionis cum Deo cupidam non solum se ipsam erubescere, sed etiam sancto tædio tædere, ad morem illius, de quâ dicitur:

Ita cecinit Theresia,

Mundum, vitam, se pertæsa.

Et sponso vim faciens.

G g 2

Sed

Sed ex quo fine in se ac in sua vita tædio afficitur? ex quo fine sponso quasi vim facere conatur? nempe, ut obtineat in se implementum illud divi Pauli: *Vivo autem jam non ego: vivit verò in me Christus.* Sic est: sic pergit ibidem Seraphica virgo Theresia:

ad Galat. 2.
v. 20.

Vivo ego, jam non ego,

Sine vita vitam dego,

Quodque vivam morior.

Rom. 8.
v. 14.

Lib. de cor-
rept. & gra-
tia cap. 2.

Nam verè amans propriam vitam non vitam, sed potius mortem reputat, solam vero vitam amati æstimat veram ac vitam felicem. Et certè felix omnis ille, qui non nisi Spiritu Christi vivit, non nisi Spiritu Christi operatur, non nisi Spiritu Christi patitur, non nisi Spiritu Christi conversatur, ita, ut vita Domini Jesu per omnia manifestetur in ipso, hæc quippe vita in se continet perfectam charitatem, perfectam intentionem, perfectam resignationem, perfectam conformitatem; *quicumque enim Spiritu Dei aguntur, ii sunt filii Dei.* Ex quibus tamen omnibus minimè inferes, hominem in isto statu nihil agere, aut se tantum passivè habere: nam tunc vel maximè agit homo, quando non agit ex proprio, sed ex Spiritu Christi: *Aguntur enim* (inquit Sanctus Augustinus de filiis Dei) *ut agant, non ut ipsi nihil agant, & ad hoc eis ostenditur, quid agere debeant, ut quando id agunt,*

agunt, sicut agendum est, id est, cum dilectione & delectatione iustitia, suavitatem, quam dedit Dominus, ut terra eorum dare fructum suum, accepisse se gaudeant. Quemadmodum res tota declarata habetur in illo Cant. 1. v. 4. *Trahe me: post te curremus in odorem unguentorum tuorum.* Nam 1. trahi est agi. 2. Post te currere est procul dubio vel maxime agere. 3. Currere in odorem unguentorum est agere cum suavitate ex unctione Spiritus Sancti, ex Spiritu Christi, post Christum ad imitationem Christi. Quocunque ibat Spiritus Ezech. 16 v. 20. (inquit Propheta) illuc eunte Spiritu, & rotae pariter elevabantur, sequentes eum. Huc tende perfectionis amator! talis rota esto, semper elevata ad sequelam Spiritus Sancti, cavens totis viribus, ne unquam amplius movearis sive ab aquis iniquitatis, sive a vento vanitatis, sive a manu proprietatis, sed semper a Spiritu charitatis in Spiritu humilitatis.

BONA PROPOSITA

Ex

Præsenti Meditatione.

- I. **O**Mne desiderium, quod vel in proprium bonum, vel in aliud, præter

Gg 3

Divi-

Divinum amorem tendit, protinus, ad primam advertentiam amputabo.

2. Nullum affectum admittam, nisi qui est secundum Divinum beneplacitum, & tendens in bonum divinum.

3. Ex duobus bonis semper illud eligam, illudque perficiam, quod perfectius, ac Divino beneplacito conformius habetur.

4. Super affectus meos, & desideria mea quotidie diligens examen institutam.

5. Frequentius per singulos dies deinceps coram supremâ Majestate Divini amoris me ipsum annihilabo, dicens ex Jobo ad Job. 7. v. 17 Dominum: *Quid est homo, quia magnificas eum? aut quid apponis erga eum cor tuum?* Heu ad quid hucusque vixi? nihil enim dignum conspectu tuo egi, immo fidelius, magisque sollicitè servit canis Domino suo pro ossibus, quàm ego Deo meo vivo ac vero pro tot amoris excessibus.

6. Studebo pro possibilitate, me ipsum ante quemlibet actum interrogando convenire: estne hic actus ex Spiritu Christi?

7. Frequentius Dominum deprecabor, ut in me penitus extinguat, quidquid aut proprietatem, aut propriam quæstionem olet, & quidquid non sapit purum amorem solius Divini beneplaciti.

CONSIDERATIO
Seu
RECOLLECTIO VESPERTINA
Pro
Gratitudinis exhibitione.

IN omnibus gratias agite. *Hac est enim* ^{1. Thes. 5.}
voluntas Dei in Christo Jesu in omnibus ^{v. 18.}
vobis. In hunc finem gratiæ dantur, ut
gratiarum largitori gratiæ referantur;
quemadmodum & nos gratitudinem pos-
cimus, dum mendicum vel offâ pascimus.
Etece! Rex Angelorum per istud sacrum
estidium misit tibi cibaria de mensa sua,
cibavit te pane vitæ & intellectûs, potavit
te aquâ sapientiæ salutaris, admisit te ad
suam audientiam, animam tuam convertit,
genua debilia roboravit, talem misericor-
diam & benedictionem tribuit, quam mul-
tis millibus non contulit. Quid ergo jam
superest, nisi confiteri Domino, & psallere
nomini Altissimi: *Benedic anima mea Do-* ^{Psal. 102.}
mino, & omnia, que intra me sunt, nomini ^{v. 1. & 2.}
sancto ejus. Benedic anima mea Domino,
& noli oblivisci omnes retributiones ejus. Be-
nedic non tantum verbis, sed & identidem
vel

S. August.
lib. de spi-
ritu & lit-
tera.

Idem San-
ctus Augu-
stinus soli-
loq. c. 18.

Breviar. in
Festo S.
Agathæ.

vel maximè factis, tua bona proposita nempe incessanter adimplendo, ac in novitate vitæ deinceps ambulando: Nam gratissima Deo gratiarum actio est, gratiâ datâ bene uti: *Cultus Dei in hoc maximè constitutus est, ut anima ei non sit ingrata.* Quapropter ô bonorum largitor dulcissimè! reco-
lam ad mentem meam omnia bona, quæ fecisti mihi à juventute mea, in omni vita mea. Scio namque, quod ingratitude multum tibi displiceat, quæ est radix totius mali spiritualis, & ventus quidam desiccans & urens omne bonum; obstruens fontem divine misericordiae tuæ super hominem; quâ & mala mortua jam oriuntur, & viva jam opera moriuntur, & ultra non adipiscuntur. *Gratias tibi ago, Domine Jesu Christe, quia memor es mei.*

Pro

Conclusione poterit addi

Te Deum laudamus.

POSTRIDIE EXERCITIORUM.

CONscripta sunt hæc exercitia pro vacantibus per octiduum annuæ recollectioni; sic enim experientia doceor, quod octiduana solitudo compluribus sit in usu, ita tamen, ut uno alterove die adhuc recollectioni

ationi inhæreant, recolendo principaliora, & ad novam deinceps vitam ordinando, ut desideratus fructus altè roboratis radicibus tanto certius sequatur. Quem in finem sit

Pro
Die post Exercitia sacra
MEDITATIO
De
Perseverantia.

Punctum 1. De corde stabiliendo. 2. De fructibus obsignandis. 3. De horto concludendo & custodiendo.

Preludium:

Siste te in conspectu sedentis super thronos positos, teque hisce commonentis:
Esce venio cito, tene quod habes.

Apocal. 3.
v. 11.

Punctum I.

Confidera hodie fructus tuorum exercitiorum, & fateri tecum, quòd optimum tibi adhuc desit. Et quidnam illud optimum? *Optimum est enim* (inquit Sanctus Hebræor. Paulus) *gratia stabilire cor.* Plures sacris 13. v. 9. exercitiis magno fervore, multis bonis propositis insistant, qui tamen ad istud optimum non pertingunt, sed similes fiunt *viro* Jac. 1. v.

Gg 5

confi- 23. & 24.

consideranti vultum nativitatis suae in speculo, consideravit enim se & abiit, & statim oblitus est, qualis fuerit. Sic & isti in bono instabiles facti post triduum forsan jam iterum habentur tales, quales fuere antea, parum aut nihil mutati à priori tepiditate: hinc, ne id ipsum tibi usueniat, prospice tibi hodie de sumptibus, quibus valeas deinceps turrin perfectionis aedificare. Provide tibi de armis, quibus possis occurrere temptationum laqueis, sive per mundum, sive per carnem, sive per dæmonem, sive per alio-

- rum conversationem tibi ponendis. Oculi tui recta videant, & palpebrae tuae praecedant gressus tuos, dirige semitam pedibus tuis, & omnes viae tuae stabilientur. Homo sanctus in sapientia manet sicut sol: nam stultus sicut luna mutatur. Ergone sic stulti estis, ut cum Spiritu caperitis, nunc carne consumamini? Absit talis stultitia? Quæso enim? quid mihi prodest, si sata viridantia herbis spem messis ostendant, & mo sub ipso falcis tempore, subitâ vel aëris intemperie, vel pluviarum inundatione decipiant? Itaque fratres mei dilecti, stabiles estote, & immobiles, abundantes in opere Domini semper scientes, quod labor vester non est inanis in Domino.*
- Proverb. 4. v. 25. & 26.
Eccli. 27. v. 12.
Galat. 3. v. 3.
Eusebius homil. 5. ad Monach.
I. Corinth. 15. v. 58.

Punctum II.

Confidera desiderium & voluntatem coelestis

lestis sponsi dicentis: *Pone me ut signaculum* Cant. 8.
super cor tuum, ut signaculum super brachium tuum. Quæso! quid volunt sibi

hæc verba? nempe voluntas Domini tui est, ut cor tuum, in quo fructus exercitiorum, & bona novæ vitæ proposita sunt recondita, obsignes signaculo, seu sigillo amoris crucifixi, in signum, quòd omnia, eidem inclusa, unicè sint reservanda amoris crucifixo; in terrorem omnibus furibus ac inimicis tuis, ne ullus amplius tentationis assultu unquam cor tuum infringere præsumat, sed procul fugiat, conspecto tituli triumphalis sigillo, præcipuè cave sis, ne ipsemet furem agas, adulterâ inconstantia clavi ultro direptoribus cor tuum recludens; non enim leve crimen læsæ majestatis est, tanti regis violare sigillum. Voluntas celestis sponsi est, ut obsignes signaculo ejus brachium tuum, in signum, ut illud imposterum unicè extendas ad operandum ac pugnandum pro gloria ejus; nam, cujus insignia miles gestare solet, pro ejus gloria & militare debet. Super brachium sigillum ponendum dicitur, ad ostendendum, deinceps non remissâ tepiditatis manu, sed brachio forti, & animo generoso esse pro gloria Dei pugnandum. Signaculum amoris crucifixi imprimendum proponitur, ad insinuandam perseverantiæ coronidem, ut videli-

- S. Bernard. delictet ad imitationem amoris crucifixi ne-
 ferm 1. in *minem audiamus, non Spiritum quemlibet,*
 Parasceve. *descensum à cruce suadentem. Persistamus*
in cruce, deponamur aliorum manibus, non
nostrà levitate. Virtus in pace acquiritur,
in pressura probatur, approbatur in victoria.
- Ovidius 6. *Ast operis victoria finis.* Siquidem nemo
 Metam. *mittens manum suam ad aratrum, & re-*
 Lucae 9. *spiciens retrò, aptus est regno Dei. Qui au-*
 v. 62. *tem perseveraverit usque in finem, hic sal-*
 Matth. 10. *vus erit. Quamobrem nolite deficere be-*
 v. 22. *nefacientes, sed in disciplina perseverate.*
 1. Thes. *Nam vè his, qui perdiderunt sustinentiam,*
 v. 13. *& qui dereliquerunt vias rectas, & diverse-*
 Hebr. 12. *runt in vias pravas.*
 v. 7.
 Eccli. 2.
 v. 16.

Punctum III.

- Considera, & ita in bono persevera, ut
 merearis illud sponsæ elogium: *Hortus con-*
 Cant. 4. *clusus, fons signatus.* Hortus conclusus,
 v. 12. *in quem nec tentationi, nec inconstantia*
pateat ingressus, ita ut sponso flores virtut-
um, ac fructus meritorum crescant semper,
maneantque securi, fons signatus, in quo
gratiarum aquæ absque effusione servantur
usque ad plenum perfectionis, donec ad
nuptias cœlestes vertantur in vinum. Cu-
- Genes. 29. *stodi horum tuum, advolve fonti constan-*
tia lapidem, donec veniat Divinus ille Ja-
cob adaquaturus te ex fonte vivo in vita
æter-

æterna. *Quid existis in desertum* (inquit Joann. 11. Christus) *videre arundinem vento agita-* v. 7.
tam? Et quare tu venisti in desertum sa-
 cræ solitudinis? forsan, ut instar arundinis
 mox iterum in diversa rapiaris? Absit, sed
 ut fieres similis illi, *qua ascendit de deserto*, Cant. 8. v. 5
deliciis affluens, innixa super dilectum suum,
 confidenter pronuncians: *Tenui eum, nec* Cant. 2. v. 4
dimittam: huic innitere, in hoc confide,
 hunc invoca, & qui velle dedit, dabit etiam
 perficere. Clama frequenter ad illum:
Perfice gressus meos in semitis tuis, ut non Psal. 16. v. 5
moveantur vestigia mea.

BONA PROPOSITA

Ex

præsenti Meditatione.

1. **Q**uotidie aliquoties meum renovabo
 propositum, deinceps novam vi-
 tam ducendi, & totis viribus ad perfectio-
 nem tendendi.

2. Quædam bona proposita in sacris ex-
 exercitiis facta, & mihi magis necessaria fre-
 quentius per singulos dies in particulari re-
 novabo.

3. Nunquam ero immemor aut ingratus
 pro gratia mihi in istis exercitiis collata.

4. Singulis verbi gratia septimanis super
 fru-

Galat. 5.
v. 7.

fructus exercitiorum recollectionem ac examen institutam, & si me defecisse inveniam, contrito corde me ipsum similibus reprehendam: *Currebatis bene, quis vos impedivit veritati non obedire? Persuasio hac non est ex eo, qui vocat vos.*

Hab. 2. v. 1.
S. Bernard.
in Epist.

5. In omni occasione diligentissimè ac summè circumspectè *stabo super custodiam meam*, memor, *Diabolum soli perseverantia invidere, quam solam novit à Domino coronari.*

6. Omnem exsurgentem pusillanimitatem statim reprimam, omni difficultate occurrente semper superior, semperque mihi in omni superanda difficultate occinam illud Poëtæ Ovidii:

Perfer & obdura: dolor hic tibi proderit olim.

Sape tulit lassus succus amarus opem.

7. Semper & sine intermissione in stadio curram virtutum actibus ac affectibus, nunquam tamen sine perseverantia comite, fundatus in illa Sancti Bonaventuræ doctrinā: In Psal. 67. *Virtutes ad regnum Christi currunt, sed una sola accipit bravium: Nam currunt mundi contemptus, paupertas, vigilia, eleemosyna, obedientia, abstinencia, patientia, sed sola perseverantia coronatur.*

APPEN-

APPENDICULA REGULARUM ASCETI- CARUM

Pro
Spirituali profectu & fructi-
bus sacrorum exercitiorum con-
tinuandis.

PRÆFATIUNCULA.

E Gredere de deserto octiduanæ solitu-
dinis, *revertere, revertere Sulami-* Cant. 6.
tis! revertere, revertere anima re- v. 12.
ligiosa ad pristinas tuas occupatio-
nes, revertere sicut virgula fumi, diffun-
dens circumquaque suavem boni exempli
odorem, semper imposterum ardens, in-
star virgulæ fumi, consummari usque ad
fumum ac pulverem in suavem odorem
tuo dilecto. Revertere innixa super dile-
ctum tuum, confortata in Domino ad am-
bulandum deinceps constanti pede per semi-
tas justitiæ. Sed quæ manus ducet nos se-
curè per callem rectum? Nempe *regula di-* Part. 1. De-
cta est, eo quod rectè ducit, nec aliquando cret, di-
aliorum trahit. En pauculas, easque bre- stinct. 3. 8.
ves regulas asceticas præmissis octiduanis Regula.
exer-

exercitiis annecto, tibi que devote subministro. Ad has deinceps singulos tuos dirigito gressus, singulos composito actus tam internos quàm externos, & dextera Dei excelsi deducet te per vias rectas usque ad montem sanctificationis suæ, usque ad montem perfectionis, quem dilexit. Scribuntur hæ regulæ præcipuè pro Religiosis, quamquam & sæcularibus metuendum impendeat iudicium, nisi in suo genere suos quoque actus hisce regulis conformare conentur. Exarantur regulæ istæ principaliter pro viris spiritualibus, viâ ordinariâ iter evangelicæ perfectionis terentibus, quamvis nec via extraordinaria censenda sit, si ab istis asceticis regulis discordare notetur. Attexuntur hæ regulæ exercitiis octiduanis; quia post annuam refectionem in fervore peractam creditur animus magis dispositus ad faciendam generosam resolutionem, quâ factâ, vix non jam dimidium facti habetur. Quapropter exaudi vocem in deserto clamantis post te: accingere tandem hodie plus quàm chalybeo proposito, hisce asceticis regulis insistendi, nunquam retrò respiciendi, sed semper impigro pede currendi in stadio perfectionis, donec potiaris bravio, quod elargiatur nobis propitius Deus, qui est benedictus in sæcula, Amen.

CAP. I.

REGULÆ ASCETICÆ, Præcipuè quoad operatio- nes & vitam agentem.

REGULA I.

Quòd itineranti per ducatum Evan-
gelicæ perfectionis certis Regulis sit
inhærendum.

I.

Regula prima est, concipere ac conti-
nuare vigilantem animum, omnes
ac singulos suos actus ad regulas istas
dirigendi, more cujusdam Gramma-
tici aut Musici. Grammaticus plane sive
linguâ, sive calamo discurret, nunquam non
cum reflexione attendit ad suas regulas,
cautè præcavens non solum apertos solœ-
cismos, sed minimorum apicum quoque er-
rores. Quanto magis asceta in omnibus
cogitatis dictis ac factis vigilantî animo ad
suas reflectat se regulas, ne vel minima im-
perfectione contra illas offendat; hîc enim
non scribitur cum pueris in scholis pro im-
perio umbratico, sed pro regno perenniter
verè glorioso. Musicus vigilantî reflexio-

Hh

ne,

ne attendit, ne vel unicam notam falsè decantet, probè gnarus, quòd error vel unius notæ quandoque magnam pariat dissonantiam, atque haud modicè audientium, præsertim intelligentium, aures offendat; quanto magis bonus asceta in omnibus suis actibus vigilet, ne contra asceticas regulas malè cantet in aure Dei. Uterque tam grammaticus quàm musicus erubescit, dum contra suas regulas impingit, quanto magis asceta: alias namque nunquam corrigitur, nisi de quolibet errore commissio afficiatur rubore & contritione magna, cum vigilantiori emendationis proposito. Hinc

II.

Ad hauriendos ex hisce regulis optatos fructus necesse erit, frequenter eas legere, continuo memoriæ imprimere, & ad easdem quotidie omnes conscientiae latebras discutere, semper renovato proposito, hac viâ constanti gressu gradiendi. Et si forsan pro humana inconstantia animus non nihil intepuisse advertitur, inflammandus est novis meditationum facibus. Si enim tepiditatis morbo non mature adhibeatur medela, plane desperata est salus spiritualis profectus, & quisquis in viâ perfectionis non proficit, aut idè non proficit, quia efficax proficiendi propositum non concipit, aut quia asceticis

eis-

eisque certis regulis non inhæret, ac tempore tentationis recedit.

III.

Fundatur hæc regula 1. in ipso naturalis rationis dictamine; nam scientia nulla, nulla disciplina perfectè obtinetur, nisi ad certas regulas formentur ac dirigantur omnes ejusdem disciplinæ vel scientiæ actus. Fundatur 2. in ipsa ratione divinæ sapientiæ, quæ ipsas quoque *certâ lege & gyro vallabat* Proverb. 8. *abyssos.* Certe quæcunque à Spiritu Sancto v. 27. sunt, ordinate fiunt. Fundatur 3. in exemplo Christi, qui omnes suos actus, totamque suam vitam regulabat ad beneplacitum Patris. Fundatur 4. in ipsa experientia; nam qui pauca multum attendunt, plerumque in sapientia plus proficiunt illis, qui multa quidem evolvunt, sed parum attendunt.

REGULA II.

Quod semper vigilantibus cura attendendum ad servitium sanctum, cui mancipati sumus.

I.

Ascesis est scientia, Deum sanctis servitiorum obsequiis colendi; hinc quisquis cupit asceta audire, is debet id unicè vigilanter curare, quod est cultus Divini ac

servitii sancti, ad instar aulici, aut alterius servi unice invigilantis operi, ad quod fuit conductus, sic hortulanus curat hortum, thesaurarius custodit thesaurum.

II.

Fundatur hæc Regula 1. in omnium prudentum mente; nam omnium prudentum sententiâ militis est militem agere, servi voluntatem sui heri facere, aulici regiam majestatem obsequioso honorare ac revereri famulatu. Quanto amplius ad servum Dei spectat, id unum semper curare, quod promovet cultum Dei & debitæ servitutis obsequium. Fundatur hæc regula 2. in illo magistri Divini oraculo: *Dominum Deum tuum adorabis, & illi soli servies.* Fundatur hæc regula 3. in exemplo ipsius Christi Divini Magistri; nam *Deus clarificatus est in eo*, quia non fecit voluntatem suam, nec quæsit suam gloriam, sed ejus, â quo fuit missus in terram. Exivit de sinu Patris ad opus suum, nec alienis se immiscuit negotiis.

III.

Praxis hujus regulæ est, in omnibus actibus unice quærere, unice intendere gloriam Dei, omnia peragere, omnia semper referre ad gloriam Dei, seque reputare sacrilegum

Matth. 4.
v. 10.

Joan. 13.
v. 31.

gum furem gloriæ Dei, quoties quis vel minimum quid ad gloriam Dei non retulit: nam Religiosus non amplius est suus, sed Dei, & Deo solemnī traditione dicatus, ac dedicatus; hinc sicut furtum est, ex aliena arbore Domino suo subtrahere fructus, sic pariter furtum ac sacrilegium est, hominis ad Deum spectantis, gloriæ Dei subtrahere actus. Servus Domino stat, operatur, negotiatur, & lucratur, quidquid vero, invito Domino sibi appropriat, furatur.

IV.

Omnia cogitata, dicta ac facta quotidie, vel sæpius de die diligenti discussione sunt revocanda ad calculos, semper renovato proposito cavendi, ne vel unus actionum apex inveniatur, qui non referatur, & non fiat ob solam gloriam Dei.

V.

Bonum propositum continuo alendum ac roborandum est tanquam indelebili memoriæ tessera illo trito Scripturæ effato:

Amice ad quid venisti? Si porro sive hac, Matth. 26.
sive aliis memoriæ tessera non amplius ex- v. 50.
citeris, cogita, te incurrisse defectum ac tepiditatis periculum, tibi que opus esse novo meditationum igne.

Hh 3

VI. Hæc

VI.

Hæc regula supponit 1. practicum eumque continuum horrorem peccati mortalis; nemo enim potest esse servus Dei, nisi horreat esse ac fieri mancipium diaboli, quis regum recipit in aulam, aut in suo sustinet servitio, suæ regiae vitæ insidiatorem? Grande facinus regiam lædere majestatem, aut horribilius nefas, omne peccatum Divinæ majestatis offensa. 2. Hæc regula supponit horrorem omnis quoque peccati venialis; nam quis servorum præsumit suo Domino, præsertim regi infligere alapam? & tamen longe minus est in se, usque ad mortem percutere regem, quam vel levissime divinam offendere majestatem. 3. Supponit horrorem omnis irreverentiæ & negligentiae, quæ Deo displicentiam creare potest. O quantâ industriâ cavetur in aula, ne vel inconsiderate peccetur contra reverentiam debitam regi! quanto magis omnî curâ vigilandum est, ut omnia ordinate fiant in servitio sancto, & absque displicentia Dei. 4. Supponit hæc regula animum abstractum ab omnibus vanitatibus & illecebris mundi; nam qui adhuc curat, quæ sunt mundi, non potest unice curare, quæ sunt Dei, sed divisus est.

REGULA III.

Nunquam non vigilans cura adhibenda est, ut semper divinum beneplacitum à nobis adimpleatur.

I.

PERcontaris forsitan, quisnam ergo sit præcipuus & Deo gratissimus cultus? Respondeo, Deum equidem posse etiam actibus inferioribus coli, hâc tamen viâ ingredi cupienti pro Regula directricè respiciendum esse in omnibus & per omnia divinum beneplacitum, ita, ut asceta errorem copiosis lacrymis deplorandum judicet, si vel semel tantum modicè à Divino beneplacito aberraverit. Sic ingredi est beneplacitum coram Domino, *ego sum via, & Joan 14. veritas, & vita*, ait Christus. Sed qualis via? v. 6. videlicet via Divini beneplaciti, quin immo ipsum Divinum beneplacitum, in quo sibi Pater semper bene complacuit.

II.

Est autem divinum beneplacitum in omnibus & singulis actionibus quoad tria absque oblivione attendendum. I. Quoad objectum, sive quoad rem volitam, nimirum, ut asceta ea solum mente recolat, ea solum ore promat, ea solum opere exerceat,

H h 4

quæ

Joan. 8.
v. 29.

Joan. 8.
v. 28.
Joan. 14.
v. 31.

quæ Deo complacere & quidem præ cæteris
hîc & nunc magis placere cum fundamento
credit, ac judicat, ad exemplum Salvatoris,
de se ipso contestantis: *Quæ placita sunt ei*
(scilicet cœlesti Patri) *facio semper.* 2.
Quoad circumstantias, nempe, ut eo mo-
do, eo loco, & tempore & occasione hunc
vel illum actum exerceat, quo modo, quo
loco, quo tempore, & quibus aliis circum-
stantiis vel rationibus Deo placere, cum
fundamento quis credit, ac judicat, quem-
admodum rursum cœlestis magister Chri-
stus verbo & exemplo nos instruit, dum asse-
rit: *Sicut docuit me Pater, hæc loquor.*
Item: *Sicut mandatum dedit mihi Pater,*
sic facio. 3. Quoad finem, videlicet, ut
ex fine ac intentione Deo summo bono pla-
cendi omnis actio fiat. Quam doctrinam
ac operandi modum nobis iterum Christus
verbo & exemplo tradidit: tum Matthæi
11. v. 26. Ubi ait: *Ita Pater: quoniam sic*
fuit placitum ante te. Item Joann. 14. v.
13. ubi inquit: *Quodcumque petieritis in no-*
mine meo, hoc faciam, ut glorificetur Pater
in Filio.

III.

Verum finis iste potest iterum tripliciter
præfigi. 1. Vel solâ mente, vel simul &
ore verbi gratia dicendo: propter te Do-
mine,

mine, ad Divinum tuum beneplacitum, ad gloriam tuam hoc facio, quia tu ita vis, quia tibi ita placet, hoc ago, qui finis præfigendi modus planè non est tanti pretii ac meriti, sicut aliqui sibi imaginantur. Immo vero nullum est dubium, quin multi sæpius decipiantur, existimando, se operari propter Deum ejusque sanctissimum beneplacitum, cum tamen interea Deus tanquam finis ab intellectu tantum speculative proponatur, voluntas verò ex natura & ex naturali principio operetur, sicut enim Deus non semper amatur, quoties voluntati uti objectum amabile exhibetur, ita pariter non semper propter Deum operatio peragitur, quoties ab intellectu tanquam finis operationis proponitur; sed, ut aliqua operatio vere ac ad meritum Deo complacet, debet à charitate procedere tanquam à principio eliciente vel actum formalem dilectionis, vel imperium alterius operationis, & progigni à spiritu divini beneplaciti agente in hominem, juxta illud divi Pauli: *Quicumque enim Spiritu Dei aguntur, ii sunt filii Dei.* Rom. 8.
Aguntur, id est, moventur, actuantur, si- v. 14.
ve per motionem illam libero arbitrio tamen non præjudicantem, sed convenientem, in actum dilectionis ponuntur. Licet enim oculis objecta in se proportionata proponantur, nunquam tamen actum vitalem & actum

actum visionis elicient, nisi à vita animentur, & à spiritu vitæ in actum ducantur, & licet voluntati ratio summi boni tanquam finis proponatur, nunquam feretur tamen in hunc finem supernaturalem voluntas, nisi à vita supernaturali animentur, & à spiritu dilectionis actuetur, seu in actum ponatur. 2. Potest operatio fieri ex fine; quia Deus homini summè placet, adeo ut voluntas afficiatur ad præstandum eidem gratum obsequium, & beneplacitum in isto vel illo actu. Et ita operans procul dubio pro fine suo habet verè divinum beneplacitum, quia actus complacentiæ de Deo propter ipsum Deum est verus actus charitatis, Deo gratus. Et posito, quod oblatio in priori modo etiam ex charitate proficiscatur, iste modus posterior est nihilominus longe sublimior, Deoque gravior: tum, quia magis placet amato, si multum placet amanti, quam si amans cupit placere amato; tum, quia in voluntate cupiente placere Deo, facile adhuc potest latere propria quæsitio, ubi verò amatus placens ad amorem impellit amantem, voluntas amantis propriam quæsitioem, saltem antecedentem vix reperit. 3. Sive tertius modus est oblatio actionis ex impulsu amoris verecundi, famescentis, in omni actione Deo summè dilecto creare omnem complacentiam, à Christo & omnibus creaturis

turis unquam exhibitam, aut exhibendam omnem complacentiam, quam Deus super omnia dilectus potest excogitare, aut sibi gratam habere, & quidem in omni loco, omni tempore, ubique sine principio ac fine, sine mensura ac modo. Dixi! *ex amoris impulsu*; quia in hoc statu amans non eligit finem, sed Deus amatus eligit amantem tanquam instrumentum ad finem, dixi præterea ex impulsu *amoris verecundi*: Et propter duplicem rationem. 1. Quidem amans erubescit suam indignitatem, actionisque oblatae vilitatem, & rubore suffunditur, quod tam superdignissimo tamque placenti amato per digniores manus digniora dona offerre non possit; intuetur nempe amans puriori lumine fidei Deum ceu bonum infinitæ amabilitatis, hinc æstimat, & quidem jure merito indignum ac exiguum omnem amorem, qui infinitus non est. Et quæso, quæ proportio amoris finiti ad infinitam amabilitatem? 3. Dicitur: amoris verecundi, ut excludatur omnis suspicio propriæ quæstionis, aut reflexionis ad meritum. Siquidem vere amans erubescit retributionem, creditque suum amorem minus placuisse amato, ubi inaudit, suum amorem, veluti laborem mercenarii mercede iri donatum. Verus amor vult gratis dari, & non venundari. Vere amans suum amo-

amorem sibi satis recompensatum censet, si amatus non despicit munus amoris oblatum, ancillæ & mercenarii ad mercedem respiciunt, amanti vero summa retributio placuisse amato. Et si amanti admittenda demum retributio, id unum petit, ut retributio amoris sit amor, quo possit purius arctiusque amare amatum.

IV.

Praxis hujus regulæ talis erit: mane generaliter pro toto die, & saltem ante quodlibet exercitium magis principale, uti sunt horæ canonicæ, missæ celebratio vel auditio, & communia religiosa exercitia, Deum illud superineffabile bonum per intellectum tibi viva fide proponas, eliciendo in voluntate, & vibrando in illud bonum amantis desideria, ac amoris affectus; & quamvis hujusmodi affectus vel desideria ab initio videantur arida ac inefficacia, nec tamen intermittas eisdem insistendo, donec voluntas inflammetur ad prosequendum omni possibili ac excogitabili amoris obsequio illud ter admirabile bonum. Deinde cor tuum, omnes cordis affectus, omnes actus & actiones reverenter immergas purissimo amoris Christi, ac omnium creaturarum, per ipsum sitibundo affectu desiderando, ut superdulcissimus Deus in te & in omnibus creaturis

sem-

semper & ubique ametur eadem amoris puritate, eadem amoris perfectione, eisdem amoris obsequiis, quæ Deus possibile sibi grata esse cognoscit. Ulterius dabis operam, ut voluntas ista saltem virtualiter ita semper determinata perseveret, conveniendo ante quodlibet opus in particulari, & inter occupationes longiores subinde frequentius tuam voluntatem, utrum adhuc ita inveniatur affecta, ut in hac aut illa actione nihil aliud, nisi talis amoris obsequium Deo summe dilecto exhibere intendat; quod si voluntas ab hac determinatione forsitan defecisse deprehendatur, expulsis omnibus aliis inferioribus motivis, hac aut simili memoriæ tessera iterum ad solius amoris Divini obsequium reducenda est: ô amor meus, tu solus omnia in omnibus, & idcirco propter te solum omnia in omnibus. Unde examen desuper instituendum, non tam discutiendo, quot actus puræ intentionis ac amoris à te per diem fuerint elicit, sed potius, quoties à prædicta voluntate defeceris, & toties te non vixisse credes, quoties in te non vivit voluntas, ita placendi Deo, ac amandi fontem amoris.

V.

Quæres fortasse: undenam voluntas & beneplacitum Dei in omnibus cognosci valeat?

leat? Respondetur distinctè. 1. Pro certo habendum, Deum velle, ut ex fine Divini beneplaciti & intentione pura perfecte adimpleantur omnia illa, quæ aut in divinis mandatis habentur, aut ab Ecclesia præcipiuntur, aut per proprias proprii ordinis regulas ac statuta præscribuntur, aut per legitimos superiores extra solum peccatum ordinantur. 2. Nec minus certum est, Deum velle, ut ex motivo divini beneplaciti ea omnia omittantur, ac præcaveantur, quæ vel mandatis Dei, vel præceptis Ecclesiæ, vel propriæ vocationis instituto, vel superiorum justis ordinationibus adversantur. 3. Quoad indifferentia, nempe quoad illa, quæ nec aliquâ legitima ordinatione præscribuntur, nec improbantur, voluntas Dei creditur, ut semper id ex fine divini beneplaciti eligatur, quod magis conforme invenitur tum propriæ cujuslibet vocationi, tum obedientiæ ac humilitati aliisque virtutibus Christi. Quod si vero in aliquo casu discrimen indiscretionis apparet, consulendus est Pater spiritualis, & respiciendus tanquam datus à Deo discretionis definitior; propria autem discretio in propria causa semper debet esse suspecta, & timendum est jure merito, ne fortassis dicatur à carne & sanguine, quæ prudentia carnis nunquam non est inimica Deo. 4. Quoad naturæ necessaria

fer-

servitia, præsertim quoad illa, quæ in se aliquam naturalem turpitudinem, & consequenter aliquam irreverentiam continere videntur, non sunt quidem ea Deo materialiter offerenda; interim tamen est nihilominus etiam in istis ex verecundi amoris motivo Deo summè dilecto offerenda nostra obedientia, quâ humiliter & verecundè obtemperamus voluntati conditoris, qui naturam humanam siccondere, & naturæ in necessariis ordinatè subvenire nos voluit.

VI.

Hæc Regula supponit quasi assiduam præsentiam Dei, non quidem præsentiam localem aut imaginariam, quæ multum fatigat capitis vires, sed præsentiam Dei in Deo ipso, estque nihil aliud, quàm elevatio mentis ad altiorem quietum statum in quo menti ac memoriæ nihil præsens est, nisi solus Deus. Cæterum licet hujus regulæ praxis in se sit suavissima, videbitur forsitan nostræ corruptæ naturæ & insueto vivendi modo oppidò difficilis, ad tollendam itaque hujus difficultatis radicem sequitur

RE-

REGULA IV.

Quod Regula Divini beneplaciti exigat, ut omnibus inferioribus motivis ultimum vale dicatur.

I.

Regula quarta est, per continuam mortificationem, abnegationem & aversionem crucifigere, morti tradere & ad nihilum redigere omnem inclinationem ad quæcunque motiva Divino beneplacito inferiora, ita, ut voluntas quocunque alio motivo præter divinum beneplacitum tantum moveatur ad consensum, vel ullum actum exercendum vel omittendum, quam mortuus garritu avium ad saltandum. Dixi 1. *voluntas*; nam quin aliæ potentiæ ad suos actus, etiam voluntate subinde reluctantante, moveri queant, nemini potest esse dubium. Dixi 2. *tanquam fine*, quin enim inferiora tanquam media ad finem Divini beneplaciti conducentia voluntatem ad sui amplexum pro ratione conducentiæ movere possint ac debeant, iterum nemo prudentum dubitat. Dixi 3. *ad consensum, vel ullum actum exercendum, vel omittendum*, ad denotandum, quod omnia ex fine Divini beneplaciti oporteat fieri, quod non ex alio fine sit in bonum consentiendum,

nec

nec ex alio fine malo resistendum, nec ex alio fine vacandum, aut quiescendum, quàm ex fine, Deo summo bono placendi. Dixi 4. *omnem inclinationem ad motiva Divino beneplacito inferiora*, ad insinuandum, inclinationem in Divinum beneplacitum semper fovendam ac nutriendam esse, ita, ut non tantum Divinum beneplacitum ante omne opus objectivè proponatur, sed ut insuper voluntas illa inclinatione continuo inclinetur, ac quasi pondere trahatur ad amoris obsequia Deo præstanda, nec non vi inclinationis hujus intellectum urgeat ad proponendum Deum summè dilectum, ejusque sanctissimum beneplacitum, omnibus aliis motivis in oblivionem rejeclis.

II.

Ut hæc regula debite & cum fructu reducatur in praxin, ponat sibi asceta quatuor classes motivorum. In prima classe sunt omnia motiva docentia ac suadentia actum malum, & hæc motiva secundum se possunt esse tam bona, quàm mala. Sic quando quis allicitur ad furtum faciendum, ex motivo succurrendi pauperi, ubi motivum in se est bonum, actus autem malus, jam motiva hujus classis, utpote malum docentia, omnia semper pro semper sunt repellenda, excludenda & annihilanda, nec ulla ad talia voluntariè admittenda est in-

I i clina-

clinatio, quamvis appareant sanctissima; quia non sunt facienda mala, ut eveniant bona. In secunda classe ponuntur motiva mala & vitiosa, suadentia vel actus in se bonos, aut saltem indifferentes & non malos. Sic quando quis allicitur ad orandum, vel ad exteriorem actum poenitentiae peragendum ex fine captandae vanae gloriae, actus est bonus, finis autem malus. Pariter si quis pellicitur ad necessarium cibum sumendum voluptatis causâ actus secundum se est indifferens, motivum verò malum & vitiosum. Jam motiva hujus classis aequè omnia sunt dimittenda, excludenda, & ad nihilum redigenda, actus autem sunt ponendi ex motivo debito, nisi tamen adsit fundamentum credendi, Deum nolle positionem praefatorum actuum in istis vel illis circumstantiis, cum porro experientiam exploratum habeatur, per usum, vel potius, per abusum delectabilium vix non potissima impedimenta Evangelicae perfectioni opponi, ac passim quotidianos excessus fieri, opera pretium duxi, brevem hinc instructionem intermiscere: sciendum itaque, aliud esse delectationem sentire, & aliud ex fine delectationis operari, & delectationem ratione sui quaerere. Naturalem delectationem in necessario ac ordinato usu delectabilium, verbi gratiâ in refectioe ordinata

sen-

sentire, procul dubio culpâ vacat, & nequaquam regulæ beneplaciti Divini repugnat, immo potest contingere, ut magnam delectationem gustûs sentiens, & præsertim cum voluntatis resistentia sustinens, Deo magis placeat, quàm omni gustu carens. Uti autem delectabilibus ex fine ipsius delectationis & propter delectationem semper est malum ac profectui spiritali contrarium, nec excusat à malo illa, per Innocentium undecimum cum propositione sua jam reprobata ratio; *quia potest appetitus naturalis suis artibus frui*; Nam ut appetitus naturalis, vel quælibet potentia suis actibus licitè fruatur, duo necessariò requiruntur: imprimis scilicet requiritur, ut fruatur suis actibus, libero arbitrio subiectis, secundum directionem voluntatis in honestum finem dirigentis. Quicumque autem actus voluntarius hoc fine honesto caret, honestus ac licitus esse nequit. Deinde requiritur, ut suis actibus ordinatè & absque excessu utatur. Hinc si quis cibo aut potu inordinatè & cum excessu utitur, etiamsi millies clamet: propter Deum, ad honorem Dei, excessus ille nihilominus semper malus ac peccaminosus manebit. Consimiliter permittere delectationem ordinatam in usu necessariorum ex fine honesto, non est peccaminosum; quia aliàs

neque fessis membris licitè possemus indulgere quietem, cùm & ipsa quies defatigato sit quædam voluptas. Permittere autem in usu necessariorum delectationem propter delectationem, & ex fine delectationis est culpæ obnoxium; siquidem non solum facienda, sed & identidem permittenda ac omittenda secundum rectam rationem, & ad finem honestum regulari debent. Non solum in faciendis, sed etiam in permittendis est diligenter, & pro posse cavendum omne excedendi periculum, quod in usu delectabilium plerumque subesse solet. Unde à Deo illuminatæ ac ad perfectionem aspirantes animæ semper magis formidant delectabilia, quàm dura & aspera, probè gnaræ, delectabilibus multum inesse periculi, carnis prudentiam illam malam magistram facile mentiri, & gustum illum malum ducem persæpe magno esse impedimento currentibus in stadio virtutis. Est itaque à periculo remotius, ad perfectionem conducibilis, exemplis sanctorum, ipsique vitæ Christi conformius, quantum per discretionem licet, semper minùs delectabilia, minùs arridentia præ arridentibus atque deliciosis eligere. In tertia Classe sedent ad cathedram motiva honesta ac bona, eaque tam naturalia, quam supernaturalia, docentia actus honesti.

honestos & bonos, vel saltem de se indifferentes, qui tamen propter motivum honestum in individuo fiunt honesti; nam qualis est finis, talis est actus. Sic ambulare de se est indifferens, quando autem fit ex fine conservandæ sanitatis, evadit actus honestus; eo ipso enim quia lege naturæ jubemur vitam ac sanitatem custodire, honestum est, huic legi justæ morem gerere; Nam Deus & ipsa sana ratio naturæ malum aut quid inutile non imponunt, sed solum honesta & bona injungunt. In ordine supernaturali pro exemplo serviunt; fugere peccata ex metu gehennæ, exercere bona opera ex concupiscentia æternæ gloriæ. Ubi certum est, quod ejusmodi actus supernaturales sint honesti ac boni, licet amorem sui ipsius, & respectum ad seipsum involvant. Siquidem solus amor sui ipsius inordinatus est vitiosus, non autem amor ordinatus, qui est medium ad amorem Dei, cum itaque certum sit fugere gehennam, & concupiscere æternam gloriam, esse media ad amorem Dei, & quidem ab ipsomet Deo ordinata, non potest non esse certum, ejusmodi actus esse bonos; nam actus malus non ordinatur ad amandum Deum. Jam hisce motivis poterit asceta aut paucis silentium imponere, dicendo: verbi gratiâ non propter crumenam, sed propter aurum, non

propter sanitatem, sed propter divinum beneplacitum ambulo, non propter metum gehennæ, sed propter Dei beneplacitum à peccatis abstinere, non propter spem æternæ retributionis, sed propter sanctissimum Dei beneplacitum hos actus virtutum exerceo. Aut poterit cum sponsa ex canticis hanc interrogationem eis ponere: *num, quem diligit anima mea, vidistis?* Cant. 3. v. 3. id est, ducitisne me ad implendum beneplacitum mei delecti? servitne sanitas ad amandum Deum? deservitne mihi metus gehennæ ad Deum magis diligendum? inservitne gloria æterna ad complacendum summo bono? si non; nolo sanitatem, repello metum gehennæ, aversor ipsam gloriam in cælo. *Quidenim mihi est in cælo? aut à te quid volui super terram?* ô amor meus? quid omnia sine tuo amore nisi dolor? sin porrò serviunt ad finem Divini beneplaciti, tunc admittenda sunt tanquam media, sed non tanquam finis: paululum transeundo, & verbi gratiâ, sic concludendo: Procurabo mihi sanitatem, ut valeam Deo ad suum sanctissimum beneplacitum perfectius servire, effugiam infernum, ut Deo summè dilecto possim æternâ dilectione inhærere: laborabo pro cælo, ut Deum summum bonum sine fine in æternum purè adamare queam. In quarta clas-

Psal. 72.
v. 25.

se docent sola motiva charitatis, solum purum amorem Dei super omnia, admit- tendo quidem etiam inferiores actus, & in- feriora motiva, alit non, nisi in quantum sunt instrumenta ac media ad majoris amo- ris obsequia. Et hujus classis motiva (si tamen diligenter frequentaveris) te tan- dem creabunt perfectum Christi discipulum, perfectum Christianum, perfectum Reli- giosum.

III.

Consistit proinde praxis hujus regulæ in eo, ut motiva divino beneplacito inferio- ra admittamus quidem tanquam media & in tantum, in quantum deserviunt ad pla- cendum Deo summo bono, aversemur au- tem, crucifigamus, & in nihilum rediga- mus tanquam finem, seu ratione sui, & in quantum ad majorem Deo complacen- tiam exhibendam non deserviunt, ad eum ferè modum, quo ægrotus amaram me- dicinam tanquam finem & ratione sui aver- satur & horrescit, tanquam medium verò conducens ad sanitatem, eandem concupi- scienti animo desiderat, postulat atque pe- cuniis comparat.

IV.

Pulcherrimè docetur, & suadetur hæc regula illo Divino oraculo: *omnes gentes, Isaia 40. quasi non sint, sic sunt coram eo, & quasi* v. 17.

nihilum & inane reputata sunt ei. Ecce omnes gentes, immo omnes creaturæ in conspectu Dei sunt quasi nihilum & inane, & tamen voluit Deus tot creaturas producere! amabo! quid Deo cum inani nihilo? nempe serviunt ei tanquam media ad manifestandas suas divinas perfectiones, idè tot tamque varias creaturas produxit, non ratione ipsarum creaturarum, quasi creaturæ in se essent dignæ. Sic & asceta imitetur Deum, sanitatem, omnia bona naturæ, omnia dona gratiæ ipsumque cælum, & beatitudinem æternam coram se & in mente suâ reputet tanquam nihilum & inane, propter se nullo amplexu vel amore dignum, in quantum verò sunt media servientia ad Divinam gloriam promovendam, & ad Divinum beneplacitum augendum, illa eligat, & prosequatur. Et certè quid est homo? quid est cælum? quid sunt omnes creaturæ absque Deo summè dilecto? plane nihil. Ergone amplius homo tam inanis invenietur, qui ad persecutionem inanis nihili moveatur? Pariter hæc regula pulcherrimè docetur, & suadetur exemplo Christi, *qui semetipsum exinanivit, formam servi accipiens, in similitudinem hominum factus, & habitu inventus ut homo.* Ecce! ut Christus personam servi perageret, personam

Philipp. 2.
v. 7.

sonam Domini coram hominibus ut plurimum ita dissimulavit, ita abscondit, quasi Dominum deposuisset, quasi non esset amplius Dominus divitiarum & supremæ majestatis, sed solus servus pauper & humilis, & nihilominus mansit Dominus: quanto magis asceta, ut Dominum Deum diligat in Spiritu Dei ex solo motivo charitatis, debet exinanire & ad nihilum redigere spiritum proprii amoris, & omnia motiva divino beneplacito inferiora, ita quidem, quasi omnia deposuisset, & ipsius tota vita ac spiritus quasi nihil amplius esset, nisi merus amor divinus, quamvis interim tam ipse quàm ipsius opera nec destruantur, nec desinant esse, sed tantum eleventur, ad statum altiore. Nec minus hunc operandi modum suadet ipsa natura, ipse spiritus in homine; nam utique anima vel spiritus in homine non movet oculum ad legendum, ut oculus litteras videat? vel aurem ad audiendum, ut ipsa auris sonum percipiat? hoc enim foret planè ridiculum. Sed spiritus operatur in corpus ac in potentias corporales propter semetipsum, ita, ut operationes potentiarum corporalium sibi tanquam media ad suum desideratum finem deserviant, sic verbi gratiâ movet oculum ad legendum; ut ipse spiritus ex lectione aliquid addiscat. Consimiliter in scientia

dilectionis & in schola amoris vix non censetur ridiculum, sumere medicinam propter sanitatem, fugere peccatum propter gehennam, exercere virtutem propter vitam æternam. Nam sicut spiritus hominis operatur in corporales potentias, sic etiam spiritus dilectionis cupit operari in omnes inferiores virtutes, non ex fine, ut virtutes in suis sistant actibus, sed ut omnes actus inferiorum virtutum, omnes actus boni tanquam instrumenta deserviant spiritui dilectionis ad magis amandum Deum summum bonum. Unde facile patet, hanc regulam ac praxin esse summæ excellentiæ, quemadmodum enim omnes actus, qui ordinantur ad adulterium, censentur instrumenta adulterii, & fiunt pessimi: sic è diverso omnes actus, qui assumuntur & ordinantur tanquam media ac instrumenta ad diligendum Deum summum bonum, elevantur per imperium charitatis ad rationem Divinæ dilectionis, & evadant optimi.

V.

Ex istis præterea manifestè colligere est, hanc praxin homini mortificato & abnegato nequitiam esse difficilem, sed potius suavem. Etenim amabo te, si quis potest operari vel laborare propter lignum aut stipulam, cur non etiam propter aurum & topa-

topaxion? Si quis potest laborare aut operari ad beneplacitum cujusdam mediaſtini, vel mendicabuli, cur non etiam ad beneplacitum & ex amore alicujus regis delicioſiſſimi? Et hem tibi aurum & quidem aurum ignitum eſt charitas, ſuper omne aurum & lapidem pretioſum Deus ſummum bonum. Lignum & ſtipula omnia bona ſummo bono inferiora! ſi ergo propter ſtipulas, propter bona tam exigua poſſum operari? ſi bona comparativè ad ſummum bonum tam exigua me movent ad operandum? cur ergo Deus ſummum bonum me non potiùs moveat? hoc eſt fundamentum ſpiritualis vitæ: *Sive ergo manducatis, ſive bibitis, ſive aliud quid facitis: omnia in gloriam Dei facite.* Quæ ergo neceſſitas? quæ utilitas? quæ gratia? quæ delectatio? ſuper fundamentum hoc ſuperædificare ligna, fœnum, ſtipulam, & operari ex motivis viliſſimis? Ecce Rex delicioſiſſimus Deus! & quid ego? heu quid dicam mediaſtinus? cùm ſim pulvis & cinis, peccator peſſimus! Si ergo ex amore proprio in favorem mei ad placitum peſſimi poſſum operari, cur non etiam ad beneplacitum ter optimi Dei? Immo verò confido in Domino hanc amoris regulam ſervire ad robur debilium, & ad conſolationem puſillanimum: Eſt quippe aliquos reperire, à ſtudio perfectionis abhor-

1. Corinth.

10. v. 31.

1. Corinth.

3. v. 12.

horrentes, eo quod sibi persuasum habeant, neminem posse ad perfectionem pervenire, nisi seipsum continuo veluti Diabolum horreat, & aversetur: ast hoc hæc regula non exigit, quin ordinatam sui ipsius dilectionem admittit; nec tamen fallit. Si enim propter Deum possumus ac iubemur proximum ordinatè diligere, cur non & nosmetipsos? nemo equidem potest perfectè amorì Dei vivere, nisi amorì proprio sit mortuus: ast non omnis amor sui ipsius est propriè proprius; amor namque proprius est propriè ille, qui in semetipso quiescit, & non refertur ulterius ad amorem communem, ad amorem Dei. Sine dubio odium sui est quasi fundamentum amoris Dei, nec habet homo maiorem inimicum seipso, sed quid dicit scriptura de inimicis? nimirum: *perfecto odio oderam illos.* Possum quidem ex odio ergo me ipsum speculativè mihi optare infimum locum in inferno cum omnibus exoptabilibus perpetuis cruciatibus; ast quia practicus in infernum descensus Deo non placet, nec potest placere, tale odium in me ipsum, quo illuc deveniam. Ille se bene odit, qui se malum odit, ut fiat melior ac aptior ad amandum Deum, & ille se benè diligit, qui sibi vult optimum, nempe amare Deum. Verum quidem

Psal. 138.
v. 22.

dem est : nisi granum frumenti cadens in *Joann. 12.*
terram, mortuum fuerit, ipsum solum ma- *v. 24. & 25.*
net. Si autem mortuum fuerit, multum
fructum affert. Ast si mortuum fuerit
vitæ inordinatæ, non autem si mortuum
fuerit vitæ ordinatæ, & spiritui Divinæ
dilectionis. Tractare se debet asceta tan-
quam instrumentum Divini amoris, & imi-
tari artificem, qui id omne in instrumento
servat, quod ad exercitium suæ artis de-
servit, id verò omne resecat, quod artem
impedit, aut minùs promovet.

VI.

Denique, qui hâc viâ constanter ingre-
ditur, tentationibus saltem manifestis per
gratiam omnipotentis vix non invincibilis
redditur ; quia nullâ re afficitur, nisi quâ
& sub quâ ratione Deus diligitur.

REGULA V.

Quomodo secundùm Regulam Divi-
ni beneplaciti exercendæ sint omnes virtu-
tes à Religioso privato, & libero ab
officiis ?

I.

VOx amoris, vox dulcis, verumtamen
ut divini beneplaciti satisfaciat auribus,
cantare debet plenis choris, seu exercitio
omnium

omnium virtutum; ita quidem, ut Divinus amor sit quasi chori regens, ad cuius tactum omnes reliquæ virtutes attendant, & canant, humilitate velut organo omnibus tribuente vocem, quâ clament ad Deum, respicientem in orationes humilium.

II.

In privata oratione, & solitudine cum Deo praxis talis erit. Quotiescunque asceta in meditatione, in privata oratione, aut alias sine occupatione in solitudine cum Deo versatur, mente se prosternat ante maiestatem ac fontem omnis boni corde contrito & humiliato Spiritu explicet sitim amoris, exercendo interne ex intimo corde omnes virtutes principaliores, uti sunt fides, spes, charitas, humilitas, religio, paupertas, castitas, obedientia, gratitudo, patientia, temperantia, poenitentia, fortitudo, misericordia, & quidem omnes semper ex fine pure Deo placendi, modo per desideria, modo per ipsos virtutum actus, modo pro se, modo pro aliis, modo secundum longitudinem, desiderando tali virtute Deo semper placere à parte ante & retrò, modo secundum latitudinem extendendo ad omnes possibiles actus, modo secundum profunditatem, offerendo ex infimo propriæ annihilationis, modo secundum

alti-

altitudinem desiderando, similes actus elicere & offerre ex Seraphico ardore. Jam dolendo pro se, jam pro aliis, quod Deus non ab omnibus talibus virtutibus semper honoretur, jam offerendo se ad omnia tormenta, ad omnia martyria, ad omnia opprobria, ut Deus ubique talibus virtutibus honoretur, jam gratias agendo, gaudendo, & congratulando, quod Christus & Sancti ejus hujuscemodi virtutibus Deum glorificaverint, jam invocando Christum regem, & Mariam reginam Sanctorum cum Sanctis omnibus, ut adimpleant mortalium defectus. Nec opus, immo neque consultum est ad certum ordinem virtutum, vel ad certum actuum numerum sese alligare, sed prout menti & spiritui charitatis occurrerant, modo ab hoc actu in illum transeundo, modo priores iterum & iterum repetendo, ita, ut intellectus non fatigetur, & ad laborandum vix quid habeat, nisi quod Deum summum bonum amandum proponat. Ubi nihilominus quis se adhuc debilem vel tentatum advertit, ibi actibus & desideriis fortius instet, sicque à tentatione vel à distractione, vel à tepiditate se liberum reddat. Si forsitan allabatur illustratio mentis, fiat humiliatio cordis, & refusio gratitudinis in ipsum Patrem luminum, sin e contra hujuscemodi affectus sicci, & producti difficiles appa-

2.2. qu. 82.

2.3.

appareant, pergatur nihilominus, pulsetur
 & instetur, non enim perditur tempus, ubi
 est promptitudo voluntatis ad quælibet bo-
 na agenda, & ad quælibet mala sustinenda
 in obsequium divini beneplaciti, nam hoc
 ex angelico magistro habeatur pro certo,
 quod vera devotio nihil sit aliud, quàm *spe-*
cialis quidam actus voluntatis promptæ, &
paratæ ad faciendum, quacunque ad Dei ser-
vitium, & famulatum spectant. Ergo il-
 le est verè devotus, qui ita per omnes vir-
 tutes ad Deum summum bonum amandum
 est promptus. Quod si voluntas ad tanta
 mala promptè sustinenda, vel ad quædam
 alia amplectenda fortasse trepidare, hæsitare,
 aut refugere inchoet, fiat vilipensio
 propriæ miseræ, invocetur gratia omnipoten-
 tis pro confortatione humanæ infirmitatis.
 Sit hujus praxis tantum breve exemplum.
 O increatum, immensum, & inexplicabile
 bonum! ecce ego omnium infima creatura,
 ego peccator de profundis meæ vilitatis
 amando ad te clamo, & clamando te amo
 super omnia, per omnia interiora & exteriora
 mea, in omnibus motibus, in omnibus actibus,
 in omnibus creaturis, omni possibili amore,
 cum omnis perfectionis inclusione. O bonum æternum!
 ô utinam te potuisssem ab æterno purissime &
 perfectissime amare, ô utinam à modò in
 omnem

omnem æternitatem sine ulla interruptione
semper omni possibili amore te amaturus es-
sem! ô utinam per omnia excogitabilia su-
stinenda tormenta & opprobria possem ob-
tinere, ut te omnes creaturæ perfectissimè
semper ament. Ecce ô bonum bonorum,
ego amo te loco omnium creaturarum: loco
omnium mortalium in terris degentium
credo firmissima fide ob tuum sanctissimum
beneplacitum omnes articulos Catholicæ fi-
dei, paratus sum loco cujuslibet hominis ad
tuum beneplacitum pro tua sancta fide, pro
qualibet fidei veritate atrocissimum subire
martyrium. Ecce amor spei meæ ob tuum
beneplacitum loco omnium mortalium spe-
ro in te fortitudo mea & auxilium meum,
elicitosque volo omnes actus spei tibi pla-
centes. Loco omnium mortalium offero
me in omnibus imperatis vel imperandis ad
omnem obedientiam charitate plenam. Lo-
co omnium mortalium cupio carere omni
solatio, ut pauper spiritu placeam divitia-
rum Domino. Loco omnium mortalium
anhelo casto corpore & purissimo corde tibi
omnis puritatis fonti placere, omnesque
tentationes castitati noxias loco omnium
mortalium festino generosoque pede con-
terere. Scio equidem, ô incomprehensibile
bonum, omni amore dignius, scio & gau-
deo, quod te ipsum ab æterno digne ames, &

in omnem æternitatem te ipsum infinitè amaturus sis. Verumtamen amans amabo! diffundatur amor tuus in omnes creaturas, ita, ut non sit locus, in quo non ameris, non sit creatura, à quâ non ameris, non sit temporis momentum, quo non ameris ab omnibus creaturis omni amore possibili, ut non sit ullus creaturarum motus, qui non procedat à Divini amoris impulsu, ut non sit ullus actus, qui non actuetur in tuum sanctissimum beneplacitum: ut non sit ullus in rerum natura mutatio, quæ non sit altior in amorem Divinum ascensio. Omnes creaturarum motus sint in signum, quod te bonum bonorum amem, teque unicè semper amare postulem. Omnes etiam damnatorum blasphemix sint in signum, quod te toties amem, teque semper amare, semper laudare, semper magnificare, semper benedicere, semper honorificare, semper adorare percipiam. O superabundantia omnis amabilitatis! ô utinam tibi nunquam displicuissem! ô dolor! ô amor! quid egi? ô me misellum! quare non est magna velut mare contritio mea? quoniam offendi oceanum omnis bonitatis! vel semel tantum bonum offendisse, meretur dolorem semper, vel levissimè offendisse meretur dolorem maximum. Unica etiam minima in Creatorem offensa est tanta, ut pro-

pterea omnes creaturæ perpetuum luctum
& planctum jure merito deberent assumere.
Heu quis dolor sufficit pro iniquitatibus
meis, quæ supergressæ sunt capillos capitis
mei! Circumdate me dolores inferni, jam
hisce torquear omnibus, qui offendi infinitum
bonum bonorum omnium, præ dolore
scindatur cor meum in partes, quia offendi
totius consolationis bonum. O quot dolores,
si considero tot iniquitates, tot offensas
in mundo contra amorem increatum
ac immensum infinitâ dilectione majorem.
Ecce amoris ac omnis amabilitatis essentia,
mille me lubens immitto infernis, si impetrare
valeam, ut nunquam amplius offendaris
ab ulla creatura, nulla sit amplius culpa,
quæ non ab omnibus creaturis deploratur,
nullum amplius peccatum, quod non devitetur,
nulla amplius imperfectio, quæ non caveatur,
omnis virtus semper ab omnibus exerceatur
ad tuum beneplacitum, omnis creaturarum
affectio sit ad tuam voluntatem, omnis actus
offeratur ad tuum honorem, & nihil fiat,
nisi ob tui amorem. Hisce paucis hanc
praxin tantum quoad paucas virtutes
breviter, ac obiter tangere volui, confisus
in Domino, ascetam lectorem per constantem
exercitationem & experientiam, tantos ac
tot docendum esse affectus, ut eisdem
conscribendis integrum librum implere
valeret.

III.

In choro, in omnibus horis canonicis & in missa, præprimis quidem studiosè attendendum est, ne irreverentia aut confusio fiat, sed ut singula verba distinctè ac debite pronuncientur, ut præcipuè lectiones & similia per solum auditum in obligationis satisfactionem ducenda, bene intelligantur, ut cæremoniæ, citra omnem offensionem chori decenter observentur, his verò custoditis, animus æquè revocetur ad prædictam praxin, & ad exercitium virtutum. Si occurrit verborum sensus exercitio virtutum conveniens, accommodetur eidem affectus. Sin minus, in suo exercitio pergat asceta, non enim sensui verborum tenacius inhærens, sed ardentius amans efficacius orat, & dulcius cantat in aure Dei.

IV.

Nec istud exercitium, etiam in horas protractum faciliè caput fatigat, dummodo hæc tria observentur. 1. Ne in phantasia formentur imaginationes, & ne intellectus occupetur laboriosa investigatione, aut scrutatione, sed quiescat simpliciter contemplando summum bonum objectivè propositum. 2. Ut Spiritus (inter sphæram amoris tamen) relinquatur liber, & non alligetur

getur ad certa, neque ad certum ordinem neque ad certum numerum actuum. 3. Ut voluntas impetuose & cum capitis agitatione non cogatur ad sensibiles experientias, & gustus, sed patienter operetur, donec invitetur ad prandium, ipsique dicatur: *gustate & videte, quoniam suavis est Dominus.* Psal. 33. v. 9.

V.

Præcipue majori dilectionis ardore, puriorique mentis recollectione huic amoris exercitio insistendum est ante, & post tremendum missæ sacrificium: ante missam quidem vel ante sacram communionem cum omnibus cœlitibus inenarrabilibus gemitibus invitanda & imploranda est Regina cœlorum, ut virgineis suis affectibus dignetur sternere ac præparare cænaculum grande pro Divino agno Paschali, ut in cænaculo cordis nostri tanquam Mater pulchræ dilectionis dignetur elicere omnes actus charitatis, humilitatis, aliarumque virtutum, quos per totam suam vitam, præsertim ante mysterium incarnationis, tanquam Deo gratissima tympanistria cecinit, ac unquam elicit, & quoscunque dilectissimo filio placere non nescit, ut jubeat omnes Seraphinos Seraphico ardore intonare concentum omnium desideriorum Altissimo placentium, vel ut ipsius exoratus precibus ipse

filius in cœnaculo cordis nostri dignetur sibi sternere lectum virtutum floribus, dignum ad quiescendum tanto dilecto. Paucis non sit asceta affectibus parcus pro excipiendo tam liberali hospite? Post sumptam Eu-
 charistiam verò fiat sui ipsius annihilatio, & expropriatio, dicatque asceta: ô Rex
 tremendæ majestatis, ô dulcedo omnis

2. Reg. 9.
 v. 8.

bonitatis! *quis ego sum servus tuus, quoniam respexisti super canem mortuum similem mei!* descendisti rursus in infernum, & quidem in infernum inferiorem; non enim potuisses invenire locum ac habitatio-
 nem me abjectiorem; verum tamen tantum dic verbo, & placita tibi erit anima

Ad Galat. 2.
 v. 20.

mea. *Vivo autem jam non ego, vivit verò in me Christus.* Ecce, omnia mea tua sunt. Si ergo in me vivis amor cordis mei, moriatur in me omne, quod tibi displicet, quod non est tua vita. Vivo ego, jam non ego, ergo & operer ego, jam non ego, sed operetur in me dulcis Jesus meus, operetur in me semper, quæ sunt placita Patri: operare in me fons amoris, offer tuo Patri in me omnia tuæ passionis mysteria, omnia vulnera, omnia merita, donec ego vixero, donec commendes spiritum meum tanquam tuum in manus Patris.

VI.

In reliquis exercitiis, uti in labore, in refectione, in recreatione: & in omnibus similibus exercitium hujus regulæ hæc tria exigit observari. 1. Ut singulis operibus pura intentio ex solo impulsu Divini beneplaciti præmittatur. 2. Vigilans attentio, ut hæc intentio saltem virtualiter continuo conservetur, ac frequenter de novo inflammetur, sicque adimpleatur illud Christi Domini: *oportet semper orare, & nunquam deficere.* Luc. 18. 3. Ut datâ quâcunque occasione ipsæ virtutes non solum affectu, sed etiam effectu exerceantur. Occasio namque exercendi virtutem manifestum facit, utrum affectus fuerint veri vel falsi? unde rursus super hanc regulam non est tam examen instituendum, quotnam quis exercuerit actus, quàm potius, quotiesnam ab hac Regula defecerit?

REGULA VI.

Quomodo secundum Regulam Divini beneplaciti ambulare possint officiales vel superiores?

I.

IN comperto est, per officia viâ saltem ordinatâ animas etiam religiosas distrahi, & Magdalenam abstrahi à pedibus Christi;

Lucæ 10.
v. 41.

Hebr. 13.
v. 17.

Sap. 6. v. 6.

1. Timoth.
3. v. 13.

si enim Marthæ Virgini tam sanctæ occupatæ solùm culinæ officio, à Christo dictum est: *Martha, Martha sollicita es, & turbaris erga plurima*; quid mirum Religiosos officiales, præsertim superiores quandoque turbari ac distrahi. Verùm facile recolligitur, quisquis non dispergitur extra chorum & Regulam Divini amoris. Multa quidem debemus officialibus, quia nobis ministrant, plurima superioribus: *Ipsi enim pervigilant, quasi rationem pro animabus nostris reddituri*: Hinc in notam gratitudinis, & in laboris solatium utrisque quidem lubens specialem offerrem libellum; at verò discipulum, præsertim de similibus tacere condecet, nisi jusserit Superioris voluntas: offero tamen, quâ par est, submissione, compendiosissimè regulam Divini beneplaciti; nam verè quærenti Deum divinum beneplacitum displicere non potest; præsertim post sacram annuam solitudinem. *Judicium durissimum his, qui præsumunt, fiet.* Sed nihilominus si Superior præest ad amussim Divini amoris, facile centum coronas meretur in cœlis, ubi forsân subditus vix unam & alteram; *qui enim benè ministraverint, gradum bonum sibi acquirent*, & qui super pauca est fidelis in terris, super multa constituetur in cœlis.

II.

Quid agendum hyemis tempore cum hypocausto, in quod omnibus obviis patet liber ingressus, ita, ut his egredientibus ingrediantur mox alii, datâ januâ ab isto in illum, ab uno in alterum? nempe plura ligna immittuntur fornaci, statim mane major ignis instruitur, & antequam calor in hypocausto plenè evanescit, igni novis lignis succurritur. Et quid agendum in officio, ubi labor laborem excipit, molestia molestiam premit, ubi modò hoc, modò illud vocat, modò hic, modo ille clamat? Nempe major est construenda strues sanctorum affectuum ac desideriorum pro igne Divini amoris, statim mane fortius insistendum est amoris affectibus, & comuniendus animus pro omni eventu per diem fortasse futuro. Antequam intepe scat propositum soli placendi Deo, crebris affectuum alatur flammulis unicè querentibus beneplacitum Dei. Præscita latronum discrimina magnâ præoccupantur cautelâ, nec minùs distractionum periculis studiosior est præmittenda præmunitio animi.

III.

Quovis mane tria asceta officialis præcautâ dispositione præveniat; nimirum se ipsum, officium suum, & inopinatos even-

tus. Seipsum attendat interiùs, & exteriùs, interiùs, ut quotidie crescat in spiritali profectu, & charitatis augmento; exteriùs, ut omnibus præluceat bono exemplo. In omni sui officii negotio tria specialiter ante oculos habeat. Ante negotium providentiam, ut omnia benè ordinentur ac præparentur; in negotio vigilantiam, ut nihil negligatur, aut negligenter tractetur; post negotium reflexam memoriæ notam, ut sciatur, quid imposterum retinendum, aut corrigendum. Tribus contra insperatos eventus specialiter armetur; nimirum mansuetudine, ne variis eisque persæpe in-
conditis hominum moribus exacerbetur; patientiâ ne occurrentibus molestiis superetur, & resignatione in Deum, ne repentinis casibus perturbetur.

IV.

Quatuor œconomia specialiter promovetur: videlicet providentiâ in procurandis, moderatione in expendendis, diligentiâ in rationibus faciendis, plenâ fiduciâ ad Deum in obtinendis.

V.

Tria specialiter debentur hospitibus, scilicet charitas sine adulatione, moderata mensa sine ostentatione, religiosa ædificatio cum morum & sermonis gravitate.

VI.

VI.

Triplex memoria superiori debetur, videlicet memoria propriæ vilitatis, ne in dignitate efferatur. Memoria mortificationis, ne in occasionibus dissolvatur, & memoria Dei semper præsentis, per quem in suo officio dirigatur.

VII.

Tria superior debet religiosæ communitati. Nimirum documentum ardens, exemplum lucens, alimentum conveniens. Documentum tempore opportuno, exemplum tempore continuo, alimentum tempore consueto. Documentum ardens habeat salem eruditionis, exemplum lucens oleum operationis, alimentum conveniens memoriâ paupertatis.

VIII.

Tribus per superiorem jugum Religionis suave, & tamen Deo acceptabile redditur; nempe jussione charitativâ, discretionē verâ, commiseratione paternâ. Per jussionem charitativam subditi diriguntur in amore, per discretionem veram conservantur in fervore, per commiserationem paternam perficiuntur in confidentia. Quia verò ad istos nobilissimos fines obtinendos multa requiruntur; hinc præfata tria puncta hic majori pensulatione examinanda sunt.

IX.

IX.

Non itaque jussio charitativa eo accipienda est sensu, quò subditus ad obtemperandum sit quasi rogandus, vel interrogandus, quid velit: sed eo sensu, ut ex charitatis imperio procedat imperantis imperium, & quidem tam ex charitate Dei, quàm ex charitate erga subditum, tum & identidem ex charitate ergo communitatem, si jussio & ordinatio communitatis bonum concernit. Ex charitate erga subditum, ut intendatur ad ejus animæ salutem, ad majorem spiritualem profectum, ad majus perfectionis remedium. Erga communitatem verò, ut communitati talis ordinetur, ac præficiatur persona, ex qua hæc tria emolumenta sperare non nequeat; nempe justam satisfactionem, ædificationem, & consolationem. Jussio charitativa, non est tam sollicita, ut fiat, quòd imperat, quàm ut fiat perfectè & ad Divini amoris obsequium, scilicet humiliter, suaviter, hilariter, & cum magno divinæ dilectionis ardore. Charitativa jussio non quidem rogat, aut interrogat, ast ita tamen adhortationum aratro subditi excolit ac prævenit animum ante imperium, ut semen præcepti jam reperiatur terram excultam, & ad proferendas dignos obedientiæ fructus paratam. Non enim ideo obe-

obedientia est tanta, quia est obedientia; nam & Dæmones obediunt majori, sed idcirco est magna; quia exhibetur Deo tam magno Domino magnâ charitate, ex magna humilitate. Quid adeò profunt imperanti sua imperia sine charitatis imperio, cum imperare etiam Pagani & Ethnici queant? Illud est laudandum imperium, quod tam imperanti quàm obtemperanti cedit ad meritum, ubi tam jussio, quàm ejus executio sit ex divini amoris impulsu, Nemo quidem nescit exempla Sanctorum, qui subditos suos quandoque subitâ voce, aut alio nutu ad extra-ordinarias vocavêre obedientias: ast neque nesciendum, alia imperia esse tentationis seu probationis, & alia directionis; unde, dum Deus proprium immolare filium Abrahamo præcepit, scriptura non sine causa præmisit: *tentavit Genes. 22. Deus Abraham, & dixit ad eum, &c. Va. v. 1.* riè sine dubio probandi sunt Tyrones, possunt subinde quoque tentari veterani, non tamen ita ordinariè diriguntur animi in via virtutum, sed potius præparatione Evangelii pacis & in vinculis charitatis trahuntur ad currendum vias etiam duras inenarrabili dilectionis dulcedine. Novi Abbates, qui tum bono exemplo, tum suavi animandi modo jejunia sabbathina, disciplinæ reformationes, aliasque laudabiles observant.

Eccli. 44.

S. Regul
cap. 2.

vantias introduxere, quas planè nunquam obtinere potuissent nudo imperio, in quo tamen absque dubio tum subditis animabus, tum disciplinæ ordinis plus profuerunt, quàm si Religiosum forsan particularem suo imperio succensæ fecissent insilire fornaci; nam *cum semine eorum permanent bona*, etiam post multos annos ipsis adhuc ad speciale gaudium in cœlis, quia seminârunt semen justitiæ, quod etiam post multos adhuc annos fructificabit. Hæc est præcipua nostra Regula, *ut in omnibus omnes magistram regulam sequantur, neque ab ea temerè devietur à quoquam.* Sacra autem almifici Patris Benedicti Regula vix ullum Præceptum aut statutum ponit, quod non suadet ac condit pluribus scripturarum ponderibus, eo sanè fine, ut omnia ex charitate, perfectè & ordinatè fiant in domo Dei, quia sic est acceptum coram Altissimo.

X.

Pariter discretionem verâ jugum Religionis suave Deoque acceptabile redditur, non autem discretionem falsâ, quæ rigorem modò in illis mitigando, dissimulando, conivendo, indulgendo, favendo, &c. videri vult magna, quæ proprio suo nomine est appellanda practica laxitatis magistra. Profectò sive historias Sanctorum, sive ipsas

ipſas experientias conſultum imus, facile
contuemur, rigidiores plerumque inveniri
diſcretiores, laxiores verò indiſcretiores;
nec mirum; nam rigidiores plerumque
Spiritu Chriſti ducuntur, qui præcipuus
diſcretionis magiſter, certè non latam aut
ſpatioſam, ſed arctam & anguſtam viam
docuit, quam tamen ſuo ſuaviſſimo exem-
plo, ſuo ſuaviſſimo docendi modo, ſuis pro-
miſſionibus ac gratiis adeò ſuavem reddi-
dit, ut dicere non dubitet: *Fugum enim* Matth. II.
meum ſuave eſt, & onus leve. v. 30. Sed quare
jugum Chriſti ſuave eſt? audiamus ratio-
nem. *Tollite* (inquit ibidem) *jugum meum* v. 29.
ſuper vos & diſcite à me, quia mitis ſum &
humilis corde, & invenietis requiem anima-
buz veſtris. Laxiores econtra plerumque
ducuntur Spiritu mundi, qui etiam inter
libertates & voluptates, etiam inter divi-
tias & epulas ſuos malè tractat. Adeò ut
aſſerere liceat: *melius eſt habitare in terra* Proverb.
deſerta, quàm cum muliere rixofa & ira- 21. v. 19.
cunda. Melius eſt ſub amante Patre olera
& fabas comedere, quàm ſub tumultuante
& nunquam quieto magiſtro quotidie epu-
lari ſplendidè. Conſiſtit itaque vera diſ-
cretio in ſuavi tractandi modo, inter ne-
ceſſitates & neceſſitates diſcernere gnaro;
non autem in multitudine favorum blan-
dientium ſenſui. Verum quidem eſt illud:
neſcit

nescit regnare, qui nescit dissimulare. At nec minus verum est istud: qui multum dissimulat, parum prodest. Dissimulari subinde potest in particulari Religioso particularis defectus: at non ita defectus communis in communitate. Ratio primò datur, quia Religiosus privatus frequenter per se ipsum se corrigit, quod inconsideratè peccavit, at communitas vix unquam. Privatos Religiosos novi multos qui ex propria applicatione suos correxere defectus: at communitatem nec scio unicam quidem, quæ vel minimum defectum, vel minimum neglectum cæremoniarum emendasset unquam absque expressâ superiorum autoritate; nam quidquid semel commune est, jam auctoritatis est, etiamsi sit pessimum. Ratio secundò datur. Quia defectus privatus in Religioso privato non statim adeò obest disciplinæ monasticæ, multum autem obest defectus communis, utpote correctu difficilius, & Divino aspectui deterior. Propter maculam in particulari membro, præsertim inferiori, non statim totum corpus displicebit: at si totum corpus maculosum est, cui placebit? quomodo supremo Pastori Christo placebit Pastor, si ejus negligentia totus grex vel in minimo inficitur, vel in minimo retardatur à majoris perfectionis emolumentum.

lumento ? Consimiliter potest quandoque Religioso particulari propter speciales labores speciale indulgeri solatium ; ast non ita facile communitati. Ratio primò est, quia quod in particulari conceditur, ut plurimum tanquam favor accipitur, quod autem omnibus indulgetur, à nemine ut favor agnoscitur. Ratio secundò datùr. Quia quod communitati conceditur, propediem festi-
vis characteribus calendario inseritur, ut simili occasione vel festo tanquam debitum expèratur, quidquid vel semel fuit ex speciali favore concessum : Superiori autem erit reddenda ratio de omnibus excessibus, quicunque vel ex tali concessione, vel ex tali rigoris mitigatione, vel ex tali dissimulatione & conniventia etiam post multos annos evenerint ; ipse enim sparsit semen talium fructuum. Judicia Dei abyssus multa, & quid si in abyssò Divini judicii insuper intueri cogatur, quòd ex sua dissimulatione, vel indiscretà concessione malum laxitatis eò excreverit, ut etiam ipsum tandem monasterium aut in manus sæcularium, aut omnino in manus hæreticorum devenerit ? hoc enim apud viros expertos in comperto est, quòd maximæ ruinæ à minimis neglectis incipere soleant, nec minùs certum est, quòd jam habeantur prodromi magni mali, ubi minimi communi-

tatis defectus passim à superioribus dissimulantur, ac neglectui ducuntur. Hæc quidem non ita intellecta velim, quasi non omnibus sit eadem communis impendenda dilectio, sed, ne passim communia adaugendo solatia, rigori disciplinæ infligatur vulnus, vix non insanabile. Sit proinde discretus superior, velut discretus medicus, qui infirmas animas regendas suscepit. Medicus non ex eo discretus dicitur, quia omnia indulget, quæ petit infirmus, sed ex eo, quia infirmum consolatur, salutifera medicamina præscribendo, sanitatem promittendo, commiserationem cum infirmo habendo, sic nec superior ex eo est appellandus discretus, quia est liberalis indultor, sed ex eo, si revocat ad memoriam subditi nostræ professionis altitudinem, æternorum præmiorum magnitudinem, Divinæ bonitatis dulcedinem, si lenit charitatis oleo & scripturarum unguento afflictiones & vulnus infirmi. Unde

XI.

Commiseratio paterna in eo consistit, ut omni hora ad Superiorem pateat accessus, ut ibi omnes in dubiis reperiant consilium, in afflictione solatium, in tentatione remedium, in derelictione auxilium, ut pusillanimes inveniant consolationem, debiles animationem, deficientes correctionem, profi-

proficientes admonitionem, perfecti con-
fortantem inclinationem animi. Sic quip-
pe omnia nostra in charitate fient, & erit,
servitium nostrum acceptum coram Deo &
hominibus.

1. Corinth.
16. v. 14.

CAP. II.

REGULÆ ASCETICÆ.

Quoad tentationes & cru-
ces, seu quoad vitam patientem.

REGULA I.

De tentationibus vincendis.

I.

OMissis cunctis aliis huc non pertinen-
tibus, pro infallibili Regula teneat
asceta, in hac viâ omnia esse pro tentationi-
bus habenda, pro tentationibus reputan-
da, instar tentationum fugienda, ac per ge-
nerosam resistantiam fuganda, quæcunque
non movent ac provocant ad implendum
Divinum beneplacitum, hoc tamen serva-
to discrimine, quod actus mali neque ut
media possint admitti, sed semper, ex fine
Deo placendi, sint omittendi, cavendi,
ac detestationibus, abominationibusque

procul pellendi, econtra verò actus boni vel etiam indifferentes tanquam media ad Divinum beneplacitum magis honorandum possint admitti. Ratio primi datur, quia actus mali nunquam possunt placere Deo, actus boni autem vel etiam indifferentes præmissâ purâ intentione sunt referibiles in Divinum beneplacitum. Quotiescunque itaque vel minima cogitatio subit, aut aliquid agendi aut omittendi, aut amplexandi, aut removendi ex alio fine, quam ex fine Divini beneplaciti, protinus expellatur, resistatur, sicut solemus resistere tentationibus ad malum, allidatur absque mora hujuscemodi cogitatio ad Christum ita, ut nihil quæratur, nisi Christi sanctissima voluntas, ejus Divinum beneplacitum: quòd si quis advertit, adhuc aliis Divino beneplacito inferioribus motivis se moveri, & non parùm affici, sciat pro certo, se necdum esse hominem verè spiritualem, se necdum unicè vivere Deo, nec adhuc ducere vitam absconditam cum Christo in Deo, se necdum esse mortuum vitæ inferiori, se adhuc illis vivere rebus, quibus afficitur. Sin porrò motivis Divino beneplacito inferioribus ut plurimum cum magna facilitate ac jucunditate Spiritûs statim resistere soleat, potest piè in Domino confidere, se ambulare in via justitiæ, quam

vis forsitan in extraordinariâ tentatione, aut in alio extraordinario casu subindè quoque difficultatem aliquam experiatur. Ad istam nec minus regulam examinare se poterit, quisquis scire cupit, utrum illam aut illam virtutem possideat, vel utrum eâ adhuc careat? Si enim adhuc facilè labitur, habet manifestum testimonium contra se, quòd tali virtute adhuc careat; siquidem lapsus non sunt proles virtutum, sed fructus & effectus vitiorum. Si lapsus quidem cavet, tentationibus contra talem virtutem resistendo, at non nisi cum magna difficultate; tunc signum est, virtutem esse adhuc valde exiguam, ac infirmam. Sin autem cum magna facilitate omnes tentationes, tali virtuti contrarias, ut plurimum repellit, tunc gaudet indicio inhabitantis virtutis, tametsi quandoque rarò tamen, in repellendis ejusmodi tentationibus aliquam difficultatem persentiscat; quoniam variis edocemur historiis, etiam sanctos quandoque ita ordinante Deo, sensisse similes difficultates. Permittuntur hujuscemodi difficultates à Deo quandoque ex justissimis ac sapientissimis rationibus. 1. Ut cognoscatur, & eò pluris æstimetur Divina gratia, & ne homo arbitretur, se suo labore ad talem statum ascendisse, propriisque jam posse stare conatibus. 2. Ut tantò magis

anima in humilitate propriaque vilipensione conservetur. 3. Interdum in pœnam aliqujus fortè admissæ vanæ complacentiæ, vel contemptûs proximorum. 4. Ad ingerendam cautelam contra præsumptionem, ne nimirum homo nimium de se præsumens periculis exponatur. 5. Pro dispositione ad novas gratias, & ad majus meritum.

II.

Arridet forsitan adhuc luculentior declaratio, quomodo fieri possit, ut homo nullâ amplius re afficiatur, & ne ipsis quidem salutis mediis propter se ipsa? Sit proin hujus rei vix non palpabile exemplum Adolefcens Bernprochius, Oeniponti natus, certis porrò ex causis Norimbergam delatus, cogitat inde ad proprios penates reverti, hunc in finem accedit Præfectum cursorum, quærens, quo die dirigatur cursus publicus Oenipontum. Apud Præfectum cursorum principio ipsi, & quidem gratis offertur cursus publicus Pragam, promittuntur ipsi insuper ab aliquo Pragam tendente juvene splendida epulæ cum vino optimo, si consentiat se viæ comitem jungere; sed omnia incassum, Bernprochius constanter respondet, quid mihi Pragæ negotii? ego ad dulcem Patriam aspiro, utitur itaque cursu publico Oenipontum destinato, conscen-

dit,

dit eundem, verſus ſuam Patriam vehitur. Jam vidimus Bernprochium nullo modo potuiſſe perſuaderi ad iter Pragam capeſſendum, & ne quidem minimum illuc affectum, ſed potiùs averſionem oſtendiſſe: enim verò forſitan quis arbitrabitur, Bernprochium fuiſſe affectum currui publico, quo in ſuam Patriam vehebatur? forſitan, quis ſomniabit, Bernprochium ſimilia ſecum cogitaſſe aut dixiſſe: hodie dormiam propter currum; hoc faciam in honorem currùs; in favorem currùs hodie abſtinebo à vino? amabo? quis non rideret ſimilia? Bernprochius quidem optat, ut currus inviolatus permaneat, aſt minimè nec quidem ex minimo affectu erga currum, ſed ſolùm ideò, tum ne ſuà occasione orbetur, tum ne Dominus huius damnum patiat, cæterum autem ad currum prorsus affectum nullum gerit, neque minimum in ſe ſentiet commiſerationem cum curru, etiamſi caſu confringatur, & ſi ex tali caſu dolet, tantùm dolet tum ob ablatam ſibi occaſionem, tum ob Domini damnum. Ecce! in iſto exemplo nobis duo conſideranda occurrunt. Primò invitatio Pragæ, quam Bernprochius ſapienter contempſit, ſiquidem fuit contra ipſius intentionem, & fuiſſet potiùs abductio, quàm promotio in patriam. Secundò currus tanquam me-

dium, quo fuit usus in suo itinere absque tamen ullo affectu erga ipsum: eodem modo se res habet in nostro negotio. Imprimis possunt occurrere, & sæpius occurrunt talia, quæ nos à Divino beneplacito aut abducunt, aut impediunt, aut saltem ad ejus prosecutionem nihil profunt; talia igitur omnia semper pro semper sunt respicienda, ac repellenda, eo ipso, quia sunt contra nostram intencionem, nosque potius impediunt, quàm promovent ad nostram dulcem Patriam; dulcis enim Patria nostra est solus Deus summum bonum, sine quo ipsum quoque cælum nobis foret merum exilium, & quidquid ad præfata similia bona nos allicit, tanquam tentatio rejiciendum est. Deinde alia sunt, quæ nobis ad Deum amandum deserviunt, & habent se (sic loquendo) per modum currus, & per modum mediorum, quibus provehimur ad Divinum beneplacitum adimplendum, talia sunt tam dona naturæ, quàm bona gratiæ, quàm ipsa etiam bona æternæ gloriæ; hæc enim per bonum usum nobis omnia ad Deum super omnia amandum inserviunt, & hinc in ordine ad Divinum beneplacitum implendum admittenda sunt. Interim tamen ad similia non est habendus ullus vel minimus affectus, sed debet se asceta erga talia gerere sicut Bern-
prochius

prochius erga currum, nimirum propter talia neque est aliquid operandum, neque omittendum, sed unice duntaxat admittenda, inquirenda ac usurpanda sunt, in quantum tanquam media deserviunt ad amandum Deum summum bonum. Hinc si fortè asceta sive suâ sanitate, sive suâ bonâ fama privatur, neque debet cum ægro suo corpore ullam commiserationem habere, neque propterea contristari, nisi præcisè in quantum impeditur à suo fine, videlicet à Deo summo bono diligendo, atque ab ipsius sanctissimo beneplacito implendo, secus enim talis affectus erga similia bona non minus, sed magis foret ridiculus, quàm affectus cujusdam itinerantis erga currum publicum.

III.

Practicè itaque in Divinis ad primam mox advertentiam repellendæ sunt omnes distractiones ex eo fine, quia non serviunt, sed potius impediunt Divinum beneplacitum, ex eodem fine propediem excutendæ sunt omnes cogitationes impertinentes, quamvis alioquin sanctæ; quoniam non serviunt Divino beneplacito, quoad tempus & locum, adimplendo, sic etiam extra Divina ex eodem motivo rejiciuntur omnes cogitationes inutiles, vel minus sanctæ, corriguntur omnes inordinati ac mi-

nus perfecti affectus, caventur omnia verba reprehensibilia, devitantur omnia opera statui ac amor Divino minus convenientia, corriguntur ac emendantur omnes imperfectiones, & denique per vigilem curam cum constanti praxi hujus exercitii animus in amore Divini beneplacito adeo roboratur, ut neque per oblata omnia cœlestia gaudia possit amplius induci vel ad minimam imperfectionem deliberatè admittendam. Ratio in promptu est, quia ipsa cœlestia gaudia sunt tantum media ad Divinum beneplacitum, ideò enim Deus beatos æternâ gloriâ satiat, quia sic placitum est in suis divinis oculis, cum ergo juxta omnem sanam rationem finis semper sit præponendus mediis, non potest non esse manifestum animo amanti, potius esse sustinendam jacturam omnium bonorum, non tantum terrestrium, sed etiam cœlestium, quàm minimam duntaxat committendam imperfectionem contra Divinum beneplacitum.

IV.

Cæterum de tentationibus proprie talibus discurrendo, sciendum venit, alias tentationes esse apertas, & ut tales cognitæ ipsi tentato, alias autem occultas, & ipsi tentato, ut tales non apprehensas, neque cognitæ.

V. Ten-

V.

Tentationibus apertis seu cognitis repellendis possunt sequentes praxes seu modi adhiberi. 1. Simpliciter statim ad primam advertentiam mentem avertendo ab objecto tentante; quia Divino beneplacito repugnat, & tanquam nihil reputatur compositum Deo, sive Divino beneplacito, & iste modus, ordinarie, & per se loquendo procul dubio censetur omnium optimus; quia per istum modum non solum omnis consensus, sed omnis quoque perturbatio & distractio præcaveretur: dixi per se loquendo & ordinarie; nam potest Deo quandoque complacere, ut homo longiori ac duriori luctamine exerceatur. Unde si tentatio instat, & post plures aversiones urget. 2. Recurrendum est ad ardentissimas preces exercitium omnium virtutum, ac sanctorum desideriorum; exercendi sunt ex amore Divini beneplaciti actus ipsi tentationi directè oppositi, actus detestationis, actus contritionis, actus amoris erga virtutem oppositam, desideria mille mortes potius sustinendi, quàm quidquam tale admittendi, nec cessandum, donec tentatio per agmen Sanctorum affectuum devicta recedat. 3. Si quis sive suâ negligentia, sive ex alia occulta causa, ita præoccupetur tentatione, ut imaginatio cum proposito

sito objecto jam fortiùs afficiat, & jam majori ex parte occupet mentem, quàm omnia sancta motiva supernaturalia, ad eum ferè modum, quo in aliqua arce hoste jam occupante mœnia arcis, miles præsidarius vix ampliùs videatur sat potens ad repellendum adhuc hostem; Jam in simili eventu consultum erit, recurrere quoque ex pura intentione ad remedia naturalia quæcunque honesta, talia tamen, quæ omnes vires intellectûs ad se trahunt, & occupant, ita ut penitus abstrahatur ab objecto per phantasiam proposito. Sic de die talis assumat aliquid ad discendum memoriter, verbi gratiâ totâ applicatione addiscat memoriter in ordine nomina Sanctorum ex Martyrologio, ex calendario, &c. Nec cesset memoriam ita ferventer occupando, donec objecti mali iterum plenè obliviscatur, de nocte verò vel in lecto, poterit recitare fundamenta artis arithmetices à primo numero usque ad millesimum; vel potest secum in mente varias & multiplices expensas ad calculos reducere, nec cessare, donec peccaminosæ species in oblivionem abierint, quo facto, debitas grates rependat Deo, cum sui ipsius vilipensione. 4. Si mens sentitur tota perturbata, & per tentationem obfuscata ita, ut vix ampliùs queat discernere inter motiva & motiva, tunc recurrendum est

est ad media exteriora, de die quidem, potest recursus ac refugium amplecti vel ad Patrem spiritualem vel ad bonum amicum, ut per honestum colloquium mens iterum serenetur, de nocte autem recurrendum est vel ad flagella, vel ad similes afflictiones, ita ut per sensum doloris mens ægra rursus ad sanum redeat sensum. Verum hæc pro casu necessitatis, aliàs enim prudentis, Deumque amantis est, principiis tentationum ob stare, & omni possibili modo præcavere, ne in tales deveniat angustias.

VI.

Occultè solet Diabolus viros spirituales aggredi ferè similibus modis. 1. Quibusdam immittit quemdam torporem ac languorem tum in Divinis, tum in communibus religiosis exercitiis, ita, ut ipsi vix advertant, se errasse, donec subtractis specialioribus Divinis gratiis labantur in gravissimas saltem tentationes, si non omnino in peccata. Contra hunc dæmonis astum proinde vigilandum est, ne unquam Divina tepidè aut negligenter tractemus, etiamsi multis occupationibus nos oneratos, aut alias aliquâ indispositione nos vexatos experiamur. 2. Quibusdam suadet vel mutationem statûs, vel resignationem sui officii, vel etiam desiderium ad aliquod
offi-

officium, sub proposito, postmodum tali mutatione factâ, tam perfectè, tamque sanctè vivendi, talia & talia opera faciendi, talia & talia præstandi, &c. Ita tamen ut interea præsentia negligent, nec advertant propter speciosa speculativa illa proposita, se malè agere, donec aut omnino decipiantur, aut in gravia tentationum pericula labantur. Quapropter propter futura, præsertim incerta nunquam sunt negligenda præsentia, sed ferventiùs potiùs peragenda, ut eò magis disponamur atque dirigamur à Deo, ne decipiamur in nostris consiliis. 3. Quibusdam immittit desiderium ac inordinatum zelum, in aliis minimos quoque defectus tali ac tali modo corrigendi, sub quâ zeli specie paulatim inserpunt animo aliorum vilipensiones, æstimatio vanæque complacentia in propriis actibus, multiplices distractiones in Divinis, inconsideratæ & imprudentes aspirationes ad officia, ita, ut opinentur tales, se continuo bono zelo duci, cùm tamen interim seducantur, & inducantur à Diabolo ad multa peccata venialia, quibus demum disponantur ad mortalia. Sit proinde zelus ordinatus, quietus pleneque resignatus in beneplacentem voluntatem Dei, qui potens est, similia suaviter ac fortiter emendare absque nostra inquieta perturbatione. 4. Non-

nul-

nullis in specialem amorem & benevolentiam commendat certas personas, recommendans ipsarum optimam indolem, praeclaras virtutes, insignem dispositionem & capacitatem ad vitam sanctiorem, praedicans illas dignas spirituali amore. Similibus denique incauti adeo inescantur, ut non advertant, suum amorem non esse tam spirituales, quam carnalem, donec ardeat jam proximus ucalagon. Quam cautè in similibus sit agendum, & quam puros oporteat servari affectus, discere nobis datur ex illo Divi Pauli: *Ut & qui habent uxores, tanquam non habentes sint.* 1. Corinth. 7. v. 27. juxta Doctrinam ipsius Spiritus Sancti, ipsi mariti debent esse tam puri, tamque liberi ab omni inordinato affectu erga proprias uxores, haud secus, ac si essent absque uxoribus: quam liber proin, quamque immunis ab omni suspecto affectu debet esse asceta erga quasque personas, etiam innocentissimas? Ita scilicet ejusmodi personis impertienda est Christiana charitas, ac si essent penitus ignotæ. Ita refecandus est omnis vel à longè periculosus affectus, ne propter tales personas in via perfectionis vel minimus incurratur defectus.

VII.

Aliis aliter laqueos ponit: unde cautè ponendi sunt pedes, sollicitè custodiendi affectus

Psal. 140.
v. 9.

Etus, humilibusque amoris obsequiis incessanter ad Dominum clamandum est : *Custodi me à laqueo, quem statuerunt mihi.*

REGULA II.

Quomodo se habeat asceta in crucibus & adversitatibus.

I.

CRuces seu adversitates universim dividuntur in cruces inferioris, & in cruces superioris hominis, intelligimus porro per cruces inferioris hominis omnes illas afflictiones, quæ spiritui charitatis neque adversantur, neque adversari apprehenduntur, ad eum ferè modum, quo omne id ex motivo inferiori fieri dicimus, quod ex charitatis motivo non fit. Cruces superioris hominis censentur omnes illæ, quæ spiritum charitatis affligunt, & quæ uti tales ab amantibus Deum existimentur.

II.

Cruces inferioris hominis ulteriùs aliæ sunt naturæ corruptæ, & quæ solam naturam corruptam affligunt, tales adversitates à carnalibus reputantur rigor disciplinæ, exercitium mortificationis, denegatio libertatis, laxitatum, recreationum, favorum, honorum, æstimationum ; In similibus quippe

quippe natura corrupta affligitur, & quotiescunque non impetrat, quod pro suâ corruptione inordinate postulat, arbitratur, se persecutione & injuriâ affici. Aliæ cruces autem hominis inferioris sunt, quæ naturæ secundum se, & naturaliter adversantur, quæ propterea alioquin communiter naturales appellantur. Tales sunt corporis ægitudines, indispositiones, dolores, excessivi calores, frigus, jactura bonorum, famiæ, &c. in tali tamen gradu, ut etiam vir prudens ac pius similia communiter sentire, & quoad naturam ægrè ferre soleat; est quippe naturale similia sentire; ast ex musca elephantem, ex minimo dolore magnum cruciatum, ex parva irrisione vel vilipensione magnam famæ diminutionem fingere, hoc est iterum corruptionis ac corruptæ apprehensionis, & non naturæ.

III.

Quod attinet ad cruces naturæ corruptæ, sunt illæ ad perfectionem aspiranti tam necessariae, quam ab lactatio infantis ab uberibus nutricis, & quamdiu quis tales afflictiones non reputat consolationes, tamdiu nullus dubitet, quin sit adhuc carnalis, servus corruptionis, & quin adhuc procul distet à servis dilectionis, à quibus ejusmodi naturæ corruptæ afflictiones acci-

M m

piun-

piuntur, & reputantur inter summas consolationes; siquidem similes afflictiones sunt arma, quibus spiritus prævalet adversus carnem.

IV.

Quod cruces naturales concernit, eadem à spiritu dilectionis & ab amante Deum æque consolationibus annumerantur, ad imitationem Apostolorum, qui cum Paulo superabundabant gaudio in omnibus tribulationibus suis, & gavisi sunt Apostoli, quòd digni habiti sint pro nomine Jesu contumeliam pati; nisi tamen ejusmodi adversitates naturales propter quasdam circumstantias evadant mixtæ.

V.

Fieri namque potest, ut cruces naturales propter certas circumstantias mixtæ evadant, ita, ut non solum naturæ sed etiam ipsi spiritui & desiderio dilectionis adversari videantur. Sic verbi gratiâ, quando corporalis ægritudo impedit à Divinis, à fervore dilectionis, ab officio & à laboribus pro gloria Dei susceptis, vel quando propria infamia cedit in aliorum scandalum, in contemptum religionis, & in diminutionem honoris Divini: In similibus quippe casibus etiam homo superior & spiritus

2. Corinth.

7. v. 4.

Art. 5. v.

41.

ritus dilectionis affligitur, uti patet in multis exemplis sanctorum, qui doluerunt, quod aut non potuerint interesse Divinis, aut nequiverint præstare solita charitatis officia. Quod ad istas cruces attinet, possunt eadem congruis mediis ex fine Deo magis placendi, procul dubio removeri, potest insuper etiam ordinatum desiderium admitti liberationis à talibus adversitatibus. Sic si quis morbo affligitur, potest ad tollendum impedimentum Divini obsequii, ac majoris Divini amoris, adhibere morbo pellendo medelam, potest desiderare pristinam sanitatem, potest flagitare pristinam bonam famam: ubi tamen tria pensulatè attendenda sunt. 1. Ut tam applicatio mediorum, quam ipsum desiderium fiat cum protestatione, nullo modo desiderandi liberationem à tali afflictione propter se vel propter naturam gravatam, nullo modo propter sanitatis aut pristinae famae restitutionem, sed unicè ex fine, per restitutam sanitatem, vel atterius crucis remotionem divinum beneplacitum honorandi majoribus amoris obsequiis. 2. Ut fiat cum plena resignatione & indifferenti animo ad utrumlibet, quod Deo magis placuerit. 3. Si adhibita remedia pro remotione talis adversitatis nihil proficiunt, vel aliunde prudenter judicari valeat, Deum velle, ut tali cruce adhuc

diutius affligamur, tunc gaudendum est ascetæ in tali voluntate Dei, & respiciendum ad exemplum Sancti Ignatii Martyris, qui non solum Martyrium suum lætus sustinuit, sed insuper ignem, crucem, bestias, confractionem ossium, membrorum divisionem, totius corporis contritionem, & tota tormenta Diaboli ad se cruciandum invitavit; non enim habemus, quo magis possumus ostendere nostrum amorem erga amatum, quàm multa patiendo, & quaelibet libenter sustinendo pro amato.

VI.

2. Corinth.
11. v. 29.

Cruces hominis superioris, seu Spiritus dilectionis sunt plurimæ, eæque gravissimæ; nam verè amans est ejusdem mentis cum Divo Paulo, cujus hæc vox: *quis infirmatur, & ego non infirmor? quis scandalizatur, & ego non uror?* ô quot cruces! ô quot adversitates! 1. Homini superiori illa omnia sunt tormenta, quæ homo corruptus censeret solatia, crux est homini superiori, indulgere homini inferiori quietem, ministrare necessaria, ac nutrire carnem tam inimicam Spiritui. Porro hîc oportet facere ex necessitate virtutem, & ex divino beneplacito patienter ministrare, quod citra indiscretionem negare non licet. 2. Magna crux est homini superiori-

riori, ad amandum Deum se experiri quasi minus idoneum, uti est sentire ariditates, siccitates, & Spiritus involuntarium languorem, quid enim durius accidere potest amanti, quam non amare amatum? Hæc crux vix non omnium evadit maxima, quando amans consimili insuper opinione lancinatur, se displicere Deo, esse causam omnium malorum in mundo, se non posse amplius amare Deum, sed debere potius in Deum summum bonum odio ferri. In ista cruce asceta ita se gerat: Ex unâ parte per veram humilitatem in profundum sui nihili se abjiciat, indignum se reputans, qui Deum amet, aut amantibus Deum annumeretur; ex altera parte offerat hanc ipsam crucem ad Divinum beneplacitum, cum omni possibili voluntatis promptitudine, amore Divini beneplaciti adhuc majorem derelictionem sustinendi, locò verò amoris, quem Deo exhibere non potest, offerat omnia amoris obsequia in Christo, à Christo, & per Christum. 3. Magna crux est; quando amanti videtur, quòd ab amato non amplius ametur, quod jam sit derelictus à Deo, quod in nullâ re amplius exaudiatur, non amplius respiciatur, sed tanquam vas perditum odio habeatur ab ipso. Jam in hac afflictione; sui ipsius totus oblitus cogitet

asceta, Deum esse summum bonum, ex se omni amore dignissimum, etiamsi nos indignos non amet. Oportet quippe per similes cruces plenè tandem purificari amoris affectus, ut fiant puri ac sani ab omni maligno proprii amoris humore. 4. Continuâ & cruce maximâ cruciatur spiritus amoris per tot peccata, quibus quotidie Deus offenditur, per tot mala, quæ sunt in mundo, per tot afflictiones Matris Ecclesiæ; verus quippe Ecclesiæ filius suæ matris afflictiones reputat suas, & suæ matris vulnera sentit ut propria, nihilque magis lenit dolorem filii, quàm locò matris sufferre dolorem. Ut proinde hæc crux ascetæ fiat toleratu facilior, frequenter se offerat ad cruces locò omnium ferendas, dicat frequenter ex humilitatis abyssu ad Dominum; Domine in me sint offensæ, quibus offenderis; patiar ego dolores instar parturientis, ut potiatur pace, & fiat adhuc sæcundior gratis Deo prolibus Ecclesia Christi. 5. Deum amanti omnium afflictionum facilè maxima est, quando omnes preces, omnia desideria, omnes conatus & labores pro gloria Dei videntur in irritum cadere, atque ab illis impediri, qui deberent promovere, quando videtur ipsi Deus quasi suam gloriam negligere, & quasi nolle amari à creaturis

turis ; hæc crux supra modum adaugetur, si accesserint blasphemæ cogitationes , & tentationes ad aversionem concipiendam contra ipsum Deum. Sanè homines carnales nec quidem sciunt , quid sit crux & afflictio spiritûs ; ipsi enim seipsos affligunt propter res levissimas , & ab homine illuminato jure merito instar luti despicendas ac ridendas , homines autem spirituales cruciantur propter res summi momenti , propter gloriam Dei , propter rem , cui comparati mille mundi sunt pulvis exiguus. O quanta crux ! Si neque Deus videtur amplius suum zelari honorem , suum curare amorem ! quò jam te vertes afflicta anima ? nimirum hoc tibi mente volvendum est : Nonnè Deo pleno cordis affectu consentires , & consentire deberes , si omnia opera manuum suarum denuò in nihilum redigere vellet ? quantò magis plenâ veneratione adorandum est sanctissimum beneplacitum Dei , volentis , nostros aliorumque conatus suis destitui effectibus , quoniam bonorum nostrorum non indiget , in tantum enim , & non amplius , est aliquid appetibile , in quantum Deo placet. Amanti id satis est , quod placet amato , illudque nunquam non bonum est , quod acceptum est in oculis summi boni , ad cujus sempiternam glo-

gloriam hæc scripta sint , & practicentur
ab omni humano , præcipuè Religioso
corde usque ad consummationis finem.

Ut in omnibus glorificetur Deus
S. Regula cap. 57.

Proximè , dante Deo , sequetur vox
sanguinis.





INDEX

Rerum & Materiatarum præcipuarum.

A.

A bstinentiæ & austeritatis exempla.	pag. 231
Æterna sunt veluti præsentia aspicienda.	59. & 65
Æternorum memoria commendatur.	53
Amor Dei in nos commendatur.	388
propter ipsius Dei amantis dignitatem.	388
propter hominis amati vilitatem.	390
propter communicationem tot bonorum.	392
ex passione Christi.	395
ex eo, quia Deus adeò desiderat nobiscum uniri.	401
Amoris actus & exercitia erga Deum explanantur.	409.
	492
Amor verus vult gratis dari.	491
Amor proprius est mortificandus.	192
Amor proprius est similis puero.	192
est falsus propheta.	193
est pestis.	195
Amor proprius quibus mediis eradicetur?	195
Animæ pretiositas.	20

Mm 5

Ani-

INDEX.

Anima quomodo cum Deo uniatur?	464. & 466.
Amor proximi. Vide Charitas fraterna.	
Anni nostri comparati æternitati sunt oppidò bre- ves.	67
Ascetæ sunt certæ Regulæ attendendæ.	481

B.

S. Benedictus generosè pugnavit pro castitate servan- da.	313
Beneplacitum Dei in omnibus attendendum est.	489
	& 505
quomodo hoc ipsum fieri queat?	489
S. Bernardus vidit, ab Angelis notari Monachorum preces.	370
insiliit in stagnum.	313

C.

Castitatis excellentia.	304
Castitas quidnam fugiat.	305
quomodo defendenda.	312. 315. & 317.
Castitatis exempla.	313
Catharina Genuensis quantum horruerit vel umbram peccati venialis.	104. & 117
Charitas fraterna præcipuè Religiosis commendatur.	424
præscribitur specialiter ab omnibus ordinum fundato- ribus.	426
quomodo conservari queat, ac debeat.	428. 431
est maximè necessaria stabilitatem loci profitentibus.	427

INDEX.

66.	Cavet confratrum offensas.	429
	honorat omnes.	430
re-	non facile indignatur.	432
67	Charitatis fraternæ exempla.	433
81	Chrisaurius frustra clamat: Inducias usque mane.	63
	Christus speculum humilitatis.	203
	Christus exemplum paupertatis.	300
	quanta sit pro nobis passus.	395
an-	Cognitio sui ipsius.	201
13	Confessio integrè faciendâ.	209
89	Cultui Divino sint unicè intenti Religiosi.	483
05	Curiositas est perniciofa.	338

D.

370	Detractionis vitio Religiosi quoque facile inficiuntur.	161
313	Devotio vera in quo consistat.	512
	Deus quantum sit bonum?	388
304	est nostro amore dignissimus.	402
305	ad Deum amandum quænam motiva nos stringant?	404
17.	Deus quomodo sit amandus?	409
313	est amandus per puram intentionem.	416
ram	per resignationem, & nostræ voluntatis conformita-	437
117	tem.	406
tur.	Dilectio Dei variè impeditur.	130
424	Disciplina religiosa destruitur per neglectum minimo-	526
ato-	rum.	
426	Discretio vera in quo consistat?	
431		
bus.		
427		
Ca.		

E. Eu-

INDEX.

E.

Eucharistiæ cultus.	412
Exemplo bono magna inest vis.	267
Exempli boni Exempla.	262
Exempla mala perniciofa.	275
Exercitiis sacris est præmittenda præparatio.	5
Exercitiis est præmittenda pura intentio.	14

F.

Familiaritas cum sæcularibus est Religioso noxia.	250
Fastidium in Divinis est pessimum signum.	373
hujus rei exemplum.	ibid.
Fervor Charitatis nobilitat orationem.	373
Fides frequenter est exercenda.	24
Fides tribus probatur.	25
propter ingratitudinem amittitur.	35
Fidem primi Christiani summi æstimârunt.	34
Fides est excellentissima scientia.	37
Fides ut granum sinapis quid sit?	30
Fides debet radicari.	42
Fides exigit simplicitatem infantis in credente.	40
Fides Catholica sola gaudet motivis credibilitatis.	43
Fides duobus actibus exercetur.	41
propter Fidei defectum tam raro recordamur æternita-	
tis.	54
ex Fidei defectu potissima fiunt peccata.	28
Fides debet esse ductrix omnium nostrarum operatio-	
num.	34
Fridericus Abbas injuriæ immemor.	433

G. Gar-

INDEX.

G.

Garrulitas est noxia Religioso.	155
Gerardus Belga ægrè ferebat discursus calisticos, & quare?	367
Gratiæ Divinæ cooperari debemus.	292
Gratitudinem sibi cordi habeat Religiosus.	471
Gratitudo quomodo sit exhibenda?	472
Gratitudinem Deo pro fide debemus.	23

H.

S. Hieronymus propter lectionem Ciceronis flagella- tur.	148
Horas canonicas negligenter persolvens æternaliter damnatur.	457
Horrorem peccati à Sanctis discere debemus.	108
Hospitibus tria debentur.	522
Humilitas discitur ex speculo.	201

I.

Imperfectiones sunt in triplici differentia.	121
Imperfectio minima magnum aliquando incutiet dolo- rem in iudicio particulari.	126. & 127
est tantæ abominationis, ut mallet quilibet cognoscens diram admittere Purgatorii pœnam, quàm imper- fectionem minimam.	120
Imperfectionem etiam minimam anima perfecte co- gnoscens in nihilum redigeretur præ horrore, nisi immortalis esset.	125

Judi-

I N D E X.

Judicium extremum describitur.	89
In judicio extremo erit maximus terror.	98
maxima confusio.	96. 101. & 103
Ibi nemo poterit latere.	93
Ibi omnia peccata veluti adhuc in flagranti existentia denudabuntur.	90. 91
Judicium durissimum his, qui præsunt.	520
Judicium durissimum non proficientibus ex lectionibus Sanctis.	183
In judicio particulari etiam justitiæ judicabuntur, & quales?	113. & 114

L.

Labor nullus durus videri debet, quo æterna gloria promereri potest.	68
Lacrymæ Christi & Sanctorum aliquando contra nos clamabunt in judicio.	216
Lectiones sacræ sunt avidè audiendæ.	175
Libri sacri, & non profani sunt legendi.	178
Libidinis pessimi fructus.	306
Libidinis quilibet actus aliquando horribiliter cruciabit morientem.	321
Lingua tribus feris est munienda.	145
Linguae refrænatio monacho est necessaria.	150
Linguae refrænatio præsertim novellis & junioribus Religiosis est necessaria.	153
Linguâ multimodis peccatur.	159

INDEX.

M.

Majores nostri quinam sint?	282
Maria virgo colenda.	353
Miles in valle Josaphat convertitur.	87
Militum obedientia.	344
Minimorum neglectus causat maximas ruinas.	529
	& 130
Modestiae verae magna inest vis.	267
Modestia vera in quo consistat?	270
Modestia quomodo radicetur?	268
Monachus Benedictinus tenetur vi voti tendere ad perfectionem.	449
Monachus non acquiescens seniorum consiliis tandem miserè perit.	187
Monachus raptus ad tribunal Dei convertitur.	99
Monachus, quia non aluit desiderium visionis beatificae, luit in purgatorio.	128
item alius, quia neglexit reverentias.	ibid.
Mors omnibus certa est incerta quoad horam, locum & modum.	45. & 46
Mortis dies semper ante oculus habenda est.	70
Mortis memoria assidua operatur tepiditatis correctionem & reddit hominem vix non impeccabilem.	58
probatur historiâ.	ibid.
Mortis casus varij.	61
ad Mortem prudentes continuò se præparant.	56
angustiae in horâ Mortis describuntur.	55
Mortificatio linguae est necessaria.	146. & 150
Mortificationem sensuum Deus à te exigit.	139
Mor-	

I N D E X.

Mortificatio passionum debet esse constans.	142
Mortificatio intellectûs & voluntatis est necessaria.	165
	& 168
Motivorum ad operandum sunt quatuor classes.	497
Mulierum conversatio est periculosa.	316

N.

Necessariorum usus rarò caret periculo excedendi.	500
Nesteronis Abbatis patientia, & resolutio.	217
Noxæ minimæ à Deo gravissimè puniuntur.	117

O.

Obedientia militum nobis pro exemplo proponitur.	344
Obedientia fit manca ac imperfecta ex defectu fidei.	347
Obedientia est religioso necessaria.	346
Obedientia perfecta terminis Professionis non arctatur.	349
Obedientia perfecta exigit simplicitatem in subdito.	341
Obedientiam quidnam faciat magnam?	525
Oculorum curiositas corripitur à S. Sabba.	339
Officialis Religiosus specialiter tria attendat.	521
Oratio Religiosis amanda.	357
Oratio purâ conscientia persolvenda est.	365
Oratio negligenter persoluta non effugiet tremendum judicium.	364
	Ora

INDEX.

Orationes, præsertim horæ canonicæ non sunt pigre in lecto persolvendæ.	371
Orationis fructus.	360
ante Orationem præparandus est animus.	358
ad Orationem requiritur Reverentia.	369
Orationes dissolutorum Religiosorum sunt verba blasphemix.	368

P.

Patientia est necessaria.	217
Patientia præclaros germinat fructus.	219
S. Paulus cur ita restiterit Petro?	259
Paupertatis custodiendæ obligatio.	298
Paupertatis speculum & exemplar est ipse Christus.	299
Paupertas est summa felicitas.	301
de Paupertatis violatione horribilis historia.	336
Peccatum mortale est summum malum.	80
habetur summo odio à Deo.	82
reddit hominem miserrimum.	81
Peccati mortalis malitiam dies Domini declarabit.	87
Peccatum veniale parat accessum Diabolo.	105
disponit ad mortale.	ibidem
magnoperè displicet Deo.	106
Perfectionem Deus etiam nostrâ ætate libenter com- municat.	285
Perfectus sibimetipsi vilescit.	465
Perseverantiam à nobis desiderat Deus.	475
Perseverantiæ soli invidet Diabolus.	478
Perseverantia sola coronatur.	478
Pœnitentiam agere pertinet propriè ad Monachos.	207

I N D E X.

Pœnitentiam agere est plangenda non amplius com- mittere.	211
Pœnitentiam agere est pœnitentiæ operibus insuda- re.	212
Pœnitentium exempla.	214
Pralati convivii & lautis mensis multipliciter pec- cant.	237
Purgatorii pœnæ sunt gravissimæ.	118
superant omnem intellectum humanum.	120
sine purgatorio paucæ animæ cœlum ingrediu- tur.	123
Purgatorii pœnas incurrunt superiores nimis faciles in concedendis relaxationibus.	124
Puillanimitas abjicienda.	259

R.

Reccaredus Rex unico verbo magnum fabro ferrario incussit terrorem.	96
Regula communis monasterii in quo consistat.	281
Regula ordinis magni æstimanda est.	136
Religiosus debet suam vocationem magni æstima- re.	71
debet omnia scandala tollere.	256
debet esse speculum bonorum operum.	260
debet semper orare.	256
debet in se exprimere signa boni Novitii.	277
debet gaudere in Divinis.	363
tenetur tendere ad perfectionem,	75
et quidem ad perfectionem Evangelicam.	453

INDEX.

habet majorem obligationem quàm Eremita.	73
	& 451
Religiosus quandonam satisfaciatur suæ obligationi?	&
quando non?	460
non habens animum tendendi ad perfectionem damna-	
tur.	457
alii damnantur propter neglectum regularis observan-	
tia.	475
Resignatio in voluntatem Divinam est propria aman-	
ti.	437
Respectus humanus uti summè noxius non est admit-	
tendus.	278
Respectus humanum vincere, quantum Deo pla-	
ceat?	281

S.

Sæcularium familiaritas nocet disciplinæ monasti-	
cæ.	250
Sæcularium mores non imitetur monachus.	251
Sæcularium negotiis se non immisceat Religio-	
sus.	249
Scandalum dans Religiosus quidnam mereatur?	264
Scandalum danti metuendum est væ æternum.	256
Scandalum dans judicabitur quoque propter aliena pec-	
cata.	265
Scrupulorum pessimus quis?	367
Silentium rigidè custoditum à Sanctis.	152. & 156
Simplicitas vera in quo consistat.	330
Simplicitas non quærit excusationes.	335
N n 2	Sim-

I N D E X.

Simplicitatem in omnibus amabant nostri majores.	334
Simplicitas est necessaria ad observantiam votorum.	334 338. & 340
ex simplicitate commendantur Jacob & Job.	330
item Apostoli.	333
Solitudo annua commendatur.	1. & 18
Solitudo annua est Religioso necessaria.	19
Solitudo annua est respicienda veluti ultima præparatio ad mortem.	3
Solitudo annua etiam à Beatissima Virgine suadetur.	2
ante Solitudinem annuam quidnam resolvendum.	15
Superior tria debet suis subditis.	523
Superior debet habere triplicem memoriam.	ibid.
Superior in exteriori œconomia debet ad quatuor attendere.	522
Surdi difficulter curantur.	174

T.

Talentum quid sit.	288
Talenta sunt fructuosè impendenda.	290
Tempus quàm pretiosum sit.	242
Tempus solum quoad nunc est præsens.	243
Tempore uti debemus.	244
Tentationis tempore quomodo sit ad Deum clamandum.	311
Tentationibus quomodo resistendum.	339
Tepiditas est perniciofa.	131
Tepiditas est similis aranæ.	133
Tepidi & dissoluti Fratres sunt declinandi.	198
Tri-	

I N D E X.

Tribulationes seu cruces sunt varia.	544
Tribulationibus pluribus probantur homines Deum diligentes.	548
Tribulationis tempore quomodo homo se gerere debeat?	547

U.

Verba otiosa ac vana sunt periculosa.	160
omnia Verba nostra aliquando appendentur in statera judicii.	151
Verbum Dei non est negligenter audiendum.	182
Virtutes quomodo exercendae sint?	510
Voluntas Dei undenam in omnibus cognosci valeat?	494
Voluntas propria est instar pestis fugienda.	168

Z.

Zelus quid sit?	378
Zelus quomodo exerceatur?	380
ad Zelum exercendum motiva.	378
Zelus requirit discretionem.	382. & 526

F I N I S.

144
145
146
147

148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200


201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300


301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400

ERRATA.

PAg. 1. lin. 11. Guilielmus. legatur Guilielmos. p. 2. lin. 6. Petrem Plennequin. l. Petrum Plennequin. It. p. 2. lin. 9. colloquium. l. eloquium. Iterum pag. 2. lin. 15. sum tibi. l. sum tui. p. 6. lin. 13. hoc. l. hæc. p. 8. lin. 9. venit. l. veniet. p. 23. lin. 7. post ergo. adde est. p. 34. lin. 9. minam. l. mmam. p. 40. l. 28. intellectu. l. intellectui. p. 45. lin. 8. Sermonem. l. Sermonem. p. 49. lin. 3. conata. l. conatæ. It. p. 49. lin. 4. sape. l. sape. p. 58. lin. 19. Elimaco. l. Climaco. p. 65. lin. 17. post rem. deleatur ad. p. 67. lin. 15. ait Jacob & Paulus. sic emendetur. ait Job & Paulus. p. 72. lin. 22. illis antepone erant. p. 78. lin. 15. amare, & quod amavit opere exercere &c. ita emendetur. amare, quod amavit, & opere exercere, &c. p. 88. lin. 3. commilitionem. l. commilitonem. it. p. 88. lin. 13. ante eo. pone in. p. 92. lin. 3. ignomiam. l. ignominiam. p. 93. lin. 25. adducit. l. adducet. p. 96. l. 1. confussionem. l. confusionem. p. 99. lin. 15. reverentius. l. reverentiæ. p. 100. lin. 11. præferre. l. præferre. p. 105. lin. 22. distinguere. l. distinguere. p. 106. in Margine Casaria. l. Casarius. p. 117. lin. 6. confiderate. l. confiderare. p. 118. lin. 19. nescerit. l. nosceret. p. 119. l. 10. Antonius. l. Antoninus. p. 124. lin. 13. furor. l. fruor. p. 126. lin. 11. perfectiones. l. imperfectiones. p. 127. lin. 4. & l. ut. pag. 136. lin. 21. incedere. l. ingredere. p. 139. lin. 13. ut ultra, & ultra. p. 145. lin. 5. & verberibus denique cœsi: ita emendetur: ut verberibus denique cæsæ. p. 174. lin. 14. offeretur. l. offerretur. p. 186. lin. 7. hæresium. l. hæresum. p. 182. lin. 1. post domum adde suam. pag. 188. lin. 24. post variarum: addatur cogitationum. p. 211. lin. 12. post iniquitatem addatur meam. p. 212. lin. 4. sic. litteris minusculis ponantur ipsa: *nos in imis inferni pœnis suppliciiisque pressisset.* it. p. 212. lin. 16. Lanicius. l. Lancicius. p. 221. lin. 6. transvectandum. l. transfretandum. p. 232. l. 3. Albertus. l. Aibertus. p. 237. lin. 21. præcipi. l. præripi. p. 239. l. 1. cæterasque. l. cæterosque. p. 243. lin. 14. Apocalypcius. l. Apocalypticus. p. 244. lin. 19. lasciviendo. antepone quam. p. 254. lin. 2. satietur. l. salietur. p. 269. lin. 2. erit. antepone seu præmitte quis. p. 289. lin. 5. mercatur. l. mereator. pag. 290. lin. 24. accutior. l. acutior. p. 298. lin. 16. exactis emenda, exactis. p. 299. lin. 15. multis præmitte in. p. 304. lin. 28. hujusque. l. hucusque. p. 170. lin. 22. adversabor. l. averfabor. p. 208. lin. 26. tentationem. l. tentationum. p. 324. lin. 14. exprobanda. l. exprobranda.

p. 325. spondistis. l. spondistis. p. 329. lin. 12. superstio-
sum. l. superstiosum. p. 332. lin. 21. ponantur minusculis li-
teris: *quam prudentia*. p. 342. lin. 26. sapientis. l. sapientes p.
346. lin. 1. modicà. l. modicè. p. 357. lin. 23. Gerson. l. Gerle.
p. 363. lin. 26. observationibus. l. obsecrationibus. p. 364. lin.
1. observationibus. l. obsecrationibus. p. 369. lin. 28. debitum.
l. divitum. p. 273. lin. ultima quondam. l. quodam. p. 377. ad
lin. 10. pone in Marg. Psal. 146. p. 383. lin. 23. tuas. l. tuos.
p. 389. lin. 1. post desiderat & comma, iterum repetatur desi-
derat. p. 391. lin. 19. affectus divinis. l. effectus Divini.
p. 408. lin. 6. infinitum præmitte in. p. 415. lin. 7. injuria.
l. incuria. p. 419. lin. 22. calefacti. præmitte estis. p. 430.
lin. ult. maximum. emendetur Maximum. p. 450. lin. 14.
perfectione l. imperfectione. p. 451. lin. 25. anima. l. animæ.
p. 453. lin. 25. curamus. l. curramus. p. 460. lin. 3. post ex-
plicitè. addatur neque implicitè. p. 499. lin. 13. artibus.
l. actibus. p. 504. lin. 24. persecutionem. l. prosecutionem.
p. 505. lin. 3. Dominium. l. Dominum. p. 506. lin. 21. eva-
dant. l. evadunt. p. 511. lin. 17. occurrerent. l. occurrerint.
p. 440. lin. 10. gusto. l. gusta. p. 442. lin. 1. toto l. tota.
p. 444. lin. 13. verum. l. rerum. p. 446. in Margine Lancicus.
l. Lancicius. p. 524. lin. 28. proferendas l. proferendos.
p. 526. lin. 25. pone sic modo in his, modo in illis. p. 538. be-
neplacito. leg. beneplaciti. p. 539. lin. 18. post preces addito
commate, ante exercitium promitte ad. p. 544. lin. 15. exi-
stimentur. l. existimantur. It. Multa ponuntur in contextu,
quæ fuissent ponenda ab initio. Sic ab initio ponenda sunt.
p. 24. lin. 15. causa secunda. p. 34. lin. 20. Tertia causa.
p. 428. lin. 7. Primum. p. 431. lin. 15. alterum. p. 369.
lin. 1. rursus alterum. p. 305. lin. 14. Primum. p. 315. lin.
15. Secundum. p. 278. lin. penult. primum. & alibi cre-
brius. It. plurimi irrepererunt Errores quoad accentus. uti
p. 40. lin. 5. & 21. cum, ubi debet esse cum. p. 41. lin. 9.
patentius. ubi sic ponendum est patentius. p. 275. lin. 22.
& ibi sapius super qua pone accentum sic. quâ. pag. 340.
lin. 14. 15. & ibi frequentius super modo semper ponatur ac-
centus sic: modo. p. 383. lin. 20. super minus & caute: pon-
atur accentus sic minus, cautè. p. 513. super adverbium loco ibi
sapius positum semper ponatur, accentus sic: loco. p. 149. 25.
generose. p. 539. ordinarie & in multis aliis locis familia ad-
verbia semper ponantur cum accentu gravi. Nec minus quan-
doque Errores irrepererent quod interpunctiones; quemadmo-
dum statim p. 3. lin. 19. quid fiet. Ubi loco puncti ponen-
dum est punctum interrogationis sic: quid fiet.





For
Ascet. Lat.
No. 12.